

61
36

John



J.V. n.º 18

13-20, 2, 40

DE
CARDINALIS
DIGNITATE.
ET OFFICIO.

Hieronymi Plati à Societate Iesu:

AD ILLVSTRISS. ET REVER. DOMINVM
D. FLAMINIVM PLATVM
S. R. E. CARDINALEM.



SVPERIORVM PERMISSV.

ROMAE, Apud Gulielmum Facciottum. M. DC. II.

MICHAEL ANGELVS
 CALCAROLVS
 Illust.^{mi} ac Reu.^{mi}
 CARDINALIS PLATI
 SECRETARIVS
 Ad Lectorem.



LIBELLVS hic de bono perfectoque
 Cardinali, decem iam annis post mor-
 tem Authoris elapsis, ecce proles post-
 huma prodit in lucem; non sine pijs
 lachrymis excipiendus à multis, qui
 suauissimos olim viuentis mores ama-
 uerant. Is est Hieronymus Platus à
 Societate Iesu; cuius ingenij, pietatis-
 que monumentum habemus tres li-
 bros de bono status religiosi, omni eru-

ditionis varietate refertos: quos ipsemet, obsecutus amicorum
 voluntati, paucis antequam decederet annis, ediderat. Hunc
 vero librum de Cardinalis dignitate, & officio, raptim duobus
 circiter mensibus exarauit subita oborta occasione, quam ipse in
 sua narrat prafatione: quo etiam tempore grauib. societatis ne-
 gocijs premebatur. Nihil enim minus cogitauit initio, cum
 se rogatu fratris ad scribendum contulit, quàm vt librum hoc de
 argumento conficeret. Sed epistolam ad Fratrem, quod idem
 postea confirmauit, paulo longiorem, instituit. Verum, dum
 aliud ex alio inter scribendum (vt viris ingenio, doctrinaque
 prastantibus usu venire solet) occurrit; epistola in iustum vo-
 lumen excreuit. Quicquid vero illud esset ad fratrem proprie
 missum, ad quem vel ob sanguinis cognationem familiariter, vel
 ob prudentiam breuiter scribendum esse censuerat; in vulgus

¶ a certe

certe exiturum non putauit. His igitur de causis ipse Cardinalis Platus nullis adhuc amicorum precibus adduci potuit, ut librum hunc proferret in lucem. Neq; enim ansam ullam dandam esse cuiquam reprehensionis existimabat carpendi videlicet fratris sui vigilias, quasi minus politas prapropera festinatione lucubrationes. Meminerat sane opus hoc neque recognitum fuisse, neque potuisse subtilius à fratre limari. Qui postquam ipse ad Cardinalatus dignitatem peruenit, quinque tantum menses vixit, è quibus etiam vno integro, letali morbo afflicta-
tus decessit è vita. Meminerat hac eadem ab illo secum breuiter fuisse coram disputata: qui cum, remotis arbitris, quasi secum loqui soleret, neque iniuria, quippe natu maior ea cum fratre liberius agere non dubitabat de quibus pro sua in augustissimum Cardinalium ordinem obseruantia, ne verbum quidem facere ausus esset. Valuit tandem apud Illustrissimum Cardinalem oratio mea. Valuit multorum, grauissimorumque viro-
rum autoritas: quibus repugnare diutius fas esse non duxit: ne saluberrimis preceptis qualicumque dicendi genere, atque ordine traditis ceteri fraudarentur, si qui forte se putarent ex huiusce libri lectione fructum aliquem posse percipere. Illud autem eundem Cardinalem maxime permouit, atque impulsit, ut Roma liber hic typis mandaretur; quòd cum nonnulla iam descripta ipso inscio, atque inuito, in aliorum manibus versarentur; ea veritus est, ne librariorum (ut fere fit) mendis inquinata, aliquando ab alijs diuulgarentur. Fruere igitur Lector hoc religiosissimi viri labore: ac dum ea recoles, quæ in eo pie sapienterque traduntur, eximiam simul Scriptoris virtutem, ac pietatem agnosce. Ut intelligas hæc fratris ad fratrem exarata præcepta, non magis ex disciplinarum reconditarum, quam ex religiosa, pietatis, ac fraternæ charitatis fontibus emanasse. Vale.



INDEX CAPITVM

QVAE IN HOC OPERE

CONTINETVR.



DE Ecclesia Sancta praestantia, &
quam Deo carafis. Cap. i. fol. 3
De origine Cardinalatus. cap. ij.
fol. 11.

De excellentia, et dignitate Cardinalatus. cap. iij.
fol. 20.

De primo officio Cardinalium ratione ordinis.
cap. iij. fol. 28.

De secundo officio Cardinalium nempe eligendi
Summi Pontificis. cap. v. fol. 33.

De tertio officio Cardinalium quod est assistere
Summo Pontifici. cap. vi. fol. 39.

Cardinales ex vi status obligatos esse ad perfe-
ctionem. cap. vii. fol. 42.

In quibus consistat hac perfectio quae requiritur
in Cardinali. cap. viij. fol. 52.

De particularibus virtutibus quas debet habere
Cardinalis, & primum de prudentia. cap. ix.
fol. 57.

I N D E X

Quomodo acquiri vel augeri possit in Cardinali
prudentia . cap. x. fol. 61

Quomodo Cardinalis iustitiam colere debeat. cap.
xi. fol. 65

De fortitudine qua debet esse in Cardinali. cap.
xij. fol. 70.

De studio temperantia quod esse debet in Cardi-
nali. cap. xij. fol. 77

De castitate quam seruare debent Cardinales .
cap. xiv. fol. 85.

Quomodo Cardinales vii debeant diuitijs . cap.
xv. fol. 92.

Qua vitare debeant Cardinales in vsu diuitia-
rum . cap. xvi. fol. 100

Quomodo Cardinalis vii debeat honoribus. cap.
xvii. fol. 108.

Qualis amor Dei esse debeat in Cardinali. cap.
xviii. fol. 109

De rectitudine intentionis quam habere debet
Cardinalis . cap. xix. fol. 122

De studio orationis quod in Cardinali esse debet
cap. xx. fol. 130.

Quae Cardinali conueniant ad animi puritatem
seruandam . cap. xxi. fol. 137

Quomodo Cardinalis ordinatus esse debeat erga
proximos. cap. xxij. fol. 142

Quid

I N D E X

Quid Cardinalis seruare debeat erga suam familiam . cap. xxiiij. fol. 148

Quid Cardinali seruandum sit erga suos propinquos . cap. xxv. fol. 155

Quomodo Cardinalis nimium affectum in propinquos temperare possit . cap. xxv. fol. 161

Quid Cardinalis seruare debeat erga alios Cardinales . cap. xxvi. fol. 167

Quomodo Cardinalis debeat se gerere erga Summum Pontificem . cap. xxvij. fol. 170

De sententia in Consistorio dicenda . cap. xxviij. fol. 175.

Quod necessarium sit Cardinali ut ex animo extirpet desiderium Pontificatus . cap. xxix. fol. 185

Quomodo Cardinales extirpare possint hoc desiderium . cap. xxx. fol. 192

Quid spectare debeat Cardinalis in eligendo Summo Pontifice , cap. xxxi. fol. 209

Quid à Cardinali seruandum sit in Legationibus vel in Gubernationibus sibi commissis : cap. xxxij. fol. 219

De protectionibus , quæ Cardinalibus interdum committuntur . cap. xxxiiij. fol. 228

De premio quod debetur bonis Cardinalibus , & de pana, quæ malis . cap. xxxv. fol. 236

I N D E X

2. *De iurisdictione* 1
De iurisdictione 2
De iurisdictione 3
De iurisdictione 4
De iurisdictione 5
De iurisdictione 6
De iurisdictione 7
De iurisdictione 8
De iurisdictione 9
De iurisdictione 10
De iurisdictione 11
De iurisdictione 12
De iurisdictione 13
De iurisdictione 14
De iurisdictione 15
De iurisdictione 16
De iurisdictione 17
De iurisdictione 18
De iurisdictione 19
De iurisdictione 20
De iurisdictione 21
De iurisdictione 22
De iurisdictione 23
De iurisdictione 24
De iurisdictione 25
De iurisdictione 26
De iurisdictione 27
De iurisdictione 28
De iurisdictione 29
De iurisdictione 30
De iurisdictione 31
De iurisdictione 32
De iurisdictione 33
De iurisdictione 34
De iurisdictione 35
De iurisdictione 36
De iurisdictione 37
De iurisdictione 38
De iurisdictione 39
De iurisdictione 40
De iurisdictione 41
De iurisdictione 42
De iurisdictione 43
De iurisdictione 44
De iurisdictione 45
De iurisdictione 46
De iurisdictione 47
De iurisdictione 48
De iurisdictione 49
De iurisdictione 50

DE CARDINALIS
DIGNITATE. ET
OFFICIO.

Hieronimi Plati è Societate Iesu.

AD FLAMINIVM PLATVM
CARDINALEM FRATREM.

Præfatio.



VM proximis mensibus (Frater Illustrissime) ita contigisset, vt te repente, & certè præter omnem vtriusq; nostrum opinionem, Cardinalem viderem, & si meus in te fraternus amor multa mihi proponebat, quæ curam, & sollicitudinè afferrent, tamen vt me collegi, plura et occurrerunt plena solatij vt dignitatem hanc nec tibi obscurâ, & alijs multis, ipsiq; vniuersæ Ecclesiæ profuturam esse sperarem. Hæc autem omnia quæ dixi solatia ex vno illo fonte fluebant, & ad hoc vnum caput pertinebant, quod hoc quicquid in te, & de te gestum erat, non fortuito, non etiam humana opera, aut studio, sed omnino Dei consilio, ac voluntate gestum considerem. Primum enim memoria tenebam, quæ ratione ante aliquot annos Mediolano ad hanc urbem, & ad hæc negotia traductus esses, nempe inuitissimus, arque
aliorum

DE CARDINALIS

aliorum quidem auctoritate victus, ac nescio qua Dei providentia coactus, cum antea nihil minus quàm Romam cogitasses, tuæque vitæ rationes aliâ longè instituisses. Deinde etiam recordabar, toto hoc tempore, quo Romæ fueras, qui fuissent animi tui sensus, quos mihi tu semper pro tua in me benevolentia, atque humanitate notissimos esse voluisti, quamq; ex animo semper ab omni ambitione, & cupiditate abfuisses. Postremo, quod caput est, non solum cognoram, sed videram ego ipse, quàm sincere, & castè, ac legitimè hæc tibi dignitas venisset, non Principum gratia, & commendatione, non tuis in vllum obsequijs, non denique hominum artificio, cum non modo minimum factum, sed nè nutus quidem vllus à te interpositus esset. In quo èt vt verè dicam non mediocriter me Gregorij XIII. Pont. Max. qui te elegerat virtus, ac pietas confirmavit, quem sciebam quemadmodum in alijs sic in te quoque eligendo nihil aliud voluisse, nihil spectasse, quam vnius Dei honorem, ac gloriam, nec erat dubitandum quin talis animus, taliq; religione, ac zelo incensus, Dei lumine dirigetur, in ea præsertim Sede, in qua propter loci dignitatem, etiam nescientes prophetant. Quamobrem cum propter has, & alias etiam causas nihil ambigere possem, quin planè per ostium ingressus esses, non autem aliundè irrepfisses, illud etiam sequebatur, vt idem Deus, qui onus imposuerat, grande illud quidem, ac formidabile, vires quoque, & robur ad perferendum, & fructuosè perferendum adderet. Sic enim fieri solet, idque proprium est diuinæ providentiæ, vt quemadmodum naturalibus rebus, cum earum cuique suum finem, atque opus præscripserit, singulis etiam necessaria, adiumenta ad finem illum consequendum, opusque exequendum impertiat, simillimè in ijs quæ sunt supra naturam, còque magis, quò hæc maiora, & altiora sunt, quos ad statum aliquem, ac munus deligit, ijsdem etiam gratiam, & opem suppeditet illi statui congruentem. Atque huius quidem spei illud ego quasi experimentum cepi,

quòd

quòd statim atque ad istam dignitatem euectus es, iacta in te vidi optimi Cardinalis fundamenta. Non enim inani quadam lætitia exultasti, non inepto inflatus tumore in magnis, & mirabilibus super te ambulare cœpisti, sed potius ex tanti oneris magnitudine trepidare te sensi, quin etiam totum animum, ac vires tuas eò applicare aggressus es, vt officio tanto, tamquē arduo quàm eumulatissimè satisfaceres. Accessit deinde illud etiam inditium huius tuæ voluntatis, quod me rogasti, & planè voluisti, vt quæ mihi occurrerent ad perfectum Cardinalem informandū, ea scriptis exponerem. Quod ego scribendi munus, & scribendi de tanta re, sine dubio recusassem, vt mihi longè impar, & difficillimum, nisi tibi vel iubenti, vel ēt cupienti, & innuenti aliquid negare nefas putassem. Verum cum in te duas iam quodammodo personas intuear, alteram fratris, alteram Cardinalis, illi quidem charitatem, huic obseruantiam singularem deberi video, vtrumquē autem tum per se, tum multò magis coniunctum ita valere debet, vt laborem omnem etiam leuem efficiat. Cum enim meus in te amor is sit, qui esse debet, non solum in fratrem, sed etiam in talem fratrem, quid ego tibi melius, aut vtilius optare possim, quàm omnem copiam bonorum spiritalium, quæ vera bona sunt, quæque tum in hac vita te orrent, Deoque gratum reddant, tum deinde ad alteram illam æternam, immortalemque perducant? Hæc igitur me charitas stimulat, vt ego quoque idem dicam quod Beatus Hieronymus Paulino. Nihil in te mediocre esse Epi. 13. contentus sum: totum summum, & perfectum desidero: nec solum desidero, sed etiam spero, quoniam ea in te semina, & initia tum naturæ, tum gratiæ sensi, & cognoui, quibus exultis eximium quendam perfectionis gradum expectari oporteat. Ego vero dum hæc scribo, profiteor me tibi vni scribere, quoniam tu mihi vnus satis magnum theatrum, satis etiam magnus es fructus harum quæcumque sunt lucubrationum. Itaque si quis erit fortè, qui in
hunc

hunc nostrum laborem incidat, non habebit, meo quidem iudicio, quod meam accuset audaciam, qui amplissimo ordini, & ei ordini, qui aliorum omnium magister esse debeat, & soleat, ego minimus & postremus præcipere velle videar. Quod & si ita accideret, tamen tua me, opinor, voluntas, & auctoritas faciliè tueretur, quoniam si hoc crimen est, certè imperium tuum sine maiori crimine detrectare non poteram. Quamquam illud quoque addo, non tam me hoc libello mea senſa expoſuiſſe, quàm etiam tua. Cum enim sæpè de his rebus inter nos colloquuti ſimus, teque sæpè de his officijs, & de tuis deſiderijs differentem audiuerim, meus hic labor fuit, vt noſtros communes ſermones ſcriptis mandarem, vt tu cum vacat, non mea cognoscere tantum poſſes, ſed tua quoque recognoscere. Postremo ſi mihi id propoſitum fuiſſet, vt ea commemorarem, quæ huius ætatis Cardinales in hoc ſuo munere vel omittunt faciendâ, vel non faciendâ committunt, non immeritò reprehenderer, quod os meum in cœlum ponere, meæque tenuitatis terminos transgredi auſus eſſem. Verum ego quidem hoc mihi tantum ſumpſi, in eoq; ſemper me tenui, vt qualis eſſe debeas Cardinalis, pro mea facultate proſequerer. Iuuat autè ita credere qui nunc ſint omnes eſſe quales debeant. Itaq; ad te (Illuſtriſs. Frater) quem Cardinalem omni laude cumulatum eſſe cupio, vt ea clauſula, qua Gregorius, tum alijs virtutibus, tum præcipuè humilitate inſignit: ad Ricardū Regem vtitur, poſt multas præceptiones, quas ei ſcripſerat. Hæc inquit, vos auctore Deo omnia ſeruare non ambigo. Sed occaſione admonitionis exorta bonis actibus veſtris me furtiuè ſubiungo, vt cum non admoniti facitis, quando vobis admonens additur, iam non ſoli faciatis. Omnipotens autem Deus in cunctis actibus veſtris cœleſtis brachij extensione vos protegat, vobiſq; præſentis vitæ proſpera, & poſt multa annorum curricula, gaudia concedat æterna.

Lib. 4.
epiſt. 124.

*De Ecclesiæ Sanctæ præstantia, &
quam Deo cara sit.*

Cap. I.



QUANTO VANQVAM infinita Dei bonitas, & sapientia ita hominum salutem gubernare potuisset, vt quisque per se separatim ad æternam felicitatem niteretur, nullo respectu, nullaq; colligatione cæterorum; tamen hoc ei melius, & ad multa aptius visum est, vt fideles omnes mutuo nexu deuincirentur, atque ex omnibus vnâ quasi Respublica, aut Ciuitas, vel potius vnum corpus sub vno capite coalesceret.

Primum enim hoc ipsi humanæ naturæ magnopere congruebat, quæ & ab vno propagata est, & tantum habet propensionis ad hanc societatem, vt nihil ferè magis expectat, quàm sermonis, & vitæ communionem, nihil magis oderit, & refugiat, quàm solitudinem. Deinde vero exigebat id etiam communis vsus, & vtilitas, quoniam cum habere non possit vnus omnia, imò vero necesse sit omnibus multa deesse, ita rem institui oportuit, vt ex aliorum coniunctione quod vni deesset, ab alijs suppleretur. Quare cum in eo tantum momenti consisteret, vt quicumque essent veri Dei cultores, ij non solum cum ipso Deo, sed etiam inter se essent quàm coniunctissimi, hoc diligenter Diuina illa Maiestas prouidit, & egit, vt hanc eorum coniunctionem, & admirabili artificio conciliaret, & conciliatam deinde arctius adstringeret, non solum eiusdem fidei, & caritatis, quæ interiora sunt, sed multis etiam externis vinculis, vt sunt sacramenta, ritus, ceremoniæ, cæteraq; huius generis, quæ sub aspectu n cadunt. Hæc igitur animorum quam diximus multitudo collecta, hæc vniuersitas, & cœtus ita compactus, & coagmentatus, Eccle-

Ep. 170. *sia est nimirum vt ait S. Augustinus, fidelis populus per vniuersum Orbem dispersus, locis quidem dispersus, sed illis, quæ dixi tum internis, tum externis vinculis in vnâ familiam, vnumq; ouile congregatus. Quod cum ita sit, ex hoc etiam duo consequi necesse est, primum quantam esse cporteat huius de qua loquimur, Ecclesiæ dignitatē, pulchritudinem, & præstantiam, deinde quam oporteat eam Deo domino eius auctori, ac moderatori caram, & iucundam esse. Et quidem ad hoc vtrunque illud sufficere potest, quòd sit opus Dei. Nam nec ab illo tanto, tamq; sapienti artifice extare aliquid potest, quod non pulcherrimum sit, & absolutissimum, cuius perfecta sunt opera; nec dubitari deber, quin vt omnes præclari artifices cum egregium aliquod opus magno studio, & cura elaborarint, eo deinde gaudent, sic Deus hoc tali præsertim sapientiæ suæ partu magnoperè, & certe plusquam à nobis credi, aut capi possit, delectetur. Quare sic omnino statuendum est, nihil vel ad pulchritudinem elegantius, vel ad sanctitatē diuini, vel ad præstantiā sublimius cogitari posse, quam hanc omnium fidelium parentem, procreatricem, ac nutricem Ecclesiam, extra quam nihil bonum, nihil sincerum, nihil animæ fructuosum esse potest. Quas etiam ob causas nihil est dubitandum, quin summa illa Maiestas, cum à se ipsa discefferit, & ab illa, quem in se continet bonorum, omnium cumulo, nihil aliud habeat, in quo conqueiscat, & quo oblectetur, prætet Ecclesiam. Hic eius amor, hæc delitiæ, hæc eius vinea vt ait Esaias, vel, vt est in canticis, hortus propter florum amœnitatem, & fructuum vbertatem, immo verò vt eam sacræ litteræ appellant, domus est Dei, & Dei ciuitas, de qua dicta sunt gloriosa, & Regnum Christi, cuius non erit finis. Optimum verè, ac foelicissimum regnum, atque opulentissimum bonis omnibus spiritualibus, idemque legibus, & institutis sanctissimis temperatum, quoniam lex Domini immaculata, conuertens animas à vitio ad virtutem, à terrenis ad cœlestia; Quid autem*

Esaiæ 5.

Cantic. 2.

6. Timot. 3.

Psal. 86.

Lucæ 1.

Psal. 118.

tem

tem dicamus de huius regni ordine, & pace, ac concordia, quid etiam de firmitate, in quam, ne inferi quidem portę præualere possunt? Verè enim Hilarius de hac ipsa sic loquitur, Dum oppugnatur floret, dum opprimitur crescit, dum contemnitur proficit, dum læditur vincit, dum arguitur intelligit, tunc stat cum superari videtur. Accedit etiam ad huius regni nobilitatem, tum regis ipsius nobilitas, qui est Dei filius, & ipse Deus, tum ciuium quoque de quorum dignitate quid maius dici potest, quàm quòd ipsi quoque reges sunt? sic enim Petrus. Vos genus electum, regale Sacerdorium, gens sancta; populus acquisitionis. Nil mirum igitur si hoc suo regno ita gaudeat Deus, vt in eo perpetuam sibi sedem fixerit, nec ab eo recedat vnquam. Quam ob causam Dei quoque tabernaculum vocatur, vt in quo ille habitet, & nos vnà cum illo habitemus. Quocirca Augustinus quod in psalmis dictum est, Proteges eos in tabernaculo tuo, non dubitat accommodare ad Ecclesiam. Quid est, inquit, tabernaculum, nisi Ecclesia huius temporis, quæ ideo tabernaculum dicitur, quia adhuc in terra peregrinatur, tabernaculum enim habitaculum est militum in expeditione positorum. Sed hoc tabernaculum quoniam Dei præsentia consecratur, ideo templum quoque est; nec ob aliam causam tanta opera, tantaq; impenſa templum illud Salomonis adeo insigne condi voluit, cuiusq; condendi Deus ipse modum, formamq; descripsit, nisi ad hoc Ecclesiæ templum exprimendum tanto nobilius, & excellentius, quanto, anima corpori, corpus vmbre antecellit. Itaq; Augustinus idem in alio psalmo verba illa interpretans, Adducentur in templum Regis. Templum, inquit, Regis est ipsa Ecclesia. Vnde constituitur templum? de hõibus qui intrant templum Regis, lapides viui qui sunt nisi fideles? In vnitatem est templum Regis, nõ est ruinosum, nõ decisum, non diuisum: iunctura lapidum viuentium charitas est. Cum igitur diuinum est hoc templum, & à diuino artifice tanto artificio constructum, tum illud insu-

Marth. 16.
Lib. 2. de
Trin.

1. Pet. 2.

Psalm. 36.

Psalm. 44.

per habet, quod non est in vulgaribus templis, vt et Deus
 amatorem suum diligere, & redamare possit. Ex quo il-
 lud est quod hanc suam Ecclesiam, Deus ipse in canticis
 Cant. 1. non solum pulchram, & perfectam, & dilectam, sed ami-
 Cant. 2. cam, & sororem, postremo etiam sponsam suauissimo om-
 Cant. 4. nium nomine appellat, cuique subit amoris mutui signi-
 Cant. 3. ficatio. Hoc enim est magnum illud sacramentum, quod
 Ephes. 3. Paulus Apostolus commendat, & in ipso coniugio repræ-
 sentari ostendit, quoniam hic quoque duo sint in carne
 vna, & quidem ita vt amplius sciungi, distrahiq; non pos-
 sint. Quamobrem rectè Bernardus, Quid, inquit, sponsa,
 Serm. 69. nisi congregatio iustorum? quid ipsa nisi generatio quæ-
 cant. rentium faciem sponsi? Non enim ille intendit huic, &
 non ista illi. Propter hoc vtrumq; ponit, Et ego illi, & il-
 le mihi. Ille mihi quia misericors, & benignus est, ego
 illi quia non sum ingrata. Ille mihi gratiam ex gratia:
 ego illi gratias pro gratia. Ille meæ liberationi, ego illius
 honori. Ille saluti meæ, ego illius voluntati. Igitur cum
 per se nomen ipsum sponsæ magnum est, magnoq; estiman-
 dum, tum nescio an etiam maiora sint quæ in eam ex hoc
 nomine redundarunt. Quæ enim ornamenta, quæ moni-
 lia, quas gemmas aut vestes, quas denique, vt est in Can-
 Cant. 1. tico aureas murenulas argento vermiculatas donabit tam
 diues sponsus tam dilectæ sponsæ, aut potius quid non do-
 nabit, cum etiam humanum coniugium omnia communi-
 cet, diuitias, nobilitatem, splendorem, ipsam insuper fa-
 miliam, titulos, opes? Verum in hoc Ecclesiæ coniugio,
 illud etiam inest magnum, & admirabile, quod simul &
 castæ virginis integritatem retineat, nec tamen careat pro-
 lis fecunditate. Itaque quod in psalmo dicitur, Vxor tua
 Psal. 118. sicut vitis abundans, id quidem Augustinus, ad Christum
 dirigi existimat, cuius vxor sit Ecclesia, nos autem eius fi-
 lij: Idemque alio loco. Parit, inquit, Ecclesia filios con-
 iux Christi, in cuius figura Eva mater viuientium appella-
 ta est. Quem igitur amorem, quam credimus esse Christi
 charita-

charitatem in suā ſponsam, & talem ſponsam; & quæ cum
 tam multis, ac talibus, tamque op̄atis filiis augeat? De-
 clarat hoc Apoſtolus cum hoc Chriſti Eccleſiæq; ſuauiſſi- Eph. 2. 5.
 mi, caſtiſſimi; amoris plenum connubium coniugariſ om-
 nibus, quaſi amandi exemplar proponit. Viri, inquit, di-
 ligite vxores veſtras, ſicut & Chriſtus dilexit Eccleſiam.
 Sed tamen & ſi tantus eſt in coniugio tum nexus, tum etiā
 amor, eſt præterea alior quidam grāduſ, quo Chriſti cha-
 ritas omnium coniunctionum, & omnium amorum vim
 longiſſimè exſuperat, quoniam hæc iutorum multitudo,
 de qua loquimur, ita cum Chriſto conglutinata eſt, ut vnū
 quiddam nulla ex parte diuiſum, aut ſeparatum efficiant.
 Quæ cauſa eſt cur Apoſtolus, penitus in hæc miſteria in-
 greſſus, nos omnes corpus, illum autem caput, & verum
 caput, appellare non dubitet, qua quidem nulla eſſe po-
 teſt maior, arctiorq; coniunctio. Sic enim ad Ephēſios.
 Ipſum dedit caput ſuper omnē Eccleſiam, quæ eſt corpus Ephēſ. 1.
 eius. & alio loco, Vir caput eſt mulieris, ſicut Chriſtus eſt Ephēſ. 5.
 caput Eccleſiæ. Idemque ad Coloffenſes. Ipſe eſt caput Coloff. 1.
 corporis Eccleſiæ, itemque pro corpore eius quod eſt Ec-
 cleſia. De quo etiam Auguſtinus, vnus homo cum capi-
 te, & corpore ſuo Ieſus Chriſtus Saluator corporis, & mem- Pſal. 61.
 bra corporis, duo in carne vna, & in paſſione vna, & cum
 tranſierit iniquitas, in requie vna.

Cum igitur hoc ita conſtitutum, & confirmatum ſit,
 Eccleſiam ob tam multas, tanquē magnas cauſas adeo ca-
 ram eſſe Deo, & ab eo tot muneribus donisque profuſè or-
 natam, illud deinde neceſſario ſequitur, nihil Deo gra-
 tius ab hominibus fieri poſſe, quam ſi ipſi quoq; hanc eius
 ſponſam, & hoc eius corpus omni amore, omni ſtudio, om-
 niq; obſequio complectantur, & colant. Itaq; nec Deus
 ipſe ſolum ſe diligere vult, niſi illa etiam ſimul diligatur, &
 nos certe hoc illi debemus propter eximia beneficia, quæ
 in ea, & per eam à Deo accipimus. Sic enim intelligen-
 dum eſt, quicquid gratiæ, quicquid luminis, quicquid ſpi-
 ritualium

Pfal. 88.
conc. 2.

ritualium charismatum in nobis sit, id totum à Deo Ecclesie collatum, ab eius sinu in nos peruenire, vt illi secundum Deum, & ortum, & educationem nostram, & omnia spiritualis huius vitæ alimenta accepta referre debeamus. Quam ob causam rectè ab Augustino dictum est, Amemus Dominum Deum nostrum, amemus Ecclesiam eius: illum sicut patrem, istam sicut matrem: illum sicut dominum, hanc sicut ancillam eius, quia filij ancillæ ipsius sumus. Sed matrimonium magna charitate copulatur, nemo offendit vnum, & promeretur alterum.

Ex quibus alterum etiam sequitur, cum Deus quod necesse est, in tali quasi thesauro suo, tuendo, & custodiendo, omnem vigilantiam, curam, ac sollicitudinem ponat, si qui sint inter homines, quibuscum ille aliquam huius curæ, ac sollicitudinis partem cõmunicet, non posse eis quicquam vel ad gloriam illustrius, vel ad meritum vtilius contingere. Nam si honor quæritur, quis maior esse potest, quàm societatem habere cum Deo tanti, & tam præclari muneris? Si fides, quæ maior alicui haberi potest, quam in tali, & tam pretioso deposito? Atque etiam in hoc ipso quidam sunt quasi gradus. Primum enim singulorum qui in Ecclesia sunt, saluti studere, eique operam nauare, magnum est sine dubio, & habet hoc quoque magnam cum Deo similitudinem. Maius est tamen non hominum singulorum, sed Ciuitatum, aut Prouintiarum, quod faciunt Episcopi, & qui eo loco sunt. Sed maximum, & præstantissimum ipsius Ecclesie vniuersalis bonum curare, & in hoc bono, quod sine vlla dubitatione multò diuinius est ex officio versari. Hoc igitur officium primo quidem loco Summi Pontificis est, generalis omnium præsidis, & pastoris, proximè verò Cardinalium, qui ad hoc facti, ad hoc instituti sunt, vt in hac quasi arce Romana communibus totius Ecclesie per totum Orbem fusæ vtilitatibus seruiant. Itaque quoniam huius quidem corporis, de quo paulo ante diximus, Pontifex ipse pro Christo Domino capitis locū

in

in terris obtinet, iure ac merito Cardinales in hoc eodem corpore colli partes tenebunt, qui nimirum gradu, & dignitate proximi, hoc caput, studio, opera, consilio sustentant, & adiuuant, & ab ipso etiam influxum quandam sapientiae, & prouidentiae, nulla media re excipiunt, & in reliquos fideles transfundunt. Quamobrem ipsi quoque hanc Dei tam vberem vineam, hunc hortum conclusum, hanc familiam, hanc etiam sponsam, immo vero hoc ipsius Christi corpus, vti diximus, fouendum, & curandum sedulo susceperunt. Magna omnino dignitas, magnus honor, ac splendor, sed ita vt simul etiam magnam, ac multiplicem obligationem, & laborem, afferat, cui minus respondere, aut in eo segniores, remissioresque se praestare non solum turpe, sed etiam graue, ac periculosum est. Videtur enim in ipsos etiam Cardinales illa Pauli Apostoli cohortatio aprissimè cadere, Attendite vobis, & vniuer ad. 10. so gregi, in quo vos Spiritus sanctus posuit Episcopos regere Ecclesiam Dei, quam acquisiuit sanguine suo. Quod enim maius pretium dicere potuit, quàm sanguinis, & talis sanguinis, talique modo effusi? Quare hoc iam agendum, vt huius vtriusque rei magnitudo planius ostendatur primum quanta sit Cardinalium dignitas, deinde etiam quod officium, & obligatio.

De origine Cardinalatus. Cap. II.



N rebus omnibus quarum forma, ac natura inuestiganda sit, magnopere confert earum ortum, & initia inspicere. Nam & antiquitas multum affert nobilitatis, ac splendoris, vt videmus familias, quo vetustiores, eò illustriores esse: & certe hoc etiam iuuat ad quamq; rem melius pernoscentiā, si quid ab initio fuerit, & quomodo instituta sit intelligatur; Ferè enim ita euenit in plerisque vt quo longius, ab ortu recedunt, eò magis

gis inueterascant, & quasi senescendo, nitorem suū, vimq; amittant, Quare hoc idem faciendum in Cardinalatu, sic, enim tum eius dignitas, tum etiā officia facilius elucelcēt, si principium pateat & origo. In primis igitur illud constat, qui nunc Cardinales vocantur, eos olim Presbyteros, vel Diaconos vrbis Romæ appellari solitos: idque constat, tū ex alijs, tum ex Nicena Synodo, quæ habitata est Syluestro Pontifice, cui inter ceteros duo ita subscribunt, Victor, & Vincentius Presbyteri vrbis Romæ, pro venerabili viro Papa, & Episcopo nostro, Syluestro. Ex quo apparet eos Pontificis locum in eo concilio tenuisse, quod munus magnum est, & Cardinalium proprium. Quin etiam aliquanto post, in Synodo à Gregorio Romæ habitata anno Domini D. XCIII. triginta quinque Sacerdotes subscribunt omnes ex nomine Ecclesiarum suarum. Atque Augustinum etiam videmus in disputatione quadam aduersus Pelagianos, mentionem facere de Romanis clericis, qui sub Zosimo Pontifice Celestinum, & Pelagium condemnarāt, at hæreticos damnare, non est priuatorum clericorum, vt necesse sit eos fuisse Cardinales. Quare cum hoc ita sit, videndum nobis est, quod initium fuerit, quis progressus, Romani Cleri. Primum igitur hoc communi consensu receptum est, B. Petrum cum Romæ sedem posuisset, ex omnibus recentibus Christianis probatissimos quosdam elegisse, quos manuum impositione partim Presbyteros, partim Diaconos ordinauit, distributis vtrique ordini suis muneribus. Sed cum adhuc exiguus, & incertus esset Presbyterorum numerus, Clerus Pontifex à Sancto Petro tertius eos ad quinque, & viginti redegisse scribitur. Euaristus deinde qui Pontificatum cepit anno Domini XCVI. ne confusè administrarent, parroccias diuisit, vt suam quisq; dioecesim nosset, & in eam excolendam incumberet. Sed hætenus singuli Presbyteri in singulis parroccijs, quod satis erat, pro Christianorum paucitate. At Hyginus, qui annum circiter CXL. Romanam tenuit Sedem, aucto iam

Adelium numero, plures in vnaquaque parroecia Presbyteros aliosque Clericos instituit; quæ Ecclesiæ, siue parroeciæ, iam tum ab illo tempore tituli appellari cæpti sũt. Cur autem tituli dicerentur, causam assignat Baronius in suis Annalibus, vel quia quicquid ex prophano ad Ecclesiam adiungebatur, intitulari, vel in titulum transire dicebatur, quod etiam ex quadam Gregorij Epistola intelligi potest: vel quia Presbyteri quibus ex committebantur Ecclesiæ, singulis à suis Ecclesijs nomen ritulumque acciperent, vt iam non ex familiæ cognomine, sed ex sua quisque Ecclesia nuncuparetur. Hi vero tituli frequentius quidem ab eius sancti nomine, cui dicata esset Ecclesia, sumebantur, vt S. Cæcilie, aut S. Mariæ trans Tyberim: interdum tamen etiam ab ijs Pontificibus, qui eos titulos instituerant, vt Iulij, aut Damasi, interdum ab ijs qui templa ipsa edificarant, vt Lucine, Eudoxie, Tigridis, & similes. Quod si quis numerum etiam quærat horum, titulorum, iam ante dictum est ab Euaristo vigintiquinque institutos esse, quibus deinde alij Pontifices alios quosdã addidẽre, sic tamen vt semper viginti & octo permanferint, vsque ad annum circiter M. CCCC. LV. id est vsque ad Calixtum Tertium qui vnum addidit, alterum deinde Sixtus Quartus; Leo X. vndecim, tres Iulius III. vnum, Paulus Quartus, itemque Pius Quartus, tres postremo Pius V. vt omnino noui tituli adiecti sint vnus, & viginti. Hæc de Presbyteris, nunc de Diaconis pauca dicamus.

Certum est igitur iam tum ab initio ferè Romanæ Ecclesiæ septem Diaconos Apostolorum exemplo, qui ita Hierosolymis fecerant, institutos, & quidem aliquandiu nullo certo loco, verum quicumque occurrebat locus, in eo promiscuè sua obibant munera. Quare primus omnium Fabianus Pontifex annum circiter CC XL. Urbis regiones distribuit, suamque cuique assignauit; de quarum regionum partitione, expressa est mentio in ea oratione quam Gregorius habuit ad populum, pestilentie tempore,

re, quæ adhuc extat in eius vita. Ex his autem septem Diaconis vnus erat præcipuus à Pontifice electus, cum Cleri, populiq; consensu, qui Archidiaconus appellabatur, cuiusmodi fuit S. Laurentius Syxti minister, Cum vero tunc quatuordecim essent Urbis regiones, Diaconus quisque binas administrabat; postea tamen duplicatus est hic numerus, vt singuli singulas haberent, demum etiam adaucto Romanæ Ecclesiæ splendore, plures in vnaquaq; regione adiuncti Diaconi, sic tamen vt vnus emereret, aliosq; gubernaret. Erant autem in singulis regionibus loca certa assignata, quæ appellabantur Diaconia, nimirum Ecclesiæ Sanctorum nomine dicatæ, in quibus nulla animarum cura gerebatur, sed alia munera exercebantur Diaconorum propria, de quibus infra dicemus. Atque has quidem Diaconias multis seculis ita distinctas fuisse accepimus, à Præbyterorum titulis, vt neque titulus vllus Diacono, nec Diaconia Prebytero traderetur. Quæ deinde ratio quomodo confusa fuerit, omnisq; propemodum sublata distinctio, dicetur à nobis paulo inferius. Verum hæc quidem posteriora. Quare redeamus ad priora illa tempora, quibus, vt dictum est, quatuordecim tantum fuere Diaconi, pro numero regionum, quibus quoniam erant assignati, ideo Regionarij vocabantur. Postea vero quatuor additi, qui Pontifici assisterent, cique sacrificanti seruirent, quam ob causam dicti sunt Palatini. Quare decem iam & octo Diaconi esse cœperunt.

Restant nunc Episcopi Cardinales, qui ex urbibus Romanæ finitimis selecti, & hoc quasi priuilegio insigniti sunt, vt soli inter Episcopos Cardinalium nomen obtinerent, frequentius Summo Pontifici adessent, atq; eis quodammodo assisterent. Hi vero nunc quidem sex tantummodo: alias vero septem fuisse comperimus. Nam præter eos qui iam sunt Episcopatus, vnus etiam commemoratur Syluæ candidæ vsque ad Calistum II. circiter annū M C XX. quo tempore cum illa Ciuitas crebris Barbarorum incur-

sibus

sibus diffecta, & incolis exhausta, esset, adiuncta est eadē Ecclesia Portuensi, cuius tunc Episcopus erat Petrus Romanus. Atque ex eo sex tantum fuere Cardinales Episcopi, nisi quod aliquando peculiare causę aliquas Ecclesias coegerant adiungi, quibus causis cessantibus, reditum est ad hunc eundem numerum: ut non ita pridem Leone X. Pontifice cum Bernardino Caruaiali, & Gulielmo Brissonetę, vtrique Episcopo Cardinali, quos Iulius II. deposuerat, dignitatem restituisset, duas Episcopales Ecclesias adiunxit, Reatinam, & Tiburtinam: sed ea causa sublata, eodem Leone viuente, vtraque Ecclesia Cardinalis esse desijt. Idem autem aliās etiam vsu venisse legimus, ut cum sub Leone Nono Veliterna, sub Urbano II. Nepefina, & alię alias additę sunt. De his igitur Cardinalibus Episcopis hoc quoque inter cętera accepimus, quemadmodum Presbyteri Cardinales in reliquis quatuor Patriarchalibus Ecclesijs Romę ideo institutis, ut vniuersam Ecclesiam in vna Vrbe representarent, suis quisque diebus, sacra peragebant, septenis titulis in singulas Ecclesias distributis; ita Episcopos Cardinales in Ecclesia Lateranensi, vbi Pontificia sedes fuit vsq; ad Gregorij XI. reditum, Auinione, singulos suis diebus per vices in arā maxima missas celebrare solitos, modo pręsente, modo absente Pontifice. Quod apparet ex Anastasio Bibliothecario, qui in vita Stephani Papę, quem creatum constat anno D CC LXVIII. expressam facit mentionem de Episcopis Cardinalibus hebdomadarijs. Sic enim eos appellat. Quare hunc etiam ordinem fuisse accepimus, ut Dominicus dies Ostiensi tributus esset, proximus Episcopo Cardinali Syluę candidę, tertius Portuensi, reliqui deinceps Sabino, Pręnestino, Tusculano, Albano. Nec dubium est quin id ad Pontificis dignitatem institutum esset, ut sicuti alijs Ecclesijs Presbyteri Cardinales, ita huic vni Episcopi Cardinales deseruirent. Atque hi quidem Episcopi etiam si Pontifici proximi, & Cardinales di-

Et, tamen multo tempore nihil præcipui præ alijs Episcopis habuere, neque eos vel dignitate; vel sessionis ordine præbant, nisi fortè antiquiores, ordinatione essent, quod alijs quoque commune est. Sed eorum dignitas vnà cum aliorum Cardinalium tempore adiuncta est, ob eas causas quas suo loco exponemus.

Ex his igitur omnibus constat, etiamsi Cardinalis nomen in veterum monumentis rarissimum sit, rem tamen ipsam, & dignitatem antiquissimam esse, semperque in Romana Ecclesia retentam. Itaque nec de Laurentio dubitatur, ut antea diximus, quin Diaconus Cardinalis fuerit, & multo ante Laurentium quidam putant ex hoc numero extitisse etiam Linum, & Cletum, & Clementem, qui Beato Petro Consiliarij, & adiutores erant. Sunt etiam qui B. Hieronymum inter Cardinales reponant, eoducti argumento, quòd ut ipse de se narrat, Damascum iuuerit in Epistolis scribendis, idque tum alij ferè omnes sensere, tum præsertim Alphonsus Ciaconus, qui de hoc integrum libellum edidit; sed id quidem argumentum satis infirmum est, quoniam scribendi munus non ita proprium est Cardinalis. Quare illud firmitus in partem contrariam, quòd licet Romæ aliquandiu fuerit, non tamen Romanæ Ecclesiæ Presbyterum fuisse constat, sed Antiochenæ, quod ipse aperte in Epistola quadam profitetur.

Postremo quòd ad nomen ipsum attinet, non est dubium quin Cardinalis idem sit quod præcipuus, ac principalis. Itaque & venti Cardinales, itemque virtutes quædam Cardinales communi, & vsitato more appellantur. Quare non Romæ solum, sed alibi quoque in Cleri ordine, hoc Cardinalium nomen vsurpatum est. Ex quo illud est, quod in Concilio Meldenensi statuitur, ut Episcopus titulos Cardinales in vrbibus, vel suburbijis constitutos ordinet, atque disponat. Extatque Gregorij Epistola ad Fortunatum Episcopum Neapolitanum, qua ei Gratianum quendam concedit, quem in sua Ecclesia Diaconum Cardinalem

Iem instituat. Idemq; in alia Epist. Ioannem Episcopū Syracusanum monet vt Cosmum Subdiaconū Presbyterū faciat Cardinalem. Quod cū ita esset, vt vel in omnibus, vel in plerisq; Ecclesijs sui essent Cardinales, tñ hoc deinde consuetudo obtinuit, vt in sola ferè Rom. Ecclesia excellentiæ causa id nomen remaneret Romæ autē vnde hoc nomē fluxerit, nō satis compertū est. Pleriq; & certē omnes quos viderim vno consensu, ita dictos putant, qui singulis in titulis præerāt reliquis Presbiteris, vel in Diaconijs præerant alijs Diaconis, qui etiam alio nomine Archipresbyteri, & Archidiaconi dicebantur. Hoc enim indicare videtur nomen ipsum Cardinalis, quod vt paulò ante diximus, idem est quod principalis. De Episcopis autem quoniam hi alijs Episcopis non præerant, reddit Onuphrius aliam causam, prius quidem id introductum ex similitudine Presbyterorum, qui alijs Ecclesijs Patriarchalibus seruebant. Vt enim hi Cardinales Presbyteri vocabantur, ita, & multo magis decuisse, vt Episcopi qui Pontificiæ ipsi Ecclesiæ seruirent, Cardinales Episcopi vocarentur. Deinde vero adaucto Cardinalium splendore, verius etiam ita appellatos, non qui alijs Episcopis præessent, sed quia præcipui essent inter alios. Ab his dissentit Belarminus noster, idque ob hoc præsertim argumentum, quod in illa Gregorij Synodo, de qua ante diximus, quæ extat inter eius Epistolas, cum trigintaquinque subscribant Presbyteri, qui omnium concessu sunt Cardinales, eiusdem tamen Ecclesiæ bini subscribunt, vt Sancti Syluestri, Damasi, Balbinæ, & aliarum. Eius igitur hec est sententia, Cardinalis nomen loco primum impositum esse, deinde à loco deriuatū ad personam. Putat enim ex Ecclesijs ipsis aliquas fuisse, quæ Cardinales dicerentur, in quibus baptisumus, & alia sacramenta conferebantur, idque vt discrimen esset ab alijs Ecclesijs minus præcipuis, in quibus illa non fiebant. Sic etiam inter Diaconias, fuisse quasdam magis insignes, in quibus qui residebant, etiam si plures, appellatos esse

Dia-

Lib. 11.
Epist. 34Lib. de Ep.
tit. Diacon.
Card.

Vol. pri.

Lib. 4. c. 88

Diaconos Cardinales. Eademque ratio est de Episcopis Cardinalibus, quod nomen tributum est sex illis ciuitatibus Romanæ vrbi proximis. Atque huic quidem sententiæ valde congruit, quod paulo ante ex Meldensi Concilio allatum est.

Nunc illud videndum quod supra attigimus, antiquissimum fuisse morem, vt suam Cardinalis quisque teneret Ecclesiam, nec eam dimitteret. Nam quamcunque Diaconus Diaconiam, aut Presbyter titulum, vel Episcopatum Episcopus accepisset, eam deinde tanquam stationem perpetuo seruabat, nisi fortè vel Diaconus ad Sacerdotiũ, vel Presbyter ad Episcopatum ascenderet. Quod si contingeret, in eo quidem loco, in quo semel positi essent, deinceps tota vita permanebant. Prima autem occasio huius moris immutandi fuit ex eo schismate quod Urbano Sexto Pontifice ortum, in Concilio demũ Pisano quoquo modo sopitum est. Nam cum vtriusque factionis Cardinales ad vnum corpus redissent, quoniam ita acciderat, vt iidem tituli, iidemque Episcopatus à duobus diuersarum partium Cardinalibus tenerentur, placuit Alexandro Quinto, qui tunc electus est Pontifex, eos qui Urbani partes sequuti fuissent, suis Ecclesijs dimissis, alias vacantes accipere. Quod cum eo quidem tempore honesta, atque etiam necessaria ratio induxisset, postea vt fit, nulla necessitate retentum est, dum Cardinales tenuem titulum, vel Episcopatum pinguiori mutare studerent. In quo primum fuisse tradunt Iordanum Ursinum, sub Alexandro V. qui S. Martino in montibus relicto, S. Laurentium in Damaso tum vacantem impetrauit; idemque deinde ab Eugenio Quarto relicto Episcopatu Albano, Sabinum obtinuit: cuiusque exemplo Antonius Corarius dimisso Portuensi ab eodem Eugenio Ostiensem, quia opulentior erat consequutus est, quod idem alij deinde fecere. Sed rarius adhuc, & parcius, vsque ad Sixtum Quartum, qui nō solum huiusmodi mutationes creberrimè vsurpauit, sed etiam

etiam quod nunquam antea factum fuerat, Diaconias Presbyteris, titulos Diaconis assignare non dubitavit. Verum hoc quodcumque erat, totum arbitrio Pontificis gerebatur, cum scilicet is volebat, & quibuscum volebat.

Postea verò ita inoleuit, ut iam consuetudo vim legis obtinuerit, sitque liberum Cardinali cuius, proximum sibi titulum, vel Episcopatum, cum vacat, optare: sic enim loquuntur: id est eligere, & se in eum transferre, hoc excepto, si quis forte abesset, non ob Ecclesiæ utilitatem. Lex enim est, ut absentis ratio nulla habeatur. Quin etiam hoc interdum retentum à Pontificibus, ut Diaconos aliquos, præsertim antiquiores, ad superiorem ordinem, gradu non servato, prouehant, ut Paulus Quartus qui Franciscum Pisanum Albanensem Episcopum, Clemens Septimus Marcum Cornarum Archipresbyterum fecit, à quibus uterque, ut Archidiaconis, fuerat coronatus. Sed in hac optione, ob tam crebram mutationem, illud inesse solet incommodi, ut Cardinales Ecclesias sibi commissas non fere ament, aut curent, tanquam proprias, quas nimirum putent se prope diem relicturos; ex quo fit ut multa quæ ad Ecclesiasticum nitorem, Deique cultum pertinent, negligantur, & pereant.

Extremo loco si quis etiam de veterum Cardinalium numero querat, ne id quidem difficile est colligere ex titulorum numero, quos supra diximus octo & viginti fuisse, quibus si decem & octo Diaconos, ac denique septem Episcopos qui antiquitus erant, addamus, iam apparebit fuisse semper olim tres, & quinquaginta. Atque hic numerus ad Honorium usque secundum anno Domini M.C. XXV. duravit, à quo tempore sensim minui coëptus, cum in demortuorum locum nemo substitueretur, sed eorum tituli, vel ab Archipresbytero, vel ab altero Cardinali, Pontificis iussu, administrarentur. Itaque incertus ac varius esse coëpit Cardinalium numerus usque ad annum M.CCLXXVI. quo tempore ad Nicolai Tertij electionem septem

septem tantum Cardinales affuisse legimus. Ab eo vero tempore rursus reflorescere, & augeri coepit, ita ut Bonifatio Octauo sedente, essent iam Cardinales viginti, neque tamen usque ad Sixtum Quartum trigessimum attigerunt, eum in Constantiensi Synodo cautum esset, ne plures essent, quam vigintiquatuor. Sixtus trigessimum supergressus est, Alexander vero Sextus fere ad quinquagesimum perduxit: at Leo X. cum vna vice vnum & triginta creasset, usque ad sexagesimum quintum. Paulus Quartus quinque amplius addidit. Pius Quartus usque ad sextum & septuagesimum: quo nunquam ante peruentum erat, neque postea peruentum est. Postremo Sixtus Quintus recentissimè numerum septuagesimum definiuit, instar illorum, ut ipse ait, septuaginta seniorum, quos Dominus Moyse adiutores dedit, in quos tanti oneris partem deriuaret.

Num. 11.

De excellentia, & dignitate Cardinalatus.

Cap. III.



VNC sequitur ut videamus, quàm magna, & excellens sit hæc Cardinalium dignitas, quod & si minime obscurum est, quin potius ita apertum, ut ea etiam caussa sit, cur hic honor vulgo tam auidè expectatur, nobis tamen aliquid in hoc genere magis solidum, & reconditum afferendum est, nec sine fructu. Nam hoc dignitatis fundamento posito, facile erit deinde argumentari, quos mores, quam vitam, eiusmodi locus postulet. Primum igitur hoc ponendum est, quod maximè ad rem nostram facit, cum inter homines duo sint dignitatum genera, vnum seculare, & laicum, alterum sacrum, & Ecclesiasticum, nullam esse posse dubitationem, quin hoc longe illi antecellat, quæcumque quantacunque sit secularis dignitas, etiam si regia. Sic enim

enim B. Gregorius quis dubitet, inquit, Sacerdotes Christi Regum, & Principum, omniumq; fidelium patres, & magistros censerit? Neque obscura est huius rei ratio. Est enim altera dignitas spiritualis, altera terrena, & humana. Quare quanto spiritus nobilior est corpore, tanto spiritualia temporalibus; ut Innocentius Pontifex ad Imperatorem ipsum scribit. De quo etiam Nazianzenus ad laicos Principes. Lex Christi sacerdotali vos subijcit potestati, atque hisce tribunalibus subdit. Dedit enim & nobis potestatem, dedit principatum multo perfectiorem principatibus vestris. An verò iustum vobis videretur, si cedat spiritus carni, si à terrenis cœlestia superentur, si diuinis præferantur humana? Apparet hoc etiam ex ipso fine. Nam vtraque sane potestas populorum bono consulit, quod in hoc consistit, ut viuant ex virtutis regula: sed hoc interest, quod seculari propositum est bonum morale, quod est naturale, spiritualis autem aliud quoddam bonum curat, quod est multo altius, & excellentius, nempe supra omnem naturam. Iure igitur ob hanc, quam dixi, & ob alias etiam causas, illa à Chrysostomo in hanc sententiam dicta sunt, Sacerdotium principatus est ipso etiam regno venerabilius, & maius. Nec mihi obijcias purpuram, neque diadema, neque vestes aureas, Vmbra sunt ista omnia, & flosculis leuiora. Pergit deinde pluribus vtrunque comparare, quoniam quicumque est ille Regis splendor ex auro, & potentia, totus est in rebus terrenis. At Sacerdoti, inquit, thronus in cœlis collocatus est, & auctoritatem habet iudicandi de cœlestibus negotijs. Quis hoc dicit? Ipse cœlorum rex. Quæcumque ligaueritis super terram, erunt ligata & in cœlis. Quid cum hoc honore conferri possit? Hæc Chrysostomus. Quare hoc positum esse debet, Ecclesiasticam dignitatem ipso genere, ita præstare laicæ, ut ne sit quidam comparatio. Quod si hoc valet in omni Ecclesiastica dignitate, quid de ea dicemus, quæ inter ipsas Ecclesiasticas præcipuum tenet

Lib. 8 Ep.

21.

c. solitæ de
maior. &
obed.
Orat. ad
C. iur.Hom. 4. v.
di Domin.BIBLIOTECA NAZ.
ROMA
S. ORIO EMANUELE

Matth. 18.

net locum? Tales sunt igitur Cardinales, quos Sanctus Bernardus appellat senices populi, iudices orbis. D. Antoninus autem, cuius testimonium eò pluris faciendum, quòd vt Theologus, nihil loquitur augendi gratia, apertè Principatum dignitatis in Ecclesia, post vnum Pontificem, Cardinalibus tribuit. Idemque sentit Turrecremata, haud minor Theologus, qui ait, eos excedere dignitate omnes Ecclesiasticas dignitates, redditque hanc rationē, quia sunt membra Papæ, & vna persona cum illo. Valdensis etiam magnæ vir auctoritatis, cū alia multa de Cardinalibus tradit, tum hoc, non modicum iuris habere eos in orbe, sed quem locum, ac munus tenuit Aaron, & Vr apud Moysen, tenere eos apud Pontificem, ipsisque datum esse in conspectu primæ sedis facere iudicium, & iustitiam in terra, & orbis Pontificem præmunire consilijs. Quod etiā confirmant duo insignes viri, & Pontificij iuris peritissimi, Hostiensis, & Ioannes Andreas, cuius vtriusque illa sunt verba, Excepto Summo Pontifice, nullum esse maiorem gradum. Iacobatius etiam doctrina excellens, dignitate ipse Cardinalis ita docet quodam loco, tum ob alias rationes, tum ob eam, quam modò attulimus, quia sunt vnū corpus cum Pontifice, & quia vniuersæ Ecclesiæ consulant, non solum Romanæ. Videmus etiam quàm de ijs honorificè loquatur B. Hieronymus iam tum suo tempore, Ecclesia, inquit, Senatum habet presbyterorum, sine quorū consilio nihil Monachis agere licet. Senatus quoque Romani habebant, cuius consilio cuncta agebant, & nos habemus Senatum nostrum, cœtum presbyterorum. Extat etiam Constantini illius Magni, magnum de hoc ipso testimonium, quo huius ordinis amplitudinem confirmat, atque ipse insuper auget pro potestate, Viris, inquit, Reuerendissimis Clericis in diuersis ordinibus Romanæ Ecclesiæ seruientibus illud culmen singularitate, potentia, & præcellentia habere sancimus, cuius amplissimus Senatus noster gloria adornari, idest, patritios, & consules effici,

Lib. 4. de
con.
3. p. tit. 22.
c. 2.

Lib. 1. de
eccl. c. 81.

Li 2. doct.
fid. art. 54.

In c dile-
ctus de
præben.

Lib. 1. de
concil. nu.
118.

In 3. cap
Eisaie.

a. Constan.
d 96.

fci, nec non & ceteris dignitatibus Imperialibus eos promulgamus decorari. Quid magnificentius dici poterat, præsertim ab Imperatore totius orbis? Nam quod eos patritios facit, ea verò summa ferè erat dignitas post Imperatoriam. Quod etiam ex eo cognosci potest, quod cum anno Domini D CC LXXIII. Hadrianus Primus Pontifex vnà cum Concilio summos omnes honores excogitaret, quos Carolo Magno Gallorum Regi, ob Ecclesiam liberatam, decerneret, hoc in primis tribuit, vt eum patritium Romanum faceret: idemque ducentis viginti post annis, Henrico Secundo Imperatori, ob magna eius merita, honoris causa, tributum est. Nihil mirum igitur, si cum ad tantum splendorem prouecti sint, verè etiam Principes vocantur, vt est apud Archidiaconum in quodam consilio, quin etiam dicuntur regibus æquiparari; quod nec temerè, nec adulatorio more dictum est, sed à præcipuis viris, & Iurisconsultissimis. Sic enim Iason, sic Paris Puteus, sic etiam Hieronymus Manfredus in eo libro, quem scripsit de Cardinalibus. Addit etiam Conradus Laudenſis, hanc esse causam, cur purpuram induant, more regum, vt quemadmodum dignitate, sic etiam corporis cultu & ornatu, regibus æquantur. Atque ex hac dignitatis eminentia illa quoque sine dubio consequuntur, quæ sacri Canones pro Cardinalium salute, & auctoritate tuenda statuerunt, cum etiam qui eos læserint, reos læsæ Maiestatis decernant, & alias pœnas addant solo auditu horribiles. Quò etiam illud vel maxime pertinet, quod in Romana Synodo à Syluestro habita sapienter constitutum est, vt Presbyter Cardinalis non nisi quatuor, & quadraginta testibus condemnetur, Diaconus autem Cardinalis octo, & viginti. Quæ enim alia huius tanti privilegiij causa, nisi vt ait S. Thomas, propter eorum dignitatē, & quia tales existimentur esse, vt plus eorum sanctitati credatur, quàm multis testibus.

Sed illud verè maximum, ac summum in hoc genere

C 2. digni-

Con. vii

In l. Centurio. ff. de vulg. & pup. Decif. 56. Lib. 2. tēp. Iud. c. 2. Lib. de sua di. decif. 36

c. felicitis de pœnis in 6.

2. q. 5. c. Præful.

2. 2. q. 70. art. 2. ad 3.

Psal. 18.

Eph. 2.
Apoc. 21.3. p. tit. 21.
c. 2.
Lib. 1. de
Ecclef. c.
30.Act. 1. &
15.

1. Reg. 2.

dignitatis, quod Cardinales Apostolorum locum in Dea Ecclesia tenent. Non enim dubitari potest, quin in Sancta Ecclesia primus, & Princeps locus Apostolis sit tribuendus, de quibus dictum est in psalmis, Constitues eos Principes super omnem terram, & qui etiam à Paulo fundamentum huius domus, & à Ioanne supernæ illius Ciuitatis portæ appellantur. Quare nihil magis insigne, aut honorificum ulli homini contingere potest, quam hunc tam honoratum locum quasi hæreditario iure consequi.

Sic enim duo præcipui tum doctrina, tum sanctitate auctores, D. Antoninus, & Turrecremata ipsdem penè verbis.

Duplicem enim faciunt Apostolorum statum, duplicemque respectum ad Christum Dominum, ac Salvatorem: alterum, cum adhuc viuenti, & in terris versanti assistebant, & præsto erant ad omnia, quod idem etiam post eius ad cælos ascensum, aliquandiu fecerunt erga Petrum, qui Christi gerebat vices. Sic enim in actis legimus, consilio,

& opera ei affuisse, dum adhuc coniuncti Hierosolymis degerent. Alterum verò statum perhibent, cum post Spiritum sanctum receptum, profecti sunt in omnes terras, ad Euangelium disseminandum, ad populos fide imbuendos, atque instituendos, neque id temerè, aut sine ordine, sed prouincijs sortitis, atque inter se distributis. Sic igitur cū Romanus Pontifex Petri Successor sit, & Christi Domini personam sustineat, nimirum consequi aiunt, vt ipsi quoque Cardinales Apostolos referant, priore illo modo, Episcopi verò, qui singuli singulis præsuat, vel ciuitatibus, vel prouincijs, posteriore. Quare de Cardinalibus illud dici posse, quod est in sacris litteris, Domini sunt cardines terræ, & posuit super eos orbem. Hanc enim terram tam latè patentem, ita firmam, & fixam, & quæ homines omnes & sustineat, & alat, esse Ecclesiam, eius autem cardines, vt nomen ipsum admonet, esse Cardinales, quare ipsos quoque Principes esse mundi. Hæc omnia patres illi quos dixi.

Sed

Sed quoniam ita dictum est, Episcopis etiam hunc honorem communem esse, ut ipsi quoque Apostolorum Successores dicantur, ideo hoc etiam videndum, an aliqua ex parte Cardinalium primatum imminuat. Igitur si inter hos comparatio facienda est, profecto si ordinem, & ordinis potestatem spectemus, maior est Episcopus. Hic enim Sacerdotes consecrat, confirmat baptizatos, & alia eiusmodi facit, que non potest Cardinalis. Idemque sentendum si spectemus iurisdictionem ferendi leges, puniendi, dispensandi, indulgendi, quæ item non licent Cardinali, quoniam nullam habet diocesim. Itaque ex hac sanè parte, maius aliquid habent Episcopi: quæ etiam causa est, cur Summus Pontifex veteri more Episcopos quidem venerabiles fratres appellet, Cardinales autem dilectos filios; quoties scilicet singulis loquitur, vel scribit: nam cum vniuersos alloquitur, tum communiter fratres, vocat, propter admixtos Episcopos. At vero si vniuersalis Ecclesiæ gubernationem respiciamus, sine vlla dubitatione, maior est Cardinalis, non modò Presbyter, sed etiam Diaconus, quàm quiuvis Episcopus. Addo etiam, quàm quiuvis Patriarcha, quoniam Cardinales Pontificem iuuant in Ecclesiæ gubernatione, in negocijs consilio expediendis, & opera exequendis: quare ipsi quoque ex bona parte hanc Ecclesiæ totius administrationem attingunt. Itaque S. Bernardus de Cardinalibus disserens ad Eugenium, An non, inquit, eligendi de toto orbe orbem iudicaturi? Immo verò ab his etiam aliquo modo ipsorum Episcoporum pendet electio, quoniam non sine ipsorum consilio res geritur, nec solùm eligunt hoc modo quem dixi, sed eos etiam iudicant, & deponunt cum opus est, quod Episcopi non faciunt, nec facere possunt in Cardinales. Itaque priscis sanè temporibus Episcoporum dignitas maior erat, quàm Cardinalium: idque tum ex multis alijs, tum ex eo potissimum constat, quòd & in concilijs, adhuc eorum extant nomina priori, ac digniori loco subscri-

Lib 4.

Lib. 1. c. 7.

subscripta. Et in vita S. Gregorij, ita memorię traditum est, eum ex Cardinalibus consueuisse facere Episcopos.

Atque hoc quidem illis, ut dixi, temporibus, postea verò mutata ratio, ac tanta Cardinalibus facta est splendoris accessio, ut si absolutè loquendum sit, non modo in hac

Ecclesię forma, quam nunc videmus, sed à multis iam se-

culis, magno interuallo Episcopale superent dignitatem.

Huius autem accessionis ea fuit causa, quoniam Cardina-

les soli tum ad Pontificum consilia, tum etiam ad Pontifi-

cis electionem adhiberi coepti, atque etiam ex ipsis ferè so-

Lib. 3 de
Reg. Ital.

lis Pontifex eligi. Sicut enim Sigonius diligens historicus

narrat anno iam tum DCC LXXIX. in Concilio, quod

Stephanus Tertius Romę habuit, hoc etiam constitutum,

ut deinceps nisi Presbyter, aut Diaconus Cardinalis ne-

mo Pontifex fieret, quod & si non semper omnino serua-

tum est, quoniam alios etiam plures factos videmus, tamè

fatis ex hoc apparet quanta vel eo tempore Cardinalium

Lib. 9

ratio haberetur. Atque idem Sigonius alibi ita scribit, cum

Romani Pontificis creatio Cardinalibus præcipue permessa

est, quod fuit anno Domini M. LIX. eorū nomen coepisse

magis ac magis in Ecclesia celebrari. Quam in sententiā,

Petri quoque Damiani, qui hoc tempore vixit, fuitque ipse

Cardinalis Ostiensis, ex quodam eius libro dictum affert.

Romani inquit, Cardinales, Romanum Pontificem prin-

cipaliter eligunt, & quibusdam alijs prærogatiuis, non

modo quorumlibet Episcoporum, sed etiam Patriarcha-

rum, atque Primatum iura transcendunt. Saluo quippe

uniuersalis Ecclesię Sacramento, isti sunt oculi vnius ca-

pitit, ipsi lucerna huius candelabri. Hęc ille. Sed habemus

etiam luculentum de hoc ipso testimoniū ipsius Pon-

tificis Eugenij Quarti in litteris quibusdam, quas ille ad

Henricum Cantuariensem Archiepiscopum eo ipso tem-

pore scripsit, cum Florentiæ generale Concilium haberet,

scripsit autem ob hanc ipsam occasionem, quod ille de

priore loco cum Ioanne Presbytero Cardinali litigaret. In

his

his igitur literis, multas causas afferre, cur cum iniuste age-
 re dicat, multaque addit ad Cardinalatus dignitatem om-
 nibus dignitatibus præferendam, quia Archiepiscopus sue
 tantum diocesis vtilitati seruiat; at Cardinalis publicæ ro-
 tius populi Christiani, ille vnā priuatam duntaxat regat
 Ecclesiam. hic vnā cum Sede Apostolica vniuersas; &
 cum Cardinales à nemine nisi à Summo Pontifice iudicen-
 tur. ipsi tamen simul cum Pontifice omnes Ecclesiæ gra-
 dus dijudicent. Denique ex illo Stephani decreto, de
 quo paulo ante diximus, hoc quoque confirmat, hos qui
 nunc Cardinales appellantur extitisse etiam Petri tempo-
 re, licet alio nomine. Hæc ille omnia, & alia complura.
 Sunt enim prolixæ literæ, easque videre est, apud Iaco-
 batium.

de 1

1. 1. 0

de 1. 1. 0

c. oportet

bat. d. 39.

Lib. 1. de

concil. na.

252.

Concludamus igitur, & cum Turrecremata, de quo su-
 pra diximus, huic tam eximie dignitati, atque excellen-
 tiæ in Dei domo, quæ est Ecclesia, applicemus locum il-
 lum ex Apocalypsi, in quo augustissima quidā sedes de-
 scribitur, & in eius circuitu seniores multi. Hoc enim so-
 lium, ac tribunal, ille Apostolicam Sedem esse interpreta-
 tur, in qua Deus residet, nempe Dei Vicarius, qui eius po-
 testatem, ac personam gerit. Sedilia vero viginti qua-
 tuor seniorum. Cardinales ipsos significare, qui seniores
 vocentur propter iudicij, morumque maturitatem, iidem-
 que sedere dicantur, ob animi tranquillitatem, omnibus
 videlicet turbulentis motibus sedatis, qui etiam stolis al-
 bis amicti describantur, quoniam eiusmodi vestes longæ,
 & quæ totum contegant corpus, candorem, & puritatem
 totius vitæ indicent. Quæ vestium mentio admonet me,
 vt etiam hoc extremo loco aliquid de Cardinalium habi-
 tu, cultuque attingam. nam hic quoque quoniam ad ex-
 ternam quandam maiestatem compositus est, non alienus
 videtur ab hac dignitate quam tractamus. Eius autem
 initium factum accepimus ab Innocentio Quarto anno sa-
 lucis M CC XLVI. cum statuisset vt Cardinales omnes ru-
 bro

Apoc 1

Lib. de
Card. q. 8.

Aenead. 9.
lib. 6.

• 77 •

hrogalero, vterentur. Insuper etiam in publicum proce-
derent equo vecti. Ex quo sanè apparet antea pedibus,
ire consuevisse, quod vnum reliquam quoque tenuitatem,
ac simplicitatem illorum temporum indicat. Postea vel
Bonifacius VIII. vt ait Hieronymus Albanus, vel vt plu-
res tradunt, & in primis Platina, Sabellicus, & Volater-
ranus confirmant; Paulus Secundus anno M. ccc. lxxiiiij.
reliquis vestes purpureas, cæterumque ornatum adiecit.
Atque ex eo quoque tempore aucta est huius Magistratus
amplitudo, vt internæ eius dignitati, hæc etiam externa
species responderet.

De primo officio Cardinalium ratione ordinis.

Cap. IIII.



VAE, hæcenus de Cardinalatus præstan-
tia, eaque præsertim tam eminenti, dicta
sunt, facile, nisi fallor omnibus arride-
bunt, & ab ijs maximè, qui in hac digni-
tate sunt, libenter accipientur. Est enim
hominibus natura insitum, vt inter alios
excellere velint, & summos quosque honores, & gradus
appetant, & quo ij maiores, eò magis gaudeant. Sed vi-
dendum nunc est, hic honor, & hic gradus, quæ requirat
officia. Atque hoc quidem multò diligentius, & atten-
tius cogitandum est Cardinali, quàm illa, quæ ad ampli-
tudinem suam pertinent, in quibus vix est aliquis solidus
fructus, hic autem vel maximus. Nihil enim iniuitius;
Frater Illustrissime, quàm cum artem aliquam profitearis,
vel nescias quæ ars illa exigit, vel si scias, nihil labores, vt
ea præstes, & exequaris. Quod si Medicum, aut Iurisper-
itum pati non possumus, qui id præ se ferat, in quo sit ru-
dis, quantò magis hoc idem reprehendendum esset in
Cardinali, qui in arte tanto maiore, ac nobiliore versaturus

est

Itaque

Itaque quò maius est, quod hic promittit, eò si fallat minus est dignus venia, immo etiam maiori dignus poena. Quare hoc iam vt dixi, videndum, quæ sint huius Magistratus officia. Sunt autem triplicis generis, primum, quod singulis Cardinalibus conuenit propter ordinem, in quo quisque est; reliqua duo omnibus communia; alterum in Pontifice eligendo, alterum in eodem adiuuando. nam cum supra dictum sit, tres esse Cardinalium classes, quoniam alij Episcopi, alij Presbyteri, alij Diaconi, habent singuli sua munera, eadem videlicet, quæ alij etiam Episcopi, Presbyteri, Diaconi. Et quidem quod attinet ad Episcopos, hoc etiam intelligendum est, morem olim fuisse in Ecclesia, eumque diutissimè seruatum, vt non alij essent Cardinales Episcopi, quàm illi, septem prius, postea vtrò sex, qui ob locorum propinquitatem, simul & Pontifici adesse, & suo tamen gregi non deesse poterant; alij verò aliarum ciuitatum Episcopi, nunquam ad Cardinalatum promouerentur. Cuius ea causa erat non solum ne pastorem curam deferrent, sed etiam, quia aliquandiu, & quidem multo tempore, vt supra ostendimus, maior erat dignitas Episcoporum, quàm Cardinalium. Itaque potius ex Cardinalatu gradus erat ad Episcopatum, quàm contra. Verùm adaucta deinde Cardinalium maiestate, mutata ratio est, vt ex Episcopis, & quidem libenter, fierent Cardinales. Cuius quidem initium Iacobatius ad Clementem V. refert, scribens, Bonifatium Octauum ob hanc causam multos non fecisse Cardinales, cum id ipse optaret illiq; aptissimi essent; idq; ipsum miratur, quomodo hoc illius hominis alioquin acutissimi solertiam fugerit. Quod sane nos miramur, ab hoc auctore dici, cum certum sit, eum vsum aliquanto ante Clementem introductum, nimirum circiter Alexandri Tertij tempora. Tunc enim Ecclesiæ temporalis dignitas, magnopere illustrata est, cum Fredericus Aenobarbus Imperator fractus, atque Pontifici subiectus esset. Quare, quod quidem scriptis ex-

Lib. 1 de
concil. nu.
121.

D tct,

tet, primus omnium Conradus Archiepiscopus Moguntinus Cardinalatu ornatus est, idque hac occasione, ut quoniam à Federico ipso sua sede esset exactus, compensatione quadam fieret Episcopus Sabinus Cardinalis: qui deinde schismate sublato suæ restitutus Ecclesiæ, nihilominus Sabinam retinuit. Ex quo deinde coepti sunt alij quoque Episcopi ad Cardinalatum euehi, verum hætenus quidem ad Episcopatus Cardinales tantummodo, id est, ad vnum, è sex illis, qui forte vacaret. Breui tamen illud etiam obrepfit, ut ex Episcopis non Cardinalibus, fierent Presbyteri Cardinales. quod à Clemente III. qui paulo post Alexandrum extitit, factum scimus, in Episcopo Viterbiensi, itemque in Ariminensi. In qua re vsque ad Clementem Quintum satis parcè progressi sunt, Romani Pontifices. Hic verò multo liberius id facitare cœpit, ut iam vix vllus Cardinalis crearetur, qui non vnum, interdum etiam plures Episcopatus haberet. Sed hoc seruabāt, ut Episcopi nomine deposito, perpetuos se Ecclesiarū administratores appellarent, siue eas in cōmendam retinerent. quæ vocabula eo tempore sunt Auinioni introducta, vbi tum Pontificia sedes hærebāt. Atq; hic ferè mos ad nostra vsque tempora, ut videmus durauit, & si aliquantò parcius, quàm illis temporibus fieret. Quoniam igitur hoc iam passim receptum est, ut non modò qui iam Episcopatum habent Cardinales fiant, eius administratione retenta, sed etiam Cardinalibus, qui non habent, eiusmodi administratio committatur, vtriusque sanè Episcopalia, munera gerenda sunt, non multò secus, ac si Episcopi non Cardinales essent. Debent enim prouidere, ut ouium, quæ sibi commissæ sunt salutem consulatur, ut salubria eis pabula non desint, debent arcere corruptelas, & vitia, qui sunt quasi morbi, & pestes huius gregis, denique debent veros se præstare pastores. De quo multa dici possent, sed pro his omnibus sit Borromei exemplum: Nam & ita recens, ac notum est, ut commemoratione non egeat, & ita

insigne

insigne, vt solum sufficiat ad docendum; quid Cardinali Episcopo conueniat. Non possum tamen alterum exemplum ex eadem Mediolanensi Ecclesia reticere, Galdinibalæ, qui anno M C LXV. ab Alexandro Tertio, primum eius ciuitatis Archiepiscopus, paulo post Romanæ Ecclesiæ Cardinalis creatus, totiusque Longobardiæ Legatus, non solum assiduis precibus, & ieiunijs, omnique vitæ sanctimonia enituit, sed etiam seruido animarum zelo, ita vt à concionibus ad populum habendis, Catharisque præsertim hæreticis consulendis, nunquam cessaret: in quo etiã munere immortalis est. Sic enim tradunt quadam die concione finita, simul etiã animam Deo redidisse. Itaque in Episcopis quidem, qui animarum curam gerant; nulla fere est facta mutatio. Maior facta in Presbyteris Cardinalibus; & Diaconis, qui iam admodum raro propria exercent officia, nisi forè in sacrificando. At antiquitus multa erant alia illorum propria. Nam presbyteri Cardinales animarum, quæ in sua parœcia essent, curam gerebant; ministrabant sacramenta, habebant conciones, denique in suo quisque titulo pastorum munus sustinebant. Diaconorum verò hoc in primis proprium erat, vt Pontifici assisterent, missam celebranti. Ex quo est illud Laurentij ad Sixtum, quod narrat S. Ambrosius. Quò Sacerdos sanctè sine Diacono properas? Tu nunquam sine ministro sacrificium offerre consueueras. Quo eodem loco alterum, etiam Diaconi officium indicatur, distribuendæ Eucharistiæ populo, qui aderat. Sic enim ait, cui commisisti con-
1. off. c. 41.
summandorum consortium Sacramentorum, huic consortium sanguinis tui negas? Ad eisdem etiam pertinebat intra missæ solemnia Euangelium pronunciare, quod apparet ex Hieronymi Epistola ad Sabinianum. Tu, inquit,
Ep. 43.
exanguis, & pallidus. Euangelium Christi quasi Diaconus lectitabas. Insuper etiam Diaconorum partes erant baptizare, prædicare, reconciliare publicos pœnitentes: denique omnia præstare, quæ presbyteri (excepta conse-

Lib. 1. xpi.
41.

Serm. de
S. Laur.

cratione, & sacramento confessionis.) sed absentibus Sacerdotibus, vel eorum permisso. Nam quòd Diaconi Cardinales ad populum concionarentur, illud satis ostendit, quod in vita B. Gregorij legitur, ipsum cum adhuc in eo esset gradu, id assidue, & diligenter facitasse. Illa tamen præcipua erat cura, vel vna ex præcipientibus, ut fidelium elemosinas colligerent, & reliquas Ecclesiæ opes custodirent, & administrarent, atque ex ijs viduas, pupillos, & planè egenos omnes delectu, atque inquisitione adhibita, subleuarent. Quod item egregie à B. Laurentio præstitum esse, indicat S. Leo, cum de illo ita scribit. Qui, inquit, non solum ministerio Sacramentorum, sed etiam dispensatione Ecclesiasticæ substantiæ præminebat, & paulo post de eodem, Quem si fecisset sacræ pecuniæ traditorem, itemque numerosissimos sanctorum pauperum obtulit græges, in quorum victu, atque vestitu inamissibiles conderat facultates. Atque hæc quidem administratio valde erat eo tempore honorifica, & meritò, exigebat enim fidem, & integritatem, & prudentiam haud mediocrem. Quò factum est, ut hoc Diaconorum officium inter ipsos Cardinales valde esset illustre, & honoratum. Accedebat etiam alia causa, quòd Pontifici ipsi propius assisteret, ac ministrarent. Itaque eò etiam ventum est, ut nonnunquam ipsis quoque presbyteris se se præferrent, quod apparet ex illo Bernardi loco ad Eugenium, ubi eos de hoc ipso reprehendit. Ridiculi, inquit, ministri vestri (sic enim Diaconos appellat) vestris se compresbyteris anteferre conantur. Non hoc ratio habet, non antiquitas habuit, non consentit auctoritas. Et si de sua consuetudine calumnia struitur, melius profectò illa, quam summus ordo contemnitur. Friuolum tamen satis vnde id maxime obrinere volunt. Nos sumus, inquiunt, qui in omni celebritate domino Papæ coniunctiores assistimus, sedenti propiores assidemus, priores sequimur procedentem. Hoc totum non dignitatis priuilegium, sed sedulitatis debitum

bitum est, Diaconi nomēi solemnī ipsa administratione, inter pretans. Deniq; presbyteris ordinata processione ambulantibus vos ad pedes sedetis. Propiores assistitis, ut habeat paratiores, Hęc S. Bernardus.

De secundo officio Cardinalium nempe eligendi Pontificis. Cap. V.



ALTERVM est Cardinalium officium, quod diximus summum totius Ecclesię pręsidem eligere; quę quidem est actio omnium maxima, & pręstantissima, quę à Cardinali obiri possint. Nam cum in Ecclesia nulla maior. altitudo cogitari possit ipso Pontificatu, quod est sublime, ac summum fastigium inter Christianos, profectò sequitur, ne maius quidem esse posse negocium, quàm hunc ipsum Pontificatum alicui mandare, partemque aliquam habere in eo creando, qui cęlorum clauēs habeat, qui totum Christi Domini gregem eius loco, & cum eius potestate gubernet. In quo quidem opere tam diuino, quę religio, quę integritas adhiberi debeat, dicetur à nobis alio loco: nunc id solū quomodo huius amplissimi suffragij ius ad Cardinales venerit, & in ipsis solis remanserit, videamus rem, ut opinor, tum iucundam scitu, tum certè nō inutilem, semper enim, vel ab initio ipso Ecclesię, hoc perpetuū, ac solemne fuit, ut Pontificem Cardinales, id est, ij, quos nunc Cardinales vocamus eligerent, sed non soli, nam pręter eos, reliquus etiam clerus, atque adeo etiam populus ipse adhibebatur; Declarat hec quidem Cypriani locus, ubi de Cornelio scribens, qui anno CC L I. Pontificatum cepit, expressè indicat, quę tum esset formula horum comitionum. Ait enim Cornelium factum esse Episcopum à plurimis Episcopis, qui tunc Romę aderant, de clericorum penē

penè omnium testimonio, de plebis, quæ tunc affuit, suffragio, de Sacerdotum antiquorum, & bonorum virorum Collégio. Ex quibus Cypriani verbis, hoc intelligi licet, præter vrbani clerus, & populum, si qui forte externi Episcopi adessent, vt tum aderant ex Africa, eos quoque ad eligendum Pontificem admitti solitos. Atq; hic quidem vsus viguit vsq; ad annum circiter D. x x x. quo tempore Iustinianus Imperator, ad tollenda distidia, quæ sæpe incidebant, hoc decreuit, vt Pontificis electio firma, & rata non esset, nisi Imperatoris etiam consensus accederet. Itaque anno D. x c. cum Romæ vna omnium ordinum voluntate Pontifex creatus esset, Magnus Gregorius, non tamen antea consecratus scribitur, quam responsum à Mauritio Imperatore venisset, quod fuit post sex menses, & si non interim Gregorius omitteret curam aliquam Ecclesiæ gerere, indiētis aduersus pestilentiam Litanij, & supplicationibus, alijsque eiusmodi salutaribus decretis, pro loco & tempore. Sed hanc sanè legem de Imperatoris assensu expectando, & si cum, quem dixi prætextum habebat, tamen Gregorius ipse, in cuiusdam plalmi interpretatione iniustam, & iniquam, atque adeò tyrannicam appellat, & meritò quoniam laicis Magistratibus nulla eiusmodi potestas à Christo relicta est. Tenuit tamen per annos centum & quinquaginta, id est, vsque ad annum Domini D. c. l xxxiiij. quo tempore Cōstantinus Quartus optimus Imperator, & Ecclesiæ defensor acerrimus, antiquam restituit libertatem Benedicto Secundo Pontifice, edicto misso, vt qui Romæ concordibus animis Pontifex eligeretur, statim sine Imperatoris auctoritate consecrari posset, priore illo Iustiniani decreto abrogato, quod hæcenus fuerat semper seruatum, nec sine summa necessitate prætermisum. Quæ quidem huius Principis sanctio per commodè, perque opportunè accidit, ob eorum Imperatorum impietatem, qui postea sequuti sunt vt Leonis, Copronymi, & aliorum, qui Catholicæ Ecclesiæ apertum bellum

Psal 4.
penit.

1. 4.

bellum indixere. Postea verò cum Romana Sedes Longobardorum armis præmeretur, eaque à Gallis Regibus, quorum opem implorarat, strenuè esset defensa, primum à Pipino, deinde etiam à Carolo Magno, ac præterea multis agris, & vrbibus, & prouincijs etiam integris ab iisdem esset aucta, anno demum D c c l xxij. Hadrianus Primus, cum Concilio centum & quinquaginta trium Episcoporum, præter cætera, hoc etiam Carolo detulisse dicitur, vt Pontificis legendi ius haberet. primum, vt eo honore gratiam tantis eius meritis, tum proprijs, tum etiam paternis, atque auitis rependeret. deinde ad comprimendas populares contentiones, quæ in Pontificijs comitijs crebrò nascebantur; cum nemo Romæ esset tanta potentia, vt eas posset coercere. Carolus tamen potestatem huiusmodi nunquam exercuisse legitur, siue quod verè eam nunquam habuerit, siue quod in re quam ad secularem Principem minimè pertinere nouerat solita sibi moderatione animi vtendum arbitraretur. Quare prior consuetudo in creandis Pontificibus perseverauit. Itaque anno D c c c l x vij. cum creatus esset Hadrianus Secundus, statimque consecratus, ac de eo Ludouici Secundi Imperatoris Legati, qui forte aderant expostulassent, responsum est eis, hoc idèò factum, ne ius aliquod Imperatori in Pontifice creando quæreretur; quod Ludouicus ipse non solum probauit, sed etiam priuilegio antea concessio legitime renunciauit, quæ renunciatio in sacros canones relata est. Nec ita multo post senescentibus in Italia Gallicis viribus, hoc ipsum expressius ab Hadriano Tertio anno D c c c l xxxij. constitutum est, cuius hoc decretum extat, vt Pontifex sine Regis præsentia, vel Legatorum eius, consecrari possit.

Deinde verò anno D c c c c l x iij. cum Ioannes XII. Pontificiam Sedem, quam Alberici patris potentia, & vi occuparat, vita pessima, improbique moribus sædare diceretur, Orto primus ex Germania aduocatus, concilio co-

cto

cto curauit, vt eo deposito, alter eligeretur. Electus Leo Octauus inter cetera, quæ ad Ecclesiam reformatandam, constituit, id etiam fuit, quo modo obliteret Romanis, qui aut minis, aut mercede populum, clerumque corrumpabant, vt seipsos, vel amicos, vel propinquos, ad Pontificatum prouherent, ex quo seditiones, & schismata, ac terra scandala oriebantur. Visum est autem non posse huic eorum insolentia acius frenum injici, quam si suffragij ius quo Populus Romanus in electione Pontificis utebatur in Imperatorem transferretur. Neque enim ea, quæ tum vigeant tempora, iam amplius ferre possent videbantur. Hadriani Tertij decretum quo magna cum Ecclesiæ utilitate ac dignitate Pontificia comitia in pristinam fuerant libertatem redacta. Quam ob causam idem Leo ius eligendi suum successorem ac ordinandi (sic enim ait) Summæ Sedis Apostolicæ Pontificem Ottoni Imperatori eiusq; in Regno Italix successoribus tribuit. Atq; hæc quoque facultas sacris canonibus inserta est. Sed tamen nõ multo post hoc est anno D cccc lxxij. rursus Pontifices creari coepti sunt, nulla Imperatoris ratione habita, eadem Romanorum vi, & seditione, quod cum multorum malorum seges esset, anno M. xxxvij. Henrico II. Imperatore ob eius item præstantem pietatem, & merita, concessum est idem quod Ottoni, vt deinceps sine ipsius auctoritate non crearetur Pontifex. Ex quo priuilegio is anno proximo, Clemente Secundo mortuo, Popponem Brixensem Episcopum Pontificem abs se factum, Romam misit, qui Damasus Secundus dictus est. cuius quidem celerissima mors hanc opinionem in hominum animis ingenerauit, non placuisse Deo Pontificem electum ab Imperatore. Quare cum hoc mortuo nihilominus ille Brunonem Tullensem Episcopum, qui Leo Octauus appellatus est Pontificem fecisset. hic quidem, & Damasi exemplo, & Hildebrandi Monachi oratione deterritus, ne sacrosanctam dignitatem prophani hominis arbitrio delatam

C. in Syno
do d. 63.

tam iniret, in ipso itinere purpuram, & Pontificia ornamenta statim abiecit, ac peregrini habitu Romam ingressus, cleri, populi que consensu, ad Petri Sedem euectus est. Quare cum Imperatores nimium iam sibi sumpserent, Nicolaus II. anno M L IX. omnem hanc eligendi rationem moderandam ratus, ita decreuit, ut electio præcipue à Cardinalibus perageretur, deinde reliquus clerus, ac populus ad eam comprobendam accederet, salvo tamen, inquit, honore, & reuerentia Henrici. Quare hoc primum tempore, totum eligendi ius Cardinalibus concessum est, sic tamen ut adhuc ratio aliqua haberetur, tum reliqui populi, tum Imperatoris. Et tamen biennio post, Nicolao mortuo, legimus Alexandrum II. nulla Henrici, qui tum erat Tertij auctoritate tum electum, tum etiam consecratum, quæ fuit causa, ut indignatus Henricus, habito Basileæ conuentu, Cadolum Parmensem Episcopum Pontificem renunciaret, ex quo turpe schisma exortum est. Et cum paulo post Legatum Romam misisset, ut de hoc Pontifice accusaret, ita ei satisfactum est, quoniam propter imminentem dissensionem non potuisset diutius expectare. Quare de Gregorio Septimo magno planè viro, qui huic Alexandro successit, ita accepimus non prius consecrationem admisisse, quàm missis ad Henricum Legatis, illius quoque voluntatem exploratam habuerit. Caterum in huius Pontificis electione, cuius adhuc decretum extat, satis apparet quæ tunc esset formula in eligendo. Sic enim habet. Nos Sanctæ Romanæ Ecclesiæ Cardinales, Clerici, acolythi, Subdiaconi, Diaconi, Presbyteri, præsentibus venerabilibus Episcopis, Abbatibus, & Monachis, consentientibus pluribus turbis vtriusque Ordinis, eligimus nobis in Summum Pontificem Hildebrandum Archidiaconum, & reliqua, quæ multa in eius laudem sequuntur. Ex quo apparet, adhuc præter Cardinales hoc tempore alios etiam ad electionem admissos. Quod etiam apertius cognosci potest, ex eo, quod scriptum est, tum ab alijs, tum à Sig-

d. 79 e. 1 &
c. si quis pe-
cunia.

791. q. 3
2b. 331.
1203

Lib. 9 de
reg. Ital

E nio,

nio, cum Victor III. in Cassinati coenobio diem obijisset, anno M L xxxvij. Episcopos qui conuenerant admonuisse Romanos Clericos, Laicosque, itemq; Appulos, & Campanos Antistites, vt certo tempore Terracina adessent, ad nouum Pontificem erendum, qui verò adesse non possent, literis, aut nuncijs iudicium suum exponerent. Itaque aduenisse eò Cardinales, & Episcopos, & Abbates ex varijs regionibus. at verò ex Romana vrbe Ioannem Portuensem Episcopum omnium clericorum. Benedictum verò Vrbis Praefectum omnium laicorum sententiam per literas attulisse: quibus quidem comitijs Urbanus Secundus Pontifex est renunciatus. Quare hac adhuc erat eligendi Pontificis ratio, Fuitq; vsque ad Alexandrum Tertium, qui Pontificatum inijt, anno M C LIX. gessitque vno, & viginti annis tempore foedi schismatis: quare vt primum ex magno calamitatum concursu, quibus Ecclesia laborabat, respirare potuit, his ipsis incommodis admonitus, Concilium Lateranense aduocauit, in quo trecenti Episcopi, alijsque complures praelati, assuerunt. In eo igitur Concilio decretum condidit, quod totum eligendi ius in Cardinales translatum est, clero reliquo, & populo, atq; etiam Imperatore excluso: neque hoc solum vt Cardinales soli, sed etiam vt duae tertiae partes Cardinalium requirerentur. ex qua formula primus omnium Lucius Tertius creatus, cuius electionis diploma vidisse se testatur Onuphrius. Idemque deinde confirmatum est à Gregorio X. in Concilio Lugdunensi anno M c c l x x iij. itemque à Clemente V. magis corroboratum. Quae quidem formula adhuc in vsu est, semperque his totis quingentis annis durauit, quod satis magnum potest esse argumentum, huc esse optimum, & commodissimum modum, quando nunquam amplius variatum videmus, ex quo semel est receptus, cum priores omnes modi instabiles fuerint, nec diu in villo perseveratum. Quod etiam alio argumento confirmari potest; Nam cum ante Alexandrum Tertium sex,

&

cap. licet
extra de
elect.

c. vbi per-
iculam de
elect. in 6.

Clem. Ne
Roman.
de elect.

& vincti schismata inueniantur, his deinde iam quinque seculis vix tria extitere, atque ex his tribus vnum tantum Urbani Sexti Cardinalium culpa. Nam alia duo, alterum, quod tempore Ioannis xxij. extitit, ab Imperatore Ludouico extitatum est, alterum quod tempore Eugenij Quarti à Concilio Basiliensi. Quare non ratio solum, sed ipsa quoque experientia satis demonstrauit, nullam meliorem commodioremue formam excogitari potuisse. Hæc igitur de eligendi potestate. Nam quid deinde in eligendo spectandum, quid seruandum sit, de eo, vt ante dixi, suo loco separatim agemus.

De tertio Cardinalium officio, quod est assistere Pontifici. Cap. VI.



RESTAT tertium munus, quod consistit in consilijs Pontifici dandis, cuius etiam muneris explicanda est origo. Nam antea quidem per annos circiter octingentos, hoc faciebant Pontifices, vt ad grauiora negocia consultanda cogerent concilia, quæ vocabant nationalia, id est Italicorum Episcoporum, quibus tamen concilijs etiam Presbyteri Cardinales intererant, vt apparet in Synodo Gregorij, quæ est inter eius Epistolas. In ea enim post Episcoporum nomina, vrbanoꝝ etiam Presbyteroꝝ nomina leguntur. Sed cum auctis Ecclesiæ opibus, & insuper accessione temporalis principatus, cœpisset Pontifex in singulos dies egere consiliarijs, & adiutoribus; nec possent tam sæpe euocari Episcopi, concilia illa paulatim omissa sunt, resq; tota redacta ad Senatum Cardinalium. Atque hoc sanè multo commodius. Primum enim hi magis in promptu, & ad manum, deinde etiam, vt necesse est, cùm in his negotijs assidue versentur, magis eorum statum norunt,

Lib. 4. c. 88

E 2 quod

e. fundamē
ta de elec.
in 6.

4. de cōsid.

quod ad consilium dandum magnopere confert, postremo illa Episcoporum euocatio non fieri poterat sine magno, & crebro suarum diocesum detrimento. Hæ igitur sunt partes Cardinalium, hoc officium, ut quoniam vnius hominis mens, & consilium, nullo modo tantæ moli sustinendæ par esse potest, addantur aliqui, qui in tanto, tamque laborioso, & difficili opere Pontificem adiuuent, & subleuent. Itaque non potest melius describi hoc eorum officium, quàm descriptum est in sacro quodam canone, vbi appellantur principales assessores, consiliarij, & in executione principales officij cooperatores. Quod etiam voluit S. Bernardus, cum eos vocat Pontificis collaterales, & coadiutores; Quod si ita est, facilè apparet illud sequi, ut quàm late patet Summi Pontificis cura, tam etiã latè patere oporteat Cardinalium pro sua parte, studium, ac vigilantiam. Quare, Frater Illustrissime, quandoquidem cum persona, à dignitate, Cardinalis onus, & officiũ, pariter sustines, haud quaquam satis putare debes, si Romanæ Curia negotia tractes, si in controuersijs ad signaturam relatis iudicium inrerponas tuum, si huic, aut illi amico beneficium aliquod, vel honorem aliquem cures, etiam si iustè, ac piè id facias. Hoc enim parum admodum est, nimisque restrictum. Igitur vestra cogitatio totum terrarum orbem complecti debet, ipsamque Ecclesiã vniuersam; quomodo hæreses ad eò iam diffusæ profligentur, quomodo provinciæ à recta fide alienatæ ad sanitatẽ reuocentur. quæ sit ratio retinendi Galliã, quæ Angliam restituendi, quæ iuuandi Germaniam, aliasque similes regiones. Atque ut hæ, quæ iam aliæ omnino, aliæ ex parte magna sunt corruptæ, curandum est, ut sanentur, sic quæ sanæ sunt, ne corrumpantur, tum probis Episcopis legendis, tum prauis moribus euellendis, tum denique occurrendo omnibus incommodis, quæ quotidie incidunt, & quasi malum gramen in Domini vinea assidue suboriuntur. Hæc boni, & strenui Cardinalis esse debent studia,

hæ

hæ cogitationes, vt omnes suas curas ad Ecclesiam referat, & in Ecclesia consumat, vt omnem suam mentem, & diligentiam, & industriam ad hoc vnum excitet. Itaque rectè S. Bernardus in Epistola quadam ad omnes Cardinales, qua eos hortatur, vt Abailardi pullulantem hæresim excindant. Agite, inquit, pro loco, quem tenetis, pro dignitate, qua polletis, pro potestate, quam accepistis. quibus verbis aptissimè indicat, hoc esse Cardinalium proprium, vt excubent pro bono communi, vt in continua quadam vigilia sint aduersus hæreses, & aduersus omnia vitia, atque ob hanc causam datam eis esse dignitatem, & potestatem, qua pollent. Quare nisi eam huc referant, nisi ea ad hunc finem vtantur, eiusmodi quidem dignitas, ac potestas nihil erit aliud, quàm gladius vagina reconditus, aut vt est in Euangelio, talentum à seruo nequam in terra defossus; quæ culpa tenebris exterioribus, fletu, & stridore dentium æterno vindicata est. Ex quo quidem manifestè agnoscis quantoperè ab officio discessurus sis, non solum si desidix, & ignauix, oblectamentisque te tradas, sed etiam si ita te cum vno aliquo Principe, aut Rege, aut cum ciuitate aliqua colligaueris, eorumque priuatis commodis ita studueris, vt de totius populi Christiani vtilitate nil cogites, Nam si priuatorum commoda à publicis orbis Christiani vtilitatibus aborrient; nimirum bono, & constanti Cardinali negligenda sunt. neque committendum vt cuiusquam Principis gratia, siue auctoritas Cardinalitiam eripiat libertatem. Ac nescio an tibi præcipuè id deliberatum, fixumque esse oporteat. Meministi enim profectò, quod obliuisci non potes, quàm amplis verbis Gregorius xiiii. tibi atque Illustrissimo Collegæ tuo Aquanius insignia Cardinalatus imperiens, & honorem ipsum, quo vos decorabat, ornarit, & tanti muneris commendauerit, dignitatem. Mementote, inquit, vos à nobis nullius rogatu, sed Ecclesiæ solius respectu, in Patres legi: ac proinde in isto munere gerendo ad Ecclesiam

Ep. 188.

Matt. 29.

siam

siam solum respectum habere oportere. Et sanè cum Sacrosancta hac Romana Ecclesia communis omnium mater sit, & æque omnes ut filios amplectatur, oportet ipsos etiã huius Ecclesiæ ministros hunc eundem affectum induere, ut se homines communes existiment, verèq; omnium patres ac tutores: nec solum ita sentiant, sed etiam factis ostendant, ac prae se ferant, nec ulli aut homini, aut loco tantum tribuant, ut non multo plus Ecclesiæ Catholicæ, idest vniuersali deferant, quam vel laterum, & vitæ suæ oppositu tueri debent. Quo nomine magnopere Alphonsum illum Borgiam, postea Calixtum Tertium, laudatum accepimus, qui cum, ut Aragonensis, Alphonso Regi subditus esset, nunquam tamen illius gratia se inclinari, aut flecti passus est, quod non debebat. Quin etiam cum is aliquando instaret, & vrgeret, ut ad Basiliense Concilium, quod sine Pontificis auctoritate fiebat, se se conferret, liberè ac fortiter recusauit: immò verò Regi ipse persuasit, ut Neapolitanum bellum, quod ille aduersus Ecclesiæ dignitatem gerebat, omitteret. Quare hoc idem ab omnibus Cardinalibus faciendum est. & si quam habent cum Principibus propriam, ac peculiarem coniunctionem, eam sanè conseruare, & colere debent, sed ideo, ut illos ipsos Principes facilius retinere possint coniunctos cum publicâ causa, non ut ipsi à publica causa ob illorum gratiam, respectumq; desciscant.

Cardinales ex vi status obligatos esse ad perfectionem. Cap. VII.



ACCEDIMVS nunc ad id quod verè in Cardinali dici potest fundamentum, omnium officiorum; quoniam hoc fundamento iacto, facilè deinde apparebit, quas in eo virtutes, aut quales, & quo gradu esse oporteat. Hoc autem quod appello

appello fundamentum in hoc consistit, quod ipse status Cardinalis obligationem inducit perfectionis. Itaque non ei sufficere debet, ut virtuti studeat quoquo modo, aut eius quadam sit mediocritate, contentus, sed requiritur virtus quædam consummata, & omnibus partibus ac numeris absoluta. Denique ut verbo vno dicam requiritur, ut omnino perfectus sit, & nisi perfectus sit, non est, quod esse debet. Quod sanè vereor, ne aliquibus forte nouum, ac mirum, aut etiam nimis durum, rigidumque videatur. Sic enim iam eunt tempora, iamque aliam omnino formam induerunt ab ea quæ esse deberet, & quam Christus esse vellet, sed res tam certa est, ut non recusem quin nulla mihi fides habeatur, si non eam tam apertis rationibus, tam euidentibus testimonijs doctissimorum hominum comprobaro; ut quemuis etiam tergiversantem, inuitumque conuincant. Intelligendum est igitur triplici planè persona indutum esse Cardinalem, primum Christiani hominis, deinde clerici, postremò quæ propria, ac præcipua est, Cardinalis. Sed de Christiani quidem obligatione, quoniam generalis est, nihil hic dicendum puto, nisi hoc vnum, Euangelicam legem, quam David meritò Psal. 18. immaculatam appellat, & castam, puramque tanquam argentum septies purgatum, ita in omni genere perfectam Psal. 11. esse, ut nihil labis admittat, quod nihil est aliud, quam excludere omnia vitia, omnes requirere virtutes. Quid enim amplius dici potest? otiosum quodlibet verbum prohibeat, & ita prohibet, ut non sine sua poena, ac supplicio Matt. 23. abiturum minetur. Igitur quicumque hanc legem professus est, hoc professus est, se ex illius præceptis esse victurum, nec ab illis vlllo modo discessurum; in quibus quidem seruandis, quædam est sita perfectio. Hoc ergo est Christianum esse, hoc baptismum suscipere, nimirum, ut ait S. Leo, renunciare Diabolo, & in nouitatem è vetustate transire, & terreni hominis imagine deposita cœlestem formam suscipere, in eoque interuenire quandam speciem mortis, & quandam similitudinem resurrectionis, ut homo susce-

ptus

Serm. 14.
de pass.

De orat.
Hom.

Serm. de
lapf.

ptus à Christo, Christumque suscipiens, non sit idem post baptismum, qui fuerat ante baptismum. Quo etiam pertinet illa Cypriani exhortatio. Conuersemur quasi Dei templa, ut Deum in nobis constet habitare, nec degeneret actus noster à spiritu, ut qui coelestes, & spirituales esse coepimus, non nisi spiritualia, & coelestia cogitemus. Idemque alio loco. Considerandum est, inquit, fratres dilectissimi, & identidem cogitandum, renunciassse nos mundo, & tanquam hospites, & peregrinos hic interim degere. Quæ cum ita sint, non debent existimare homines hanc perfectionis obligationem, quæ in Deo perfectè amando, Deique præceptis, quæ tantam perfectionem continent, perfectè exequendis posita est, solis esse viris religiosi iniunctam. Est enim omnibus iniuncta, etiam laicis, atque ijs, qui in sæculo viuunt, & inter mundi strepitus. quoniam omnes ab eodem Deo geniti, & omnes eodem Christi sanguine redempti, idem omnes præmium, eandemque gloriam expectant; denique omnes etiam, ut diximus, hoc in suscipiendo baptismo promiserunt.

Ezech. 8.

3. in lib.
Reg. c. 5.

1. par. c. xi
leuit. 22.

Quod si hæc tam magna est obligatio omnium Christianorum, quanto deinde maior erit clericorum, qui ad hoc ipsum segregati sunt, ut peculiarem Deo seruiant seruitutem, quiq; ideo sunt instituti, ut hominum peccata comedant, ut inter vestibulum, & altare plorantes diuinam iram placent, ut populos à vitijs reuocent, erudiant ad virtutem. Accedit etiam summa cum Deo coniunctio, quam affert status ipse, de quo recte S. Gregorius, eos mysticè Bethel vocari, idest domum Dei. Quid enim inquit, Bethel, nisi viros officio sacri altaris deputatos significat, quia dum spiritualibus studijs inherent veluti domestici Dei omnipotentis familiares sunt. Atque idem alibi illud afferens ex leuitico, quo prohibetur, ne ullus, qui maculam habeat, ad Dei accedat ministerium, interpretatur etiam, quæ illæ sint maculæ, quas scriptura commemorat. Cæcus quippe est, inquit, qui supernæ contemplationis lumen ignorat. Claudus, qui quidem quo pergere debeat,

beat, aspicit, sed per infirmitatem mentis, vitę viam perfectę non valet tenere, quam videt. Fracto etiam pede, vel manu est, qui viam Dei pergere omnino non valet. Gibbus vero, quem terrenę sollicitudinis pondus deprimat, ne vñquam ad supernā respiciat, sed solis ijs, quę in infimis calcantur, intendat. Igitur si ab ijs omnibus vitijs abesse debent omnes, qui se se Ecclesiasticę vitę deuouerunt, facile apparet quanta eorum omnium debeat esse perfectio. Omnium dixi, ne quis hoc de solis pręlatis dici arbitretur. Et si enim de ipsis præcipuē dicuntur, tamen quicumque se diuinis altaribus consecrarunt, quicumque mysteriorum illorum sanctitatem tractant, omnes planē sanctos, integros, & impollutos esse oportet. Quamobrē recte S. Hieronymus. Non solum, inquit, Episcopi, Presbyteri, & Diaconi debent magnopere prouidere, vt cunctum populum, cui præsident, conuersatione, seruire, ac scientia præcedant, verum, & inferior gradus. s. exorcistę, lectores, ediculi, & omnes omnino qui domui Dei seruiunt: quia vehementer Ecclesiam Christi destruit, meliores laicos esse, quàm clericos. Igitur si ædituus quiuis, & quiuis vulgaris clericus, quia ex Dei familia est, hand debet perfectionem sectari, facile est hinc argumentari, quid à Cardinalibus exigatur. Etenim Pręlati omnes, aut qui maius aliquod negocium in Ecclesia gerunt, ij sunt, vt ait S. Gregorius, qui vt Noë arcam in vndis, ita dum ad formam vitę populis præsunt, Sanctam Ecclesiam in tentationum fluctibus regunt. Ipsi etiā, vt idem S. Gregorius alibi, orbem portant, quia tantorum pondera vnusquisque sustinere compellitur, quantis in hoc mundo principatur. Quod si veterem illum clerum consideremus, vt est à Christo institutus, ab Apostolis ex cultus, atque primis illis sæculis in Dei Ecclesia viguit, planē videbimus quid de hoc ordine cogitandum sit, & quàm altē suspicere debeat, qui ita se instruere velit, ne ab huius status præstantia, & perfectione degeneret. Quis enim illis tempo-

Epist ad Titum. c. 2.

1. moral. c. 7.

9 moral. c. 10.

ribus feruor? quæ in Deum charitas? quis animus, quæ
 alacritas ad martyrium subeundum? quis deinde zelus in
 proximorum salute procuranda, pro qua nullis laboribus,
 nullis parebant periculis? Denique quantus contemptus
 rerum omnium terrenarum, honoris, diuitiarum, commo-
 ditatum, cum etiam plerique, vt de Cypriano accepimus,
 paternas omnes possessiones, & quicquid habebant ven-
 derent, ac pauperibus distribuerent. ipsi verò vt plurimū
 in paupertate, & summa rerum omnium inopia traherent
 vitam? Itaque non illi ordinem hunc, vt gradum ad am-
 bitionem, aut ad opes augendas suscipiebant, sed quod
 verè est, tanquam Dei militiam, & obsequium, vt se totos
 eius numini consecrarent. Itaque si verum fateri velimus,
 nosque ipsos sine assentatione respicere, ad eò nos defle-
 xisse à prisca illa cleri formula reperiemus, vt vix eius ma-
 neant vlla vestigia. Quam iacturam, & quam plagam,
 iam tum suo tempore descebat Gregorius, eamque in Sa-
 muele expressam putabat, in quo quoniam nouum Sacer-
 dotium designatum est, cum sacra Scriptura eum tenuisse
 commemorat, hoc putat indicari dum Ecclesia per decur-
 rentium temporum spatia ducitur, in nonnullis Sacerdo-
 tibus conuersationis pulchritudinem veterascere. Quasi
 enim, inquit, iuuenis erat Samuel, quando Sacerdotum
 ordo solis coelestibus desyderijs inhians, dum nulla terre-
 na quæreret, quò efficacius superna prædicare poterat, eò
 ad ea nihilominus verbis, & exemplis subditorum animos
 accendebat, valebat enim robore, & iuuenili pulchritudi-
 ne radiabat, dum vim coelestis verbi in splendore ostende-
 ret sanctæ conuersationis, quia quicquid validum loquen-
 do poterat prædicare, nitebatur etiam sublimiter viuendo
 ostendere. Sed iamdiu est, quòd Samuel senuit. Multa
 enim tempora elapsa sunt, ex quibus multi Sacerdotes
 amorem sæculi sequuntur, quorum virtute depelli gaudia
 mundi ob aliorum cordibus debuerunt. Hæc & alia mul-
 ta ibidem Gregorius; quibus hoc vnum adiiciendum vi-
 detur,

detur, hanc perfectionis formam, ab omnibus clericis exigi, quos ut ait S. Hieronymus nomen ipsum admonet eos Epist. 4.
de sorte domini esse, & Dominum eorum esse sortem; ut
propterea nihil extra Dominum habere debeant. Verum
si hæc perfectio omnibus necessaria est, qui clericos se pro
fitentur, certè multò magis ijs, qui in clero ipso eminent
& quò magis eminent, eò magis debent omni virtutis lau
de præcellere, quoniam & communes cum alijs causas ha
bent, & proprias.

Videamus nunc tertium gradum huius obligationis, ita
proprium Cardinalibus; ut nullis alijs conveniat. Quod
ut plenius intelligatur, quoniam magnum in eo momen
tum positum est, videtur res paulò altius repetenda. Ete
nim aliud est perfectio, aliud verò perfectionis status.
Perfectio in diligendo Deo consistit, quam ob causam
charitas à B. Paulo perfectionis vinculum appellatur; Col. 3. 14.
cuiusque ratio est, quia una quæque res tum perfecta dici
tur, cum suum attingit finem; Finis quippe est consum
mata rei perfectio. at charitas cum Deo coniungit, qui finis
est noster, quoniam qui manet in charitate, in Deo manet, 1. Io. 4.
& Deus in eo. Verum perfectionis status spectari debet;
non tam ex eo, quòd intus in anima agitur respectu Dei,
quàm quòd fit exterius respectu Ecclesiæ. Requiritur
enim ut hic status cum obligatione ineatur, atque hæc ip
sa obligatio cum aliqua solemnitate, eaque huiusmodi, ut
perpetuam habeat firmitatem. Itaque in perfectionis sta
tu esse aliquis dicitur, non ex eo, quòd perfecte Deum
diligat, sed si se obligarit ad aliqua perfectionis officia.
Fieri enim potest, ut quispiam ei se obliget, quod postea
non præstet, alius verò id præstet, cui se non obligavit: ut
duo illi quos Dominus narrat apud Matthæum; quorum Matth. 21.
alter iussus à patre in vineam ire, respondit impigre. Eo
domine; nec tamen iuit; alter prius quidem ire, recusa
vit, postea paruit. Hoc igitur posito, facile est discernere,
re, quinam in statu perfectionis censerì debeant; in pri

mis videlicet Episcopis, & religiosi, quoniam utriusque ob-
 gationem perpetuam suscipiunt ad optata perfectionis, id-
 quæcum aliqua externa cæremonia. Episcopi quidem,
 quia ad id se obligant, ut animas sibi creditas illuminent,
 instruant, ad perfectionem adducant, ac pro ipsis etiam si
 opus sit, vitam profundant. Quin etiam ijs consecrandis
 certi ritus adhibentur, estque nexus ille perpetuus, qui
 nisi permissu Pontificis, dissolui nequeat. Eadem est ra-
 tio etiam religiosorum, sed hoc amplius in Episcopis, quod
 etiam ut perfectiores, quemadmodum ait Dionysius, quo-
 hiam alijs perficiendis operam navant, religiosi autem, ut
 perfecti. Cum igitur de hoc utroque genere, hoc certum
 sit, videamus iam de Cardinalibus D. Antoninus quidem
 disertè, ait, Cardinales non esse in statu perficiendorum,
 sed perfectorum, & quidem multò magis, quàm Episco-
 pos. Idem etiam scripsit Augustinus Triumphus optimus
 Theologus aliquantò senior Antonino natus quippe est,
 ut accepimus, anno M c c x l i i i j. Hic igitur ipse quoque
 hac questione posita, utrum Cardinales sint in statu per-
 ficiendorum, an verò perfectorum, apertè responderet, per-
 fectorum, immò verò in hoc genere perfectionis primum,
 in Ecclesia locum tenere etiam supra Episcopos, ac pro-
 inde maiorem in eis charitatem, maiorem iustitiam, maio-
 rem etiam rerum temporalium despicientiam, requiri,
 quàm in ipsis Episcopis. Quin etiam Turrecremata cum
 ipse quoque ex professo, quæstionem hanc proposuisset,
 subijcit eandem responsionem, omnino Cardinales per-
 fectionis statu censi. Nam præter quotidiana officia,
 pro Ecclesiæ bono, quæ magna, & ardua sunt, obligant
 etiam, & deuocent Deo se se ad fidem Catholicam, Chri-
 stianamque religionem totius viribus tuendam, etiam si in
 ea causa sanguis profundendus sit, & ad hoc tam præla-
 rum munus consecrantur cum, multis insignibus cæremo-
 nijs, certisque sacramentis, quæ summo Pontifici præstant,
 tum verò de fide seruanda. Quare nihil dubitandum est,
 quin

Ecclesi.
Hier. c. 5.
& 6.

3. p. tit. 2.
6.2.

In sum. 9.
102. a. 2.
& 3.

Lib. 1. de
Ecclesi. a. 8.

quoniam hic quoque status perfectus sit, & quidem multo perfectior, quam Episcoporum, quia bonum vniuersalis Ecclesie ad cuius gubernationem assumuntur, & pro cuius propugnatione spondent animas exponere, maius, & diuinius est, quam bonum particularium Ecclesiarum, quam ad eam alij Prælati obligantur. Hæc ad verbum Turcrecremarum.

Possunt autem omnia ista confirmari pluribus argumentis ductis, tum ex dignitatis amplitudine, de qua, ante diximus, tum ex officio, de quo proximè, tum etiam ex difficultate negotij, quod Cardinalis gerit. postremo ex similitudine quadam celestis illius Ecclesie. Primum enim honos ipse, qui homini tribuitur, simul & præmium quoddam est virtuti, redditum, & indicium, ac testimonium virtutis, quæ in homine sit. Quare ex utroque capite summus hic honos summam requirit, perfectamque virtutem. Ac nisi ita sit, mendacium quoddam committitur, seu fictum in re maxima. Accipitur enim & exigitur maximum decus minimè debitum. Adde hoc, quod Ecclesia nihil aliud est, quam spiritualis quædam res publica; quare & munerà, quæ in ea sunt, spiritualia sunt, & graduata distinctio ex spiritualibus causis spectari debet. Nam ut in societate aliqua mercatorum, aut militum, vel nautarum, ij quidem in officijs partiendis præponuntur, qui in suo quisque genere peritiores, & instructiores habentur, contra vero magna esset confusio, & perturbatio, si Magistratus, vel ex formæ, aut vocis elegantia, vel ex pingendi, aut ædificandi scientia, quæ ad rem non faciunt, deligerentur; ita in hoc spirituali, ut diximus, regno, multò, maius monstrum est, si superiores hi gradus non ex spirituali genere, sed ex diuitijs, aut opibus, aut alijs eiusmodi terrenis rebus constituentur. Quamobrem rectè de hoc Hieronymus Manfredus, non quidè ex Theologorum numero, sed quod magis etiam mouere debet iurisperitorum, bonus tamen, & doctus iurisperitus, officium, inquit,

1. 2. 1. 2. 3.

Lib de
Card. c. 7.

1031a

inquit,

Inquit, Cardinalium est, honestis moribus, & vitæ integritate adedò elucere, vt tanquam lumina quædam sint, & exemplum omnibus præbeant, vt verè cardines appellentur. & columnę illę dignitatis supra montem positę. Quid enim perniciosius, quid Deo odiosius, quàm vt quos docere debeas, eos tu ipse prauo exemplo ad malũ, allicias? Contra verò quanti refert, si cum præstantia dignitatis, vitæ etiam præstantia conuenerit? Nam cum omnium oculi in eos, qui cæteris præsunt respiciant, sanctiores esse cæteris debent, qui primum locum post Pontificem obtinent; & velut dii quidam in terris honorantur. Hæc ille.

Ex officio verò ita argumentari licet, Cum Pontifici assistere Cardinales, eumque in rebus maximis assiduè iuua-
re debeant, tum consilio, tum opera, nunquàm id præstare poterunt, vt quidem rei amplitudo requirit, si virijs seruiant, si humanis affectibus transuersos se agi sinant, ac denique si non omnibus virtutibus se diligenter excolant. Quæ de re auctoritatem habemus maximam, vti quæ ipsius
Sess. 25. c. 1 Tridentini Concilij, in quo cum de Cardinaliũ reformatione ageretur, hæc ipsa verba ponuntur. Quorum consilio apud Sanctissimum Romanum Pontificem cum vniuersalis Ecclesiæ administratio nitatur, nefas videri potest non ijs etiam virtutum insignibus, ac viuendi disciplina eos fulgere, quæ merito in se omnium oculos conuertant. Huc accedit, vt diximus, difficultas ipsius status, quæ nunquam vinci poterit, nisi abundantia quadam ac perfectione virtutis. Quid enim difficilius, quàm inter tantos honores, humilitatem retinere, aut inter tantas opes, & diuitias illam spiritus paupertatem, sine qua, vt Saluator ait, nemo regnum cœlorum adipisci potest? Itaque vt ad maiorem hostium numerum prosigandum, maius requiratur robur, sic Cardinalis, si salutem consequi velit inter tot salutis aduersarios, necesse est, vt magna quadam, & excellenti virtute sit præditus. Quin etiam si nihil aliud esset, illud ipsum, quod in Cardinalatu suscipiendo solem-

niter

inter eis à Pontifice denunciatur, & quod ipsi admittunt, & tacite spondent, ut ad ipsum sanguinem pro Dei honore, & Ecclesię defensione profundendum prompti ac parati sint, tanta res est, ut præstari non possit, nisi à sanctis viris, atque perfectis. Is enim actus est summę charitatis, quoniam ut ipse Dominus docuit, maiorem charitatem nemō habet, quàm ut animam pro altero ponat.

Ioan. 15.

Postremo est etiam illa similitudo, quam dixi cœlestis Hierusalem. Intelligendum enim est, magnam esse similitudinem, ac proportionem inter Ecclesiam, quæ est in terris, & eam, quæ est in cœlis. Ita enim ait Bernardus, quia, inquit, non potest filius facere quicquam, nisi quæ

Lib. 2. con
61.

viderit patrem facientem, præsertim cum ei sub Moyse nomine dictum sit, Vide ut omnia facias secundum exem-

exo. 17.

plar, quod tibi in monte monstratum est. Viderat hoc qui dicebat. Vidi civitatem sanctam Hierusalem novam

Apoc. 21.

descendentem de cœlo à Deo paratam. Hanc autem similitudinem addit Bernardus in eo maxime sitam esse, quod sicut illic varij sunt ordines, ac hierarchiæ Angelorum, Arcangelorum, aliorumque usque ad summum Deum: ita hic quoque sua sit varietas munerum, ac classium, quoniam alij sunt Presbyteri, alij Abbates, Episcopi, vel Patriarchæ, alijque gradus usque ad Pontificem, qui summus est. Ex qua comparatione ita ratiocinari licet, ut quemadmodum cœlestes illi ordines, ita distributi sunt, ut quò superiores, eò perfectiores sint, diuinisque donis ornatiore, idem hic quoque in his ordinibus esse oporteat, idque & recta ratio, & Dei voluntas requirat, qui omnia ordinatissimè fecit. Quod si ita est, ne illud quidem dubitandum, quin Cardinalium ordo, qui summus est post Pontificem, illi ordini respondeat, qui est post Deum altissimus, id est Seraphinis ipsis. Ex quo sequitur nimirum oportere, ut quemadmodum eorum locum, sic etiam sanctitatis eminentiam, representent: atque ut beati illi Seraphini adeo ab hisce terrenis rebus abhorrentes,

ad eum cum Deo coniuncti sunt; eiusque amore incensi, ad eum ei semper assistunt, ut nusquam alio faciem, ac mentem auertant; sic Cardinales non solum ad perfectionem conuerti debent; sed ita conuerti, ut reliquos omnes in hac perfectione, in charitatis ardore, in rerum mortalium contemptu facile antecellant. Hoc enim postulat, ut dixi, loci ipsius; in quo sunt celsitudo, quam nisi vitæ virtutisque celsitudine tueantur, & se ipsos, & loci auctoritatem, maiestatemque dedecorant.

*In quibus consistat hac perfectio, quæ requiritur
in Cardinali. Gap. V III.*



Sed verum est, quod modò tractauimus, totque argumentis confirmamus, necessarium esse Cardinali, ut iam sit perfectus, & perfectam ex omni parte vitam ducat; idque ab eo statum ipsum exigere; facile est iam videre, quid ex hoc fundamento sequatur. Sequitur enim omnes, qui in hoc gradu sunt, omnem suam curam, studium, industriam eo conferre debere, ut hoc opere, & re ipsa expleant, quod professione præseferunt; itaque se componant, ut ad sanctitatem, & perfectionem, in omnibus suis factis, dictis, & cogitationibus aspirent. Nam & si perfectio omni homini ita conuenit, ut si adsit magnum afferat ornamentum, si absit magna sequatur deformitas; tamen hæc ipsa deformitas, eo magis augetur, quod magis debuisset inesse perfectio. Ut lapidi, aut stipiti, si visus desit, non ideo turpiora sunt, ac si animanti desit, sedum est, & inutile. Atque ut similitudinem capiamus, ex rebus exteris, quæ sensus movent, si Cardinalem prodire in publicum contingat sine purpura, & sine ijs ornamentis, quæ illi ordinis hominum more, vsuque congruunt, contra verò sacco, aut pannofis baiuli vestibus

vestibus indurum, quàm ipsum pudeat, quàm omnes offendat? Quid igitur si interiori illo habitu, qui multò magis Cardinali, quàm hic externus convenit, spoliatus; & vulgaris vitæ vitijs deformatus incedat? Atque. est etiam aliud, quod ex suo ipsius sensu, & iudicio mouere possit Cardinalem. Cogitet enim quisque apud se, cum de Monacho, aut religioso aliquid audit, quod statum illum non deceat, quantum indignetur, quibus verbis inuehatur, quos carceres, quæ supplicia intenet. id què non immerito, quoniam cum vir religiosus perfectionem profiteatur, iure ab eo exigitur, quod profitetur. Atqui iam proximo capite demonstratum est, Cardinalium statum, multò magis obligari ad perfectionem, quàm statum religiosum. quare si eam non habeant, turpius etiam eis est, quàm religiosis. Hoc igitur primum, ob has, & ob alias, quæ afferri possent rationes omnino apud animum suum, decernat Cardinalis, perfectionem sectari suo statui congruentem, omnesque alias curas, & cogitationes huic vni curæ, & cogitationi postponat. hanc semper ante oculos habeat, huc cæteras dirigat. Quod si deinde quærat, quænam sint, in quibus consistat hæc perfectio, & quæ requirat, ea quidem non ita multa sunt, nec ita grauias, ut pertimescas, sed ad tria capita reuocari possunt. Primum est ut à malo declines, id est peccata fugias, & ea præcipue, quæ grauiora sunt, & quæ ideo mortalia appellantur, quoniam mortem animæ afferunt, multò horribiliorem, quàm corporis. Vitam enim eripiunt, sine comparatione meliorem, & nobiliorem, & certè diuinam. Quare ita animo constitutus esse debet Cardinalis, ut quiduis potius ferat, & quiduis patiatur, quàm ut suum creatorem, ac Dominum tam grauius offendat, & cum vel odorem aliquem talis peccati teterrimum sentit, ita se auertat, ita refugiat, atque auersetur, ut pestem, ut exitium. Sed hoc quidem commune est omnibus, etiam laicis, ac plebeis, & certè parum admodum tali Ecclesiæ Prælato, neque tam magna

laus, si fiat quam magna culpa, si non fiat. Quare aliquid amplius etiam in hoc genere ab ipso exigendum est. Rectè enim S. Ambrosius, Non mediocris, inquit, est virtus, Sacerdotalis, cui cauendum non solum ne grauioribus flagitijs sit affinis, sed ne minimis quidem. Neque enim idèò contemnenda, quia parua videantur, quia si Deum spectemus, Deique dignitatem, nulla offensa, quæ in eum committatur, leuis videbitur. Si vero damna nostra spectemus, hæc etiam nemo leuia reputabit, quoniam ut ait S. Gregorius, pluuiarum guttæ exiguæ sunt, sed quia multæ magnos fluminum gurgites efficiunt. & nauigio tantum nocet sentina latenter per rimas excrescens, quantum procella aperte sæuiens, vtraque enim demergit & obruit, sed illa sensim, hæc statim. Et minuta sunt quæ erumpunt in membris per scabiem vulnera, sed cum multitudo eorum innumerabiliter occupat, sic vitam corporis, sicut vnum graue, inflictum pectori vulnus necat. Hinc videlicet scriptum est, Qui modica spernit, paulatim decedit. Qui enim peccata minima fieri, ac deuitare negligit, à statu iustitiæ, non quidem repente, sed partibus totus cadit. Hæc Gregorius verissimè, ex quibus intelligere possunt omnes, ac præsertim Cardinales, quàm sibi obfirmanda sit mens etiam aduersus ea peccata, quæ vulgò ita contemnuntur, ut passim incidant. Atque in his etiam est aliqua differentia. Et si enim omnia sunt fugienda, tamen multò magis nocent, quæ ex habitu quodam sunt. Nam irasci, exempli causa, iactare se se, velle honorari, indignari ob negatum honorem, ociosas nugas loqui, spectare inutilia, gulæ indulgere, & alia eius generis penè infinita, si ex habitu proueniant, multò sunt damnosiora, quàm si ex repentina quadam incitatione; quoniam & frequentius committuntur, & minus aduertuntur, & denique difficilius extirpantur. Quare in his etiam, cum cognoscendis, tum profligandis, omnis est à Cardinali adhibenda diligentia.

Alterum

Alterum caput huius perfectionis est, virtutum ornatus, & quidem omnium. Quemadmodum enim cui brachium desit, aut tibia, non potest pulcher dici, etiam si alia membra habeat, sic qui, aut pluribus, aut etiam vna virtute destituatur, licet alias habeat, non modo non potest dici perfectus, sed ne bonus quidem, quia quicumque totam legem seruauerit, offendat autem in vno, factus est omnium reus vt docet Iacobus Apostolus. De his igitur virtutum ornamentis egregie S. Bernardus ad Eugenium, vbi ait, omnes quidem erubescere debere, cum ijs nudati sunt, sed multo magis, qui in loco eminenti sunt, quia quod quis illustrior, cōsine his insignibus deformior. Nunquid, inquit, potest abscondi ciuitatis supra montem positæ desolatio, aut latere fumus lucernæ extinctæ super candelabrum? Simia in tecto rex fatuus in folio sedens. Monstruosa res gradus summus, & animus infimus, sedes prima, & vita ima, lingua magniloqua, & manus ociosa; sermo multus, & fructus nullus, vultus grauis, & actus levis, ingens auctoritas, & nutans stabilitas.

Iacob. 1.

Lib. 2. de
confid.

Tertia pars huius perfectionis est exequutio quorundam consiliorum, quæ à Saluatore nostro cum exemplo, tum etiam voce tradita sunt, cuiusmodi est abnegare seipsum, in multis, ei qui nobis malè fecerit, vltro bene facere, conformare omnino voluntatem suam diuinæ voluntati, libenter pati aduersa pro Christi nomine, ijsque gaudere, & alia huius generis, quibus plenum est Euangelium. Hæc autem licet alijs vulgaribus hominibus, non ita fortasse necessaria sint, ijs tamen, qui quasi arcem perfectionis in Dei Ecclesia tenent, ita conueniunt, vt nisi faciant, peccare videantur. Nam vt rudi, & illiterato satis est, si in loquendo non erret, immo etiam errata quædam condonantur, ac vero ab Rhetore plus requiritur, vt etiam ornate, & eleganter loquatur, ita etiam Cardinali non sufficiunt illa communia, & mediocria, sed status ipse excellentiam quandam sanctitatis proficitur. Quod fit, vt quem-

admodum dixi, non solum omnes virtutes, sed eximios etiam quosdam gradus omnium virtutum ab his exerceri oporteat. Itaque, ut cum aliquis in Cardinalium numerum coopatur, tanta sit mutatio rerum omnium externalium, videlicet in vestibus, in domo, in suppellectili, in famulis, & familia, & denique tota viuendi ratio commutatur, & transfertur in rationem aliam adeò dissimilem, & quidem longè splendidiorem: sic mihi videtur idem omnino fieri debere in interioribus, ut nouus Cardinalis noua statim induar consilia, nouas cogitationes, nouum spiritum, nouum animum, eumque illi statui, & illi vocationi, qua eum Dominus dignatus est, conuenientem. Cum Samuel diuino iussu Saulem vnxisset in Regem, illud etià præter cætera prædixit, Infiliet in te spiritus Domini, & mutaberis in virum alium. idque paulo post cum omnium admiratione euenit. Similiter etiam cum Moyses septuaginta viros adlegisset, quorum opera in tanto populo gubernando subleuaretur, ita scriptum est, descendisse in nubem Deum, & abstulisse de eius spiritu, & dedisse illis septuaginta, & quidem indicio manifesto, cum statim prophetare coepissent, stupentibus omnibus rei nouitate. Hæc igitur eadem mutatio in Cardinalis pectore fieri debet, cum ad tantum munus asciscitur, ut ipse quoque aliam mentem, & cor aliud concipiat, totumque se se Deo domino, & eius sponsæ Ecclesiæ in eo ministerij genere dedat, & consecret. Arqui hæc perfectio de qua loquuti sumus quamuis multa, ac varia complectatur, tamen si eius quasi breuem descriptionem, ac summam velimus, licet eam sumere à S. Bernardo, qui his coloribus viuus sanè, & aptis bonos Cardinales expingit. Sint, inquit, compositi ad mores, probati ad sanctimoniam, parati ad obedientiam, mansueti ad patientiam, subiecti ad disciplinam, rigidi ad censuram, Catholici ad fidem, fideles ad dispensationem, concordes ad pacem, conformes ad vnitatem. Sint in iudicio recti, in consilio prouidi, in iubendo discreti,

L. reg. 10.

Num 11.

Lib 4. de
consil.

secreti, in disponendo industrij, in agendo strenui, in loquendo modesti, in aduersitate securi, in prosperitate deuoti, in zelo sobrij, in misericordia non remissi, in ocio non ociosi, in hospitio non dissoluti, in conuiuio non effusi, in cura rei familiaris non anxij, alienę non cupidi, suę non prodigi, vbique & in omnibus circumspecti. Hęc Sanctissimus ille pater de Cardinalibus.

*De particularibus virtutibus quas habere debet
Cardinalis, & primum de prudentia.
Cap. IX.*



CUM hęc de perfecto Cardinali necessaria in vniuersum dicta sint, dicendum nunc est de singulis virtutibus, sine quibus hic locus recte, & cum dignitate teneri non potest. Primum autem occurrunt quatuor illę, quę Cardinales ipsę quoque vocantur. Quid enim magis conueniat homini Cardinali, quam Cardinales virtutes, non solum ob nomen, sed etiam ob rem, quoniam omnes humanas actiones moderantur, quę si absint, innumerabilia peccata sequi necesse est. Ex his igitur prima est prudentia. tum quia, vt ait Aristoteles, ^{6. ethic. a} lumen est reliquarum, tum etiam quia non modò ornamentum, sed penè fundamentum est huius muneris, de quo loquimur. Nam cum Cardinales ad hoc instituti sint, vt sint Pontificis Consiliarij perpetui, quomodo id ab eis præstari poterit sine prudentia, & quidem magna, & insigni? Etenim si Principis cuiusvis Consiliarium prudentem esse necesse est, quantò magis vniuersalis Principis totius Ecclesię diffusę per orbem terrarum, ad quem ex toto orbe grauissima, & maxima, & difficillima negocia referuntur? Itaque vt à Medico, vt à Iurisperito, vt etiam à pictore, vel à quouis artifice suę artis, quam quisque profi-

profiteretur, scientia exigitur, & nisi eam teneant, non solum ridentur ab hominibus, sed peccant apud Deum, ita hæc est, ut ita dicam, ars Cardinalis consilia dare, suggerere rationes, & vias ad explicandos nodos, cum incidunt dubios, probare quæ probanda sunt, & contra dissuadere, quæ non sunt utilia. Quare qui prudentia, & rerum cognitione, non polleat, nullo modo hoc tam præclarum munus pro dignitate tueri poterit. Hac verò virtute instructus Cardinalis, tum præsentia perpendet, & quid in quaque re verissimum sit, perspiciet, tum etiam futura cogitatione præcipiet, nec unius tantum partis commoda pensabit, sed aliquantò ante constituet, quid in alteram quoque partem accidere possit, ne aliquid ei subitum, aut repentinum accadat, quod non præviderit. Hoc enim vel præcipuum est prudentiæ officium. Atque eiusdem est etiam fugere semper extrema, ita ut neque laudentur omnia, neque omnia damnentur, neque omnia concedantur, neque rursus omnia negentur, neque semper, & omnibus credatur, neque contra nulli credendum statuatur: item ut neque propter paucorum culpam multi condemnentur, neque propter paucorum probitatem alij sine delectu approbentur. Est etiam prudentiæ regula, non spectare vel antiquitatem rerum, vel novitatem, ut vetera omnia laudentur, omnia recentia rejiciantur, sed suis singulæ momentis æstimare, & omni præiudicio remoto, ut quæque res per se meretur, ita de ea ferre sententiam. Item non decipi externa specie, rerum, neque ex eo quod foris ostendunt definire, neque aliorum opinione abduci, præsertim vulgare, sed in omnibus niti ratione, rectoque iudicio. Ante omnia verò ut gravitas animi, & moderatio prudentiæ est: sic contra leuitas, & nimia quædam facilitas imprudentiæ. Itaque in his præsertim quatuor, debet Cardinalis, cui homines multi, & negotia multa tractanda sunt, cautionem adhibere, in loquendo, in credendo, in promittendo, in concedendo. Sic enim scriptum est, Qui

cito

eito credit, levis est corde. itemque. Totum spiritum suum profert stultus, sapiens differt, ac referuat in posterum. Quo significatur non esse prudentis, vel iudicii suum, de quibuscumque rebus statim proferre (quod qui facit, sepiissime eum errare necesse est) vel in calore sermonis omnia expromere. Facile enim excidunt, quæ magno emeretur non esse dicta. Ad hanc etiam pertinet, non esse promptum ad irascendum. Sic enim monet sapiens. Ira in sinu stulti requiescit. idque significat non adesse maturitatem, quandam mentis, quæ quidem perpetua est, comes huius virtutis, nec unquam ab ea se iungitur. Atque hæc, sane, & alia huiusmodi sunt officia prudentiæ. Ecclef. 7.
Prouer. 19

Sed intelligendum est, atque etiam magnopere in hac parte obseruandum, ut est quoddam aurum fucatum, & adulterinum, quod non nisi à peritis discerni possit, ita esse genus quoddam prudentiæ omnino falsæ, & adulterinæ, quæ scilicet politica appellatur. Hæc autem humanum aliquid semper spectat, & quidem proprium, atque ad id etiam humano artificio adniscitur. Itaque optimè sic eam describit S. Gregorius. Huius mundi sapientia, inquit, est cor machinationibus tegere, sensum verbis celare, quæ falsa sunt, vera ostendere, quæ veræ sunt falsa demonstrare. Hæc sibi obsequentibus præcipit honorum culmina querere, adepta temporalis gloriæ vanitate gaudere, irrogata ab alijs mala multiplicius reddere, cum vires suppetunt, nullis resistentibus cedere, cum virtutis possibilitas deest, quicquid explere per malitiam non valent, hoc in pacifica bonitate simulare. Atque hanc quidem mundi sapientiam duplicitatem, non sapientiam esse docet. Ut igitur veræ, solidæque prudentiæ vim tenere possimus, intelligenda eius natura, quam ita definit S. Thomas, ut recto, & vero fine posito, vias deinde, & rationes, aptas applicet, ad eum consequendum. Ex quo sequitur, nisi verus sit finis, non posse veram esse prudentiam, sed potius calliditatem vel astutiam, aut aliquam eiusmodi vitiosam Ecclef. 7.
10. mor.
c. 16.
1. 2 q. 48.
2. 6.

virtuosam solertiam. Hic autem finis omnium quidem hominum generalis, est æterna vita, ad quam omnes à Deo facti sunt, peculiaris autem is quem suus cuique status proponit ut Cardinali de quo hic loquimur, Ecclesiæ propugnatio, propagatio diuini honoris, subleuatio Summi Pontifici, denique totius sui officij exequutio. Quare vera prudentia huc aspirare, & huc coniti debet, & qui in his se se strenuum præstat, ille verè prudens habendus erit.

Qui verò pro suis commodis laborat, qui suæ priuatæ utilitati, aut suæ ambitioni studet, qui sibi aditum ad opes, ad amplitudinem, ad potentiam, adulando, ambiendo, aucupando, Principum gratiam, struit, huius quidem omnino falsa est prudentia, & potius, ut diximus, malitia, & calliditas, quæ vult illa quidem se videri prudentiam, sed abest ab ea, distatque plurimum. Est autem hoc vitium tum alijs periculis expositum, tum maximè huic poenæ iustæ, & debitæ, quòd qui ita vitam suam instituunt, nec à Deo æterna præmia referunt, quæ scilicet ipsimet minime querunt, nec tamen plerumque ad illa ipsa temporalia, perueniunt, pro quibus adeo laborant. Sic enim S. Augustinus Iudeis contigisse ait, ut quia in Christo recipiendo temporalia perdere timuerunt, & vitam æternam non cogitarunt, ytrunque simul amiserint, quoniam, & in Dei, & Romanorum ipsorum iram, odiumque inciderunt. Quod idem multis etiam olim Cardinalibus iusto Dei iudicio euenisse scimus, ut cum ad Pontificatum sibi conciliandum, aut ad familiaræ statum illustrandum, & amplificandum hominum amicitias multis artibus ambierint, Deum primum offenderint, nec tamen quod volebant, assequuti sint, sæpe etiam nullos magis infensos habuerint, quàm eos ipsos, quorum causa peccauerant. Ego verò nescio quæ melior, & sanctior, possit esse prudentia, quàm Deo fideliter seruire, eiusque honorem, & obsequium ex animo procurare; & si quid expectandum est, ab ipso manu sperare. Si enim creditur, ut est omnino credendum,

omnia

Tract. 49.
in Io.

omnia eius nutu, & arbitrio Regi, quæ stultitia est confidere in Principibus, & in filiis hominum, in quibus non est salus, & confidere cum ipsius Dei offensione? Quare ut concludamus, illa mihi videtur vera, ac germana, & bono Cardinali digna prudentia, quam S. Bernardus ipse indicat, in Epistola quadam ad Rollandum Cardinalem, & Cancellarium, quem monet primùm, ut quoniam Deus illum ordinauerat consolatorem, & Consiliarium Eugenio Pape, sollicitus sit, cautèque obseruet secundum datam sibi sapientiam, ne fortè inter tam multiplicium negotiorum tumultus malignorum fraude circumueniri possit, vel subripiatur ei verbum, quod indignum sit Pontificis dignitate. Ecce igitur quomodo adhibenda prudentia. Sed addit deinde qualis esse debeat. Cura, inquit, dilectissime, & desideratissime Pater, etiam in hac dispensatione inueniri fidelis Domini seruus, & prudens, quatenus & pro te faciat columbina simplicitas, & pro ea, quæ tuæ quam maximè fidei, & sollicitudini credita est, Domini tui sponsa aduersus venenatas maligni, & antiqui serpentis astutias, militet prudentia serpentina, & in vtraque glorificetur Deus. Hoc idem igitur ab omnibus Cardinalibus seruandum, & exequendum est.

Psalm. 144.

Epist. 334.

Quo modo acquiri, vel augeri possit in Cardinali prudentia. Cap. X.



VAERET aliquis fortasse, an ut alias virtutes studio, & diligentia comparare potest Cardinalis, sic etiam prudentiam. Omnino hoc eiusmodi bonum est, ut potius nascatur cum homine, quàm industria acquiri possit. Est enim naturale, ut ingenium ad intelligendum, ita hoc acumen ad perspicendum; multum etiam ex ipsius corporis constitutione, &

H quali-

qualitate pendet, quò fit, vt alios obtusiores, & tardiores, alios autem actiores, & perspicaciores videamus. Sed tamen hoc verè dicere possumus, vt si prudentiæ lumen, nullum sit, vel admodum tenuè, frustra laboretur, ita si aliquod sit, quanquam mediocre, id quodcunque est, adhibito studio excitari, & augeri posse. Dabis vero, Frater Illustrissime, hanc veniam amorì aduersus te meo, vt oblitus amplitudinem personæ, quam sustines, vtar paulò liberius ætatis, & professionis, ac status mei iure, tibi que nouo Cardinali in tantum curarum, ac negociorum pelagus ingredienti, huius, aliarumque virtutum rationem, frater senior, atque ab adolescentia in schola perfectionis educatus ipse præcipiam, doceamque te pauca ex ijs, quæ à maioribus ego in religione didici, & quotidie discò.

Hoc igitur studium, quo augeri prudentia solet, in duobus potissimum adhibere debes, alterum est, in remouendis prudentiæ impedimentis, quæ tanquam nebule lucem eius obscurant: alterum, in asciscendis quibusdam adiumentis. Impedimenta autem, quæ quidem ad rem faciunt illa sunt, passio, præcipitatio, obstinatio propriæ sententiæ, addo etiam vitia omnia, præsertim verò intemperantia tum omnium voluptatum, tum maximè foridioris.

Nam passio obscurat, & præcipue ira, præcipitatio non præuidet, pertinacia aditum obstruit bonis consilijs. De luxuria autem nihil attinet dicere, cum S. Gregorius affir-

31. moral.
c. 17.

met eius filias esse mentis cœcitatē, inconsiderationem, inconstantiam, & præcipationem ipsam. Denique quod ad reliquos etiam mores attinet, præclare illa à B. Ambrosio scripta sunt, In acquirendis, inquit, consilijs plurimū adiungit vitæ probitas, virtutum prærogatiua, frugalitatis gratia. Quis enim in coeno fontem requirat? quis ex turbida aqua potum petat? Addit alia, & hoc ad extremum, Super me esse debet, cui me committere paro, & qui consilium dare volet, alienam à vitijs custodire debet prudentiam, quia nihil inquinatum incurrat in illam. Hæc

2. off. c. 12

sunt

sunt igitur inimica prudentiæ, quæ illi, si qua sit, caliginem, ac tenebras offundunt. Si verò de adiumentis loquamur, ad eam alendam, & prouehendam, illud in primis iuuat, nihil temerè, aut inconsultè, vel negligenter agere, sed sumpto ad cogitandum spatio, diu, multumque res expendere, eoque magis, quò rerum qualitas id exigit. immo verò omnia circumspicere, & considerare, quæ consequi, aut quæ ex illis, quæ tum fiunt oriri possint, vt. seruetur illud sapientis præceptum, Oculi tui recta videant; Prouerb. 4. & palpebræ tuæ præcedant gressus tuos. Nam qui sine consilio, & quasi subito quodam vento ad res agendas impellitur nulla consideratione, aut meditatione, sine dubio errabit in maximis rebus, & multa committet, quæ postea commissa nolet, nec tamen reuocare poterit. Iuuat etiam attentio, & animaduersio eorum, quæ accidunt: neque vnquam prudens efficietur, qui rerum, & consiliorum secum non reputat euentus. Quare confert, vt dixi, cum negotia aliqua iam effluerint, eorum initium, progressionem, exitum considerare, ac notare, secum, in quo sit erratum, quid prætermisum, aut quid etiam rectè prudenterque factum; hoc vt deinceps etiam teneatur, illa, vt in posterum fugiantur. Hæc enim obseruatio quotidie prudentiam auget, nec alia est causa, cur senes prudentiores sint, nisi quia multa viderunt, multa experti sunt. Sed hæc experientia nihil sanè, aut per parum efficit, nisi etiã accedat consideratio, de qua loquimur, quoniam alioquin elabuntur omnia, non modò ex memoria, sed etiam ex cognitione. Denique ad augendam prudentiam prodest admodum Cardinali perspectum habere nationum, omnium, ac præcipuarum etiam vrbiũ statum, ac conditionem, qui in eis Principes, qui mores, quæ animorum inclinationes, quæ patres, quæ etiam potentia, vel armum, vel aliarum rerum: præcipuè verò quæ ad religionem attinent, quis cursus, & vigor Catholicæ fidei, aut si ea labefactata sit, quæ spes eius redintegrandæ, quæ ratio;

quæ præsidia ad eam, vel renocandam, vel sustinendam. Ex hac enim notitia multa Cardinalibus commoda consequuntur, quoniam ea quasi luce illuminantur eorum consilia ad quæstiones, quæ interdum incidunt, ad negocia, quæ proponuntur, ad postulata, quæ à magnis viris afferuntur, quæ vel promoueri, vel si ita opus sit, reijci melius possunt, argumentis ex ipsa materia petitis, eaque res non solum Ecclesiæ vtilitatem, sed ipsi quoque Cardinali estimationem, atque auctoritatem hominis gnari, prudentisque conciliat; Et certe turpe est ei, qui in quadam Ecclesiæ Catholicæ vigilia positus est, non sic excubare, vt tum eius vniuersæ statum, tum etiam partium eius perspectum habeat. Hanc igitur cognitionem, sine qua semper in tenebris versabitur; haurire poterit à viris peritis, & intelligentibus, qui eorum, quæ dixi locorum consuetudinem habeant; quos cum nactus fuerit (debet autem diligenter inquirere) ita auidè audiet, ita omnia scrutabitur, & notabit, vt in re magni momenti, & magnopere ad suum officium pertinente. Nec solum præsentium rerum notitia quærenda est, sed etiam præteritarum, quoniâ sæpius multum conferunt ad præsentes. Sed vt illa ab hominibus peritis, ita hæc à libris scriptis peti licet. Sunt enim multi qui de singulis nationibus, aut prouincijs scripsere, pro suo quisque ingenio, aut commoditate, vt Polydorus Virgilius de rebus Anglicanis, Sanderus de recenti schismate; de Gallcis Paulus Aemilius, Ambrosius Morales de Hispanicis, Albertus Crantius de Polonia, alijque Aquilonaribus. Thomas Fazellus de rebus siculis, Augustinus Iustinianus Nebiensis Episcopus de Genuensibus, alijque de alijs. Ante omnia tamen Cardinali tenendæ sunt res domesticæ, idest, ipsius Ecclesiæ, quæ sæpius in consultationem cadunt. Quare in hoc etiam accuratius eum incumbere oportet. Quo in genere meo quidem iudicio Sigonij annales optimi, & tum ad breuitatem, tum ad doctrinam aptissimi. Quod si vberiore tali

lium

lium rerum cognitionem exspectant suppetunt Ecclesiastici. Annales Baronij quos quidem (ut principia se dant) tales fore auguror, ubi facile expleas accuratę perceptionis rerum Ecclesiasticarum sitim. His igitur artibus, ac studijs licebit Cardinali prudentię lumen augere, & in dies confirmare.

Quomodo Cardinalis iustitiam colere debeat.

Cap. XI.



SEQVITVR iustitia, virtus vel maximę necessaria Cardinali. Et si enim hoc munus non habet iurisdictionem adiunctam ut habet Episcopatus, tamen propter magnitudinem negotiorum, quę in hoc Romano quasi totius Ecclesię foro, occurrunt, multa quotidie accidunt, quibus contra iustitiam peccari possit. Sępe enim Principum causę, vel postulata parum æqua, immo etiam alijs damnosa tractantur, quibus qui assentitur, eiusdem iniustitię est particeps. Difficile est autem non assentiri, nisi iustitię armis benę munitus sit. Illud etiam frequentius, ac pene quotidianum Cardinali, ut ei supplicetur pro multis, qui indigni sunt eius patrocini, & commendatione. Quo in genere cauere debes, ne sis adeo mollis, aut ambitiosus, ut nulli homini tuam operam negare audeas, neque quicquam pensi habeas, utrum ille, cui faues, bonus sit, an malus. Denique ne sufficiat aditum per amicos, & familiares tuos habere, ut quicquid libeat, impetretur. Quod si charitate fieret, & si hæc charitas nimis imprudens esset, quod in veram charitatem non cadit, tamen facilius ignosci posset. Verum id quidem non nisi ambitione impulsus quis fecerit, nec aliorum gratia, sed sua, Pulchrum nimirum putans, sibi quę ipsi gloriosum, habere, qui ad se adeant, qui suam

suam opem implorent, qui domum frequentent, quo scilicet videatur gratiofus. Videntur autem mihi quiriti faciunt, expositi esse ad omnem ventum, & ad omnem impulsum, & simillimi quorundam militum, qui parati sunt ad omnia bella, quicumque stipem ostendat, neque dijudicant, sintne iusta bella, & ratione suscepta; sic enim hi quoque sunt, ut ita dicam, primo occupantis. Quare ut milites illi peccant, sic isti quoque sciant, se à peccato immunes non esse; præsertim si id agant, ut ad honores, ad gradus, ad Ecclesiastica beneficia promoueat eos qui vel indigni sunt, vel de quibus non satis eis constat an sint digni. Quod cum per se iniustum est, tum multò iniustius, cum alij digniores excluduntur, quod tamen euenit sæpe. Itaque Aluarus Pelagius vir doctissimus, & iisdem penè verbis B. Antoninus inter alia Cardinalium peccata, hoc quoque commemorant, impetrare beneficia indignis, siue suis, siue alienis propter preces, & commendationes Principum, aut aliorum, vel ob proprium affectum. Iure itaque Vrbanus Sextus qui ut scriptum est, statim atque renuntiatus est Pontifex, Cardinalibus omnibus ad se vocatis grauissimam poenam seuerè interminatus est ijs, qui iniustas causas fouerent, aut etiam qui in causis iustis munera acciperent. Et id quidem merito ut dixi. Nam hoc etiam iniustitiæ genus est, iustitiam exequi, modo iniusto, quoniam ita præceptum est in diuina lege, iustè quod iustum est persequeris.

Lib. 2. de
planet Ec-
cles. c. 16.
p. 3. tit. 21.
c. 2.

Deut. 16.

Verùm hoc tibi quoque sciendum est duplici modo à Cardinali iustitiam violari posse: primum cum vltro alteri insertur iniuria; quod quidem in homine Ecclesiastico nō adeo frequens esse crediderim, ut de eo quicquam præcipiendum existimem. Milites potius de hoc monendi, & ij, qui in armis vitam degunt, præclarumque putant, si vi, ac viribus superiores videantur. Alterum igitur genus est, cum non quidem priores iniuriam facimus, sed nobis ab alijs factam vlciscimur. Quæ culpa in Cardinalibus nisi caueant

caueant eò facilior, & procliuior est, quoniam quò maior est eorum maiestas, & quò magis ab omnibus coli, & honorari solent, eique rei assueti sunt, eò deinde indignius ferunt, cùm aliquo, vel dicto, vel facto violantur. Sed audiant hi, quid de hoc ipso scribat S. Ambrosius in qua-
 dam Epistola, Non hæc, inquit, sola est forma iustitiæ, vt
 non lædas eum, qui te non læserit, sed etiam illa, vt etiam
 remittas ei, qui te læserit. Etenim si iustitia virtus est,
 crimine debet vacare, nec improbitatem improbitate re-
 fellere. Quæ enim virtus hoc à te fieri, quod in altero ip-
 se punias? Contagio ista improbitatis, non vltio est.
 Nihil autem interest, cui malefacias, vtrum iusto, an in-
 iusto, cùm te malefacere non oporteat. Neque distat quo
 modo malignus sis, vtrum iusto vindicandi studio, an vo-
 to nocendi, cùm malignitas in vtroque genere non careat
 reprehensione. Hæc Ambrosius. Tertium præterea ge-
 nus est, iniustitiæ, si iniuria ab altero alteri facta non pro-
 hibetur, cùm prohiberi potest. Hoc enim postulat etiam
 communis, & vulgaris charitas, quam omnibus debemus,
 vt aliena incommoda aquè, ac nostra doleamus, ijsque
 æquè opem feramus: at verò in Ecclesiæ Principibus non
 solum id charitatis est, sed etiam iustitiæ cuiusdam. Sic
 enim idem Ambrosius alibi, cùm optimam formam opti-
 mi clerici institueret, Magnus, inquit, iustitiæ splendor,
 quæ alijs potius nata, quàm sibi, communitatem, & socie-
 tatem nostram adiuuat, excelsitatem tenet, opem alijs fe-
 rat, officia non abnuat, pericula suscipiat aliena. Hoc igitur
 Ambrosio auctore, à iustitia postulatur, vt non solum
 subueniat alijs, sed interdum etiam pericula aliena suscipe-
 re non recuset, ob eam scilicet causam, quia alijs potius,
 quàm sibi nata est. Quam ille sententiam sine dubio, vt
 multa alia in illis officiorum libris ab ipso Cicerone sum-
 psit, qui item ex veterum Phylosophorum sententia, duo
 scribit esse iniustitiæ genera, vnum eorum qui inferunt,
 alterum eorum, qui ab ijs quibus inferitur, si possint non
 pro-

Epist. 27.

1. off. c. 28.

pro-

propulsant iniuriam. Cuius quidem defensionis præmittendæ plures ait esse causas. nam aut inimicitias, aut laborem, aut sumptus, suscipere nolunt, aut etiã negligentia, & pigritia, vel suis rebus, proprijsque negocijs impediuntur, quod affirmat vitium esse, perinde, ac si quis parentes ipsos, aut amicos, aut patriam deserat. Hæc ille ex naturæ lumine. Quantò ergo magis id sentiendum, & faciendum erit Cardinali, cui cum tantus honor, tanta dignitas, & potentia data sit, ubi eam melius collocare possit, quàm in ope ferenda quàmplurimis? Quod etiã disertè docet S. Bernardus, qui inter alia Cardinalium officia, hoc quoque exigit, vt stent viriliter pro afflictis, & iudicent in æquitate pro mansuetis terræ. Huc accedit quod Iob ille, cuius in meliori fortuna optimi Principis forma describitur, ita de se ipse commemorat. Conterebam molas iniqui, & de dentibus illius auferebam prædā. Et loco eodem. Eo quòd liberaissem pauperem vociferantem, & pupillum cui non erat adiutor, & cor viduæ consolatus sum. Adiungit autem cuius id virtutis esset, iustitia, inquit, indutus sum, & vestiui me, sicut vestimento, & sicut diademate, iudicio. Hoc igitur idem tam gloriosum vestimentum, & hoc tam præclarum diadema, neminem magis ornat, nec vlli magis conuenit, quàm Cardinali.

Extremum illud est ad iustitiam tuendam, quod ab omnibus tradi solet, de muneribus non accipiendis. Nihil enim ita animum seducit, ac peruertit, vt munera; quod ostendit scriptura, tum sæpe alibi, tum exemplo filiorum Samuelis. de quibus ita scriptum est, Declinauerunt post avaritiam, acceperunt munera, peruerterunt iudicium. Vbi optime S. Gregorius, Notandum, quia ardor avaritiæ, causa est accipiendorum munerum, & acceptio munerum causa pervertendi iudicij, vt Prophetæ narratione huius vitij prauitas ostendatur, non solum qualiter in reprobis cordibus proficit, sed à Sanctorum mentibus qualiter

Lib. 4. con
fid.

Iob. 29

1. Reg. 2.

4. ta lib. Re
gum. c. 4.

liter extirpari possit . Nam si peruersitas ista iudicij ex acceptatione munerum nascitur, qui munera non accipit, iudicium non peruertit , & oblata munera leuiter respuit ; qui auaritiæ radicem à corde suo penitus extirpauit . Igitur tum ad hoc periculum præcauendum , ne vlla te res à recto, & æquo deducat, tum etiam ad integritatis laudem retinendam , quæ certe pluris est sola , quam omnes thesauri , atque diuitiæ . hoc faciendum est tibi , vt continentia studeas, manusque ab accipiendo intactas serues . Et quidem omnia omnino respuere nimis fortasse durum foret . Multa enim ab amicis ex animi beneuolentia dantur, alia dantur ita leuia , vt nulla possit esse suspitio corruptelæ . Sed cum apparet eò dona tendere, vt animum deliniant, eòque inclinent, quò non decet, tum verò constantissimè repudianda sunt , etiam si auri montes offerantur . In quo genere egregium sanè factum , omnique dignum memoria, & certe ab omnibus Cardinalibus semper imitandum , illud est Martini Cardinalis, & S. Bernardo familiaris, quod ab ipso Bernardo descriptum ipsis eius verbis hic ponam . Is, inquit , Cardinalis Presbyter functus aliquando Legatione in Dacia, tam pauper remeauit, vt penè expensis, & equis deficientibus, vix perueniret Florentiam, ibi Episcopus loci donauit ei equum , quo Pisas vsque, vbi eramus tunc, peruectus est . Postridie, credo, sequutus Episcopus (erat enim illi causa cum aduersario , & agendi aderat dies) coepit requirere suffragia amicorū .

Lib. 4. con
fid.

Cumque per singulos sollicitaretur, ventum est ad Martinum . Fiducia erat maior in illo, qui non posset immemor esse recentis beneficii .

Tū Martinus, Decepisti me, inquit,

nesciebam tibi imminere nego

cium. Tolle equum tuum:

ecce in stabulo est .

Et eadē hora

resignauit

illi.

I D.

*De fortitudine qua in Cardinali esse debet.**Cap. XII.*

4. off. c. 36.

FVNT fortasse qui ceteras quidem virtutes Cardinali necessarias esse fateantur sed non videant, quomodo fortitudo ad eius laudem pertinere possit, cum non armis, & castris depugnet, sed in pacis artibus perpetuo versetur. Verum qui hoc sentiunt, nimium errant, nec satis huius virtutis vim intelligunt. Hæc enim virtus, ut optimè scripsit S. Ambrosius, non in viribus tantum corporis, & lacertis consistit, sed magis in animo. In animo autem eodem auctore Ambrosio, hæc duo exigit. primum, ut externa corporis, inquit, pro minimis habeat, & quasi superflua despicienda, magis, quam expetenda ducat. Deinde ut ea, quæ summa sunt, omnesque res, in quibus honestas, & illud decorum præponendum cernitur præclara animi intentione usque ad effectum prosequatur. Igitur, ut ab hoc posteriore fortitudinis munere incipiamus, id quidem in hoc positum est, quod à te nouo Cardinali in primis requiritur, ut in negotijs, quæ sæpe ardua, & multis impedimentis oblecta incidunt, pro re Christiana, ne contrahas, aut demittas animum, ut ait ille, nèue te obrui tanquam fluctu, rerum magnitudine, & difficultate sinas, contraque erigas, ac resistas. siue etiam ultro occurras negocijs. Hoc enim est virilis pectoris, ac roboris. Præterea cum semel constitueris, quid sit ex tuo officio, & ad Dei gloriam, atque obsequium pertineat, id deinde strenuè exequaris, neque ab eo vllum te vel periculum, vel damnum, vel mortis ipsius metus absterreat. Sæpe enim Cardinali eiusmodi tempora occurrunt, cum in Ecclesiæ iure tuendo, modò rei domesticæ, modò honoris, atque alicuius dignitatis, inter-

dum

dum etiam vitæ discrimen imminere videatur sed bono viro nihil tanti esse debet, potiusque ad omnia detrimenta paratum eum esse oportet, quàm vt animum ad rem vllam tali loco indignam inflectat. Quo in genere magnoperè celebratur Ioannes ille Turrecremata, qui vixit annum circiter M c c c l. Vir planè tum doctrina, tum omni virtute excellens. De quo ita scriptum est, tam excelsò fuisse animo, vt nunquam, vel precibus, vel minis in ijs, quæ fidei, ac religioni, & omnino quæ Ecclesiæ vtilitatibus conducerent, à sententia deduci posset: quare hoc quoque singulare cognomentum dum viueret adeptum, vt fidei defensor appellaretur. Hanc eandem laudem tribuunt etiam Marcello Cardinali, qui deinde Pontifex eodem nomine fuit; Hic enim in Tridentina Synodo, vbi Apostolicæ Sedis Legatus erat, Cæsaris ministris, nescio quæ intentantibus, quæ Romanæ Cathedralis auctoritatem minuere videbantur, fortissimè obstitit, à qua sententia nullis etiam terroribus qui admouebantur, vnquam potuit dimoueri. In quo discrimine exclamasse dicitur, posse quidem homines vitam sibi auferre, animum verò frangere non posse, suaque facta Summi Dei iudicio reseruari, qui pro suo cuique merito gratiam refert. Sed nihil tam illustre, quam Reginaldus Polus, quem in Galliam à Paulo Tertio Legatum, cum Rex Angliæ hostis infensissimus, in suam potestatem redigere conaretur, idque per certos nuncios cum Francisco Gallorum Rege ageret, fideliter ab eo monitus, vt si saluus esse vellet, statim abiret, in eo tanto periculo, in re subita, cum omnes viæ armatis militibus, & grassatoribus, & Anglis ipsis refertissimæ essent, nihil vnquam de sua remisit constantia, & grauitate, immo verò comitibus omnibus adeò exterritis, metuque trepidantibus, vt nemo esset, qui crucem, vt mos est, Pontificijs Legatis, præferre auderet, ipsemet crucem sumpsit in manus, erectamque gestauit, donec famuli pudore impulsī eam repeterent. Deinde cum in Belgium euasisset, nec tamen cessaret im-

pius ille Rex ab infidijs moliendis, eiusque caput quinquaginta aureorū millibus proſcripſiſſet, nec maius poſſet eſſe vitæ periculum, ſemper tamen pro munimento ſuam hanc fortitudinem tenuit, Dei fiducia nixam. qui ſanè non deſuit, opportunè enim Leodium ab Euerardo Epifcopo, & Cardinali humaniſſimè inuitatus eſt, quò cū veniſſet, ibique audiret magnas quaſdam, vixque credibiles conditiones, quas Anglus Belgis offerebat, ſi ſibi Polum traderent, miratus hominis amentiam, ita dixiſſe fertur, ſe quidem iamdudum, vitæ huius tædio affectum, mortem optare, ac proinde, cum Henricus tanta ſua impenſa, & labore hoc ipſius deſiderium adiuuare conaretur, nihil aliud facere, quàm ſi quis dormitum ire cupienti veſtes ipſas detrahere velit. O præclaram vocem, animumque, dignum Cardinali, quam quidem vocem factis etiam comprobauit, Neque enim ante diſceſſit ex illo loco, quàm à Pontifice reuocaretur, cū ita diceret, eſſe ſe in Pontificis poteſtate. Hæc igitur vel ſimilia in hac præſertim, temporum perturbatione, in hac multorum licentia, ſiue etiam inſolentia, qui omnia ſe poſſe putant, non rarò eueniunt, quibus ſanè Cardinalis minimè cedere debet, ſed potius contra eò audentior ire, vt etiam beatum ſe putet, ſi in Eccleſiæ cauſa, & in obſequio Chriſti, vitam ponere oporteat, vt contigit Iuliano Cæſarino, quem Martinus Quintus ob illuſtria merita fecerat Cardinalem. Nam cum ab Eugenio ad Ladislaum Poloniæ, & Vhgaræ Regem Legatus eſſet, vt eum ad foedus cum alijs Principibus Chriſtianis contra Turcam adduceret, ipſe quoque in pugnam proceſſit, in qua, exercitu fuſo, ac fugato, Iulianus ipſe comprehenſus, & iugulatus eſt, iacuitque miſerè ſpoliatus inter vulgaria cadauera. Atque hæc quidem pericula rariora ſunt, in homine Eccleſiaſtico, cuius vita ab armis, & prælijs aliena eſt, ſed tamen ita omnes parati, & animo inſtruſti eſſe debent, vt cū res, & cauſa poſtulat, ne ſanguini quidem parcant. Verùm illa crebrior, ac penè

nè assidua fortitudinis materia in resistendo hominum importunitati. Hæc verò duplex est, interdum enim minis, & metu agitur, vt paulò ante dicere cœperam, interdum verò amore, & gratia, qui est etiam affectus, magis efficax ad mouendum. Er si enim ille durior aries, quò animi arx quatitur, hic mollior, ac ne aries quidem sed occultus cuniculus, tamen eò ipso minus caueri potest, quia obrepit, & insinuat se se quodam sensu humanitatis, quo natura magnopere capitur. Itaque hic sunt importunæ preces, hic amicorum postulata, hic Principum auctoritas, deniq; intimorum, & maximè familiarium beneuolentia. His igitur omnibus resistere te oportet, ne à recto abducaris, & omnino imirari Salomonis tum quidem optimi Regis constantiam, qui Marri ipsi, à qua genitus erat alienum quiddam petenti, assentiri noluit, vicitque in eo sapienter maternam gratiam, & reuerentiam. Quare vt ipse Regem, se in eo potius, quàm filium præstitit, sic qui istum locum in Ecclesia tenet, amicis ineptè rogantibus Cardinalem se potius, quàm amicum præstare meminerit. Hæc de prior fortitudinis officio.

3. Regi 12.

Alterum officium, vt supra diximus, sed dicendum est paulò vberius, posuitur est in quadam mentis altitudine, quæ omnia præter Deum, pro nihilo habeat, contemnat, ac despiciat, honores, voluptates, diuitias, ex quo sequitur, vt casus omnes humanos, subter se habeat, patrimonij iacturam, hominum maledicta, famæ detrimenta, denique quæcunque in hanc vitam incurrere possunt, seipso inferiora ducat, itaque sub pedibus videat, vt ijs, aut nihil moueatur, aut certe non perturbetur. Atque hæc mentis celsitas res vna omnium pulcherrima, & maxima, omnibus sanè conuenit, qui in aliqua Ecclesiæ dignitate collocati sint; Sic enim S. Ambrosius. Considera, inquit, quemadmodum eos; qui ad officia Ecclesiæ accedunt, despicientiam rerum humanarum habere deceat. Si enim mortui estis cum Christo ab elementis mundi huius, quid adhuc

1. off. c. 36.

huc velut viuentes de hoc mundo decernitis ? Ex quo deinde intelligere potes , quàm hoc deceat Cardinalem , vt quia in tam alto gradu positus est respondeat gradui etiam altus , & excelsus animus , non quidem tumore altus , sed hac quam dixi , eminentia super res omnes creatas . Hoc enim præterquàm quòd per se ipsum laudabile , & egregiũ est , etiam vt ait , idem Ambrosius , secum affert angorum omnium vacuitatem , vt neque in doloribus molliores , neque in prosperis elatiores simus . Quod præceptum vobis etiam præcipue conuenit , qui in superiori , & illustriori sitis estis loco : quoniam vestra vita grauioribus incurſibus exposita est , quàm vita priuatorum , quibus si quid aduersi eueniat , altè cadere non possunt . Quare nisi hac animi magnitudine tanquam clypeo quodam protexeris pectus , nunquam animo tranquillo , & securo esse poteris , sed semper anxius , semper sollicitus viues , non solum cùm mala ipsa euenerint , sed etiam cùm imminere videbuntur : Semper enim pertimesces , quia semper impendent . Contra verò si hoc apud te stabilieris , vt ista omnia pro nihilo ducas , illud necessariò sequetur , vt neque rebus prosperis , & ad voluntatem fluentibus efferaris , neque deiiciaris , aut frangaris aduersis , sicque perpetuam æquabilitatem in vita conserues , in qua non solum magna inest dignitas , sed etiam magna felicitas . Talis erat flos ille Cardinalium Carolus Cardinalis Borromeus , qui cum alia assidue dum vixit huius dedit documenta virtutis , tum illud in primis notabile , quod cùm iter faceret per Heluetios , casuque stabulum hospitij igne conflagrasset , & in eo omnes eius equi , mulæ , iumenta , grandi vtique iactura consumpta essent , tamen ita nihil commotus est , ac si nihil omnino accidisset , insuper etiam hospiti centum aureos nummos ad refarciendum incendij damnum elargitus est . Alias etiam cum aurigæ incititia in profundam foueam currus incidisset , & ipse totus cœno lutoque immersus esset , quin etiam brachium læsisset , tamen nullum impatientiæ , aut iracun-

iracundiæ signum ostendit, nihil questus, nihil etiam lo-
 quutus est, immò verò suos, in aurigam eius causa furen-
 tes, compescuit. Et quoniam iræ mentio incidit, hoc etiā
 intelligendum est, nihil tam repugnare huic magnanimi-
 rati, de qua hactenus loquuti sumus, quàm omnes quidem
 motus animi nimios, sed præsertim iracundiam. Sic enim
 est in libro Iob. Verè stultum interficit, iracundia, & par- Iob. 30.
 vulum occidit invidia. Quare hæc leuitas in Principe Ec-
 clesiastico præsertim, non tunc modò deformis est, cum
 sine causa concitatur, sed etiam cum alicuius vel impro-
 bitas, vel tarditas, aut inscitia causam dederit. Nam tunc
 quoque in maledicta, & contumelias erumpere, etiam ad-
 versus subiectos, & famulos ipsos, tum abhorret ab huma-
 nitate, tum etiam ab hac fortitudine, de qua nobis est ser-
 mo. Iraque primum sanè curandum est tibi, vt teneas in
 tua potestate animi motum, ne te, de gradu, vt dicitur,
 vlla re, deijci sinas, sin hoc planè vitare non potes, quin
 animus interdum subito occupatus efferuescat, illud pro-
 ximum, vt saltem verbis modereris, & linguam diligen-
 tissimè contineas, dicasque cum Propheta. Turbatus sum Psal. 78.
 & non sum loquutus. Sic enim etiam paulatim assuesces,
 vt interiores motus mitigentur, & vel non incitentur, vel
 non adeò vehementer. In quo etiam eiusdem Borromei,
 de quo modò diximus, virtus commemoratur, eòque ma-
 gis, quòd non cuidam lentitudini naturali tribui poterat,
 cum esset potius feruidior. Quod ille agnoscens, cum se
 maximè stimulari sentiret, tenebat se se, & comprimebat,
 ne vllum verbum efferret, donec motus ille refedisset.
 Solebat autem interea annulum versare, quem digito ge-
 rebat, quod cum aduertissent domestici, hoc ipsum erat
 eis indicio, quòd vim sibi faceret. Postremò sunt etiam
 alia nonnulla huius virtutis officia, quæ quoniam rectè de 4. ethi. 3.
 scribuntur ab Aristotele, & mirum in modum congruunt
 Cardinali, operæ pretium puto hic etiam exponere. Pri-
 mum enim, vt ille docet, fortis, & magnanimus, cum se
 periculis

periculis obijcit, id facit strenuè, & alacriter, nec vitæ suæ parcat. Tum verò promptus est ad benefaciendum alijs; ipse accipere erubescit. Quòd si beneficium accipiat, studet semper plura reddere, mauultque sibi alios debere, quàm se alijs. Præterea, & si apud eos, qui & ipsi in dignitate positi sunt, honorem, & gradum suum retinet, tamen apud humiliores humilem se exhibet, hos enim superare facilè est, & ab ijs reuerentiam exigere hominis est onerosi, ac molesti, sicut pugnare aduersus imbecillos. Eiusdem est etiam magis curare veritatem, quàm hominum opinionem, ob eam videlicet causam, quoniam omnes, & omnia contemnit. Idem omnia agit, & dicit apertè, ac simpliciter nihil fidei, aut subdolè, & manifestè, vel assentitur vel dissentit. Nam latere velle timentis est: idèòq; ille quidem adulari nulli nescit, nescit ad alterius arbitriũ vel mores, vel sermones se se componere. Hoc enim seruile est, & ob hanc causam assentatores omnes, fictique laudatores famulari, & planè abiecto sunt spiritu. Quia etiam immemor est iniuriarum, non multum loquitur de hominibus, neque se laudans, neque alios vituperans, nec maledicus est, ne in ipsos quidem inimicos. Denique de necessarijs vitæ præsidijs non valde anxius, aut sollicitus est in alijs horum causa deprecandis, potiusque eligit honesta, etiamsi inutilia, quàm quæ commodum, & quæstum afferant: quem ille minimè omnium curat.

Hæc Aristorelis omnia, quæ præscripta, si seruaueris, poteris animosè & fortiter, atq; etiam magnificè semper viuere, quò sanè & laudem, & admirationem etiam apud homines consequeris.

*De studio temperantia quod debet habere
Cardinalis. Cap. XIII.*



REQVIRITVR etiam in Cardinali temperantia, & ita requiritur, vt licet reliquæ, quas hæcenus diximus, virtutes maiores sint, nescio quomodo tamē, si hæc desit maior sit turpido. Reçdē enim Aristoteles, delectationes corporis, in quibus videlicet moderandis versatur temperantia, ait homini communes esse cum belluis, ac propterea nihil in ijs inesse ingenuum, & nobile, sed potius genere suo esse maxime serviles, & ferinas, quia eas homo percipit, non quā homo est, sed quā est animal. Ex quo addit, & verē, intemperantiam esse cuius homini maxime exprobrabilem, ac foedam. Quod si cuius homini, quanto magis Ecclesiæ Principi? sed hæc virtus, vt ait idem Phylosophus, non in omnibus delectationibus propriè versatur, sed præcipuè in ijs, quæ ad gustatum, tactumque pertinent. Quare de vtrisque aliquid dicendum est, eoque magis quoniam diuitiæ, & opes, quæ Cardinalium statum comitantur, tantam suppeditant harum delectationum vel copiam vel facultatem, vt hæc virtus nisi bene fixa, & confirmata sit, facillè labefactetur, atque succumbat. Vt igitur de illa prius temperantia loquamur, quæ ad gustatum pertinet, eius quidem duo sunt gradus, alter omnino necessarius, alter semper laudabilis, interdum ipse quoque necessarius. Prior igitur consistit in superfluis refecandis, ne ventri, & delitijs indulgeatur, ne diffuatur luxu, ne nimium corpori seruiatur. Quò enim illa tanta ciborum abundantia, & tam multa condimenta, tamque varia gulæ lenocinia, tanta copia, ac tam multiplex ferculorum, preciosa xīna, exquisitæ dapes, tanquam in perpetuis bacchanalibus, vt re-

Epi. 4.

Et hanc, Clericorum præsertim, profusionem S. Hieronymus irriserit. Noui, inquit, genera, & nomina piscium, in quo littore concha, lecta sit calleo, saporibus auium discerno prouincias, & ciborum me raritas, ac nouissimè damna ipsa delectant: Delectare ait, damna, quoniam interdum etiam eiusmodi cibi, non tam sapore ipso, quàm sumptu commendantur, idque magis placet, quod pluris constitit. Neque tamen negarim quin Cardinalium mensa, aliquanto laurior esse possit, quàm priuati hominis. Vult hoc consuetudo, patitur ratio, faciunt boni, laudatque Cardinales, denique etiam dignitatis huius splendor ita postulare videtur, vt quemadmodum in ædibus, in vestibulis, in familia, ita in hoc quoque sit quædam laxitas. Sed & in hoc ipso suus modus esse debet, & hic modus, non ex sæculi corruptela, quæ in dies magis augetur, sed ex recte rationis præscripto, & prudentiæ lumine definiendus est. Et si enim aliquid amplius concedatur hominum oculis ad tuendam dignitatem, non tamen conceditur, nec concedi potest intemperantia. Nam vt Cardinalis etiam si multis vestimentis domi suæ abundet, non tamen se pluribus onerat, quàm vsus postulet, vel hyemis, vel ætatis, sic quamuis ad splendorem referta sit mensa, non ideo plus est sumendum, quàm sobrietatis regula patiatur. Neque te fallas, aut tibi blandiaris frater carissime. Omnia enim pericula, quæ alijs ex luxu, & delirijs, Cardinalibus quoque impendent, tum in ratione, tum in appetitu, tum in corpore, quæ triplex est nostri pars. Primum enim ratio obruitur, & obscuratur, & vt docuit Dominus ipse, grauatur ebrietate, & crapula. Vt enim terræ vapores, & exhalationes Solis lumen caligine quadam offundunt, ita hæc ventris: exhalationes crassæ, & concretæ animi lumen eripiunt, vt ad cœlestia cogitanda, sæpe etiam ne ad humana quidem vlla: ex parte idoneus sit, appetitus etiam qui nobis est communis cum bestijs, vsque eo effertur insolentia, & contumacia, vt à ratione delciscat, ex quo fit, vt mo-

Luc. 11.

tus & perturbationes, quæ in hac animæ parte existunt in-
 solescant, & fiant indomitæ, ut ira, ut cupiditas, ut amor,
 odium, & reliquæ. Itaque non mirum est deinde, si ijs re-
 sisti non possit, & mentis obedientia abiecta, eam capti-
 uam trahant, & rapiant, impellantque quod volunt. Nam
 quid ego dicam de corpore, quod si impinguaturn fuerit,
 necesse est recalcitrare, ut fiat, sicut equus & mulus, qui-
 bus non est intellectus? Quod igitur monstrum ex tali
 Cardinali efficietur? An non in eum ut in tanto honoris
 apice constitutum conueniet illud ex Psalmo. Homo cum Psal. 48.
 in honore esset, non intellexit, comparatus est iumentis
 insipientibus, & similis factus est illis.

Igitur ut hæc omnia mala ex delicijs, & molliæ oriun-
 tur, sic contra moderatio, & temperantia, omnia prope-
 modum bona inducit. Acuit enim animum ad cœlestia
 penetranda, ad gustanda diuina; appetitum, eiusque mo-
 rus, quos dixi, comprimit, sedat iracundiam, cupiditates
 mitigat, affectus denique omnes edomat, ut vel non infe-
 cti sint, vel si interdum inlurgant, nullo negotio subigan-
 tur. Postremo ipsius quoque corporis insolentiam fran-
 git, ut se aduersus rationem commouere non possit, sed in
 eius sit ditio, ac potestate. Denique si quis innumera-
 biles huius temperantiæ fructus nosse velit, Chrysostomū Hom. 95.
ad pop.
 legat, tum alibi sæpe, tum in quodam sermone ad popu-
 lum, ubi ita ait, vilem, tenuemque mansam, esse matrem
 sanitatis, ut contra saturitas mater est ægritudinis, atque
 infirmitatis, morbosque parit, quibus nulla Medicorum
 ars mederi possit, pedum enim dolores, & capitis graui-
 tates, atque vertigines, manuum cruciatus, & tremores,
 & remissiones: longas & æstuosas febres, & alia his longè
 plura, non ex parco victu, sed ex crapula, & saturitate na-
 sci. His verò corporis morbis, addit etiam animi morbos,
 qui sine dubio maiores sunt, avaritiæ, molliæ, melanco-
 liæ, ignauiæ. Omnis, inquit, ignorantia hinc habet prin-
 cipium; Nihil enim meliores quàm asini sunt, talium

menfarum delicias sectantes. In quo genere verum est illud etiam quod idem adiungit, eam quidem, quæcunque sit voluptatem, non nisi ad linguam, & guttur peruenire, infra verò nihil sentiri delectationis, sed potius multam molestiæ, onerato videlicet ventre, & grauato capite, ex quo cruditates, & vigiliæ, & alia mala gigni solent. Sicut enim ait, si quis in cloacam cibos deiiciat, ita quæcunque mittit in ventrem, immò verò multò etiam peius. Cloacæ enim nullum affertur damnum, corpori verò multa damna. Hæc igitur si Chrysostomus de omnibus dicebat, quid dixisset, si de Cardinalibus loqueretur, qui tantò maiorem sanctitatem, & continentiam, & cum Deo coniunctionem profiteri debent, quibus omnibus nihil est inimicus intemperantia? Quare vobis præcipue sine vlla dubitatione exercenda est hæc temperantia, ut etiam exquisitam istam lautitiam oderitis. Quocirca mi Frater, indignum existimabis vestro gradu, si (quod nonnulli faciunt) querulus, morosusque sis, in ciborum condimentis, aut de hoc genere cum coquis, & pincernis crebrò litiges. Est enim laudabile quod de Pio Secundo Pontifice accepimus, cuius tum aliæ multæ virtutes feruntur, tum hæc ipsa, quod mediocri cibo uti solitus esset, non lauto, nō delicato, eoque semper fuisse contentum, quod apponeretur, quodcunque esset: vino vero parcissimè vsum, eoque bene diluto.

Atque hoc quidem ut à superfluis abstineat semper fieri debet à Cardinali, idque ad perpetuum quendam vitæ tenorem pertinet. Est igitur alter quidam gradus huius virtutis, quem supra attigi, ut suis temporibus aliquid etiā amplius facias in edomando, castigandoque corpore. Cur enim non ipsi quoque Cardinales hoc faciant, si virtutem colere, si Deo placere, si vitia vincere velint, cum ipsi quoque eandem carnem habeant, quàm alij homines ita corruptam, ac depravatam in eodem peccato conceptam, eodemque fomite infectam, quo alij? Sic enim Paulus

1. Corin. 9.

ipse Apostolus, & tantus Apostolus. Castigo, inquit,

cor.

corpus meum , & in seruitutem redigo , ne fortè cum alijs prædicauerim ipse reprobus efficiar . Vbi Chrysostomus . Si hoc Paulus timuit , qui tam multos docuit , & timuit postquam prædicauit , & postquam factus est Angelus , & totius orbis terrarum curam , & defensionem suscepit , quid nos dixerimus ? Nec desunt exempla Cardinalium . Nam de Iuliano illo Cæsarino , cuius etiam antea fecimus mentionem , memorię proditum est , ferè illum in suis vestibus cubitalle interulam intimam , non ex lino , sed ex panno gestasse , longa exercuisse ieiunia , omnibus sextis ferijs pane , & aqua ieiunasse , quotidie missam celebrasse , denique vt hoc etiam addamus , ita in eleemosynis profusum fuisse , vt à suis alter Martinus appellaretur . Ioannes quoque Caruaiallus natione Hispanus , quem Eugenius Quartus ex Romanę Rotæ Auditore ad Cardinalatum euexit , tanta religione fuisse perhibetur , vt domum haberet moderatissimam , nullis aulcis , nullo argento cælato , insuper etiã cilicium occultè gestaret , multaque se maceraret inedia ; Similis quoq; huic fuit Nicolaus Albergatus insignis omnino Cardinalis , cuius etiam disciplinæ alumnus fuit Thomas Sarzanensis , qui postea Pontifex creatus in eius gratiam Nicolaus V. appellari voluit . Quare ipsum quoque scribunt magnopere studiosum fuisse , corporis extenuandi tum ieiunio , tum crassioribus cibis , tum vigilijs , tum etiam perpetuo cilicio . Quid vero dicemus de Roberto Nobili , in quo etiam hoc studium eò admirabilius fuit , quod esset adhuc in ipso flore adolescentiæ , & cū Iulio Tertio Pont. Max. arctissima affinitate coniunctus ? Et ille quidem præter cæteras carnis castigationes , eiusdem ferè generis , hoc insuper seruabat , vt se in ipsum pauimentum super humilem culcitram , ad dormiendum abicere soleret . Nam de Carolo Borromeo nihil attinet dicere , eius enim vita , & recentior , & illustrior est , quàm vt hic commemoranda videatur . Sed tamen sic tradunt , eius familiares , quotidianis illum poenitentię incrementis , eò tandem peruenisse ,

Hom. 23.
in 1. ad
Corinth.

se, vt quotidie pane, & aqua ieiunaret, exceptis Dominicis, ac festis diebus: in qua ille seueritate diu durauit, vsque ad extremum vitæ diem, immo verò aliquantò ante obitum ipsos etiam festos dies non parum restrinxerat, ad sola se legumina, aut olera, fructusue arborum redigens. Quare cum Gregorius XIII. pro suo officio, peculiari Breui ad eum scripto, non solum hortatus esset, sed etiam præcepisset, vt rigorem hunc temperaret, respondit Cardinalis se quidem paratum obedire, sed tamen experientia cognouisse, eam in ediam valetudini quoque conferre, ad exiccandam pituitam qua abundabat. Quo argumento permotus Gregorius, suo illum iudicio, arbitrioque permisit. Nimum hoc fortasse, & mirandum magis, quàm imitandum, sed tamen hoc ipsum nimium quò magis eorum mollitiem accusat, qui in alteram partem peccant. Illud moderatius, & ad exemplū accomodatius, quod de Antonio Carrafa compertū est, optimo certè Cardinali, què magno Ecclesiæ damno ante paucos menses amisimus. Ita .n. ipse quoque coercendi corporis studiosus fuit, vt præter cæteram victus parsimoniam, ter etiam in hebdomada voluntarijs verberibus se afficeret, ter cilicio vteretur.

Ex his igitur exemplis omnibus, quæ ad hanc causam ornandam cengessimus, hoc constare potest, non Monachis tantum, sed omnibus planè hominibus, & ipsis Cardinalibus magnopere conuenire aliquam corporis afflictationem prudenter adhibitam; neque vnquam defuisse, aut deesse, qui ita facerent; Sed erunt fortasse, qui hanc quasi austeritatis professionem refugiant, vel ne virtutem ostentare videantur, vel ne ob auaritiam, aut tenacitatem sumptui parcere putentur. Quibus primum respondeo, quod attinet ad ostentationem, modò ne ipsi id eo animo faciāt, vt ab hominibus videantur, hominumque gloriolam aucuoent? nihil esse timendum, quòd sciatur eos interdum ieiunare, non magis quàm cum scitur, eos vel missam quotidie audire, vel sæpe Eucharistiam sumere, aut eleemo-

sy nam

synam tribuere. Nam hæc quoque bona sunt, quæ tamen palam fiunt, sine ostentationis meru. Præterea non deest facultas occultandi, modò non desit voluntas. Quid enim prohibet quo minus inter ipsas epulas, inter conuiuia, inter lautas mensas te coërceas, quò minus certos dies habeas, quibus pro tuo instituto, ac studio pietatis clam omnibus acrius aliquod ieiunium serues? Sic enim de Nepotiano S. Hieronymus, inter alia, quæ de illo vt optimo ex optimis Clericis commemorat. Mensæ, inquit, auunculi (hic autem auunculus Heliodorus erat Episcopus) intererat, & sic apposita quæque libabat, vt & superstitionem fugeret, & continentiam seruaret. Idem legimus de Sancta illa Elysabertha Regis Vngariæ filia, eademque Turingiæ Principis, quem Lantgrauium vocant, vxore, eam seuerissima ieiunia seruare solitam inter ipsa conuiuia regie more instructa, nemine aduertente. Nam dum modò Principem coniugem alloquitur, modò huic, aut illi conuiuij officij gratia aliquid porrigit, modò astantibus famulis quidpiam iniungit, ita rem ducebat, vt sæpissimè à mensa discederet nullo alio cibo, nisi arido pane gustato. Hoc igitur facere possunt etiam Cardinales, & certe ita faciebat Borromeus, cum interuentu nobilium hospitum eorum conuiuijs adesse cogebatur, in quibus nihilominus suum seruabat institutum, sed ita dissimulanter, vt sæpe non modo hospites, sed ne familiares quidem pleriq; animaduerterent.

Cæterum illud etiam ad hanc temperantiam pertinet, vt prouideas, ne in tua mensa quicquam indecorè agatur, nedum agas ipse. Itaque iurgia, contentiones, sermones solutiores, & alia eiusmodi vitia, quæ inter scyphos facile exoriuntur, ita prohibere debes, vt rem indignissimam tuis auribus, tuæque præsentia, præsertim verò maledictionem, quæ nescio quomodo, dulcedine quadam facillimè obrepit. Itaque ob hanc causam ferunt B. Augustinum cum Episcopus esset, & multos ad cibum vnà sumendum admit.

Homil. 40.
in Euang.

d. 44. c. pen.
ult.

Epi. 3.

admitteret, descriptos habuisse in pariete hos duos versiculos. Quisquis amat dictis absentum rodere vitam. Hanc mensam veritam nouerit esse sibi. Quare quoties alicuius sermo, ut sit ab alijs rebus, in maledicentiam delapsus esset, hos ipsos versus ei digito indicabat. addebatque seueram obiurgationem, nec ferè in re vlla adeo se præbebat austerum. Et merito, quoniam S. Gregorius etiam monet in conuiuijs abundare solere loquacitatem, eoque pertinere, quod in Euangelio legimus diuitem illum, qui quotidie splendide epulabatur, grauius in lingua cruciatum, ut videlicet, qua corporis parte maximè deliquerat, eadem etiam maximè plecteretur. Igitur ad hos ineptos, vel etiam noxios sermones excludendos, optima est ea ratio, quam præscribere Sacra Concilia, ut in omni Sacerdotali conuiuijs diuinarum scripturarum lectio misceatur, per hoc enim, & animæ ædificantur ad bonum & ociosæ fabulæ prohibentur. Hæc ipsa sunt verba Synodi Toletanæ, quæ ad firmitatem maiorem, sunt etiam inter Pontificios Canones relata. Atque illud quoque additur, quod item ad rem facit, ut Clerici, non nisi hymno dicto comedant panem, & post cibos auctori Deo gratias agant. Cum igitur hoc ita disertè præcipiatur, de lectione adhibenda, non potest utique à Cardinali negligi, & quidem ita præstari, ut lectio cum mensa ferè adæquetur, non ut ad speciem quandam retinendam initio tantum adhibeatur. Hoc enim est non legem seruare, sed eludere. Quin etiam quicquid est vacui temporis in mensa, ac deinde post mensam, non solum ad pietatem, sed etiam ad dignitatem Cardinalis pertinet, ut bonis, vtilibusque sermonibus consumatur. Sic enim S. Hieronymus de Clerico illo Nepotiano, sermo, inquit, eius per omne conuiuium de scripturis aliquid proponere libenter audire, respondere, verecundè recta suscipere, praua non acriter confutare, disputantem contra se magis docere, quàm vincere. Quibus verbis forma etiam modestiæ præscribitur, quæ

quæ seruanda sit in mensa prælati, ne inter loquendum disputatio nimis exardescat. Atque hanc etiam ob causam laudabile est Cardinali habere apud se probos, & doctos homines, quos præsertim eo tempore adhibeat, & ipse eorum eruditionem modò hac modò illa quaestione lacescat, quod & de alijs, & potissimum de Paulo Tertio Pontifice accepimus, cum magna animi oblectatione facere, cum consueuisset super mensam.

De castitate quam seruare debent Cardinales.
Cap. XIV.



QUONIAM dictum est ex Aristotele duplicem esse temperantiæ partem ad duplex genus delectationum moderandum. de altera quidem parte, quæ ad ventris cupiditatem pertinebat, satis dictum est, nunc restat altera aduersus turpiorem cupiditatem. Sed hoc interest, quòd prior illa cupiditas non quidem præcidenda, sed temperanda, & ad mediocritatem reuocanda est, hæc verò omnino, ac penitus fugienda, & radicitus extirpanda. Hoc enim proficitur ipse status, in quo est Cardinalis, remotus à coniugio, & multò magis ab omni obscena voluptate. hoc etiam præ se fert, & contestatur habitus ipse, & illa candida vestis, quam non occultè sed palam gestatis, vestrisque & aliorum oculis ostentatis. Neque id nouo more. Nam veteribus quoque Sacerdotibus idem erat mos, vt de Samuele scriptura commemorat, quem lintea succinctum veste describit: quod S. Gregorius morali vt solet sensu ita interpretatur, Quid, inquit, in Ephod lineo, nisi continentiae candor ostenditur? Quo nimirum Ephod accingimur, cum ad nitorem pudicitiae omni ex parte retinemur, cum animæ, & carnis nulla pars à distractionis lege absoluitur, per quam ad luxuriam

1. Regum.
 6. 1.

2. in lib. Regum c. 3.

L xuriam

C. quod au-
tem de vo-
to in 6.

In c. 44.
Ezech.

xuriæ caliginem defluamus. Talis itaque minister in conspectu Domini est, quia de Omnipotentis Dei sperata visione non fallitur, cui cum tanto accensionis sue nitore famulatur. Sed ad huius quidem virtutis commendationem, non multis arbitror opus esse, cum eius obligatio, & necessitas constet, in ijs omnibus, qui sacris ordinibus initiati sunt, in quibus ordinibus suscipiendis castitatem etiâ, perpetuamque continentiam sancto & solemni, & perpetuo voto spondent. Sic enim docent sacri Canones, nec solum docent, sed etiam præcipiunt, & constituunt, votum solemne esse, quod fit, vel sacri ordinis susceptione, vel professione religionis approbatæ ab Apostolica Sede. Iam ergo licet argumentari, cum idem sit vinculum Cardinalis ex ordine sacro, ac religiosi, ex professione facta, si cum religiosus suum rumpit votum sacrilege facit, cur non eodem odio dignum sit Cardinalis sacrilegium? Rectè ergo S. Hieronymus, de hoc ipso, Melius est non promittere, quàm promissa non facere. Anna obtulit Samuelem, qui in æterna sanctificatione permansit, & Manne obtulit Sampson filium, sed sanctificationem capillorum eius Dalidæ libido turpauit, denique Dominus recessit ab eo, & cæcitate damnatus est. Hæc est igitur seruandæ continentiae necessitas in eo, qui se omnipotenti Deo obligauit, qui seipsum eius Maiestati suis labijs consecrauit, eiusque promissi innumerabilem illam cœli militiam testem aduocauit, ut quot suæ tunc sponsionis testes habuit, totidem deinde si fefellerit, in iudicio aduersarios, & accusatores sit habiturus.

Sed hoc quidem satis perspicuum est, nec potest ab ullo vel negari, vel etiam extenuari. Illud potius conuincendum, quod quidam errores suos excusare solent ex humana infirmitate, ex naturæ inclinatione, ex rei difficultate, ex occasione, & illecebra peccandi, alijsque eiusmodi, quasi res nimis ardua sit, & humanas vires exuperet. Quibus quidem ego hoc primo responsum velim. Quid vos
igitur

igitur id promittere coëgit, quod vestras superabat vires? Cur tam prompti ad promittendum, tam imbecilli ad exequendum? Huc enim etiam aptissimè quadrat illa B. Petri in Ananiam obiurgatio, de agri pretio fraudato. Nonne, inquit, manes tibi manebat, & venundatum in tua erat potestate? Non es mentitus hominibus sed Deo. Cuius quidem peccati magnitudo ex supplicij magnitudine apparuit. Etenim & ille, & vxor vna Petri voce tanquam fulmine icti, subita morte perierunt, & factus est, ait scriptura, timor magnus, in vniuersa Ecclesia, & in omnes qui audierunt. Idem igitur valet in hos quoque, quibus sanè integrum erat, & liberum vouere, & nō vouere, postquam autem vouerint, seque Deo obligarint, tum si fidem datam fregerint, non hominibus mentiuntur, sed Deo, idque in suum caput, & in suam ipsi quoque perniciem. Sed nimirum non rei difficultas, verum propria ignauia, & imbecillitas, & negligentia negotio aduersatur. Rectè enim, ac verè Chrysostomus, Non oportet, inquit, dicere, Non possum continere, & accusare conditorem nostrum. Si enim ita nos condidit, vt abstinere non possimus, accusandus est, quod iubeat esse castos. Dices. Quomodo igitur multi non possunt? Potius dic quod nolunt. Si enim omnes voluerint, omnes potuerint. Ideo, & Paulus ait, Volo vos omnes esse, sicut me ipsum. Pergit deinde Chrysostomus ostendere in omnibus rebus, & in omnibus artibus non sufficere solam voluntatem, sed necessarium esse studium, & applicationem ad opus, vt in agris colendis, in honoribus adipiscendis, denique in omnibus non satis esse desiderium, sed oportere rem aggredi, & constanter exequi. Quod idem etiam de tuenda castitate dicendum ait, non esse sanè rem adeo grauem, vt sit supra vires, sed tamen aliquid applicationis, & curæ ac studij, diligentique requirere. Atqui multi sunt, qui sic viuunt, quasi hoc ipsum agant de industria, vt demonem aduersus seipsum arment, carnem incendant, aduersus castitatem,

Homel. 17
in epist. ad
Hebræos.

1. Corin.
7.

Rom 9. in
Leuit.

ita omnes commoditates, omnem molliem, omnia corporis blandimenta sectantur, ita refugiunt omnem austeritatem. Quare nil mirum esse debet, si his difficilis omnino pudicitia videatur. Origenem audiant veterem Doctorem, & huius virtutis amatorem acerrimum. Nesciris, quia si carnem solam nutriatis, & ipsam frequenti mollietie, ac iugi deliciarum luxu foueatis, inolefcet necessario aduersus spiritum, & fortior illo efficietur. Quod si fiat sine dubio eum in suam ditionem redactum suis coget legibus, ac vitij obedire. Nutrimenta igitur spiritus sunt diuina lectio, orationes assidue, sermo doctrinae. His alitur cibus, his conualefcit, his victor efficitur. Quod quia non facitis, nolite conqueri de infirmitate carnis, nolite dicere. Volumus, sed non possumus. Tu das stimulos carni tuae, tu eam aduersus spiritum tuum armas, & potentem facis, cum eam carnibus satias, vino nimio inundas, omni mollietie palpas, & ad illecebras nutris. Hæc Origenes.

2. Corint.
4.

Quamobrem si præsidium aliquod desideres ad tuendum hunc adeo pretiosum thesaurum, hoc primum intelligere debes, quod ait Apostolus, nos thesaurum hunc habere in vasis fictilibus, idest, infirmisimis, & maxime fragilibus, quæ videlicet ad omnem incursum rumpi solent. Ex quo sequitur, vt omnis diligentia, & attentio, atque animi prouisio adhibenda sit in ijs seruandis, & nisi adhibeatur, nemo euadere possit naufragium. Magnis inquit S. Hieronymus, inimicorum circumdamur agminibus, hostium plena sunt omnia, caro fragilis, & cinis futura post modicum pugnat sola cum pluribus. Non querit diabolus homines infideles, & eos qui foris sunt, & quorum carnes Rex Assyrius in olla succendit. De Ecclesia Christi rapere festinat. Escæ eius secundum Abacuc electæ sunt lob subuertere cupit, & deuorato Iuda ad cribrandos Apostolos expetit potestatem. Ecce auctore S. Hieronymo, vt aduersarius noster diabolus omni quidem hominum conditioni infestus

Epist. 22.

Abacuc. 1.

infestus est, sed multò tamen magis exultat gaudio, si Ecclesiæ antistitem, cuiusmodi est Cardinalis, adeò foedè miserèque præcipiter. Crescit enim peccatum ex eius dignitate, crescit Dei iniuria, crescit hominum scandalum, crescit Ecclesiæ damnum. quibus omnibus improbus ille gaudet mirum in modum, ac triumphat. Declaratum est hoc eo viso, quod S. Gregorius narrat obiectum esse cui-
dam, qui in Phano idolorum magnam dæmonum careruam vidit Principi suo seruientium, & actorum rationem reddentium, vbi cum multi multos varijs hominibus fucos factos exponerent, vnum postremò indicasse tentationem Andreæ Fundano Episcopo iniectam, ita vt domesticæ mulieris amore tactus nutaret. Quare Principem illum qui reliquos nihil curauerat, hoc de Episcopo inhianter audisse, & quasi de grandi lucro gauisum esse. Hoc igitur idem de seipso Cardinalis cogitare debet, multò se maiorem risum perditis illis præbiturum, si qua parte se aut facto, aut etiam cogitatione supplantari sinat. Aliud est etiam remedium, ac præsidium duplex, primum resistere statim cogitationi subrepenti, quoniam vt hostes cum ciuitatem aggrediuntur facilius repelli possunt. Si verò pedem intulerint, ita omnia occupant, ita dominantur, vt exturbari nequeant, sic etiam in ista præsertim tentatione vsu venit, Alterum est perferre ad orationem, eaque opem, & auxilium à Domino Deo implorare. De hoc utroque S. Hieronymus, eodem loco, quem paulo anteposui, statim vt libido titillauerit, sensum, inquit, aut blandum voluptatis incendium dulci calore perfuderit, erumpatur in vocem, Dominus auxiliator meus, non timebo, quid faciat mihi caro. Nolo sinas cogitationem crescere, nihil in te Babylonicum, nihil confusionis adolescat. Dum paruus est hostis interfice, nequitia, ne zizania crescat, elidatur in semine. Quia enim impossibile est, in sensum hominis non irruere innatum medullarum calorem, ille laudatur, ille prædicatur beatus, qui vt coeperit cogitare

rare fordida, statim interficit cogitatus, & allidit ad pe-
 tram, petra autem Christus est. Præterea iuvat etiam,
 vel maximè custodia sensuum, præsertim oculorum, qui-
 bus si licentia vagandi permittatur, non potest dici quan-
 tam vim habeant ad perdendum. Quid enim Dauidem
 talem Dei amicum post tot reuelationes, post incerta, &
 occulta diuinæ sapientiæ manifestata, perculit, atque pro-
 strauit, nisi vnus coniectus oculorum, vt omnes tanto exē-
 plo discant, neque dignitatem, quando ille quoque Rex
 erat, neque sapientiam, aut etiam sanctitatem, cum ipse
 tam magnus esset propheta, satis resistere posse eiusmodi
 periculis, ijsque pugnis, quas aspectus affert, sensus om-
 nium acerrimus. Huic deinde proximus est auditus, de
 quo rectè præcipit S. Hieronymus in Epistola ad Nepoti-
 anum Clericum. Nunquam, inquit, de formis mulierum
 disputes, quo præcipit nunquam loquendum esse, nunquā
 alios audiendos de huius vel illius sceminae elegancia, aut
 specie. Decet enim prælatum, non modo animum, sed
 etiam oculos, & aures castas habere. Vltimum adiuuen-
 tum aduersus hæc ignita diaboli iacula est, quod supra
 attigimus, temperantia in victu. Quod etiam physica, ac
 necessaria ratione confirmari potest. quoniam cibus qui
 sumitur, primum quidem in sanguinem, & in corporis ali-
 mentum vertitur: quodd si abundantior fuerit, quā con-
 seruando corpori sufficiat, ex eo videlicet quod superest,
 generantur humores obscœni, qui sunt animantibus à na-
 tura insiti ad foetus procreandos. Hi verò humores cum
 geniri fuerint, vt ait quodam loco Galenus, extimulant
 animal, & impellunt ad id cuius gratia facti sunt, eoque
 magis, quò maiore copia. Quamobrem verè de hoc S.
 Ambrosius, cibo, inquit, flamma alitur, & deficit. Siqui-
 dem foenum, stipula, lignum, oleum, aliaque eiusmodi ali-
 menta ignis sunt, quibus pascitur. Ea si detrahas, vel non
 suggeras, etiam ignis sopitur. Similiter ergo vapor cor-
 poris cibo alitur, aut minuitur, cibo excitatur, cibo solui-
 tur,

L. Regi. 1.

Epist. 2.

Lib. 6. de
locis aff.

Epist. 15.

tur,

tur, Luxuria igitur mater libidinis est. Idem dicit, & S. Chrysostomus, ut naui, aut, cum plus æquo onerata est, necessariò mergitur, nec eam iuuare potest maris tranquillitas, nec scientia Gubernatoris non multitudo nautarum, non apparatus copia, non denique vlla res alia. Sic qui delicatè, & molliter corpus tractant, in exitij pelagus demerguntur, nec eos doctrina, & institutio, non admonitio, & consilium, non timor futurorum, non pudor præsentium conseruare poterit, ita fluctuantem animam, sed nolentem deprimit, & eò proijcit, vnde resurgere difficile est. Atque hæc quidem quæ vno ore ab omnibus Sanctis Patribus dicta sunt, non alijs tantum dicta sunt, sed etiam vobis Cardinalibus. Cur enim soli hac lege exempti sitis, cum vt supra diximus, eandem carnem, eandemque carnis corruptelam insitam gestetis, quam alij? Itaque apparet illarum lautarum mensarum abundantia, illarum quotidianarum epularum, ille lectorum apparatus tam mollis, in quas miseras impellere possint, nisi caueatis. Ego verò addo etiam honorem ipsum, & ipsam opum copiam, & reuerentiam ab omnibus exhibitam, denique affluentiam quandam omnis prosperitatis. Hæc enim si rectè consideremus insolentiam, & licentiam quandam pariunt, quæ semper proxima est ruinæ. Extat Borromei prudentissimi, & optimi Cardinalis Epistola ad Andream Battorium Cardinalem Poloniæ Regis propinquum, in qua Epistola cum præter alia testatus esset, in hoc sanctissimo statu exigi omninò castimoniam, & quidem singularem, adiungit. *Quam nunquam assequeris, nisi te carnis maceratione afflictæueris, sensus omnes compresseris, ocium vt pestem fugeris, denique nisi in huius diuini doni pulcherrimi conseruationem, quod ille tibi custodiendum dedit, omnem animi, ac mentis tuæ vim intenderis.* Mirum est enim quàm facile ab ijs perdat, qui in eius conseruationem non inuigilent. Nec aliam ob causam S. Paulus Timotheum, quem ab infantia educauerat, sacrasque literas edocuerat, qui

Orat. 6. de
prouid.

1. 2
1. 4

1. 12

1. Timoc.

corpo-

In c. 2. ad
Mich.

Matt. 22.

corpore erat imbecillo, & infirmo, qui ieiunijs, & aquæ potu carnis petulantiam fregerat, tam seriò monet, vt se ipsum castum custodiat. Hæc ille verè & sapienter. Sed libet hoc totum argumentum concludere egregia S. Hieronymi sententia, quæ cum de Ecclesiasticis Principibus loquatur, nullis verius conuenit, quàm Cardinalibus. Sed & Ecclesiæ quoque, inquit, Principes, qui delitijs affluunt & inter epulas, atque lasciuias, pudicitiam seruare se credunt, propheticus sermo describit, quòd eijciendi sint de spaciosis domibus, lautisq; conuiuijs, & multo labore epulis conquisitis, & eijciendi propter malas cogitationes, & opera sua. Et si vis scire, quò eijciendi sunt, Euangelium lege, In tenebras scilicet exteriores, vbi erit æctus, & stridor dentium. Si in Apostolorum loco sumus, non solum sermonem eorum imitemur, sed conuersationem quoque, & abstinentionem complectamur.

Quomodo Cardinales vti debeant diuitijs.

Cap. XV.

Num. 18.



EST etiam genus quoddam temperantiæ erga ipsas diuitias, vt scilicet tum earum amorem tum etiam vsum moderetur, & dirigat ex præscripto rectæ rationis. Quod fortasse non minus est difficile, quàm id, de quo iam diximus, in delectationum moderatione versari; nam hic quoque magni sunt, & acres stimuli. Neque tamen diuitias in Cardinali damnamus, quin potius probamus, & necessarias confitemur, idque non vsus modo receptus etiam à bonis, & probatus ab omnibus, sed ipsius quoque Dei iudicium, decretumque confirmat. Videmus enim Deum in veteri lege magnas utique diuitias, tum Pontifici, tum Sacerdotibus, & Leuitis, quibus noster Clerus respondet, assignasse. Licet enim nullam eis partem certam promissæ Hebreis terræ attribuerit;

buerit; attribuit tamen decimas, primitias, & alia eiusmodi, ex quibus ingentem omnino summam constari necesse erat. Neque verò hoc perfectioni repugnat. Verum enim est quod ait S. Gregorius. Non census in crimine, 10. mor. c. 17. est, sed affectus. Cuncta enim quæ Deus condidit bona sunt, sed qui bonis malè utitur, profectò agit, ut quasi per edacitatis ingluuiem, eo, quo viuere debuit pane, moriatur. Quoniam igitur non vsus, sed prauus vsus diuitiarum reprehendendus est, videamus, quid in hoc genere seruare te oporteat, ne quandoquidem mihi præceptoris personam imposuisti, quidquam omittam eorum, de quibus monendus esse videaris. Primum autem est illud, quod in psalmo præcipitur. Diuitiæ si affluant nolite cor apponere. Psal. 61. Apponit autem cor qui eas amat, qui ijs gaudet, qui eas magnum aliquid putat. Itaque adhiberi quidem debent ad vitæ necessitates, sed ut terra, sine qua ne viuere quidem possumus, & tamen adeò non habetur in pretio, ut etiam pedibus teratur, & si quid forte adhæserit, statim excutitur. Hoc enim illud est quod S. Gregorius in Ezechielem præcipit cuncta temporalia vsu, non affectu possidenda. idemque in moralibus. Quisquis temporalia nimie diligit, se magis illis, quàm sibi ipsa supponit. Multi enim lustorum in hoc mundo diuites fuerunt, rebus, & honoribus fulti. Habere multa videbantur, quorum mentem, quia eorum quæ aderant delectatio nimia non possidebat, bona illorum in manu erant, quia potestati animi subiecta tenebantur. Hoc igitur idem Ecclesiasticus Princeps facere debet, ut opes suas habeat, non ut ab illis habeatur, id est, ut sit ipse superior omnibus rebus quas possidet, in eas liberrimè dominetur, immo verò illas etiam, Homil. 19. in Ezz. c. 19. subter se habeat, despiciat, contemnat, non autem illis quasi captiuus seruiat. Neque hoc difficile si harum rerum naturam ipsam consideres, quàm sint instabiles, quàm vanæ, quàm nullius momenti, immo etiam quàm sæpe noxiæ, & damnosæ. Sapienter enim S. Chrysostomus diui-

M rias,

Homil. in
Eutrop.
tom. 6.

Homel. 45.
in Math.

nias, seruum ait esse fugitium, nec tantum fugacem, sed etiam hericidam, quia non eo contentę, vt possessorem, deserant, insuper etiam sapissimę iugulant. Atque idem alio loco id perpendit, quod Dominus apud Matthęm, non simpliciter diuitias, sed fraudem, & deceptionem diuitiarum appellat, quoniam, inquit, nihil aliud est in diuitijs pręter deceptionem. Nam voluptas, & gloria, ornatus, & pompa, horumque similia, phantasmata quędam sunt, nullam rem verę continentia. Verę phantasmata fluito errore, fallaque mentis imagine nixa. Quid enim tandem boni inest in domo aurata, in superbis aulęis, in tapetibus sumptuosıs? Aut quid iuuat reconditam habere multam vestem omnis generis, quę ex eo vtilitas? Nam quod solidi fructus ex domo existit, vt frigus, aut æstus depellatur, id quidem perinde existit ex domo mediocri.

Homel. 10
ad Thilip

Quare ornatus illi ex marmore, ex statuis, ex picturis, illi magnifici apparatus, & cętera eiusmodi pompa, nihil solidę vtilitatis afferunt. Itaque verissimum est, quod idem S. Chrysostomus alibi docet, terrena omnia pro nihilo habenda esse, neque vllum per se pretium, ac dignitatem habere, sed ex sola opinione nostra, idque probat exemplo gemmarum, in quibus ipsis, nihil sit cur tanti æstimentur, cum communes lapides, & magnitudine, & vsus commoditate, interdum etiam pulchritudine multo superiores sint. Huc adde, quod hęc caduca bona ostentant potius vsum, quàm continent, cum satis appareat si quid habeant vel vtilitatis, vel splendoris, id ita fluxum esse, ita incertum, vt nunquam securo animo possidere possis. Quam-

3 par past.
adm. 28.

1. Corin 7.

ob causam optimę S. Gregorius in hanc ipsam sententiam illud affert Apostoli. Pręterit figura huius mundi, ac si, inquit, aperte diceret, Nolite constanter diligere mundum, quando & ipse non potest quem diligitis, stare. Incassum cor quasi manentes figitis, dum fugit ipse quem amatis.

Hom. 4. in
Euang.

Atque idem alio quodam loco aptissimę totum hunc mundum ruinosa domui comparat: Si equum ait, ruinam sui domus

mus

inus quassata minaretur, quisquis in illa habitaret, fugeret; & qui stantem dilexerat, recedere quantocius à cadente festinaret. Si igitur mundus cadit, & nos eum amando amplectimur, opprimi potius volumus, quàm habitare, quia nulla nos ratio à ruina illius separar, quos eius passionibus amor ligat. Hęc igitur quę satis sufficiunt ad res omnes terrenas apud cuiusvis animum in contemptum adducendas, quanto magis apud animum Cardinalis, qui pro gradu, quem tenet, omnem perfectionem præstare debet? Valet enim hic illud D. Ambrosij argumentum. Si, inquit, Euangelio Domini etiam populus ipse ad despicientiam opum informatus, atque institutus est, quanto magis nos levitas, oportet terrenis non teneri cupiditatibus, quorum Deus portio est.

Cæterum in hoc usu diuitiarum, de quo loquimur, illud et tibi omnino seruandum erit, ut quantecumque affluant opes, memineris semper arrogantiam, & fastidium fugere, contra verò humilitatem retinere, comitatem, affabilitatemque sermonis. Ob hanc enim causam laudat S. Gregorius Abrahamum, qui cum tam locuples, & opulentus esset, tamen adeo demissè loqueretur, ut etiam se pulueris, & cineris loco haberet. Quid, inquit, iste diuitias suas æstimare nouerat, qui semetipsum puluerem, cineremque pensabat? Aut quando hunc res possessæ extollerent, qui de se quoque earum possessore tam abiecta sentiret? Immo verò ille etiam sensus optimus, valdeque conueniens. Cardinali, ut non solum non efferatur diuitijs, sed potius extimescat ne præsens felicitas futuram felicitatem vel impediat, vel certè imminuat. Hoc enim illud est quod docet B. Gregorius id interpretans, quod dictum est, ad diuitem illum, Recordare quia receperisti bona in vitâ tuâ. Si qui estis, inquit, qui in hoc mundo exterioris boni aliquid accepistis, ipsum, ut ita dicam, donum pertimescere debetis, ne vobis pro quorundam vestrorum actuum recompensatione sit datum; ne iudex, qui hic exteriora bona resti-

10. mon.
c. 17.

Home. 40:
in Euang.
Lucæ 19.

Hom. ecce
reliquimus

tuit, à retributione boni intimi repellat, ne honor hic, vel diuitiæ, non adiumentum virtutis, sed remuneratio sit laboris. Hæc igitur cogitatio, atque hic timor multum proderit, tum ad humilitatem, quam diximus, tum ad rectum usum copiarum. Postremò illud etiam in diuitijs tenendum, ut ex ijs quoque nouam causam, nouamque obligationem tibi iniectam intelligas ad bene viuendum, perfectionemque sectandam. Quid enim sunt aliud bona Ecclesiastica, quàm res Deo dicatæ, atque ob id dicatæ, ut ipsius Ecclesiæ ministri alantur? quem autem ad finem alantur, nisi ut Ecclesiæ seruiant, quemadmodum decet ministros? Quod etiam eò magis valet quò maiora sunt hæc bona, vberiores redditus, ampliores facultates. Ex quo apparet quales ex hoc etiam capite esse oporteat Cardinalium mores, quàm sanctitatem, quantam alacritatem ad omne opus, & ad omnem laborem pro Domini Ecclesiæ subeundum. Bene S. Bernardus, Væ uæ tibi Clerice, mors in olla, mors in ollis carnum, mors in huiusmodi delitijs est, non modo quia secus introitum delectationis posita esse cognoscitur, sed ob id maximè, quia populi constat esse peccata quæ comedis. Sumptus Ecclesiasticos gratis habere, te reputas? Peccata populi comedis, ac si propria tibi minus sufficere viderentur. Sollicitus esto tanquam rationem redditurus, pro eis gemitus fundere, dignos agere poenitentiae fructus. Alioquin tibi ea noueris imputanda, quæ modo inter delicias comedis, & paruipendis, tanquam nihil attinentia tibi. Venient, venient ante tribunal Christi: audietur populorum que rela grauis, accusatio dura, quorum vixere stipendijs, nec diluere peccata, quibus facti sunt duces cœci, fraudulentii mediatores. Quid tibi insapiens deliciae sapiunt? quid diuitiæ ille cœcos delectant oculos, quibus mercaris tam graue iudicium, tam duræ temetipsum obligas rationi? Hæc Sanctus Bernardus.

Iam verò si aliquid speciatim dicendum est de recto usu
harum

harum facultatum, quas Ecclesia tam amplas suppeditat Cardinali, satis constat non modò necessitati naturæ satisfaciendum, sed etiam decentiæ status; quod cum omnibus commune sit, illud quoque sequitur, ut quò quisque alio re in statu sit, eò maiores illi sumptus concedantur. In hoc autem decoro personæ, tria spectari possunt, commoditas, splendor, & luxus, quorum trium, hoc quidem postremum ad vitia pertinet, de quibus proximo capite agitur, semperque reiiciendum est; alia duo non solum tolerabilia, sed etiam laudabilia sunt. Nam quòd ad primum attinet, nemo ita durus fuerit, qui præter necessitatem vitæ non insuper concedat Prælato, quæ ad eiusdem vitæ commoditatem quandam pertinent, eoque magis, cum aliquæ concurrunt circumstantiæ, quæ id postulant, ut si eminentior dignitas, si maior sanguinis nobilitas, si valetudo imbecilla, si ætas iam grauior, si denique plures labores pro Dei Ecclesia suscepti fuerint. Immo verò non hoc solum, quod aliquo modo ad vitam tuendam referri videtur, sed splendorem quoque aliquem, & ornatum, ac maiestatem Cardinali permittimus. Sic enim B. Antoninus docet, decere Cardinales, ut apparatus aliquem habeant equorum, & famulorum, & ministrorum, ne dignitas, inquit, vilescat. Optima, & euidentis ratio. Est enim hoc valde proprium humanæ naturæ, ut sensibus moueatur, quia quandiu videlicet anima in hoc corpore viuit propter admirabilem illam coniunctionem, quæ est inter vtrunque, omnino necesse est, ut velit nolit ijs afficiatur, quæ per sensus, ac præsertim per oculos ingeruntur, Quæ fuit causa cur Deus ipse animo quidem præcipuè, ac spiritu coli se voluerit, sed præterea externa etiam quædam iusserit adhiberi, ut scilicet se humano captui accommodaret. Itaque in veteri lege etiam de vestimentis, & ornatu summi Sacerdotis multa præscripsit, quæ omnia præter mysterium quod continebant, eò etiam pertinebant, ut admirationem quandam apud populum mouerent. Nec
valeat

p. 3. tit. 23.
c. 2.

Exodi. 29.

2. Corint.
12.

valet quod obijci posset de Sanctis Apostolis, qui nullò eiusmodi externo apparatu, ac potius contra in summa paupertate, in fame, & siti, in frigore, & nuditate, vt Paulus ait, tamen Prælatorum statum cum tanta dignitate tenuerunt. Hæc enim fuit certa quædam ratio, & illorum temporum propria, cum Ecclesiæ fundamenta iacienda essent, ne orbis conuersio humanæ potentie tribueretur. Accedebant deinde etiam miracula, quibus sibi venerationem satis, superque conciliabant. Nunc autem cum & hæc signa, prodigiaque cessarint, & Ecclesiâ iam satis fundata, & propagata sit, sine dubio nisi aliquid esset, quod hominum oculos caperet, non modò apud rudes, & vulgares, qui fere tantum capiunt, quantum vident, minimumque ratione vtuntur, sed planè apud omnes minor esset reuerentia, & auctoritas Prælatorum, labaretque in multis Ecclesiastica obedientia, ex quo etiam contemptus sequeretur. Quare, vt dixi, splendor hic externus, & probandus, & laudandus est, in Cardinali, & quidè aliquanto etiam maior, quam in Episcopo, aut in alijs eiusmodi, pro maiori eminentia dignitatis. Poterit igitur aliquam retinere maiestatem, in omni apparatu, in habitatione, in vestitu, in suppellectili, in mensa, in lectorum operimentis, in equis etiam, ac rhedis, & argenteis aliquibus vasis, quando S. Augustinus ipse Episcopalis vitæ exemplar aliquid argenti ad suam mensam adhibuisse perhibetur. Quod si de famulorum numero agatur, primum quidem licebit omnes habere, qui ad domestica munera necessarij sint, quæ vt apparet multa sunt, & varia, deinde ne prohibendi quidem sunt nobiles aliqui stipatores, sed non nimis multi, & omnino si aliquid definiendum est, ad quatuor vel sex, aut certè non multo plures, sed hos honorarios, quos permittimus, non adultores, aut scurras esse oporteret, qui quoniam nihil sciunt aliud, totum tempus, garriendo, iocando, detrahendo consumunt, sed doctos, & probos. Sic enim, & utilitatem, & dignitatem addo-

rent

rent Cardinali. De qua re extat decretum Concil. Later. sub Leone X.

Hæc igitur de domestico sumptu. Post hunc autem, nihil non modò salubrius, sed etiam honestius, & gloriosius existimabis, quàm facultates tuas conferre ad pauperes, egentesque subleuandos; Quæ liberalitas, si omnes decet Christianos, quantò magis eum, qui Ecclesiasticos redditus administrat, qui potissimùm huc sunt destinati? Igitur cum tibi ipsi necessaria ad victum, cum etiam decetia ad statum sumpseris, reliqua sanè ita tenuioribus erogare debebis, vt non te dare putes, sed quod debeas reddere; Atque hæc largitas & si pro facultate moderanda, est, tamen si in alterutro excedendum sit, satius est beneficiæ fauere, non modo quantū ferant redditus, sed propemodum etiam paulò plus quàm ferant. Exemplo fuit Borromeus, cuius arca ex eleemosynis penè semper exhausta, quotannis etiam ad multa millia erat obærata. Neque tamen timebat nouas subire impensas in gratiam pauperum. Quin etiam cum Oirensem principatum quadraginta aureorū millibus vendidisset, intra dies viginti & quinque, omnia in egenos, & pia opera contulit. In quo genere non ea tantum comprehenduntur, quæ quasi in manum dantur, sed etiam quæ in posterum stabiliuntur ad miseros subleuandos, vt modo Vrbanus Septimus, pecuniam, quam Cardinalis parsimonia, & moderatione sua redegerat, non propinquis, quos multos, & tenues habebat, sed virginibus collocandis reliquit. Cui quidem pietati primum locum tribuendum puto, proximum verò ei qui scholasticis impenditur, vt literarum studia tueri possint, cuius rei gratia, multi collegia, domosque instituere, vt Branda Castillionus, & nuper Borromeus Papiæ, Stephanus Nardinus, & Dominicus Capranicus Romæ, Pileus Prætorius Patavij, Esbigneus Cracouiæ, Aegidius Carillus Bononiæ, omnes Cardinales. Quo loco vel in primis etiam reponi debent quæ ad ædes sacras, vel ædificandas, vel cū

opus est reficiendas conferuntur; cuiusmodi multas in ve-
 be spectamus. Hoc enim adeo laudandum est, ut ipse
 Aristoteles de magnificentia differens, ex omnibus expen-
 sis, eas honoratissimas esse dicat, quæ sunt ad templa ex-
 truenda, vel donaria ijs offerenda, & omnino quæcunque
 impenduntur ad publicam utilitatem, & ornatum. Quo in
 genere inter omnes ferè nostræ ætatis Antistites eminere
 videtur magnificentia Alexandri Cardinalis Farnesij, qui
 dignum familia, dignum amplitudine sua Templum Iesu
 Deo filio extruxit. Sed in his omnibus præcipua ratio ha-
 benda est eorum locorum vnde redditus ipsi prouehiant,
 quod iam non modò ad liberalitatem, sed etiam ad iusti-
 tiam pertinet, nam & D. Antoninus inter alia Cardinaliũ
 peccata, hoc commemorat, si non curent, ut Ecclesiæ si-
 bi commendatæ, tum sanctæ, & rectæ conferuentur, tum
 etiam Ecclesiasticis officijs pro sua qualitate frequenten-
 tur, postremo, ut animarum quæ ipsis subiectæ sunt, dili-
 gens cura geratur.

*Qua vitare debeant Cardinales in usu diui-
 tiarum. Cap. XVI.*



Ad hoc idem diuitiarum caput pertinet,
 non modò quid fieri, sed etiam quid non
 fieri debeat, & quid in ijs vitandum sit,
 præsertim cum multa in hoc genere vitia
 inesse soleant, in quibus humana infir-
 mitas admodum facilè labi solet. Incre-
 dibile est autem quàm multa vitia ex diuitijs scatere so-
 leant, quasi vermes ex putri limo, ut rectè monuerit S.
 Chrysostomus. Nemo opum, & facultatum copiam per-
 sequatur, Multa hinc mala oriuntur ijs, qui non atten-
 dunt, arrogantia, socordia, inuidia, vanagloria, & alia
 his multò maiora. Idemque alio loco diuitias, ait esse
 omnis absurditatis parentes, inuentrices omnium malo-

rum

rum, luxum animi, corruptionis adiutrices, hostes continentiae, inimicas temperantiae, denique occultos fures omnium virtutis. Hæc omnia his ipsis verbis S. Chrysostomus, Episcopus ipse, & Doctor egregius. Quare cum tam multa mala ex opibus oriantur, videamus in Cardinali, quæ sint ea, in quibus præcipuè possit offendere, Primum autem est, si modum in habendo transgrediatur. Nam etiam si nihil aliud sit, tamen nimium diuitem esse Cardinali vitiosum est. Docet hoc S. Antoninus disertis verbis, cum ait, querere, aut etiam recipere plura beneficia, quam huius status, vel necessitas, vel decentia exigat, peccatum esse, redditque rationem, quia hoc nihil sit aliud, quam auferre ijs, qui egent. In cuius sententia hoc etiam notandum, quod non modò venari superfluas opes, sed etiam oblatas admittere putat esse culpam. Idem confirmat alter Theologus Aluarus, qui item ait peccari à Cardinalibus cum nimis dilatant redditus, occupantes multa beneficia, deuorantes stipendia multorum ministrorum. Hæc sunt enim eius ipsius verba. Facit etiam ad hanc rem egregia S. Hieronymi sententia in illa verba Ezechielis, Principes eius in medio illius, quasi Lupi rapientes prædam, ad effundendum sanguinem, non corporum sanguinem (ait Hieronymus) sed animarum, ut auarè sectentur lucra, nequaquam illò contenti, Qui seruiunt altari, viuunt de altari, sed postquam ad ministeriū Dei accesserint, Croesi diuitias congregent. Quod si quæras, quisnam modus Cardinalium redditibus statui debeat, difficile sane est id definire, ac potius relinquendum sapientum arbitrio, qui rum dignitate, tum dignitatis oneribus perpensis id æstiment, atque decernant. Paulus quidem Cortesius vir doctus, qui Prothonotarius Apostolicus iustum volumen de Cardinalatu scripsit ad Iulium Secundum, in illo volumine inter cœtera viginti colligit rationes, cur omnium Cardinalium redditus esse debeant æquales, quoniam, ut ille ait, tanta præsertim inæqualitas, quanta sæpe cernitur in

p. 3. tit. 22.
c. 2.

2 de plura-
ctu c. 16.

In c. 22. in
c. 22.

Lib. 2.

N pari

pari conditione, & in eodem statu aliquid iniustitiæ habere videatur. Idem etiam addit, hanc definitionem, non adeo angustè faciendam esse: sed potius tam largè, vt & honorificè viuendi, & alijs impertiendi, ac largiendi facultatem habeant. Quare is quidem singulis Cardinalibus duodena millia suo iudicio tribuit. Sed in hac re non est nostrum aliquid decernere, aut constituere. Tantum illud maneat, quod ante diximus, illam abundantiam, quæ iustos, & rectos limites excedat, peccatum esse. Est etiam peccatum cupiditas ipsa, & affectus habendi plura, de quo affectu rectè dictum est, à S. Chrysostomo, Nullum malum Deus fecit, sed omnia bona valde. Quamobrem bona etiam sunt pecuniæ, sed ita demum si in eos, qui possident dominatum non obtineant. Neque enim bona est lux illa, quæ non delet tenebras, sed eas auget. Neque eas dixerim diuitias, quæ paupertatem non adimunt, sed augent. Quare non sunt malum diuitiæ, sed pauper animus, qui diuitias conuertit in paupertatem. Igitur si omnibus hæc cupiditas tum perniciosa est, tum etiam turpis, quanto magis erit Clericis, & ijs præsertim, qui in Clericorum ordine procures quidam sunt? Bene S. Gregorius, Cum diuinæ inquit, lectionis testimonio Idolorum seruitus avaritiæ nuncupetur, quo studio de domo Dei sit pellenda cognoscitur, & à quibusdam Sacerdotibus, quod gementes dicimus, non cauetur. Tenet enim captiuum cor suum cupiditas, & licitum esse suadet malum, quod imperat. Idem etiam docet S. Bernardus, qui contra eos acerbè inuehitur, qui cum sint de crucifixi patrimonio, nimium incrassati, impinguati, dilatati, animarum quidem vel salutem, vel ruinam, nihili æstimant, qui inquit, Christi opprobria, spura, flagella, clauos, lanceam, crucem, & mortem, hæc omnia in fornace avaritiæ conflant, & profligant in acquisitionem turpis quæstus, & pretium vniuersitatis suis marsupijs includere festinant. Ita Sanctus Bernardus. Quare perspicuum esse debet, omnino extirpandum, radicitus

Car.

Hom. 14.
in epist. 1.
ad Corinth.

I ib. 9.
epist. 49.

Serm. 10.
in cantic.

Cardinali hunc amorem, & studium habendi, contra-
 verò asciscendum esse semperque conseruandum ani-
 mum pecuniæ contemptorem. Ad quod caput illud
 etiam pertinet, vt tum in dando cùm opus est, munificus
 sit, tum etiam in exigendo, non acerbus. Hoc enim mer-
 catoris est potius, qui ad rem suam attentus sit. Vir au-
 tem ille Ecclesiastico Principatu dignus rationem quidem
 habebit rei familiaris, sed eatenus, vt eam temerè dilabi
 non sinat, omnem autem fugiet illiberalitatis, & tenacita-
 tis suspicionem. Itaque vel in vendendo, vel in emendo,
 vel in contrahendo, ea quidem per tuos maximè curabis;
 ipse vix attinges; cæterum in omnibus ages liberaliter, po-
 tiusque de tuo iure concedes, quàm nimium strictè exigas:
 à litibus verò quantum liceat, & paulo etiam plusquàm
 liceat, abhorrebis. & me quidem auctore, nullam litem
 suscipies, nisi coactus necessitate, & præsertim ad iura Ec-
 clesiæ tuenda, idque ipsum moderatè, semperque paratus
 ad componendas controuersias omni conditione, non mo-
 do æqua, sed etiam tolerabili. Quòd verò ad domesticas
 rationes attinet, optimum consilium est, ac penè necessa-
 rium, vt quantum possis temet eis eximas, neque ipse red-
 dituum procurationem, aut dati, vel accepti supputatio-
 nem suscipias. Hoc enim quàm indignum sit Prælato, in-
 dicat S. Bernardus, cum ait, Quid Episcopo turpius, quam
 incumbere suppellectili, & substantiæ suæ scrutari omnia,
 sciscitari de singulis morderi suspicionibus, moueri ad quæ
 que perditæ, vel neglectæ? Quod cum ita sit, tamen quo-
 niam ex altera parte, non quidem perdenda, & dissipanda
 est res familiaris, addit S. Bernardus optimam viam, vt
 temporalia ista Prælatus per aliquem alium curet, in quo
 quidem sit fides, sit prudentia, addatur etiam, auctoritas,
 dando scilicet ei facultatem agendi pro libito, ita vt ei
 subdantur omnes, nemo ei resistat. Quod si vtrunque in
 vno coniunctum non inueniatur, vt sit, & fidelis, & pru-
 dens, melius esse ait fideli committere. Si verò nec satis

Lib. 4. de
 consid.

quidem fidelis suppetat, satius tamen esse minus fidelem sustinere, quam ei se labyrintho immergere. Nam Saluatori quoque Oeconomum fuisse Iudam. Hæc S. Bernardus, quæ sunt verissimæ, & in primis Cardinali conueniunt. Cæterum si Ecclesiastica quoque munera obire tibi contingat, in quibus pecuniâ tractanda sit, meminisse debes, ita te gerere, vt te semper serues intactum tum à culpâ, tum etiam ab omni suspitione; quod scribitur de Iacobo Cardinali Sadoletto, qui ex Gallica Legatione reuertens, cum ex ipso itinere ad suam Carpentoracensem Ecclesiam diuertisset, quot dies illic commoratus est (nec plures fuere quam decem) ex suo sumptum facere voluit, vtque Romam peruenit, totam eam partem ex suo viatico Apostolico thesauro restituit. Cæterum ex radice cupiditatis illud etiam mali nasci solet (quod vel maximè Cardinali vitandum est inter diuitias) vt rerum quæ possidentur, procuratio mentem in varias partes distrahat, itaque aggrauet temporalibus, & terrenis cogitationibus, vt se ad coelestia erigere non possit, aut si interdum erigatur, statim ad hæc infima reuoluatur. Quod ne quis leue ducat incommodum, ex ea quidem occupatione subit paulatim Dei, & diuinarum rerum obliuio, ex obliuione cæcitas, & obscuritas, hæc vero in tetra flagitia præcipitat.

1. mor. 44. **Quam ob causam S. Gregorius.** Solet rerum abundantia, inquit, tantò magis à diuino timore mentem soluere, quantò magis hanc exigit diuersa cogitare. nam dum per multa spargitur, stare in intimis fixa prohibetur. Neque hoc solo nocent diuitiæ Cardinali, si animum suum occupari, & distineri sinat, ne ad Deum familiariter euolet, sed etiâ propter eam causam, quæ communis est rebus omnibus, quæ sensibus nostris arident. Hæc enim omnia, quæ naturæ adeo placent, & iucunda sunt dissoluere solent hominem, & facere nescio quomodo vt euanescat, & effluat totus, ac diffusetur: vt optimè à S. Bernardo dictum sit. Quando prosperitas hoc incautis non fuit ad disciplinam quod
ignis

1. de cõsũ.

ignis ad ceram, quod solis radius ad niuem, vel glaciem? Sapiens David, sapiens Salomon, sed blandientibus nimis secundis rebus, alter ex parte, alter ex toto desipuit. Hæc S. Bernardus, & alia in eandem sententiam præcipit Pontifici, quæ nos eadem simillimè præcipere possumus tibi.

Restat vltimum in quo offendere possunt Cardinales in vsu diuitiarum, si extra modum sumptu, & magnificentia procedant in domo, in supellestili, in numero, & vestitu famulorum, & reliquis. Nam in hoc quoque peccari posse testatur B. Antoninus, qui licet externum hunc splendo-

p. 3. tit. 28.
c. 2.

rem, vt proximo capite dictum est, concedat Cardinali, addit tamen moderandum esse ex præscripto rectæ rationis, ita vt nihil superfluum admittat. Quin etiam inter alia eius peccata, hoc quoque commemorat, si nimiam familiam alat. Idem confirmat etiam Aluarus. Si inquit,

2. de plan.
du Eccles.
c. 16.

excedant in familia nimis magna, in famulis, in equis, in vestibus pomposis, in supellestili preciosa, nam optima-

quæque ex toto mundo ad eos confluere videntur. Hæc ille. Recte etiam S. Bernardus de omnibus Ecclesiasticis communiter in quadam Epistola. Conceditur, inquit, vt si benè deseruis, de altario viuas, non autem vt de altario luxurieris, vt de altario superbias, vt inde compares tibi froena aurea, sellas depictas, calcaria deargentata, varia, grileaque pellicea à collo, & manibus ornatu purpureo diuersificata. Denique quicquid præter necessarium victû, simplicemque vestitum de altario retines, tuum non est, rapina est, sacrilegium est. Quin etiam idem S. Bernardus sermone quodam in cantica in eosdem Ecclesiasticos,

Serm. 23.

Qui stipendijs, quæ sufficere debebant, minime contenti, superflua, quibus egeni sustentandi forent impiè sacrilegèque sibi retinent, & in vsus suæ superbix, atque luxuriæ, victum pauperum consumere non verentur. Grauis- simè hoc, sed grauius in alio sermone, in quo cum persequutiones quasdam Ecclesiæ infestissimas descripsisset,

Serm. 38.

hanc vnam describit, vt omnium maximam. Ministri, inquit,

Serm. 7.
cantic.

Seff. 25. c. 1

quit, Christi sunt, & seruiunt Antichristo, Honorati incedunt de bonis Domini, qui Domino honorem non deferunt. Inde splendidæ mensæ, & cibis, & scyphis, inde comessationes, & ebrietates, inde redundantia torcularia, & promptuaria plena, eructantia ex hoc in illud, inde dollia pigmentaria, inde referta marsupia. Pro huiusmodi volunt esse, & sunt Ecclesiarum Præpositi, Decani, Archidiaconi, Episcopi, Archiepiscopi. Intestina, & insanabilis est plaga Ecclesiæ, & ideo in pace amaritudo eius amarissima. Denique idem S. Bernardus alibi de hoc ipso argumento. Intuere quomodo incedunt nitidi, & ornati circumamicti varietatibus, tanquam sponsa procedens de thalamo suo. Vnde verò hanc illis exuberare existimas, rerum affluentiam, vestium splendorem, mensarum luxuriam, congeriem vasorum argenteorum, & aureorum, nisi de bonis sponsæ? Inde est quod illa pauper, & inops, & nuda relinquitur, facie miseranda, inculta, hispida, exaguit. Propter hoc non est hoc tempore ornare sponsam, sed spoliare, non est custodire, sed perdere, non est defendere, sed exponere, non est instituere, sed prostituere, non est pascere gregem, sed macrare, & deuorare. Plura etiam alia S. Bernardus, tum hoc loco, tum alijs multis. Quamquam quid hæc testimonia requirimus, cū extet luculentū ipsius Tridentini Concilij decretum, quod nec refelli potest, quia euidens est, nec negligi licet, quia iubentis est? Cum enim de Episcopis ita sanxisset, ut modesta suppellectili, & in mensa frugali victu contenti sint, & in reliquo vitæ cultu, atque in tota domo nihil appareat, quod à sancto hoc instituto sit alienum, quodq; non simplicitatem, Dei zelum, & vanitatum contemptum præ se ferat: cum hæc, inquam Episcopis præcepisset, addit deinde, eadem etiam ad Cardinales Sanctæ Romanæ Ecclesiæ pertinere. Et merito. Eadem enim est ratio, quoniam ipsorum quoque dignitas, non laica sed Ecclesiastica, & opes Ecclesiasticæ, & ipsi item Dei ministri. Illud etiam amplius, quod emi-

eminentiori sunt gradu, quo sane augeretur obligatio sanctitatis. Quod si quis hanc superfluam magnificentiam illo prætextu, quem nos ipsi supra attulimus, excusare velit, ut hæc externa amplitudo, auctoritatem, & reuerentiam conciliet, verum est id quidem, sed habet ea res modum suum, ex decoro personæ, qui modus si transeat, non tantum non conciliatur auctoritas, sed potius imminuitur. Quam in sententiam illud aptissimum ex Concilio Carthaginensi, quod etiam sacro quodam Canone confirmatum est, Episcopus, inquit, vilem suppellectilem, & mensam & victum pauperem habeat, & dignitatis suæ auctoritatem, fide, & vitæ meritis quærat.

Hæc est via certissima, & optima venerationis acquirendæ inter homines, si virtus emicet, si integritas, si gravitas, religio, ac pietas ita emineat, ut ab omnibus conspiciatur. De magno illo Nicolao Myrensi Episcopo, ita traditum est, cum Episcopus est factus, coepisse uti veste etiam viliori, & neglectiori, quam antea soletet, in qua nullus omnino esset nitor, aut fastus; sed castigatæ potius humilitatis, & modestiæ significatio. Et tamen tantum absuit, ut ea res aliquid dextraxerit, de opinione, ut etiam multum auxerit. Sed quid antiqua repetimus? Cardinalis Borromeus, ne quis tempora causetur, notum est, quam omnem suppellectilem alicuius pretij, conopææ, auleæ, aliaque eius generis abs se remouerit. Vestibus utebatur externis quidem, ut Cardinalis, interioribus vero ex simplici panno, & tela, quin etiam cubicularis amictus ex panno erat cinericio, rudi, & crasso, quam ipsam vestem quatuordecim totis annis nunquam mutauit, multaque alia eiusmodi, quæ non est necesse referri, quoniam nota sunt, & recentia, constanter ad mortem usque seruauit. Quid hoc igitur de eius celebritate imminuit? Potius multum addidit. Nam qui hæc speciosa habeant, multi sunt, neque id virtutis est, sed copiarum, quæ etiam in insipientem cadere possunt, & sæpe cadunt. At verò

illa

Lib. de Car-
din. nu. 45.

3. doct.
Christ.
c. 22.

illa spernere sapientia est, ideoque admirationem potius, & commendationem parit; Quare hoc positum sit, debere Cardinalem in victu, & in omni cultu, atque apparatu suo, tum suorum non modo non transilire fines, sed potius intra fines se se tenere. Huius autem mediocritatis, si forma, aut præscriptio aliqua constituenda est, non alia meo iudicio constitui potest, quam quæ à Gondissaluo bono auctore traditur, qui ita de Cardinalibus scribit, debere eos in hoc toto genere humilitati potius studere, quam superbix, atque elationi: sequendum autem esse usum, & consuetudinem bonorum, ac frugi Cardinaliū, hos enim omnibus, qui eodem ordine, & dignitate sunt, imitari licebit. Quod etiam confirmari potest sententia B. Augustini, ad hanc rem maximè appositā; Quisquis, inquit, rebus prætereuntibus restrictius vitur, quam se se habeant mores eorum, cum quibus vivit, aut intemperās, aut superstitiosus est. Quisquis verò sic eis vitur, ut metas consuetudinis bonorum, inter quos versatur excedat, aut aliquid significat, aut flagitiosus est. In omnibus enim talibus, non usus rerum, sed libido vtentis in culpa est. Fieri enim potest, ut sine aliquo vicio cupidinis, vel voracitatis preciosissimo cibo sapiens vtatur, insipiens autem foedissima gulæ flamma in vilissimum olus inardescat. Ac de his hæcenus.

Quomodo Cardinalibus uti debeat honoribus.

Cap. XVII.



ALIVD quoque imminet Cardinali periculum ex honore ipso, præsertim tam magno, & tam perpetuo, qui ubique, & ab omnibus huic dignitati exhibetur. Est autem eò maius hoc periculum, quò dulcius, & quò etiam optatius, quippe cum

eum hæc ipsa sit causa cur tantopere à plerisque Cardina-
latus expetatur. Quare magna Cardinali adhibenda est
cura, ne quemadmodum antequam habeatur adeo oculos
præstringit sui desiderio, ita postquam habitus sit præstrin-
gat item sui amore. quod & per se malum est, & alia multa
mala secum aduehit. Atque etiam hic scopulus eò infe-
stior est Cardinali, quod non ut in mari semel transeundo,
se ab eo expedire potest sed tota vita sua ad nauigare cogi-
tur, semperque prope immorari, ut nisi caueat, & proui-
deat, magnum semper damnum, instare videatur. Quare
hoc conari debes, ut non modò nullum damnum accipias,
sed et artem aliquã teneas faciendi ex hoc ipso lucri, quod
quidem in eo præcipue consistit, ut verum, rectumq; sen-
sum, de hoc tuo honore habeas. Non. n. insipientiũ more,
qui nihil nisi oculis corporis videt, interiora aut oculis ani-
mi perspicere non possunt, ita sinere debes seduci te, ut ma-
gnũ quidã existimes, ac penè diuinũ, & in quo magna quã-
dã insit vitæ fœlicitas. Hic est. n. ut dixi, insipientiũ homi-
num error, qui istum externũ splendorem, ista hominũ obse-
quia, istam caducam gloriam suspiciunt, & mirantur, quia
videlicet præ mentis hebetudine, nec aliud melius cognos-
cunt, & hæc ipsa non satis penetrare, nec prævidere pos-
sunt quid intus lateat. At verò vir sapiens, qui recto iu-
dicio, rem quamque æstimare, & ponderare consuevit, fa-
cile videt quàm sint omnia inania, quæ mundus defert,
eaque tum in se ipso, tum in alijs intuetur, ut rem futilem,
& vanam ut fumum, & umbram, denique ut nihil. Sic
enim S. Gregorius. Pompam mundi secura mens despi-
ciat, considerans quàm nullum sit quicquid casibus lubia-
cet, quicquid sine concluditur. Idemque alibi. Quid
sunt inquit, fauores linguæ, quid sunt aliud labentium di-
gnitatum insulæ, nisi pulvis? Nam mentem quam blan-
diendo sordidant à veris splendoribus cœcant. Et quid
diuitiæ pereuntes, & transitoriæ facultates, nisi stercora
sunt æterna diligentibus? Stercora quippe sunt, quæ san-

Lib. 1. et
epist. 23.

2. in lib.
Reg. c. 1.

Hom. 78.
in Euang.

Lib. 6.
exam. c. 8.

De Beati-
tud. ser. 1.

Atque animæ in contemptu vilitatis habent, non in appetitu desiderij. Huius autem humani erroris tam pravi, tamque frequentis origo, & causa est alter error, quem idem S. Gregorius alio loco sapienter indicat, quia in hominibus, non naturam, qua ad imaginem Dei facti sunt, sed diuitias, & honores veneramur, cumque penamus, quæ circa eos sunt, negligimus pensare quod ipsi sunt quia nimirum externa illa videmus, ad hæc interna hebetes, & cæci sumus. Sed tamen si hæc subtiliora non adeo capere possumus, illud certè apertum est, & omnium oculis expositum: hæc gloria, hæc pompa, quæcunque est quàm sit brevis, & fluxa, quàmque cito abeat, & cum abierit, quàm nullam sui memoriam, ac vestigium relinquat. Quamobrem verè, & rectè S. Ambrosius. Nonne hæc omnia sicut vmbra prætereunt? Nonne hæc omnia fabula? Nonne sæculi thesaurus vanitas est? Nonne tu ipse cinis? Respice in sepulchra hominum, & vide quid ex te, nisi cinis, & ossa remanebunt, hoc est ex corpore tuo. Respice, inquam, & dic mihi, quis ibi diues, quis pauper. Discerne inopes ac potentes; Nudi omnes nascimur, Nudi morimur. Nulla discretio inter cadauera mortuorum, nisi forte quod grauius foetent diuitum corpora distenta luxuriæ. Si ergo ita est, ut ait S. Ambrosius, immo, ut oculis ipsis omnes cernimus, quid sunt aliud honores isti, & ista insignia, quibus humanæ mentes adeo capiuntur, nisi quod optimè ait S. Gregorius Nyssenus, qui omnia hæc scenæ comparat, inquam actores prodeunt personati, aureaque aut purpureaque veste nitentes pro his partibus quas agunt. Ut enim hi planè iidem sunt, qui erant antea, eodem corpore, eodem animo, pauloque post ornatu deposito, illam quoque honoratam personam deponent; sic qui magistratum aliquem gerunt, qui inter homines dignitate excellunt, etiam si externa quadam specie differre videantur, non tamen eos naturam mutasse, & illam ipsam speciem externam, quàm gestant breui tempore exuturos, vel inuitos. Quare etiam

si in

fi in præfenti quidem super alios eminere, alijsq; dominari videantur, id quidem ad breue tempus esse, dum hæc huius mundi quasi fabula peragatur. Atque hoc etiam loco venit mihi in mentem egregium dictum Andree Spinulæ, cuius auctoritas in hac parte eo magis valere debet, quoniam ipse quoque proxima spe Cardinalatus contempta, (erat enim Clericus Camerarius, & in magna gratia) suave Christi iugum, & leue onus religionis in nostra hac societate, magno quodam animi feruore tollere super se mauerat. Hunc igitur ego audiui, cum diceret valde se esse commotum cum antiquis Concilijs, vel Pontificum bullis euoluendis multa nomina veterum Cardinalium legeret, qui omnes sua ætate clari fuissent & celebres, magna pompa per urbem incessissent, opibus, clientelis, coniunctione Principum floruisent, nunc autem videret ita eorum obliteratam memoriam, ut illos extitisse, aut natos esse nemo sciat. At illorum quidem nomen casu in scriptis illis hæsisse: quàm verò innumerabiles alios esse, quorum memoria omnino, ac penitus euanuerit, ac si in rerum natura nunquam fuissent. Et sane ita res habet. Quæ enim notitia iam est Petri Foxi, eius, qui à Martino V. in Hispaniam Legatus longum illud schisma sustulit? Quis iam de nomine nouit Ferrarium, Soderinum, Cornetanum, Seram, qui omnes ab Alexandro Sexto Cardinales creati, & tum ab illo tum ab alijs Pontificibus ad magna negocia sunt adhibiti? Idem dicere licet de Galeotto, & Sixto fratribus ex Ruuerum familia, quos Iulius Secundus sororis filios ad hunc honorem euexit. Idem de Clemente Mendenfi, Leonardo Agentenfi ex eiusdem consobrino natis. Idem denique de tribus celeberrimis Rotæ Auditoribus Antonio Mende. Petro Accolto, Achille Crasso, quorum Cardinalium nulla iam ferme extaret memoria, nisi eos monumenta ingenij ab obliuione hominum vindicarent. Et hi tamen satis recentes. Illi autem recentiores Bonifacius Ferrarius, Mattheus Longus, Antonius

Paccius, Ennius Philonardus, Nicolaus Gaddus, qui omnes à Paulo Tertio, itemque Ioannes Riccius, Fabius Mignanellus, Ioannes Poggius, Sebastianus Pighinus, qui ab ipso Julio Tertio ad Cardinalatum promoti nuper vixere, & florere, nunc autem plane in hominum obliuione sunt. Itaque piget iam plures numerare, quod facile possem, ex ijs etiam quos, ipsi vidimus, & nouimus. Ex quo apparet quid futurum sit post longius intervallum, cum hoc tam breui spatiò eorum memoria omnino deleta sit. quorundam etiam cum ipsis propemodum obruta sit ac sepulta. Quare non potest esse maior stultitia, quàm ob tam breuem, & fugacem splendorem, tamque paucorum dierum (sic enim potius dicendum est quàm annorum) ita inflari, & intumescere, aut etiam ita delectari, quasi re aliqua magna, & valde optabili: multò verò stultius, & miseriorius eius amore aliquid committere, quo Deū offendas, & propter quod æterna vita possis excidere. Addamus deinde etiam illud, quod est verissimum, hoc quicquid est gaudij in ista ipsa breuitate, admixtum esse tantis molestijs, & angoribus, & perturbationibus, ut multò plus habeat spinarum, quam florum, plus doloris, quàm lætitiæ. Declarauit hoc Bessarion ille Cardinalis Nicenus, doctrina, & virtute insigni, quæ præcipue effulsit in Concilio Florentino. Cum .n. aliquando eum nescio quis felicè diceret in tanta dignitate, respondit, magnopere illum errare, ut qui nunquam esset expertus, nam reuera multo plus tædij, ac miseriarum; quam delectationis inesse ac voluptatis. Melius hoc etiam Dominicus Cardinalis Papiensis, cui, ut scribit Paulus Cortesius, cum quidam familiaris hoc idem proposuisset, ipse ut olim Dionysius ille rogauit, an fortunam illam experiri, & degustare vellet, cū se ille cupere respondisset, iussit hominem in suo ipsius cubiculo collocari, assistere famulos, & cubicularios ad nutum illius intuentes, tum admitti salutantes, & qui negotij causa aditum quærerent, sed hac conditione, ut

ad

ad tuendam dignitatem cubiculo egredi non posset, nisi cum magno comitatu, neque vnquam Cardinalitæ illius personæ grauitatem relaxaret. Quam ille molestiam cito pertæsus, multum rogauit, vt abire liceret, dicens Cardinales potius seruos esse quàm beatos. Sed hæc quidem seruitus non aliud malum affert, quàm molestiæ, & laboris cuiusdam. Illud grauius malum, quod etiam ad animæ, & salutis æternæ periculum attinet. Sic enim videmus B. Gregorium interpretari, magnas illas foueas, de quibus scriptum est in libris Regum, vt per eas honores ipsi, & dignitates intelligantur. Quicquid enim, inquit, in hoc sæculo altum cernitur, non est vera altitudo, sed fouea quæ omnes quos in sua ambitione recipit, ad inferna deponit. Quare hic ipse sensus conseruandus est à Cardinali in suo honore, vt non modo nihil sibi ex eo blandiatur, sed potius ita timeat, & trepidet, quasi qui præruptam foueam repente sibi obiectam videat. Ac præter hunc sensum timoris, illud etiam valde laudabile est in Cardinali, vt nullam lætitiæ titillationem admittat ex hac omni caduca, fluxaq; gloria, sed potius id in seipso exprimat, quod Gregorius idem ex sua vtique experientia iustis omnibus, & bonis commune esse ait, qui cum valde desceant, inquit, quia tardè ad patriam redeunt, tolerare insuper honoris onera compelluntur. Amor eos æternorum conterit, & gloria de temporalibus arridet. Qui dum cogitant quæ sint quæ in infimis tenent, & quæ sint quæ de sublimibus non vident, prosperitatis suæ mœrore mordentur, quia, & si vident se nequaquam ab ea funditus opprimi, pensant tamen sollicitè cogitationem suam, in amore Domini, & in eius dispensatione partiri. Hic est animus, hæc mens digna Cardinali, vt præ æternitatis amore, etiam odiosa fiat ei hæc præsens vitæ prosperitas, quoniam fieri non potest quin aliquo modo impediat, distrahatque cogitationem à cœlestibus, sed huius odij alia quoque esse potest, & esse debet causa ex Domini Saluatoris exemplo. Sic enim legi-

4. in lib.
Reg. c. vii.

1. mor. 42.

legimus de B. illa Elyfabetha, Turingij Principis vxore, quæ die quodam cum ornatu, & comitatu Regio Ecclesiam ingressa, statim, ac crucem vidit, Christumque in ea pendentem, coepit in lacrymas solui, & dolore acerrimo torqueri, ob hanc intimam cogitationem, quod cum Deus & Saluator suus in patibulo moreretur, ipsa gemmis, auro, purpuraque fulgeret: illius caput spinea corona cruciaretur, suum aurea ornaretur, ille ab amicis, & discipulis desertus, vndique à derisoribus circumseptus esset, ipsi autem multi famuli adessent, omnes eam colerent, atque suspicerent. Quare cum se propterea infelicem, & miseram, ac propemodum damnatam appellaret, quæ tam male suum imitaretur creatorem, tantum in ea valuisse hanc meditationem ferunt, vt exanimis in terram collapsa sit, vixque multo labore, & opere ad se reuocari potuerit. Igitur hæc eadem secum debet Cardinalis meditari, cum se ab omnibus honorari, omnes sibi assurgere, suosque nutus obseruare videt, vt non modò non his inaniter gaudeat, sed potius quòd ad se quidem attinet, molestè ferat, & erubescat, quòd tam longe à Domini Saluatorisque sui humilitate discedat. de quo scriptum est. Ego autem sum vermis, & non homo, opprobrium hominum, & abiectio plebis. Quin etiam, vt ante de diuitijs diximus, timeat, ne qui in hac vita exaltatur, deprimatur in altera, impari sine dubio compensatione, si pro tam breui honore probum subeundum fuerit sempiternum.

Psal. 22.

Illud verò ante omnia memineris Frater, nihil facilius esse, quàm vt inter tantos honores obrepat etiam animo tumor, & superbia, quæ cum per se innata sit homini, neque eum vnquam deserat in hac vita, quantò deinde magis, & alitur, & inflammatur hoc quasi pabulo tam grato, ac dulci? Hoc enim est quod B. Gregorius tantopere reprehendit in Prælati Ecclesiæ, qui humanam gloriam, intenta mente capient, qui eo ipso quo ceteris Prælati sunt ad agenda quælibet maiorem licentiam assumunt, qui de-

nique

Nom. 17.
in Euang.

nique susceptæ benedictionis ministerium vertunt ad ambitionis argumentum. Hoc etiam est, quod S. Bernardus ^{Hom. 4. missus.} grauissimè condemnat, cum dicit plerosque in Ecclesia de ignobilibus nobiles, de pauperibus diuites factos subito intumescere, obliuisci pristinæ abiectionis, genus quoque suum erubescere, & dignos se æstimare dignitate, ad quam ambiendo peruenerunt. Superbia igitur omni ope fugienda; contraque omni studio, & cura retinenda est humilitas, vt tantò se submissius gerant, quantò externo isto splendore alios antecellunt. Quod sanè eò etiam diligentius curandum, quò plura sunt in hoc gradu, quæ mentem efferre, & inflare possunt. Omnino enim verum est quod scribit S. Bernardus ad Archiepiscopum, In alto posito tã altum sapere, difficile est, & inusitatum, sed quantò inusitatus, tantò gloriosius. Timor de adepta iam altitudine tædere magis, quàm placere facit altiora. Quamobrem magnopere falluntur qui humilitatem Monachis tantum, aut religiosis conuenire existimant. Planè enim omnibus conuenit, vel potius est omnibus nécessaire, etiam si in altissimo gradu collocati sint, & nisi eâ retineant, quàm altè in hominum oculis ascendunt, tam in oculis Dei cadunt, & corruunt. Hinc enim illud S. Bernardi ad Euge- ^{Lib. 2.} nium Pontificem. Cum omni indifferenter personæ humilitas sit quidem turris fortitudinis à facie inimici, nescio quo pacto tamen vis eius maior in maioribus, & in clarioribus clarior comprobatur. Nulla splendidior gemma in omni præcipuo ornatu Summi Pontificis. Quò enim celsior cæteris, eò humilitate apparet illustrior, & seipso. Hęc igitur humilitas in boni Cardinalis pectore suos quosdam effectus habet insignes, & illustres, primum erga Deum, vt se ei toto animo subijciat, vt obediat in omnibus, vt cū timore, & tremore salutem suam operetur, caueatque, ne eminentia inter homines, & potentia, & opes animum extollant adeò, vt etiam apud Deum, aliquid se esse arbitretur, sed vt dixi, abijciat se se coram Deo, & puluerem;

Lib. 3. con-
s. d.

Ibidem.

ac cinerem putet. Deinde etiam apud alios homines, ne aduersus inferiores insolescat, ne eos contemnat, ac despicat, sed omnes eiusdem naturæ esse meminerit, eundemque patrem, eundem habere iudicem Deum, neque verò impetis sibi honoris significationibus gaudeat, nec ebrius ut dicitur dulci fortuna sui ipsius suæque infirmitatis obliuiscatur, sed hominem se esse meminerit, idest fragilem, atque mortalem. Quin etiam ut ait Bernardus non se ex eo æstimet, quod postea factus est, sed ex eo quod natus est, quoniam adhuc est quod erat, nec illud reiectum, sed hoc adiectum. Itaque si remota externa specie atque imagine ista, quam hominum oculis illa purpura, & ille splendor ostendit, interiora inspicere velit, quid aliud ibi inueniet, quàm eandem infirmitatem, ac imbecillitatem, & miseriam, quàm in alijs, sæpe etiam maiorem, quàm in alijs plurimis? Dirumpe ait B. Bernardus Eugenio velamen foliorum, celantium ignominiam, non plagam curantium. Dele fucum fugacis honoris huius, & male coloratæ nitorem gloriæ, ut nudè nudum consideres, quia nudus egressus es de utero matris tuæ. Nunquid insulatus? nunquid micans gemmis, aut floridus sericis, aut suffarcinatus metallis? si cuncta hæc veluti nubes quasdam matutinales velociter transeuntes, & citò per transituras dissipet, & ex suffles a facie considerationis tuæ, occurrer tibi homo nudus, & pauper, & miser, & miserabilis, homo dolens, quod homo sit, erubescens quod nudus sit, plorans quod natus sit, murmurans quod sit. Homo natus ad laborem, non ad honorem. Homo natus de muliere, & ob hoc cum reatu, breui viuens tempore, ideoque cum metu, repletus multis miserijs, & propterea cum fletu. Hæc & alia multa D. Bernardus, quæ si meditari, & semper ante oculos habere debet Pontifex ad studium humilitatis, quantum magis Cardinalis?

Postrema sunt duo in hoc honorum usu magnopere obseruanda Cardinali. Alterum est illa obligatio, quæ consequitur

sequitur ad bene sanctèque viuendum, vt quantum quisque inter alios eminet gradu, tantum etiam emineat vita. De quo ipso optimè D. Gregorius in quadam Epistola. Iam nunc, inquit, studio maiori res indiget, vt cum honor crescit, etiam sollicitudo proficiat, & vigilantia excresecat. Vitæ quoque merita subiectis in exemplum veniant, & nunquam sua per suscepti honoris gratiam, sed lucem cœlestis patriæ acquirat. Alterum deinde est, vt quicumque sit honor, quæcunque celebritas, & amplitudo, eam semper dirigat ad illum ipsum finem, cuius gratia hæc instituta sunt. Cur autem instituta, nisi vt hæc hominum reuerentia Cardinalem adiuuaret ad suum munus inter homines rectè exequendum, in quo exequendo aliqua, nec sanè mediocri, opus erat auctoritate? Vt enim omnes artes sua habent instrumenta, pictor penicillum, sculptor scalpellum, alij alia, sic etiam Cardinalis, qui ad Ecclesiam ædificandam non modò, vt Faber, sed etiam vt Architectus adhibetur in tam præclaro opere, propria quædam habet instrumenta atque inter alia hunc etiam honorem, de quo loquimur, hunc splendorem, hanc veluti maiestatem. Quare is quidem peruersè facit, si id ad suam gloriam, si ad familiæ suæ incrementum referat, non ad Ecclesiæ commoda. Audiat igitur B. Gregorium, quid in hanc sententiam, & quàm expresse differat. Habet, inquit, spiritalis prælatio exteriorem gloriam dignitatis, habet, & interioris magnitudinem oneris; Honor ipse dignitatis per se magnum est onus mentis, quia contemni debet; & placet. Contemni quippe debet, ne mentem per superbiam eleuet, & suscipi debet, vt cœlestia quæ doctor loquitur, subiecti venerentur. Grauius ergo onus de honore nascitur, quia electus Pastor magna animi virtute ferre potest, vt despiciat illud in se, quod pro Deo recipit in se, vt vide licet talis pro Deo sit, & semet ipsum abneget, & non abneget, vt sit quod est pro Deo, & quod est pro semetipso non sit. En igitur quomodo, vt à reliquis Ecclesiæ Præ-

Lib. 4.
epist. 51.

4. in lib.
Reg. c. vlt.

latis, sic à Cardinali temperanda sit res vt honor quidem admittatur, atque etiam, si opus sit exigatur, sed ita vt nō ad suam magnitudinem, verum ad alienam vtilitatem referatur. Hoc enim existimare debet, quod etiam S. Bernardus Eugenio præcipit¹, non dominium sibi datum, sed impositum esse ministerium, Pauli exemplo, qui de se ait. *Ministri Christi sunt, & ego, & addit in quibus id consistat.* In laboribus plurimis, in carceribus abundantius, in plagis supra modum. O præclarum ministerium, quo non id gloriosius Principatu? Ita Bernardus, & verè, quoniam eodem ipso auctore, non alijs præesse, sed prodesse pulchrū est. immo illud ita ad hoc dirigitur, vt hoc subtracto nihil omnino sit. Quare ita intelligendum est, Cardinalatum, si non cum fructum, quem debet Ecclesiæ ferat, honoris videlicet vocabulum habiturum, non veræ dignitatis insignia, & in hoc amplissimo nomine, non modo dignitatem nullam fore, sed fore summam deformitatem. Concludamus igitur Cardinalem, nisi in magnos scopulos impingere velit, ita loci huius honorem, & alios multos, qui eū consequuntur honores accipere oportere, ijsque vti, vt de rebus omnibus huius mundi dictum est ab Apostolo, tanquam non vtatur, id est, vt re volatica, & fugaci, insuper etiam plena molestiarum, & seruitutis, & quod multò maximum, vt re periculosa, multisque lapsibus exposita, in qua humilitatem suam semper teneat, fragilitatisque semper meminerit suæ, nec eum adhibeat ad suam, suorumque gloriam propagandam, sed vt instrumentum diuini obsequij, & publicæ vtilitatis. denique quod modo dicebamus, vt stimulum ad vitam meliorem, & sanctiorem, postremo si vno verbo dicendum est, id sentiat, id faciat, quod de Nepotiano scribit S. Hieronymus, qui Clericatum, non honorem intelligebat esse, sed onus.

Qualis

1. lib. 2.

confid.

2. Corint.

21.

Epist. 42.

1. Corin. 7

Epist. 3.

*Qualis amor Dei in Cardinali esse debeat.**Cap. XV.III.*

ACTENVS de his loquuti sumus, quæ Cardinalem ita instruunt, ut in seipso benè sit compositus. Nunc ea quæ dicenda, quæ ei necessaria sunt erga Deum, qui quidem respectus primus, & præcipuus est, eoque omnia referri debent. Neque enim dubitari potest, quin cum omnes Christianos Deo quàm coniunctissimos esse oporteat, quando quidem Paulus Apostolus omnes hortatur, ut conuersatio eorum in cœlis sit; tum vero præcipua Ecclesiæ membra cuiusmodi sunt Cardinales. Cum enim ut supra diximus, eorum status, vitæ perfectione nitatur, hæc quidem perfectio, aut in nulla alia re consistit; aut maxime in hac coniunctione cum Deo. Atque hæc sane coniunctio, ut Moses dicebat, non supra hominem est, neque procul posita, neque in cœlo, aut trans mare sita, sed iuxta est, valde, in ore tuo, & in corde tuo, ut si velis exequi possis, cum Dei gratia, & ope, quæ scilicet nunquam deest. Coniungitur enim anima cum Deo, præcipue; & maxime amando. Quid autem facilius, atque etiam iucundius homini, quam amare? Quare hoc in primis requiritur in Cardinali, amor in Deum, & quidem magnus, & feruens, & incensus. Sic enim B. Antoninus illud interpretatur, quod purpurâ gestent, in signum, inquit, ardentis charitatis, ita ut parati sint sanguinem fundere, qui est summus amoris gradus, quoniam maiorem charitatem nemo habet. Ex quo intelligi potest, si tantus esse debet hic amoris gradus in Cardinali, ut etiam vitæ amorem vincat, quanto deinde magis auri, & pecuniæ, vel, quod etiam difficilius esse solet, honoris, atque existimationis. Quod cum ita sit, ut effectu

Philipp. 3.

Deut. 30.

p. 3. tit. 22.
c. 1.

præcipuè metiri, atque æstimare oporteat amorem, tamen affectus etiam addendus est, quoniam si amor magnus sit, ut certe in Cardinali magnus esse debet, vix fieri potest, quin eadem anima, quæ superiorem partem animi calefacit, ipsam afficiat voluntatem, sic prorsus ut etiam in appetitu suavis, hic amoris diuini sensus oriatur. Nam ut omittam tam multas causas, quæ concurrunt, ad Deum amandum, ut etiam si totus homo, omnibus suis viribus adnitatur, ne minima quidem ex parte satisfacere possit, Est etiam illa ratio, quia cum Cardinalis non spiritualia tantum, sed temporalia quoque à Deo acceperit beneficia ut dignitatem, opes, honores, commoditates, quæ affectum etiam sensumque delectant, cur non etiam sensus ipse, & affectus excitari debent ad amandum Deum, ut hæc quoque pars, quam potest ei vicem referre gestiat? Quare hoc quidem ita debes efficere, ut nisi id in te sentias, sine dubio te ipsum, ut tepidum, & parum Deo gratum, condemnare debeas. Sed ut diximus illud præcipuum, ac

1. Joan. 1. primum, quod etiam ait Ioannes Apostolus ut diligamus, non verbo, & lingua, sed opere, & veritate, id est factis ipsis, nimirum ut præponamus semper Dei honorem, ac voluntatē nostris omnibus cupiditatibus, & cuicunq; & quantacunque utilitati, idque impigrè, constanter, & alacriter, ut nihil sit tam carum, vel tam pretiosum, quod si Dei causa ita postulet, non statim contemnatur, & abiiciatur. Sæpe enim incidunt tempora, cum ex vna parte magni alicuius commodi, vel magni honoris spes proponatur, aut metus faciendi iacturam, siue honoris, siue fortunarum; ex altera vero parte proponatur ipsius Dei obsequium, cui illa repugnare videantur. Quæ cum in contentionem veniunt Dei respectus rebus omnibus huius vitæ præferendus est, idque veri est amoris, nec aliter amor dici debet.

2. reg. 6. Cum David Rex arcam Dei deduceret, ad reliquam solemnem cerimoniam, hoc insuper addidit, ut ipsemet totis viribus saltaret seminudus. quin etiam cum de hoc à Michol

Michol vxore derisus esset, quòd se quasi vnus è scurris in populi conspectu nudasset, quid ille respondit? Ante Dominum, inquit, qui elegit me potius, quàm patrem tuum, & quàm omnem domum eius, & præcepit mihi, vt essem dux super omnem populum Domini in Israel, & ludam, & vilior fiam plusquam factus sum, & ero humilis in oculis meis. Idem igitur mihi videtur debere Cardinalis quisq; & cogitare sedulo, & profiteri. Nam cum præter alia beneficia communia cum alijs, multa etiam propria acceperint, & præsertim ipsam hanc dignitatem, quam plerique tanti æstimant, cur non ipsi quoque cum opus est, & cum ita exigit Dei causa, & rem, & honorem ipsum (in quo vt ante dixi maior solet esse difficultas) in eius gratiam exponant, atque ipsi quoque ludant, & viliores fiant? Alius etiam est effectus huius amoris, cum contingit aliquid patri pro Deo, non modo non recusare, sed vltro subire, etiam cum gaudio. Magnum verò huius exemplum Cardinalibus reliquit B. Laurentius, cuius, cum vt alibi ostendimus teneant dignitatem, merito etiam seruiorem in amando, & in patièdo imitari deberent. De quo, & de Sixto Pontif. recte ait S. Ambrosius. Talis erat contentio digna, sane, de qua certarent Sacerdos, & minister, quis prior pateretur pro Christi nomine. Itaque addit nullum aliud ei fuisse stimulum, quam deuotionis amorem. Postremò ille quoque maximus est amoris effectus, & indicium, zelus pro Dei honore; qui zelus ita proprius, & conueniens est Cardinali, propter locum quem in Dei Ecclesia tenet, vt nihil magis. Hec est enim, vt est apud B. Bernardum, cella illa Vinaria, quæ in canticis describitur, quoniam vt ille ait prorsus decet hoc vino æstare eum, qui alijs præfidet, quemadmodum æstuat Doctor gentium, qui dicebat, Quis infirmatur, & ego non infirmor, quis scandalizatur, & ego non vror. Talem ergo oportet esse hunc zelum in Cardinalibus vt toto animo diuini honoris propagationem cupiant, eiusque incrementis gaudeant, doleant

1. off. c. 4. r.

Serm. 2. p.
cant.2. Corin.
11.

ant

Ioan. 1.

Psal. 62.

ant autem, & crucientur, eius detrimentis, & cum vel religionis cursum impediri, vel Ecclesiæ dignitatem, aut utilitatem, imminui vident, ita moueantur tanquam proprijs vel plus etiam quàm proprijs incommodis, & se quantum possunt opponant pro domo Dei, resistent, siue priuatis, siue Principibus, nullique rei parcant, quin etiam cupiāt, si fieri possit sua ipsorum iactura publicam redimere iacturam. Huius zeli exemplum Dominus ipse Ecclesiæ Prælati dedit, qui cum suas iniurias, conuicia, probra omnia tam leniter toleraret, idem tamen iniuria Dei commotus factus ex funiculis flagello negotiatores omnes exturbauit è templo. quo viso scribit Ioannes, recordatos esse discipulos eius, scriptum esse, zelus domus tuæ comedit me. Eiusmodi enim esse debet hic zelus in Ecclesiastico Principe, ut eum commedat, idest, angat, cruciet, extimulet; atque etiam interdum partem aliquam auferat nocturnæ quietis. Non enim pati debet Cardinalis, ut quisquam res suas, quam ipse res Dei, tanto maiores, & meliores, ardentius amare, & curare videatur.

*De reſtitutione intentionis quam habere debet
Cardinalis. Cap. XIX.*

Matt. 24.



ST Domini vox in Euangelio. Quis putas, est fidelis seruus, & prudens, quem constituit Dominus super familiam suam? Quibus verbis duo indicantur, quæ in Ecclesiastico ministro tanto præsertim, quantus est Cardinalis, requiruntur. primum, ut fidelis sit, deinde ut prudens, sed de prudentia satis à nobis alio loco dictum est, restat ut de fide dicamus. Fides igitur, quæ etiam primo loco exigitur, ita necessaria est in seruo, ut si hæc absit, ne seruus quidem iure vocari possit, quoniam nisi cum fide rem administret, non domi-
no,

no, sed sibi ipsi seruiat. Igitur Cardinalis (Cardinalem cum dico te vnum Illustrissime Frater, intelligo, qui hoc mihi oneris imposuisti, vt hac de re tibi præciperem; neque enim hoc mihi sumo, vt cæteris etiam Cardinalibus præcepta tradam) Cardinalis igitur, vt seruus, & fidelis seruus vocari possit, meo quidem iudicio duo præstare debet, alterum vt in omnibus quæ agit, & quæ tractat finem sibi constituat Deum, alterum vt in omnibus non suam, sed Dei voluntatem exequi studeat. Ac prius quidem illud tum in Cardinalatu ipso suscipiendo locum habet. tum deinde in gerendo, & in eius actionibus singulis. Nam in ipso quoque statu accipiendo, nihil aliud spectari debet nisi Dei obsequium. Quòd si quis aliquid aliud spectet, vt suam gloriam, vt familiæ incrementum, aut quidpiam eiusmodi; tanta est peruersitas, vt maior esse non possit. Nam si in rebus omnibus etiam humanis, & merè secularibus, tamen Deus ipse finis esse debet, quantò magis in ministerijs Ecclesiæ, quæ cum Deo consecrata sint, prophananur, & deprauantur, cum aliò quàm ad Deum conuertuntur? Itaque iure S. Bernardus, peccatum hoc, vt magnum & tamen valde frequens reprehendit, Omnes inquit, Christiani, & omnes fere quæ sua sunt querunt, non quæ Iesu Christi. Ipsa quoque Ecclesiasticæ dignitatis officia in turpem quæstum, & tenebrarum negocium transiere, nec in ijs animarum salus, sed luxus queritur diuitiarum. Propter hoc tondentur, propter hoc frequentant Ecclesiam, missas celebrant, psalmos decantant. Pro Episcopatibus, & Abbatibus aliisque dignitatibus impudenter hodie decertatur, vt Ecclesiarum redditus in superfluitatis, & vanitatis vsus dissipentur. Hoc igitur primum esse debet, vt in statu tam sacro accipiendo, nihil propositum sit nisi sacrum atque diuinum. Proximum deinde illud, vt eodem etiam animo, eodemque fine sustineatur deinceps & geratur, nimirum, vt seruiatur Deo. idque non solum generali quodam proposito, quod vitam totam generaliter

Serm. 8.
qui habi-
tat.

4. de cōsū.

p. 2. tit. 2. c. 2.

Tract. de
Card. c. 7.

raliter complectatur, sed huc etiam dirigantur quoad fieri potest actiones singulæ; saltem nusquam aliò detorqueatur voluntas: nullus alius terrenus finis asciscatur. Hoc enim inter alia S. Bernardus à Cardinalibus exigit, ut præter Dominum timeant nihil, nihil sperent nisi à Deo. Et S. Antoninus apertè docet, peccare Cardinalem, cum Papæ consilium suggerit in Ecclesiæ negotijs; in quo consilio non Ecclesiæ, populique Christiani vtilitatem spectet, sed suam, vel alicuius Principis amici aut ciuitatis erga, quam sit affectus. Idem confirmat etiam Hieronymus Manfredus Iurisperitus in eo libro quem scripsit de Cardinalibus. Turpissimè, inquit, delinquant cum animum, aut studium suum ad aliud applicant, quàm ad Summi Dei honorem, & Christianæ fidei propagationem, felicitatem & pacem totius Ecclesiæ, & necessario his vinculis alligantur propter eorum dignitatem, nec ulli parcerè debent labori, nihil ab eis iactura rerum æstimanda, sed potius discrimen ipsius vitæ, subeundum, si aliter fieri nequeat, multò autem magis dispendium propriarum facultatum. Hæc ille. Et verò quid turpius esse potest Cardinali, cum tam bono Domino seruiat, & tam liberali, ac munifico, cui iure optimo omnis seruitus debeatur, quàm aliquid deinde aliud quærere præter hoc tantum bonum? Ipsi certe Cardinales, si talem famulum haberent, cui victum, & vestitum, mercedem etiam copiosam præbeant; ille autem alteri cuiquam inferuiat, ne vna quidem hora eum domus sue perperci possint. Igitur hæc animi reëtudo, ut breuiter dicamus in eo consistit, ut Cardinalis oblitus commodorum suorum, quicquid agit, quicquid molitur, referat ad Dei honorem, vel quod idem est ad Ecclesiæ vtilitatē, neque opes, aut potentiam suam amplificare studeat, sed id tantum curet, quomodo diuinus cultus, & humana salus amplificetur. Itaque non ex Ecclesiæ administratione crescere ipse studebit, verum id conabitur, eoque omnia diriget, ut sua opera, suoque labore crescat Ecclesia.

Deni-

Denique eiusmodi mentem induet quem bonus, & fidelis tutor in re aliena. Vt enim tutela non gerenda est ad utilitatem eorum quibus commissæ est, sed illorum potius qui commissi sunt, sic omnis procuratio Reipublicæ; quanto autem magis Reipublicæ Christianæ? Præsertim verò, cum hoc melior sit eius conditio, quòd non modo non licet ex eius damno lucrum facere, sed si ita eius rationes postulent, iactura subeunda est, & rei & gloriæ, & vitæ; Hoc enim est seruire Deo, se totum, & sua omnia ad eius obsequium conuertere, non Dei obsequium ad suas utilitates. Quamobrem rectè Samuel quasi describens, quales animos Deus in suo famulo requirat, Seruite, inquit, Domino & timete eum in veritate, & ex toto corde vestro. Vbi S. Gregorius. Qui de bono opere temporalem mercedem expectit, Deo in veritate non seruit, quem falso proposito in sua operatione non diligit. Qui autem in veritate Deo seruire cupiunt, totum cor in diuinis obsequijs ponere iubentur, vt sic quæ Dei sunt agant, vt in mente aliquid, quod contra Deum sit, non retineant. Ex his igitur apparet quanta sit peruersitas, si Cardinalis qui se Ecclesiæ operarium, Dei famulum profiteatur, sui magis commodi, quam Dei vel Ecclesiæ habeat rationem. Quid autem dicemus de damno? nam cum sæpe eadem ipsa actione, modò ad Deum erigatur, nullo labore addito, cœlum, & magna in cœlo præmia consequi possit, si contra ad terram deprimatur exigui, & temporalis commodi specie præmia illa sempiterna, atque infinita perduntur. De qua stultitia, & insania S. Hieronymus differens, sic de Clericis loquitur. O quanta inquit, apud Deum merces, si in præsentem præmium non sperarent. Et S. Gregorius in quadam exhortatione ad bona opera. Hoc studiosius agite, ait, & hoc agentes in terra vobis retribui nil queratis, quia, superna desiderantibus, temporalia nulla sunt. sed ibi desideria figite, vbi quicquid retribuitur, finem non suscipit. Atque hæc eò maior calamitas (sic enim appellanda est)

1. Reg. 7.

5. in lib. Regum c. 2.

Epist. 2.

Lib. 10.
Epist. 7.

Q in

in Cardinalibus, in quorū manibus, negocia vt plurimum Ecclesiastica, & ad Ecclesiæ commodum pertinentia versantur, quibus si legitimum, & congruentem finem proponant, facile magnum sibi in cœlo cumulum pariant præmiorum. Quod si terrenum aliquid sibi proponant, omnis labor irritus sit, & inanis, totos dies laborant, æstuant, fatigantur audiendo lectitando libellos supplices, conueniendo ad suas consultationes. alijsque occupationibus, quas status vel tempus, & occasio affert, & hæc omnia sine æterno præmio vt verius de his dici possit, quam de Mo se dixit lethro, stulto eos labore consumi. Nam si vno anno eorum agri, vel grandine, vel pluuiarum inundatione, aut contra æstu, & siccitate, aliaue eiusmodi causa, nullos ferrent fructus, magnam scilicet eam ducerent calamitatem, nec finem lamentandi facerent. Quanto autem maior hæc perpetua iactura fructuum animæ, qui infinitis partibus melior est ager? præsertim cum ex eiusmodi damno egestatem animæ prouenire necesse sit sempiternam? Immo verò multum etiam perditur in præsentī vita. Non enim iniustus est Deus, nec restrictus, aut qui se se largitate, & charitate vinci pariat. Itaque nulla est aptior ratio ad eius eliciendam liberalitatem etiam in hac vita, quàm esse erga ipsum liberalem, & se totum, suasque actiones eius numini consecrare. Quamobrem hoc ipsum S. Gregorius audet Brunechildi Francorum Reginæ polliceri. Quia inquit ipse bonarum mentium contuevit esse adiutor, qui etiam largitor est confidimus quòd tantò promptius causas vestras sua pietate disponat, quantò ipse de sua vos videt esse causa sollicitos. Facite quod Dei est, & Deus faciet quod vestrum est. Sic S. Gregorius. & contra qui temporalium amore, Dei honorem negligunt, ita sæpe iusta Dei prouidentia euenit, vt ne illa quidem ipsa caduca bona consequantur, quorum causa peccarunt.

Extremum illud est, sed momento præcipuum, quod ij Cardinales, qui humanis respectibus ducuntur, quique propriam

Exodi. 18.

Lib. 9.
epist. 57.

propriam aliquam vtilitatem spectant, quasi vinâ, & illigati sunt, ita nihil vnquam præclarum pro Deo, vel pro Ecclesia agere possunt. immo verò in multos etiam errores, eosque greues, & toti interdum Ecclesiæ valde perniciosos incidunt, quod quidem quotidiana ipsa experientia, vel nobis tacentibus satis demonstrat, contra verò qui se omni eiusmodi respectu exuunt, Deumque solum intuentur, liberi sunt & expediti ad præclara quæque agenda, quoniam nullis vinculis retinentur. Cuius rei & si multa in vtramque partem superant exempla, nos breuitatis gratia vno contenti erimus. cuius quasi admonitu possit vnusquisque alia etiam quæ quotidie occurrunt, & quæ ante oculos sunt aduertere. Nam cum anno M c c c xiiij. esset in Ecclesia fœdum schisma ex tribus Pontificibus. Ioannes Dominicus Cardinalis vtique insignis, qui Gregorio XII. adhebebat, si sui commodi rationem habuisset, eum potius fouisset, ac confirmasset, ad retinendam dignitatem, quippe cum ab eo factus esset Cardinalis, & penè solus apud eum omnia posset, & tamen propter publicum bonum nunquam destitit eum monere, hortari, & impellere, vt se ipsum Pontificatu abdicaret: quin etiam ipsemet huius rei gratia à Gregorio ad Basiliense Concilium missus, non solum eius nomine publice Gregorij Pontificatum, sed tanquam officio functus suum etiam Cardinalatum ab illo sibi tributum deposuit, seque in inferiorem locum Episcoporum, quorum è numero erat recepit, Quamquam id quidem minime passi sunt eius Concilij Patres. Omnes enim vno consensu ad suum gradum cum summo cum honore reducerunt. Possent alia etiam similia commemorari, sed nec oportet nos esse longiores, & hoc vnum satis esse puto, ad indicandum quam necessarium sit Cardinali, tum ad recte agendum, tum ad recta consilia danda, vt rectam hanc mentem custodiat, quoniam vt Dominus Saluator docuit, si oculus simplex fuerit id est, mentis acies in purum, sincerumque finem dirigatur, totum actionum cor-

Matth 6.

pus lucidum erit. Sin autem oculus ille nequam sit, ipsæ etiam actiones tenebricosæ, & depravatæ sunt necesse est.

Altera pars huius fidelitatis quam Cardinalis Deo debet, erat illud quod diximus propositum fixum, ac certum exequendi in omnibus diuinam voluntatem. Quid enim iustius, quàm vt creatura obediat, creatori, filius patri, seruus domino? sed huius virtutis duplex est materia. Alia enim sunt, quæ ipsi eligimus arbitrato nostro: alia quæ extrinsecus inferuntur, vt sunt omnia aduersa, & per se quidem amara & tristia. Igitur in vtrisque exercenda est hæc, quàm dixi propriæ voluntatis, vt ita dicam resignatio, quod difficilius fortasse, sed simul etiam, gloriosius est Cardinali, quoniam multa ei contingere necesse est magna, & ardua, ad quæ vel voluntas magnopere inclinatur, vel à quibus magnopere abhorret. Quare eò magis in vtroque genere vt dixi studium, & omnes animi sui nervos debet intendere. Primum igitur nihil ipse faciet, nihil molietur, nihil aget, quod non putet placere Deo, neque hoc in ijs solum, quæ sunt plane prohibita, quod iam ad peccatum pertinet, sed in ijs etiam quæ libera sunt, vt negocia quotidiana, in quibus ipsis suscipiendis, hic ei delectus adhibendus erit, vt antequam suscipiat, videat, & inquirat, an Deo placeant: præsertim verò cum negotium aliquod occurrat dubium, & in quo aliquid mali latere possit. Hæc autem quam dico, inquisitio diuinæ voluntatis haud ita difficilis est. Fit enim considerando, & ratiocinando, perpendendo rationes in vtramque partem, orando Deum, & implorando ab eo lumen, & opem, tum etiam consilium à probis hominibus, fidisque amicis petendo: Sed quod fortasse præ omnibus valet, est ipsum desiderium gratificandi Deo. Nam qui sic animatus est, vt nihil aliud expetat, nisi Dei voluntatem explere, nunquàm poterit cum Dominus deserere, quin ei lucem suam abundè largèq; impertiat. Et in summa (redeundum est enim ad

ad illam formulam domesticam) ita strenuè, ita diligenter, ita etiam anxie decet Cardinalem diuinæ voluntati totum se tradere, vt suam ipsius voluntatem seruis suis cordi esse cupit, & gaudet cum ita sit, contra vero offenditur, cū non fit. Et tamen quanta distantia serui ad conseruum, aut serui ad dominum, & tantum dominum? Alterum erat huius virtutis officium, in perpetuendis aduersis, quæ Dei iussu cueniunt, ob hoc ipsum, vt Dei voluntati etiam in his pareatur. Itaq; sic animo constitutū esse oportet Cardinalem, vt siue damnum aliquod in re familiari pariat, siue propinquorum quempiam subita, & inopinata morte amittat, siue Principum gratiam perdat, siue negociū aliquod graue, & magnum aduersus sententiā succedat, siue quod grauius, & acerbius videri solet, honoris atque existimationis detrimentum accipiat: denique quæcunque dura, & molesta cueniant non ea putet casu, aut fortuito incidisse, sed certo Dei consilio, ac prouidentia. Itaque hoc etiam ipso ei placeant, quia Deo placere. Neque hoc tantum in rebus inanimis, quatum iniuria facilius tolerari solet, sed idem etiam in iniuria, & scelere hominum, quorum malo semper Deus vtitur ad aliquod bonum. Quis enim vnquam indigni us tractatus est, quam David Rex à Semei populari suo, à quo Rex cum tanta præmeretur miseria, quæ etiam hostem ad misericordiam mouere posset, maledictis ultro, & contumelijs, insuper etiam lapidibus appetitus, quid tamen dixit, & quomodo seipsum, & suos cohibuit? Dominus, inquit, præcepit ei, vt maledicat David. Quod idem dicere debent in simili causa omnes boni, & fideles Dei famuli. Ideo enim D. Cyprianus à Salvatore nos ait edoctos, vt ita precæmur. Fiat voluntas tua, sicut in cælo, & in terra, non vt Deus faciat, quod vult, sed vt nos facere possimus, quod Deus vult. Denique & Deus inquit, infirmitatem hominis quæ portabat ostendens ait, Pater si fieri potest, transeat à me calix iste; & exemplum discipulis suis tribuens, vt non voluntatē suam faciant,

De orat.
Dom.

Math. 26

Joan. 6.

faciant, sed Dei. addidit dicens, Verumtamen non quod ego volo, sed quod tu; & alio loco dicit. Non descendi de cœlo, vt faciam voluntatem meam, sed eius qui misit me. Quod si Filius obediuit, vt faceret Patris voluntatē, quantò magis seruus obedire debet, vt faciat voluntatem Dei? Hæc est igitur forma boni, restique Cardinalis, ad quam se componere, semperque omni studio exercere debet.

De studio orationis quod in Cardinali esse debet.

Cap. XX.



De orat.
Dom. ser. 1

INTER omnes Christianæ Reipublicæ plagas nullam fortasse magis lugendam existimo, quàm illam communem ferè hominum opinionem, de oratione, ac meditatione rerum cœlestium, plerique enim eam quodammodo propriam esse solitariorum, sæcularibus autem hominibus tum minimè necessariam, tum etiam nimis difficilem, & laboriosam putant. Est autem hic error ex ignorantia natus, atque ex caligine hominum animis effusa, vt de salute sua nunquam cogitent, nunquàm damna animæ reputent, aut labes, maculasque suas inspiciant. Quod quidem quam perniciosum, ac pestiferum, sit omnibus Christianis, egregiè describit quodam loco B. Gregorius Nisenus his verbis. Hoc maximè dolendum est, quòd homines sæculares omnibus alijs rebus potius studeant, quàm orationi: quoniam & insitor prima luce mercibus exponendis inuigilet, emptor item, vt alios præueniat, sic etiam artifices & operarij; & literarum studiosi, sic litigatores, & reliqui denique omnes. Huius autem rei eam ait esse causam, quia dum quisque totus in id incumbit quod exercet, putat se tempus illud perdere, quo circa Deum occupatur, & ideo omissa oratione, totam spem

spem ponunt in sua diligentia, & industria, & in manibus suis, obliui, inquit, eius, qui manus dedit. Addit autem quæ malâ ex hoc sequantur. Idcirco abundat, inquit, in vira peccatum, nouisque incrementis semper augeſcit, quoniam obliuius Dei tenet omnes, & homines non coniungunt actiones suas serias cum oratione. Sed vt reliquos omit-
tamus, de quibus, non est nobis in præſenti inſtitutus sermo, Cardinali quidem nulla eſſe poteſt dubitatio, quin inter alia præcipua, ita vtile, ac ſalutiferum ſit hoc ſtudium, vt ſine eo vix officio ſuo ſatisfacere poſſit. Quod certe ex triplici capite euidenter apparet. Primum quia vt corpus hoc vitam habet naturalem ex coniunctione animæ, ſic anima vitam habet diuinam ex coniunctione cum Deo: atque hæc quidem multò nobilior, quippe, quæ participatio ſit diuinæ vitæ. Quare vt corporis vita ſuum habet alimentum ex cibo, & portione, quo alimento ſi careat, certa mors eſt, ſic vita animæ ſuos item habet cibos, maximè autem orationem, ex qua mens eos omnes percipit fructus, quos corpus ex ſuo pabulo. Sic enim reficitur, & inſtauratur, deinde delectatur, poſtremo etiam roboratur, & confirmatur, ad omnem motum, & munus, & ad exequendas actiones: contra vero hoc cibo ſubtracto languida, & iners, & imbecilla efficitur, vt leui quouis incurſu, vel occurſu in lapſum, & in mortem ruat. Alterum caput eſt ex magnitudine, & grauitate negotij, quod Cardinalis gerit, atque ex difficultate tanti magiſtratus, ad quem quotidie maximæ, & periculoſiſſimæ cauſæ deferuntur. Quæ quidem tam immenſa Prouincia ægre admodum ſuſtineri poteſt, vt oportet, niſi hoc præſidium orationis acceſſerit, quo lumen menti, ardor voluntati præbeatur. Nam vt in eadem ſimilitudine perſiſtamus, quemadmodum corporis cibus omnibus quidem neceſſarius eſt, ſed vberior, & copioſior ijs, qui maiores labores, grauioreſque functiones obeunt, vt ruſticis, & operarijs, ſic etiam hic animæ paſtus, etiamſi ab omnibus requiratur, maximè tamen ab ijs, qui tam grauiam
onera

Onera humeris sustulerunt, vt ad ea rectè perferenda, magnis omnino indigeant viribus. Tertia causa est ex obligatione perfectionis, quæ vt supra à nobis demonstratum est, ex ipso Cardinalis officio nascitur. Hæc ergo perfectio cū omnes virtutes complectatur, omnibus expletas partibus, quoniam aliter non possit esse perfectio, hæc quidem virtutes, nisi accedat orationis lumen, nimirum in tenebris, non modo haberi, sed ne cognosci quidem poterunt. Est enim tanta earum difficultas, præsertim in hac corruptione, in hac imbecillitate naturæ, in hac etiam mentis obscuritate, vt qui hoc adiumento careat, ego quidem non videam, quomodo arduam hanc vitam, adeoque lubricam ingredi possit. multò vero minus ad eam quam diximus perfectionem peruenire virtutis. Borromeus quidem in illa Epistola, cuius supra mentionem fecimus, ad Andreæ Battoreū apertè requirit in Cardinali, non mediocri modo orationis studium, sed familiaritatem cum Deo, quæ inquit, quotidianæ, & attentæ (hæc enim duo necessaria sunt, vt & quotidie fiat, & attentè) orationis, ac diuinarum rerum meditationis studio nutritur, & fouetur. Nec solum hoc alijs præcipiebat, sed multo magis faciebat ipse. Vix enim abibat dies, & si in summis illis occupationibus, quin ternas, & quaternas horas sæpe etiam plures, orando consumeret: quoties etiam noctes integras? Quinimmo ita tradidere, qui cum familiariter norunt, totam ferme eius vitam, excepto somno, qui illi breuissimus erat, perpetuam fuisse orationem, quoniam inter agendum, inter eundum, inter etiam vescendum, semper aliquid mente agitabat. Ex quo apparet non eorum tantummodo error, qui toti in terram demersi, ne de nomine quidem mentalem orationem norunt (de his enim nihil loquendum arbitror) sed aliorum quoque cuiusmodi non desunt inter Cardinales, qui vitam instituunt ex Dei lege; dedunt se bonis operibus, & labores multos pro Ecclesiæ vtilitate sustinent, sed tamen orandi vsum non habent, vel quia eius difficultate,

quam

quam sibi fingunt, deterrentur, vel quod eius necessitatem minus intelligunt, vel etiam quia occupationibus ipsis obruti, nec tempus, nec vires habent, ad respirandum in Deo. Itaque in hos optime cadit illa Sancti Bernardi sententia, vel potius obiurgatio ad Eugenium, qui cum Pontifex esset, & totius Ecclesiae iusta, ac necessaria administratione impeditus, eum tamen seuerè, & prolixè Bernardus accusat, quod non etiam suum tempus, meditationi tribuat; itaque cum hæc fuisset causa, cur ad eum quinque illos libros de consideratione scripsisset, multa quidem alia, & diuertè, & sapienter de hoc argumento disserit, sed illud præcipue ad rem nostram, si quod viuus, & sapias totūdas actioni; considerationi nihil; laudo te, in hoc non laudo. Puto quod & nemo, qui à Solomone audierit, Qui minoratur actu, percipiet sapientiam. Illud etiam optimum. Et quid me vis facere? inquis. Vt tibi ab his occupationibus parcas. Impossibile fortasse respondebis, facilius cathedræ vale dicere posse. Recte hoc si rumpere, & non magis interrompere ista hortarer. Hæc igitur summa est, ut ait S. Bernardus, non quidem omnino deferendas esse Cardinali eas causas, & occupationes, quas Dei obsequium, quas status, quas proximorum salus, vel quas denique Pontificis imperium imponit, sed tamen ita temperandas, ut ex ijs quanquam perpetuis, & magnis, spatium tamen eripiatur, quo animus à terrenis, & fluentibus rebus auulsus ad seipsum reuocetur, secumque esse cogatur, & coelestia tractare, quæ sunt, & iucunditate tam suauia, & natura tam præstantia. Etenim si nullus vnquam Cardinalis ut multis, & grauib; negocijs præmatur, tamen ita se distineri sinit, ut non iustum tempus, quieti, cibo, somno, addo etiam tempestiuæ relaxationi tribuat, & merito: quoniam nisi ita faceret, non suppetere vires, ad illa ipsa negocia peragenda. Igitur si hoc fit, & necessario fit in corporis vita, ipsaque necessitas ad id extimulat; non multo magis fiet in cura animæ, ut nulla sit tanta, tamque affi-

dua occupatio, in qua non aliquid laxamenti capiatur, ad mentis, spiritusque exercitationes?

Quoniam igitur tam euidenter constat tantam esse Cardinali necessitatem mentalis orationis, non solum, ut alijs, sed plus etiam, quàm alijs, & quidem multò, nunc etiam breuiter indicandum quis sit eius vsus. Triplex enim est primus meditationis longioris, & prolixioris, cum certis mysteria, ut Dei beneficia, ut capita quædam ex Christi vita, ut cœlestis gloriæ magnitudo, vel æterni supplicij acerbitas, & alia multa eiusmodi menti proposita cogitantur, expenduntur, penetrantur, atque ex ea cognitione, sui etiã in voluntate affectus modo timoris, modo amoris, vel doloris, aut alij similes pro rei qualitate quasi consequuntur. Hanc igitur orationem omnino exercere debet probus Cardinalis, qui non temere in hoc tam præclaro magistratu versari velit, quique non de præsentis tantum vita cogitet, sed futuram quoque prospiciat. Hic ergo qui talis esse conatur, ut officio suo satisfaciat quantumvis exterioribus curis impeditus sit, quas alijs hominibus impendat, habeat etiã interiorē hanc curam, quam impendat sibi ipsi, ne alijs bonus, sibi nequam sit, ut sapiens monet. Quare hoc apud se statuere debet Cardinalis ut quotidie tempus aliquod certum, & fixum tribuat huic contemplationi matutinum præsertim, id enim aptissimum, cum mens liberior, & nondum obstrepentibus obsessa negocijs. Idque adeo se facere profitebatur David, ipse quoque Regni curis occupatissimus. Mane, inquit, astabo tibi, & videbo, & alibi. In matutinis medabor in te. Et si ille quidem sæpius etiam in die, nec se impediri sinebat curis illis, ait enim, Vespere, & mane, & meridie narrabo, & annuntiabo laudem tuam, & alio loco. Septies in die laudem dixi tibi. Quæ omnia eo magis extimulare debent Ecclesiasticum Principem in Euangelij luce versantem, cum ille laicus Princeps in veteris legis umbra, tam strenuus in hoc opere, ac tam diligens esset. Cum autē Cardinalis de certo tēpore, & hora apud

se decreuerit, id deinde ita acriter tenere debet, ut quicquid impedimenti inciderit, nihil curet, & huic negotio post habeat. Debet enim hoc animo providere communem illum inimicum omnia tentaturum, omnes insidias moliturum, ut modo hac, modo illa causa obiecta, tam salubre propositum impediatur, quasi non magni referat, vno aut altero die internittere, cum facile possit deinde reuocari. Sed nimirum, ut aqua cum in obiecto agere minimam sibi viam fecit, eam deinde continuis incrementis auget, donec magna fenestra patefacta non possit amplius restaurari, sic natura nostra, si ei aliquid licentiae concedatur, ita paulatim prouehitur, ut aegre interdum etiam nullo modo reuocari queat. Quare hoc cauebit Cardinalis, qui suam salutem curat, ut debet, idque fixum tenebit quod ante diximus, quemadmodum nullas ob occupationes, neque prandium, neque coena, neque somnus relinquitur, ita nec cibum animae spirituales relinqui oportere.

Hic est igitur primus orationis usus in meditando. Alter est breuiorum precationum, quas in ipsis actionibus, siue domi, siue foris, siue solus, siue cum alio agat adhibere potest, & certe debet Cardinalis. Est autem huius rei multiplex utilitas, Nam cum tentationes irruunt, adiuuat ad eas vincendas, subleuat mentem, nec sinit adhærescere terribilibus & negocijs, quæ tractantur: Est etiam condimentum, quoddam actionum, ut gratiores sint Deo, parit familiaritatem quandam cum illa maiestate, denique ut alia omitteamus, animum ad futuram meditationem parat. Ut enim lignum si aridum fuerit, facilius & citius ignem concipit, ita anima his iaculatorijs (sic enim vocantur) orationibus calorem aliquem retinet, ut deinde celerius in meditatione diuinus exardescat ignis. Neque vero difficile est, has, de quibus loquimur, subitas, atque extemporaneas preces adhibere. Possunt enim certis diebus certæ materiæ destinari, potest etiam pro re nata captari materia ex rebus ipsis, quæ videntur, vel quæ audiuntur, modo gratijs agen-

dis, modo diuina bonitate agnoscenda, atque laudanda, modo aliquid petendo, inter eum etiam cum aliqua molestia occurrunt, humiliter ferendo, & voluntatem Dei in ijs amplectendo, alijsque eiusmodi affectibus, quos res ipsæ subinde bene affectis mentibus suggerunt. Sed nemo melior magister, quam vsus. Qui enim paulum assueuerit, tam facile Dei, diuinarumque rerum memoriam, ac consuetudinem assequetur, ut amicorum, ac fratrum, aut negotiorum domesticorum, quæ quisque etiam si velit, obliuisci non potest.

Lib. 4 de
confid.

Ios. 9.

2. p. par.
a. 5.

Tertius est orationis vsus in communicandis cum Deo negocijs, & rebus quæ agendæ sunt. Quod certè ita necessarium est, ei præsertim qui in arduis, magnisque negocijs assidue versatur, ut hoc detractò in multis eum labi necesse sit. Itaque inter alias qualitates, quas S. Bernardus in Cardinalibus requirit, hanc etiam ponit. Qui, inquit, orandi studium, & vsus habeant, ac de omni re, orationi plus fidant, quam suæ industriæ, vel labori. Atque hoc quidem non solum ad pietatem confert, sed etiam ad vtilitatem. Nam si ad negocia bene gerenda iuuat lumen, boni alicuius, & periti Consiliarij, idque magno æstimari, magno etiam interdum emi solet, quis melior aut sapientior Consiliarius quam Deus ipse? Quis autem non videt, nullam esse posse tantam vllius hominis prudentiam, quæ non sæpe aberraret, nisi Dei ductu gubernetur? Itaque ob hanc causam scriptum est. Iosue tantum virum, neque ipsum solum, sed reliquos simul Principes Hæbreos à Gabao nitis esse deceptos, quia òs Domini non consuluerunt. Sic enim ait scriptura, Idem autem quotidie euenire solet. Quare hoc ipsum S. Gregorius adeo commendat Ecclesiastico Antistiti, eamque ad rem Moïsis exemplum commemorat. Qui crebro, inquit, tabernaculum intrat, & exit, & qui intus in contemplationem rapitur, foris infirmantium negocijs vrgetur. Intus Dei arcana considerat, foris onera carnalium portat. Qui de rebus quoque dubijs, semper

ad

ad tabernaculum recurrit, coram Testamento arca Domini consulit, exemplum procul dubio rectoribus præbens, ut cum foris ambigunt, quid disponant, semper quasi ad tabernaculum redeant. Atque hoc eo magis meo iudicio omnibus Ecclesiæ ministris conuenit, quia cum negocia, quæ tractant Ecclesiæ sint, idest Dei, quid iustius, & conuenientius, quam ut ex eiusdem Dei mente, & sententia gerantur? Quis enim ferat procuratorem suum, qui alio modo suas res agat, quam ipse velit, & omnia inuertat, quæ ei mandarit? Ob has igitur causas Cardinalis actioni orationem adiungere debet, tum antequam aliquid aggrediatur, tum deinde crebro in ipso cursu actionis, ut si alicubi se aberrare viderit, reuocet, statim & corrigat; Hoc enim B. Bernardus scribit esse officium considerationis agenda præordinare, acta recogitare, nihil incorrectum relinquere sparsa colligere, secreta rimari, vera vestigare, examinare verisimilia, regere affectus, dirigere motus, corrigere excessus, componere mores, totam denique vitam honestare, & ordinare.

Lib. 1. de
consid.

1. 2. 3

*Quæ Cardinali conueniant ad animi puritatem
seruandam. Cap. XXI.*

ANIMI puritas, & cordis mundities ab omnibus quidem, sed præcipuè, ut reliquæ virtutes, à Cardinalibus ita curanda est, ut quæ tum per se se magni sit facienda, tum etiam quia reliqua, quæ diximus bona, hoc quasi fundamento nuntur, quod facile ex eo apparet, quoniam si anima maculosa, & contaminata fuerit, nec orationem, de qua proxime loquuti sumus exercere, ac ne oculos quidem ad Deum tollere, nec illam mentis rectitudinem tenere, nec denique bono vllò spiritali frui poterit. Quare de hoc quoque

Mat. 1.

G. reg. 4.

1. mor. c.
19.

quoque dicendum est aliquid, præsertim quoniam ut in via lutulenta difficile est tantam adhibere cautionem, ut non aliquid cœni adhærescat, sic in huius vitæ via, eoque magis, quò maior est, materia, ac licentia peccandi, ut omnium concessu est in ipso Cardinalatu. Sed quò difficilius hoc præclarius. Primum igitur præsidium ad hanc munditiem conseruandam, cuius præmium est visio Dei, est illa ipsa cautio, quam modo attigimus, & sui ipsius custodia, non modo à magnis, & grauibz delictis, sed à minoribus etiam ac leuioribus, quæ vulgo contemni solent. Nec debent Cardinales aspernari minutam hanc, curiosamque diligentiam, quasi non deceat tantam dignitatem ad hæc minima descendere. Quicquid enim ad animæ salutem pertinet, non potest esse parum, sed maximum, & grauissimum, existimandum est; quippe quo contineatur eternitas. Ostendit hoc satis Isboseth exemplum, qui cum Rex esset, tamen adeo miserè occisus est, parua re sprete, quoniam videlicet ianuæ custodiam foeminæ mandarât, quæ insuper obdormiscens in domini mortem insidiatores admisit. Nequaquam vero (ait D. Gregorius) Isboseth iste hac morte succumberet, si non ad ingressum domus mulierem, idest mollem custodiam ad mentis aditum deputasset. Fortis namque, virilisque sensus præponi cordis foribus debet, quem nec negligentia somnus opprimat, nec ignorantia error fallat. Quamobrem si remedium aliquod querimus ad hoc malum, à Cardinali propulsandum illud est vnicum, ut quemadmodum supra de oratione diximus, sic etiam huic ipsi studio certum quotidie tempus tribuat ad suas omnes actiones, & cogitationes, discutiendas, seuerèque examinandas, cuiusmodi fuerint, quo animo, quo fine, quibus modis, & in omnibus videat, quid à recto deflexerit, Nam si hoc omnibus præcipi solet, & alioquin vix potest Christianæ vitæ institutio sustineri, propter tam multos incursus, quanto id difficilius erit Cardinali, cuius vitæ ratio inter scopulos, ac syrtes tam periculosas perpetuo

tuo navigat? Est deinde aliud etiam adiumentum ad hanc conscientię integritatem tuendam, ex sacramentis, quę si crebrò, & rectè percipiantur, magnam omnino vim habent ad animam abluendam, si quid maculę aspersum est, tum etiam in suo nitore, atque innocentia conservandam; Et quidem Eucharistia quotidie ferè, præsertim Sacerdoti Cardinali, peccatorum autem confessio bis saltem in hebdomada esset frequentanda. Sed in confessione illud esse potest virij, quod quosdam facere videmus, ut confessarios adhibeant homines vulgares, & exiguę auctoritatis, ac scientiæ, quos ipsos nunquam vident, nisi cum sunt expianda peccata. Quare optimum in hoc quoque videtur Cardinalis Borromei consilium ad Cardinalem Battorem, ut aliquem habeat spiritualis vitę magistrum, & patrem, qui curam gerat eius informandi, & instituendi cuius munus sit cum monere, quā ratione multiplices demonis insidias vitare, & pugnas superare possit. Ita igitur faciendum, ut aliquis eiusmodi deligatur idoneus, tum doctrinā, & prudentia, tum etiam virtute, eique non solum patefiant delicta, sed etiam scrupuli, & dubitationes communicentur: ab eo consilium petatur, apud eum deponantur molestię, quę nonnunquam incidunt: ipsius iudicio acquiescatur: denique illi tota committatur anima, ac perinde ut solet duci in dubio itinere paratur. Cæterum ad puritatem retinendam, illud etiam magnopere confert, ut animus torpescere non sinatur, nihil agendo, sed semper aliquare bona & utili, atque fructuosa occupatus teneatur. Nihil enim æquè eum contaminat, atque ocium desidiosum, propter ea, quę ex eiusmodi ocio consequi solent, cuiusmodi sunt confabulationes superuacaneę, narrationes rerum novarum, & quod Paulus Apostolus condemnat, Coloss. 3. turpes sermones, stultiloquia, scurrilitates, quę ad rem, Ephes. 5. non pertinent, denique etiam detractiones, assentationes, & alia eiusmodi. Quamobrem rectè S. Bernardus ad Pontificem Eugenium, quod idem convenit etiam in Cardinalem: Lib. 2. confid.

nalem:

nalem: Fugienda inquit, ociositas mater nugarum, nouerca virtutum. Inter seculares nugæ, nugæ sunt: in ore Sacerdotis blasphemix. Consecrasti os tuum Euangelio talibus iam aperire illicitum, assuescere sacrilegum est. Porro detrahere, aut detrahentem audire, quid horum damabilius sit, non facile dixerim. Sed cum ocium dicimus, non id solum intelligimus, cum stertendo, aut nihil omnino agendo, verum etiam cum inutilia agendo tempus perditur, æque enim hic quoque perditur. Itaque superuacaneæ quædam officia, ambitiosæ salutationes, circuitiones per urbem, hæc omnia & alia huius generis Cardinali frangi, & graui omnino vitanda sunt. Docet hoc B. Ambrosius in libris de officijs, quibus perfectam Clerici formam tradens, hoc etiam inter cætera grauitè monet, ne tempus inaniter terant, & præsertim crebris visitationibus, & colloquutionibus infructuosis. Cur enim inquit, illa tempora, quibus ab Ecclesia vacas lectioni non impendas? Cur non Christum reuisas, Christum alloquaris, Christum audias? Illum alloquimur cum oramus, illum audimus, cum diuina legimus oracula. Quid nobis cum fabulis? Ministerium altaribus Christi, non obsequium hominibus deferendum accepimus. Quo loco D. Ambrosius non præceptum modo tradit ocij fugiendi ab homine Ecclesiastico sed etiam rationem, ac viam fugiendi, oratione scilicet, & lectione. Et certe si iucunditas, & oblectatio quæritur, quis adeo hebes sit, vt maiorem esse putet, Symphonia audienda, aut horto visendo, aut urbis vicis inutiliter ex vehiculo lustrandis, aut ex alijs ex hoc genere oblectamentis, quàm ex honestissimo, & suauissimo mentis pabulo? Sed tamen quod ad lectionem attinet, (nam de oratione antea diximus) videndum est quid conueniat Cardinalis grauitati. Non enim omnes libri, aut omnia studia conueniunt. Primus igitur locus tribuendus est, sacris litteris, de quibus S. Hieronymus in Clerici institutione, diuinas, inquit scripturas sæpius lege, immo nunquam de manibus

tuis

1. off. c. 20.

Epist. 1.

tuis sacra lectio deponatur. Proxime deinde numeranda Sanctorum Patrum volumina, qui tum obscuros sacrarum literarum locos doctissimis commentarijs illustrarunt, tum etiam proprij ingenij monumentis Christianam Rempublicam locupletarunt. Atque hæc quidem tam multa, & tam præclara, addo etiam tam varia sunt, & in omni pene argumento, ut qui ijs non delectetur, ac teneatur, cum plane nihil sapere dixerim, omnique carere iudicio etiam ipsius iucunditatis. Post hæc studia quæ primum, & præcipuè Cardinali, ut Ecclesiastico homini congruunt, sunt etiam ea studia, quæ in Ecclesiæ administratione vsum aliquem habere possunt, ut iuris Pontificij, Conciliorum, & Constitutionum, quæ tum ab antiquioribus tum à recentioribus Pontificibus manarunt, quas omnino nosse, & perspectas habere decet Cardinalem. Si vero aliquod etiam peculiare munus iniunctum ei sit, ut qui in iudicandis causis, quæ ad tribunal Inquisitionis referuntur, vel in quæstionibus super Concilium Tridentinum exortis assistunt, vel alijs eiusmodi rebus operam navant, hi quidem suas singuli partes sic sustinere debent, ut omnem in eo adhibeant diligentiam: nec committere, ut laboris fuga vllum detrimentum, vel priuato alicui, vel quod grauius est, vniuersæ Ecclesiæ eueniat. Hæ igitur occupationes esse debent optimi Cardinalis, his qui intentus fuerit, facile aditum, ineptis, & prauis actionibus atque etiam cogitationibus obstruet, illamque integritatem, ac puritatem animi, quam diximus retinebit.

*Quomodo Cardinalis ordinatus esse debeat erga
proximos. Cap. XXII.*



VM Cardinalis, & in seipsum, & quod primum, ac præcipuum est erga Deum ita institutus fuerit, ut debet, sequitur ut erga reliquos homines ex eadem virtutis regula se se componat. Sed quoniam varia sunt genera hominum, varijq; gradus coniunctionum, ab ijs ordiamur, qui longius distant, ut deinde ad propiores veniamus. Hi vero sunt communes homines, quibus nihil fere aliud debet Cardinalis, quam ædificationem, benignitatem, denique etiam beneficentiam. Ex his autem tribus ædificationem semper, & omnibus debet, duo reliqua, quoties usus incidit, & quibus in rebus incidit. In primo capite duo includuntur, alterum, ne quid extet in Cardinali, quod scandalum, aut offensionem cuiuspiam præbeat, alterum ut præterea extent exempla virtutum. Nam de priori recte S. Gregorius. Nullum inquit, puto ab alijs maius præiudicium, quam à Sacerdotibus tolerat Deus, quando eos, quos ad aliorum correctionem posuit, dare de se exempla prauitatis cernit, quando ipsi peccamus, qui compescere peccata debuimus. Est autem ea ratio communis quidem omnibus Ecclesiæ Prælati, sed magis ijs conuenit qui inter alios, altius eminent, cuiusmodi sunt Cardinales. Hos .n. locus ipse spectabiles, facit ut in eos omniū oculi per se incurrant, nullumque eorum vel dictum vel factum possit esse obscurum, quoniam scilicet in clara luce versantur. Quare horum quidem peccatum non ipsis tantum nocet, sed etiam alijs, qui si improbent, in detractionem, ac maledicentiam incidunt, si probent facile ipsi quoque in eadem labuntur, quanquam etiam si non probent, tamen facile labuntur, quoniam maiorum exemplum hanc inducit

Hom. 17.
in Euang.

cit licentiam. Quamobrem præclarum illud B. Hieronymi Epiſt. 5.
ad Clericum, cauere committas, quod aut qui reprehendere
volunt dignè lacerasse videantur, aut qui imitari cogantur
delinquere. Sed illud magnopere tenendum Cardinali,
qui offensionì, & scandalo esse nolit, ne quidquam com-
mittat quod sua natura sit mali exempli. Nam si inani
ostentatione, aut simulatione virtutis, se fallere posse spe-
rat, aut ita vitia sua tegere, vt in lucem non prodeant, ve-
hementer errat. Nihil enim fictum, ac simulatum potest
esse diuturnum, quoniam nec semper occultari possunt, quæ
in tenebris fiunt, quin aliquo casu erumpant, & ipsi dome-
stici, atque intimi pleni rimarum sunt, præsertim in aliena
culpa. Denique hoc etiam postulat Dei iustitia in eos qui
peccant, vt nihil ita occultum sit quod non denique reue-
letur. Accedunt etiam sæpissimè æmuli, qui obseruant, & Matt. 10.
expiscantur omnia, & cum interdum etiam falsa confin-
gant, quanto magis aperient vera? Optime ergo B. Hiero-
nymus alio loco. Frustra, inquit, irascimur obtreſtatori-
bus nostris, si eis obtreſtandi materiam ministremus. Bea-
tus qui tam sancte, tamque grauiter disposuit vitam suam,
vt de eo sinistri aliquid ne fingi quidem possit, dum aduer-
sus obtreſtatorum libidinem pugnat meriti magnitudo, nec
fingere quisquam ausus est, quod à nullo putat credendum
esse. Hoc igitur præceptum si cui tenendum est, maximè
Cardinali, qui talem, & tantam personam gerit in Dei Ec-
clesia, vt vituperatio etiam iniusta, non solum ipsi notam
aspergat sed etiam dignitati. Quare eo studiosius cauere
debet, ne quid committat etiam per imprudentiam, quod
sermones dare possit, præsertim cum homines ab insita
quodam malitia multò procliuiiores sint ad male sentien-
dum, & scilicet auctoritas omnium eorum, qui in Republi-
ca versantur, non veritate solum sed etiam fama nitatur.
Neque tamen satis est Cardinalibus scandalum omne vi-
tare, sed insuper tale virtutum specimen præbere eos oportet,
vt quemadmodum Dominus præcepit, luceat lux eo- Matt. 5.

Lib. I.
epist. II.

rum coram hominibus, ex quo sequatur, ut videntes eorū bona opera, Deum glorificent. Quocirca Cyprianus. Cum omnes omnino disciplinam tenere oporteat, multò magis Præpositos, & Diaconos, curare hoc fas est. qui exemplū, & documentum cæteris de conuersatione, & moribus suis præstent.

Alterum caput erat benignitatis, & comitatis cuiusdam quæ multas ob causas magnopere conuenit Cardinali. Sed hæc quidem si honoratis tantum hominibus exhibeatur, nihil omnino præclarum habet; Quis enim id non faciat? nam nec aliq̃ licet. Illud igitur laudandum, atque ex virtutis officio est, cum ea affabilitas etiam in homines multò inferiores, etiam in tenues exercetur. Quod sane sæculari quoque Principi pulchrum est, sed multo magis Cardinali. quoniam hic quicumque est Principatus Ecclesiasticus, non tam datur ad eminendum, quam ad laborandum, nec tam externo splendore, quam ministerio, atque opere definitur. Itaque eo magis decet Cardinalem recordari semper eius æqualitatis, quæ est in natura humana, & ita gradum suum tueri, ut omnem arrogantiam, & fastidium fugiat, nec inferiores aspernetur, aut despiciat, sed potius omnem humanitatem omnibus præstet, & culmen illud dignitatis mitiget, multis condimentis mansuetudinis, & suauitatis. Quare ad hoc magnopere pertinet primum aditus præbere quàm facillimos, idque omni hominum generi, deinde etiam retinere patientiam in audiendo, lenitatem in satisfaciendo. Irasci autem intempestiuè accidentibus, aut inepta rogantibus, & in morositate quandam inutilem, & odiosam incidere, leuioris est animi, & qui nec alios ferre, nec seipsum vincere queat. Quocirca id omnino fugiendum Cardinali, contraque studendum, ut nomen habeat hominis blandi, ac facilis, & cuius animus, & aures omnibus pateant, qui velint, & quamdiu velint.

Hoc autem quanti fieri, & quàm studiose retineri debeat

à Præ-

à Pralato, eoque magis, quo fuerit eminentior, indicat S. Nazianzenus, qui in laudatione magni Athanasij, hoc præter cætera commemorat, tanquam magnum, quod esset vita sublimis, animo humilis, atque ea quidem virtutis excellentia, ut nemo ad eum aspirare posset, sed simul ea comitate, ut eius congressus, & colloquium esset omnibus expositum, essetque sermone iucundus, iucundior moribus. neque in eo vel mollities dissoluta, nec seueritas fastuosa, & importuna appareret.

Reliqua est beneficentia virtus omnino Principe digna, quoniam nihil est quod propius ad Deum accedat cuius natura est semper benefacere. Sed hæc quidem beneficentia in proximum, ut sapienter scripsit S. Ambrosius, duplici in genere est, vna quæ pecunia, & subsidio rei adiuuat, altera, quæ opere impenditur, ut dando consilio, eripiendo ex periculis, reconciliando inimicos potentiores, & alijs huiusmodi factis, quibus non inopes modo, sed ditiores etiã interdum egent. Itaque verum est, quod S. Ambrosius addit, & si prior illa beneficentia magnopere laudatur, hanc tamen sæpe esse multo clariorem, & splendidiorẽ, quoniam altera ex arca, altera ex virtute depromitur, & pecuniæ largitio fontem ipsum benignitatis exhaurit, quia quo plus impenditur, & consumitur, eo minus restat ad erogandum: at qui opera, & industria, & facto ipso beneficos, & liberales se præstant, ipso usu, & exercitatione virtutis, quotidie paratiores fiunt, & promptiores. Quare hoc quoque charitatis genus exercendum est Cardinali, & præsertim in eos, qui maximè opis indigent, & tamen carent adiutore, ut sunt pauperes viduæ, & pueri orbi parentibus, & omnino omnes tenues, & egentes. Quo loco opere pretium puto Elzearij Comitris, ac Principis præclari institutum commemorare, ut ex Principe seculari eo magis discant Ecclesiastici, quid in hoc genere eos facere oporteat. Hic enim cum præter proprias opes in magna esset gratia, apud Robertum Galliarum Regem. itemque apud Carolum eius

Orat. 37.

2. off. c. 18.

eius filium qui Neapolitanum Regnum pro Patre administrabat, & apud eum omnia posset: nimirum lautissima munera, & ditissima ad eum quotidie deferiebantur, sed ille omnia constanter repudiabat, cum diceret, etiam si non ignoraret, posse se sine culpa accipere, vereri tamen ne suo exemplo alij mouerentur, qui deinde etiam cum culpa acciperent. Itaque cum aliquando ex cubiculo suo ita auditus esset orare. Domine tu mihi in cœlo debes centum auri uncias, itemque duos pannos purpureos. interrogatus quid hoc sibi vellet respondit, quia illo die ea munera sibi oblata respuisset. Cum autem videret pauperum causas, & negocia in aula negligi, miseratione commotus accessit ad Principem, magnopere petens, ut se pauperum aduocatum constitueret. Quod cum impetrasset, ea procuratore tamquam Regno adepto lætus, grandiusculum sacculum fieri iussit, in quem supplices omnium libellos coniiciebat, eaque re vulgata, tantus ad eum concursus inopum fieri cœptus est, ut quoties domum rediret, vix ianuam posset ingredi. Atque id quidem munus omni studio exequebatur, audiebat eos diligenter, & sedatè, etiam si superflua, & inepta proponerent. Quin etiam cum semel in co esset, ut lotis manibus mensæ accumberet, importune quidam accedens, quæsiuit quid de suo libello factum esset. At ille expectare eum iubens, surgit è mensa, statimque in curiam properat, confectoque negotio reuersus, cum pauperi homini satisfecisset, tum demum resedit. Hæc autem erat eius vita, hæc oblectatio. Idem igitur conuenit bono, & pio Cardinali, ut potentiam, & auctoritatem suam, ad eos præcipue subleuandos conferat, qui præsidio destituti sunt & hoc nomen Aduocati pauperum magis sibi conuenire, magisque gloriosum esse existimet, quam vllum alium titulum: Et merito cum etiam Deus ipse hoc eodem inopum, & miserorum patrocínio tantopere gloriatur. Verum id malum est quod contra fit à plerisque, à quibus enim tuam gratiam, & remunerationem sperant, ijs potissimum inser-

inferuiunt. Itaque si alter Cardinalis non dico petierit, sed innuerit, omne studium adhibetur, nullo labori parcitur. Si verò vir renuis egeat, ne multæ quidem preces sufficiunt. Quare illa quidem non benignitas, aut charitas, existimanda est, sed mercatura suarum vilitatum, si honorem spectet, ambitionis, si lucrum, auaritiæ, & qui ita fecerint, in eos quoque illud Domini conuenit. Receperunt Matt. 6. mercedem suam. Neque verò minus necessaria est Cardinalibus altera illa pars beneficentiæ, quæ consistit in dando. Sic enim ait S. Antoninus debere eos scire se patres p. 3. tit. 22. esse pauperum, & præsertim religiosorum. B. Bernardus c. 2. Epist. 42. autem de Prælatiis omnibus, quod æque, aut etiam præcipue, conuenit Cardinalibus ita nudos, atque famelicos clamantes, & queritantes inducit. Nobis frigore, & fame laborantibus, quid conferunt tot mutatoria, vel extensa, in porticis, vel plicata in mantis? Nostrium est quod effundiris, nobis crudeliter subtrahitur, quod inaniter expenditis. Et nos Dei psalmatio, & nos sanguine Christi redempti sumus. Nos ergo fratres vestri. Videte quale sit de fraterna portione pascere oculos vestros. Vita nostra cedit in superfluas copias vestras. Nostriis necessitatibus detrahitur, quicquid accedit vanitatibus vestris. Duo denique mala de vna prodeunt radice cupiditatis, dum & vos vanitando peritis, & nos spoliando perimitis. Huc accedit, quod hæc omnia, nec negotiationis studio, nec proprio manuum exercitio vobis elaborastis, sed nec iure hereditario possidetis. Hæc & alia plura S. Bernardus in hanc eandem sententiam, quæ demum ita concludit, nunc quidem pauperes hæc corde tantum coram Deo loqui, cæterum, inquit, in futuro itabunt. in magna constantia aduersus eos, qui se angustiauerunt, stante quippe pro eis Patre orphanorum, & iudicè viduarum. Quare nihil potest esse dubitationis quin inter reliqua ornamenta boni Cardinalis, hæc etiam liberalitas requiratur, & quidem non vt ornamentum voluntarium, sed vt necessarium. Itaq; & si ea
quo-

quoque largitas referenda est ad facultates, tamen si in altero utroq; excedendum sit, satius est excedere in hanc partem quam & alijs vtiliorem, & Deo gratiorem scimus, cuius providentiæ, & curæ, si semper confidendum est, multo magis hac etiam causa adiuuante. Ex quo est illud D. Ambrosij non auctoritatem solum, sed etiam experientiam afferentis. Scio, inquit, plerumque Sacerdotes, quo plus contulerunt, plus abundasse.

Quid Cardinalis seruare debeat erga suam familiam. Cap. XXXIII.



POST hoc generale, & commune officium, quod à Cardinali debetur hominum communitati, est etiam aliud magis proprium, & præcipuum familiæ debitum. Vt enim familia seruitium, fidem, studiumque ei impendit, sic ipsam familiæ curam, amorem, remuneratione rependere oportet. Prima autem cura esse debet in admitendo, Multi enim se importunè ingerunt, multi aditum querunt per amicos potentes, & quibus negari vix possit. Quare si ex aliorum arbitratu, aut precibus, & gratia omnes recipiantur, sine dubio non aula erit, sed sentina vitiorum. Est igitur hic delectus adhibendus, præsertim cum multi occurrunt (quod serè euenit) vt aptissimi, & optimi quique seligantur; Nec valet ea ratio, vt quemadmodum si pingendum, aut ædificandum sit, sufficit vtrique rei bonum artificem inuenire, nec refert quibus sit moribus, sic in domesticis ministris satis esse si in suo genere, vt Occonomi aut Cubicularij, suum quisque munus expleat, cætera non adeo esse curanda. Non placet, inquam, nec consentaneum est. Aliud enim est alicuius operâ conducere, aliud etiam in suorum numerum recipere. illi enim nihil amplius ad conductorem pertinent, horum autem non solum facta, sed etiam

etiam dicta præstanda sunt. Et quidem in ijs, qui domi nascuntur, vt in liberis, non est huic discriminis locus, sed accipiendi sunt quicunque sunt: at eorum qui iudicio eliguntur debet omnino magnâ haberi ratio, præsertim à Prælato & tanto Prælato, quantus est Cardinalis, idque tum eius officium, tum etiam bona existimatio requirit. Quam ob causam prudenter S. Hieronymus ei præcipit, quem ad perfectam Clerici vitam instituit. Tales, inquit, habeto socios, quorum contubernio non infameris. Hoc faciebat Carolus ille Borromeus quem accepimus adeo diligentem fuisse in hoc genere, vt neminem in suum reciperet gregem quem non lentè ac cunctanter periclitatus esset. Nam nisi omnino essent ex diuturna familiaritate perspecti, eos ad menses aliquot in alia quadam domo retinebat vbi planè perspiceret, quales essent. Quod & si communiter factum difficile est nec semper necessarium, tamen hanc partem omnes imitari oporteret, vt non nimium faciles se præberent in recipiendo, sed potius ex bonorum, & fidelium hominum testimonijs studerent, vnumquemque cognoscere. Hæc igitur prima debet esse cura.

Epist.

Altera deinde est, postquam in domo fuerint, vt vitam ducant quam oportet: à qua cura non debet Cardinalis existimare se immunem esse. Immo verò vt ait S. Antoninus peccat si non prouideat, vt familia quam habet sit honesta, non vacans comotationibus non obscenitatibus, non rixis, aut inimicitijs, nec etiam adulationibus. Quod eo magis prouidendum, & curandum est, quia in aula vt plurimum haud ita multum loci est virtuti, & frequentius vident vitia, verumque est quod à S. Bernardo scriptum est. Curia bonos facilis recipere magis, quàm facere consuevit. Et Pius II. Pontifex vir magno ingenio, elegantique doctrina, cuius multa feruntur sapienter dicta, hoc etiam inter reliqua dicere solebat, vt in mare flumina omnia, sic omnia vitia in aulas magnas præsertim confluere solent. Cum igitur hoc ita sit, officium est Cardinalis, vt non mo-

p. 3. tit. 2. r. c. 2.

4. de cons. 4.

do vigilet pro domo sua, sed etiam hoc ita faciat, ut sciatur cum vigilare, & hæc sit opinio eum inimicum fore omnibus vitiis. Nam hic metus absterrebit à peccando, & cum initio id metu fecerint, paulatim deinde virtutis capti dulcedine assuescent sponte facere, quod faciunt. Hæc enim hominis natura, hæc vis est consuetudinis. Quare hoc plane faciendum Cardinalibus, ut quoad diligentia, ac prudentia coniti possunt, omnia vitia domo sua exturbent, nec committant, ut cum Dei se seruos esse profiteantur. Dei hostes domi suæ alant, & alant ex eo ipso, quod à Deo accipiunt, & præsertim Ecclesiasticis opibus, quæ sunt Deo consecratæ. Videamus quid de se ipso prædicet David in eo psalmo, quo boni principis formam describit. Superbo oculo, & insatiabili corde, cum hoc non edebam. Superbiam primum; & avaritiam remouet, & qui his vitijs laborent cum his, nec cibum quidem capere se posse profiteatur. Addit deinde quos ad suum obsequium adscisceret, Oculi mei ad fideles terræ, ambulans in via immaculata, hic mihi ministrabat: quasi diceret, ita se viros integros inquirere solere, ut ubicumque terrarum essent ad se aduocaret. Non habitabit in medio domus meæ, qui facit superbiam, qui loquitur iniqua, non direxit in conspectu oculorum meorum, id est, nullo apud me loco fuit, nulla gratia. Hoc igitur si faciebat princeps laicus, non multo magis faciat princeps Ecclesiasticus? Certe S. Bernardus etiam à Summo Pontifice id exigit inter reliquas curas totius orbis terrarum. Sic enim ad Eugenium. Sunt, inquit, quæ te ignorare nolim, mores quorumque, & studia. Non oportet ut vitia domus tuæ vltimus scias, quod quamplurimis nouimus contrigisse. Quapropter alius alia dispensat, de disciplina tu provide, illud nemini credas, si insolentior coram te sermo sonuerit, vel habitus apparuerit, manus tua super eiusmodi, tu vlciscere iniuriam tuam. Impunitas ausum parit, ausus excessum. Domum Episcopi decet sanctitudo, decet honestas, horum disciplina custos. In vultu, in habitu in incessu illorum, qui
circa

Psalm. 109.

Lib. 4.
confid.

circa te sunt, nihil refidere impudicum, nihil indecens patiaris. Hæc Bernardus. De sancto Elzeario, cuius paulo ante mentionem fecimus, ita scriptum legimus, adeo fuisse feuerum, in disciplina familiæ, vt aperte diceret, nolle se quemquam suo pane vesci, quem mortali peccato implicatum sciret, idque exequabatur: statim enim expellebat, quem cognorat, turpe aliquid admisisse. Multas etiam leges præscripserat, quas ab omnibus volebat seruari & hanc inter alias, vt omnes aulici, ac milites quoque, quos domi habebat singulis hebdomadis peccata confessione expiarent. blasphemias autem, immo vero Sacramenta leuiter ac temere pronunciata, nullo modo tolerabat. Quin. etiam sanxerat, ne quisquam alterum offenderet, quod si faceret, statim in gratiam rediret, volebatq. omnes in summa pace & concordia degere. Quamobrem non est quod quisquam difficultatem excuset, aut dicat non posse aulas reformari, vel præscribi leges aulicis. Nam si hic omnino Laicus, & uxorijs vinculis impeditus, addo etiam in ipso feruore ætatis (sic enim accepimus) hæc omnia tam bene intelligere, atque etiam exequi potuit, quomodo non turpe sit in eo statu, qui peculiari quadam ratione Deo est consecratus, non hæc eadem, aut æque, aut etiam melius efficere? Adsit modo voluntas patris familias. qua nihil efficacius ad seruos quauis versus impellendos. Nam si ea se ostenderit, omnia plana, & expedita erunt. Itaque optima est ea regula, & ab omnibus vtique Cardinalibus curanda, quam Borromeus proponit in illa ad Battorem, Cardinalem Epistola, quam sæpe protulimus, Curabis, inquit, familiam castam, nec patieris inter domesticos tuos quempiam viuere, cuius non modo impudica sint facta, sed cuius etiam non sint verba, & mores admodum pudici, habeasque domi probatæ virtutis viros, qui in hanc rem inuigilent, & qui te crebro de domesticorum vita commune faciant. Modestia in verbis, & cultu corporis cernatur. Insuper curabis vt iuramenta à familia tua absint, turpes

sermones, scurriles ioci, conuicia, contumeliae, & omnium verborum genera, quae alios laedant, inter tuos nec dici, nec audiri fines. Vestitus autem & si decens esse poterit, caue bis tamen ut à familia viri Ecclesiastici procul sit is corporis ornatus, quo milites, & prophani iuuenes uti solent. Nihil itaque quod vanitatem, & ostentationem præ se ferat in tuo, & tuorum ornatu conspiciatur. Haecenus Borromeus, quibus vnum addere libet, quod ad vestitum attinet, decere omnino Cardinalem, ut eius asseclæ si non omnes, quod ipse Borromeus faciebat, saltem magna ex parte clericali habitu utantur; hoc enim & gravitatem redolet, & illis ipsis quandam maioris modestiae necessitatem imponit, & magis etiam conuenit Cardinali. Ut enim dedeceret, si prophano Principi clerici multi famularentur, sic etiam non video, cur non indecorum sit, plures laicos versari in Ecclesiastici Principis comitatu; sed de familiae moribus formandis, satis dictum est, si vnum illud addidero, nullam aptiorem, aut compendiosiore esse ad hoc efficiendum viam, quam si Cardinalis ipsius exemplum prae luceat in omni virtute. Nam & hoc efficacius ad mouendum, & alioquin frustra in alijs inducere conabitur eam formam, à qua ipsius mores diffideant, & quantum verbis, ac præceptis efficere studebit, in suis tantum destruet factis.

Atque hæc quidem cura de qua hæcenus diximus, ad animum spectat, & ad diuina. Verum est etiam aliqua cura impendenda corporibus, idque necessarium est, quoniam neque aliter esset, qui seruitutis laborem perficeret, & ipsa iustitia, æquitas hoc requirit, ut labori, & seruitio sua reddatur merces. Itaque recte Bernardus ad Eugenium. Necessaria inquit, de manu tua accipiunt, his contenti sint; tu vide ne egeant. Quare conuenit utique Cardinali, ut domesticis famulis honesta constituat salaria, atque eos etiam reliqua omni liberalitate prosequatur, quam facultas, & vires sinent. In quo genere plurimum enituit,

enituit, ut in cæteris Caroli Borromei virtus, quem scimus, idque adhuc tradunt eius intimi, amasse suos omnes, non ut seruos, sed ut filios, & fratres, & largè suppeditasse quæ oportebat, quin etiam quanquam nollet ab vilo sibi seruari, ipse vilius beneficij Ecclesiastici, omnium tamen merita pro ratione personarum, atque pro meritis cumulata remunerabatur. Insuper etiam consueuerat quotquot domi habebat alloqui, interdum etiam cum singulis colloqui, etiam infimis; atque ex ipso stabulo, aut coquina, ut resciret quo modo tractarentur, & an alicui fieret iniuria. Illud verò optimum, & ab omnibus Cardinalibus ita accipiendum, ut formula imperitandi suis, quod cum ipse in seipsum adeo seuerus esset, tamen in famulos omnem moderationem tenebat. Itaque cum nocte ad sua studia surgebat, ne cuiquam onerosus esset, ipsemet manu sua lumen percrebat ex lampade, quam ob hanc ipsam causam in suo cubiculo ardere perpetuo volebat. ipse quoque cum maturum erat anagnosti suo lumen deterebat, sed silentio, ne dormientem excitaret, ut cum per se expergisceretur, accensam inueniret lucernam. Idem etiam cum aliquis suorum ægrotaret, iubebat eum omnino quam diligentissimè curari, eique muneri certos homines peritos, & charitate flagrantis præfecerat, ac subinde ab alijs domesticis visitari volebat, & ipsemet etiam visitabat, non solum nobiliores, sed infirmos, tanta comitate, suauitate, ut nemo esset, cui non illa domini sui humanitas morbum leuare videretur. Hec vberius idcirco commemoravi, quoniam meo iudicio non tam exempli vim habent, quam præcepti, nec melius, aut aptius aliquid in hoc toto genere tradi potest. Eadem etiam laus tribuitur Iuliano illi Cæsarino Cardinali, qui cum paruos admodum haberet redditus, quantum scilicet ex galeto, atque ex tenui quadam Ecclesia percipiebat, mediocritè etiam alebat familiam, non amplius quam triginta hominum, sed hanc præcipuo quodam amore complectebatur, ac fouebat, in morbis ipse quoque tum necessaria prebe-

bat

bat omnia, tū etiam vltro inuisebat, & consolabatur ægrotos, multisq; contigit, vt in eius manibus cum magno suo solatio spiritum Deo redderent. Verum huc etiam pertinet facilitas quædam in tolerando, quæ inter domesticas virtutes, vel maximè Cardinalem ornat, & est index insitæ grauitatis, vt contra impatientia, & morositas indicat leuitatem, & ad multas adigit ineptias. Itaq; multum hoc nomine laudatus est Pius Secundus de quo paulo ante diximus, quem ferunt hanc humanitatem in omnes famulos præcipue tenuisse, & cum inscitia, aut etiam ignauia, & negligentia peccarent, paterna potius charitate admonere, quàm seuera obiurgatione excipere solitum. Sed in hac quam dicimus humanitate illud obseruandum video, vt sit quàm maximè communis omnibus: quæ enim paucis quibusdam aut etiam vni defertur, ea quidem reliquis in grata, & odiosa est. Itaque in familia gubernanda hoc etiam ipsum curandum à Cardinali, ne se nimium dedat vlli ex suis, ac nimis familiariter eum adhibeat, quantumuis probum, ac fidelem nactus sibi videatur. Hoc enim multorū in aulis malorum seminarium esse solet, invidia, æmulationis, delationum, iurgiorum, sermonum, qui non in eos modo, qui sic amantur, sed in ipsum Principem erumpunt, quoniam omnes indignè ferunt vnum sibi adeo præferri, ex quo fit vt Cardinalis vnum sui amantem, reliquos à se alienos, & penè inimicos alat. Deinde illi etiam qui sic cæteris præferuntur, vt plurimum insolescunt illo favore inflati, sensimque non solum in alios, sed in ipsum etiam dominum dominantur. Quod si nihil horum esset, tamen ipsa species serui tam gratiosi non decet Cardinalem, nec vllam habet dignitatem, aut prudentiæ, vel grauitatis significationem, eoque magis si ex propensa voluntate, non ex ratione aliqua aut ex alterius meriti, vel officij, quod gerat, necessitate, familiaritas tanta proueniat, maxime verò si illum malis etiam artibus, vt sæpe vsu venit, in eam se se insinuasse appareat.

Quid

*Quid Cardinalis seruandum sit erga suos
propinquos. Cap. XXIV.*

DEINCEPS videndum quo se modo geret Cardinalis aduersus cōsanguineos, & propinquos. In quo quidem vna est difficultas, vnum periculum ab illa naturali propemodum, & insira cupiditate augendi quàm maximè eos, & ornandi. Quare hoc iam tractandum quid in hoc genere liceat, quid non liceat. Incipiendum est autem ab illa quæstione, quā in scholis accuratè tractari videmus, an qui Ecclesiasticis bonis fruuntur, eorum fructuum, ac prouentuum sint domini, an vero vsus tantum sit eis concessus. Neque tamen præsentis est loci controuersiam hanc definire, quoniam alterutra vera sit harum sententiarum, idem plane sequitur, quod ad rem nostram facit; Nam si dominium non habent, nihil sunt aliud, quam administratores, in quo hæc fides, & integritas requiritur, vt non possint abuti, non ad libitum profundere, aut cui velint erogare, sed vt rem alienam castè, sobrièque dispensent. Si verò dominium habeant, tamen nemini dubitare licet, quin ea, quæ vitæ, & statui superflua sunt, in pauperum alimenta impendi oporteat, quoniam ad hunc videlicet finem sunt hi redditus instituti. Quod sanè non ita accipiendum est, cum extrema occurrit necessitas, hæc enim vel sæculares ipsos obligat, quorum facultates prophanae, & propriae sunt. Ab Ecclesiasticis autem hoc amplius requiritur, vt etiam pauperibus in egestate subueniant, Hoc igitur posito, quod adeo certum, & apertum est, illud etiam apertè sequitur, fas non esse, ista superflua seruare, ad suas vel suorum diuitias cumulandas, aut ad eorum statum augendum, & promouendum. idque ob eam causam qua diximus. Itaque

Vrba-

Vrbanus Pontifex. Res, inquit fidelium, quæ domino offeruntur, non debent in alijs vsibus, quam Ecclesiasticis, & Christianorum fratrum, vel indigentium conuerti, quia vota sunt fidelium, & pretia peccatorum, & patrimonium pauperum. Quare hoc stabiliendum, & pro certo habendum, non posse omnino Cardinalem sine magna culpa ex Ecclesiasticis opibus propinquos suos locupletare. Quocirca recte monet S. Antoninus. Non thesaurizent, nec tribuant consanguineis plusquam indigent, & plusquam eis congruit. Et Turrecremata cum Cardinalium peccata commemoraret, hoc quoque inter præcipua ponit, Cū dilatant, inquit, patrimonium ex redditibus Ecclesiæ, emendo villas, & possessiones, & castra suis consanguineis, & eos ditando. Neque vero excusantur, quoniam simul etiam aliquas eleemosynas pauperibus tribuant, cum hæc sit pars minima atq; deterrima. Dant enim pauperibus vilissima quæque, propinquis optima, & maxima. Hæc ille iisdem verbis. Idem docent etiam Canonistæ ipsi, ut Andreas Barbatius in eo libro quem scripsit ad Bessarionem Cardinalem eo tempore Bononiæ Legatum. Hic igitur ita sentit, quicquid Cardinalis acquirat ex Cardinalatu, acquiri Ecclesiæ, nec donare posse, nisi exiguam partem. Quod si ex ea pecunia emerit bona, illa bona Ecclesiæ deberi, immò verò si in ipso paterno solo ædificarit, non tantum id quod ædificauit, sed etiam solum ipsum Ecclesiæ cedere. Addit etiam alio loco, hoc eo certius esse, si quis eo tempore quo ad Cardinalatum prouectus est, non habuit propria bona: si verò dubium sit, an habuerit, tum præiudicium esse pro Ecclesia. Narrat præterea hanc ipsam quæstionem, vsu venisse sua ætate, cum Cardinalis Per gamensis Fratr̃is filio magnam fecisset donationem, quam ait à Iurisconsultis Mediolanensibus irritam, & inualidam esse iudicatam, quorum sententiæ ipse quoque subscribit, eamque pluribus deinde confirmat; Denique illud etiam disputat, an Summus Pontifex concedere possit Cardinali

testan-

p. 3. tit. 21.
c. 2.

2. de Eccl.
c. 16.

De Card
p. 1. q. 11.

§ 1. p. 3.

p. 1. q. 4.

testandi facultatem, de rebus ex Cardinalatu quæsitis: multa que affert cur non possit, quia cum hæc bona Ecclesiæ sint, non debet ea suo iure priuari: quòd si concedat, ita intelligi debere ad pias tantummodo causas, & ad elemosynas faciendas, siue ad remunerandos benemeritos: non autem ad locupletandos propinquos. Hæc ille, nec solus. Eadem enim sentiunt non modo Theologi, sed etiam Iurisperiti, omnes plane, quos adhuc de Cardinalium statu scripsisse comperi, ut Iacobatius, qui item Cardinalis ipse fuit in libro de Concilijs. Hieronymus Manfredus, Hieronymus Albanus, uterque in opusculo de Cardinalibus. Ita enim affirmant omnes, eam Pontificis concessionem debere intelligi penes iuris Canonici definitionem, nimirum ad pias causas. Immo vero hoc etiam addere non dubitant, qui secus faciat, eum quidem in exteriori foro tutum futurum propter Pontificiam auctoritatem, sed non ita tutum in foro illo conscientie interiori. Quid autem refert in hominum tribunalibus vincere causam, quam deinde perdas in Dei tribunali? præsertim cum illic pecuniam, aut prædium vincas, hic autem animam in perpetuum perdas. Sed quid Doctorum hominum sententias colligimus, cum videamus, quid sacri Canones, & sacra Concilia definiant? Extat Canon ex Synodo septima. Quisquis Episcopus aliquid transtulerit extra Ecclesiam, irritum sit. Non liceat ei fraudare quicquam ex illis, vel cognatis proprijs donare, quæ Dei sunt. Quod si pauperes fuerint, ut pauperibus largiatur, sed non sub horum occasione, quæ sunt Ecclesiæ defraudentur. Hæc illo loco. planum est autem quid sit largiri ut pauperibus, id est, si verè egeant, & præterea particulam duntaxat aliquam. Quo pertinet etiam illud ex Concilio Toletano. Quicumque Pontificum, aut sanguine præpinqvis, aut favore personis quibuscumque sibi coniunctis talia lucra commendare tentauerit, irritum sit, &

Lib. 1. fol.

23.

Decret. 131.

Quest. 48.

c. quis quis

12. q. 2.

d. 89. c.

Deuter.

c. peruenit.
s. q. 3.

Sec. 25 c. 1

per annum excommunicationi subiaceat. Et alibi. Quicumque Episcopus decimas, & oblationes Laicis conferat, & famulis, vel quod grauius est, consanguineis, inter maximos hæreticos, & inter antichristos non minimus hæbeatur. Denique quod grauissimum est, idem etiam decernitur apertissime in Tridentino Concilio. Quam maxime, inquit, potest eos sancta Synodus monet, vt omnē humanum affectum, vnde multorum malorum in Ecclesia seminarium extat, penitus deponant, omnino eis interdicat, ne ex redditibus Ecclesiæ consanguineos familiaresue suos augere studeant, sed si pauperes sint, ijs vt pauperibus distribuunt. Hæc ad Episcopos, sed statim additur, eadem quoque præscribi Cardinalibus, & quidem multò etiam magis.

Sed tamen ne nimis seuerè agere videamur, & potius vt quantum fas sit, veritasque permittat, humanæ infirmitati indulgeamus, consideremus, nunc quid liceat, & quatenus liceat Cardinali conferre in suos. Primum igitur etiam si non egeant, dare eis liceret, quod sibi Cardinalis parcè viuendo ex suæ personæ decoro detraheret, Sic enim habet res, vt dicunt Theologi, de Monacho iter faciente, posse cum eleemosynam dare ex eo, quod suæ parsimonia, suo ipsius victui detrahit. Deindè ex multorum sententia excipiuntur pensiones quæ cum secularium ferè reddituum loco habeantur vix maiorem Clericis obligationem asferre posse videntur quàm faciant ipsi redditus seculares maximè si vt fieri solet ad congruam decentemque sustentationem assignatæ sint. Nam si quis parcius fortè frugaliusque viuens curauerit vt ex assignatis sibi ad victum pensionibus aliquid supersit, certè id quod superest ita suum facit, vt possit in quemcumque voluerit etiam non egentem transferre, iuxta regulam quam mox posuimus. Præterea hi quoque excipiuntur, qui patrimonia habent, ex quibus viuere possint, tum
enim

enim nihil impedit, quominus se ex Ecclesiæ sustentent redditibus, proprios verò redditus conferuent, ijsq; vt libet, vtantur. Quo nomine non ea tantum comprehenduntur, quæ sunt ex patrimonio, sed etiam alia quæ Cardinalis sua quæsiuit industria, non ab Ecclesia prouenerunt: comprehenduntur item quæ hæreditate relicta essent, non vt Cardinali sed vt affini, aut amico. Sic enim Albanus, qui tamen addit, re dubia, potius iudicandum De Card. pro Ecclesia. Postremo potest etiam dari consanguineis 947. cum egent, perinde atque alijs. Nam ea sine dubio vera, & iusta est eleemosyna. Immo vero alijs etiam pauperibus præferri, & possunt, & debent. Tantum videndum est Cardinali, ne se ab humanis affectibus decipi, & transuersum agi sinat. Nam hoc vtrunque bene à S. Ambrosio præcipitur, vt nec deferantur cognati cum opus est, nec plus detur, quam opus sit. Est etiam illa, inquit, probanda liberalitas, vt proximos seminis tui non despicias, si egere cognoscas. Melius est enim vt ipse subuenias tuis, non tamen vt illi ditiores fieri velint. Neque enim propterea te Deo dicasti, vt tuos diuites facias, sed vt vitam tibi perpetuam fructu boni operis acquiras, & pretio miserationis peccata redimas tua. Putant se parum poscere. pretium tuum quærunt vitæ tuæ fructum adimere, contendunt. Et accusant quod eum diuitem non feceris, cum te ille velit æternæ vitæ fraudare mercede. Hæc Ambrosius ad Clericos; quod quidem ad rem facit; Est autem in hoc eius dicto illud magnopere obseruandū, quod propinquos ait cum ab Ecclesiastico de bonis Ecclesiæ accipiunt, fraudare eū æternæ vitæ mercede: ex quo item apparet, quam graui suo damno alijs benefaciat. Quare eo subtilius videndum, vt subleuetur necessitas, non vt expleatur cupiditas. Intelligendum est igitur duplicem esse posse egestatem in propinquis, vnā cum desunt necessaria vitæ. alteram cum desunt necessaria personæ. Vtrique

igitur licebit, vt Cardinalis subueniat, non solum si propinqui non habuerint vnde uiuant, sed etiam si non habuerint vnde decenter uiuant, & conuenienter loco, & conditioni suæ. Quare si nobilis familia, & olim honesta, & copiosa, ad eam venisset inopiã, vt ea non suppetere, quæ communiter habent ij, qui eiusdem nobilitatis sunt, tunc sanè fas esset Cardinali iacentem erigere atq; etiam in pristinum statum reuocare, nimirum, vt lumpus habeat congruentes suæ nobilitati. At vero ex hoc gradu eam extollere, & in alium eminentiorem transferre, præsertim si magna sit distantia, hoc sanè non licet idque prohibent eæ leges, quas supra protulimus. Illud fortasse Cardinalis amplitudini concedendum esset, si consanguineos haberet plebeios, aut opifices, ita eos iuuare vt ad conditionem paulo lautiozem emergerent. Quod verò amplius est, nimium est, & omnino prohibitum. Immo verò hoc etiam monendus est Cardinalis, vt in eo ipso quod egen-
tibus suis benignè facit, meminerit non naturali amore, propinquitatis duci ad benigne faciendū, sed studio Christianæ charitatis. Nam qui hoc naturæ duntaxat affectu impellitur, perdit meritum apud Deum. Potius igitur quod facit, faciat ex vera charitate, vt sit verà eleemosyna, nec diuina mercede frustretur. Postremo ad hoc idem caput de propinquis, illa quoque mala consuetudo pertinet, vt si quis Ecclesiasticos aliquos redditus adeptus, ita negocium instituat, vt ijs maturè alteri consanguineo semper resignatis de manu in manum transferantur, ne vnquã ex domo illa exeant. Quod quid est aliud, quàm quod in simili re, ait S. Bernardus in psalmo notari, cum dicitur. Hereditate possideamus sanctuarium Dei? Sic enim res Deo consecrata, quæ ex merito, & electione tribuendæ essent, fiunt ferè hereditariæ, atque perpetuæ. Quod quidem eo deterius est, cum, vt sæpe euenit, ad indignos, aut certè minus dignos perueniunt.

In vita S.
Malach.

Quo-

Quomodo Cardinalis nimium affectum in propinquos temperare possit. Cap. XXV.



ON puto restare iam vlli dubitationem, quin haud parum à Cardinali peccetur, cum Ecclesiasticas opes ad suorum statum amplificandum, illustrandumque confert. Sed superest vt hoc quod rationi persuasum est, persuadeatur etiam voluntati.

Est enim hic locus lubricus si quis alius, nec fere in alia re difficilius se tenere possunt Cardinales ne labantur; primum propter naturalem propensionem, quæ est omnibus innata erga sanguine iunctos, eoque magis, quò propius nos cognatione contingunt: deinde ob amorem etiam sui ipsorum. Nam vt quisque etiam post mortem se in sua posteritate viuere arbitratur, ita non se satis illustrem putat, nisi etiam posteros relinquat illustres. Postremo accedunt exempla aliorum, adeò iam multiplicata: accedit consuetudo tam inueterata, vt penè vim legis obtinuerit, & nemo ferè sit, qui in via tam trita errare se à recta via existimet. Quare cum tam multi stimuli, & tam magna incitamenta concurrant, nil mirum si hæc pugna adeo difficilis, & laboriosa sit, etiam probis Cardinalibus. Sed tamen nihil est quòd non æquitatis, & iustitiæ, & religionis amor superare debeat. Etenim si verè creditur quod à nobis superiori capite demonstratum est, offendi Deum, cur non hoc vnum sufficiat ad omnes ab re huiusmodi deterrendos? Nam si hoc gregarium quemlibet, & vulgarem Christianum mouere deberet, ne aliquid faciat contra Dei creatoris, & summi dominatoris rectissimam voluntatem, quantò magis eum, qui in ipso culmine omnis perfectionis versatur, idque statu, officio, & vestitu ipso

de cōd.

lo profitetur. Rectè autem S. Bernardus, & luculentè huius culpæ indignitatem, & perversitatem, ante oculos proponit, cum ita de Cardinalibus loquitur. Qui non inquit, de dote viduæ, & patrimonio crucifixi, se vel suos ditare festinent. Viduam vocat Ecclesiam, quasi orbam suo sponso Christo, qui in cœlum abiit, eius autem dotem facultates, quibus illa instructa est, quas etiam easdem patrimonium crucifixi appellat, quoniam hæc quoq; bona Christi sanguis adeptus est. ideoque idem S. Bernardus alio loco. De altari inquit, viuat, non superbiat, non luxurietur, denique non ditetur, nec contra Sancti cuiusdam planè dignam omni acceptione sententiā, ex clericatu dirior fiat. Non sibi de bonis Ecclesiæ ampla palatia fabricet, nec loculos inde congreget, nec in vanitate, aut superfluitate dispergat, non extollat de facultatibus Ecclesiæ confanguineos suos, aut neptes (ne filias dixerim) nuptui tradat. Simile est etiam, eandemque vim habet, quod est apud Hieronymum. Amico quippiam rapere furtum est, Ecclesiam fraudare, sacrilegium est, acceperisse quod pauperibus erogandum sit, & esurientibus plurimis, vel cautum esse, aut timidum, aut quod apertissimi sceleris est aliquid inde subtrahere, omnium prædonum crudelitatem superat. Quid gravius, aut quid seuerius, magisque metuendum dici potuit? Sed est alia quoque ratio, quæ magnopere valere debet apud Cardinalem, propter ipsius commodum, & quidem magnum; Si enim hoc in animū inducet, ut superflua carnis, & sanguinis cura deposita, de se tantum, & de suo officio sollicitus sit, quanta tandem sollicitudine, quantis molestiis semetipsum eripiet? Quam facile integritatem innocentiam, iustitiamque servabit? quam facile diuitiarum cupiditatem vincens, à muneribus temperabit? quoniam ipsi quidem satis pauca sufficient, iisque quasi vinculis solutus, ac liber, omnem suam cogitationem, ac meditationem in publica commoda conferre potest.

Hom. ecce
nos reli-
quimus.

Epist. 3.

poterit. Si verò Fratribus, & Sororibus, itemque eorum liberis, & omnibus denique qui gradum aliquem propinquitatis cum eo obtineant, dandum, & largiendum putet, dum id agitur, ut diuities, & pleni, & honorati relinquantur, sit, ut desiderium habendi penè crescat infinitè, quod præter alias culpas hanc etiam habet, ut ea cura alias omnes curas meliores, & huic officio necessarias prorsus absorbeat. Quare hoc omnino apud se constituere debet Cardinalis, nisi se carnali hoc affectu, ut debet, exuerit, semper, & ipsum, et omnes eius actiones carnales fore: contra verò si exuerit, & eiecerit, facillimum ei Futurum, suam dignitatem ac splendorem tueri: Verum ut hoc efficiat, non ille terram, ac terrena respiciat, quæ sine dubio alligant, atque capiunt oculos animosque mortalium. Delectat enim videre suos in principum numerum relatos, honore, & rerum copia affluentes, delectant magnifici apparatus, & splendor vniuersæ familiæ, affinitates honoratæ, & matrimonia cum proceribus. Hæc sine dubio naturæ placent, & arrident. Sed si animus in cælum, & cœlestia erigatur, facile despicientur hæc omnia. Quid enim prodest homini si vniuersum mundum lucretur, animæ verò suæ detrimentum patiatur? Et quidem si quis sibi ipsi totum mundum acquireret, animam verò perderet, stultissimus esset, ac dementissimus. Quanto ergo dementior, qui eam perdit, aut periculo perdendi se exponit, non ob suam, sed ob alienam vtilitatem? Denique qui in hac parte errare nolit, oportet ut oculos à communi hominum more, & consuetudine auerrat. Est enim nimis magnavis ad decipiendum in quotidianis aliorum exemplis. quoniam ita animos occupant, ut etiam si quid insit vitij, ne utiquam aduertatur. Quare tum ab his auertendi sunt, ut dixi, oculi, tum conuertendi in eorum exempla, quæ quidem nunquam in Ecclesiâ defuere, qui se ab hoc affectu integros, & incorruptos præstiterunt. Cœlestinus V.

Matt. 26.

2. lib. de
placit. ec-
cles. c. 15.

vt narrat Aluarus, cum audisset fratris filium in Curiam venisse, eijci statim iussit, & cum multi Cardinales deprecatores se interposuissent, multo labore, & precibus, hoc ad summum impetrarunt, vt ei simplex, ac tenue quoddā beneficium concederet, quo ille accepto, statim remissus est domum. Ac ne quis hæc nimis vetera dicat, & obsoleta, extirrit etiam nostris ferè temporibus memorabile, factum Adriani Sexti, quem in propinquos vniuersos, ita moderatum fuisse ferunt, vt etiam quibusdam durior videretur. Nam patruelis filium in Senensī Gymnasio literis studentem, quod non vocatus, Romam venisset, confestim meritorio equo impositum remisit, & alios satis arcta affinitate coniunctos, qui ex Germania ad eum accurrerant, cum singulis sagum lanceum, & mediocre viaticum donasset, pedibus item vti venerant, reuerti iussit. Quid Marcellus, qui & si paucissimis diebus Pontificatū tenuit, tamen hoc breui tempore specimen præbuit eius virtutis, quam deinceps sine dubio tenere decreuerat. Hic enim Pontifex factus neminem suorum Romam venire passus est, ne fratrem quidem Alexandrū, cuius etiam filios duos quos ipse Romæ educabat, à nemine salutari, rarò in publicum, nec nisi ad sacrum fere audiendum prodire permisit. Narrat etiam Onuphrius, qui fuit ei familiarissimus, eiusque intima consilia norat, fuisse ei deliberatum, & fixum, tantum fratri, eiusque liberis elargiri, quantum nobili alicui, eo loco nato habere conueniret, non tamen vt ultra priuatam conditionem se efferrent, nec ad vllam prouerentur dignitatem. immo verò de Ecclesiæ fructibus, ne assem quidem donare constituisse, nisi ex Cardinalium omnium sententia. Sed nihil illustrius Clemente Quarto, qui anno M C C L X V. Ecclesiæ Pastor electus hanc eandem constantiam admirabiliter tenuit. Sic enim memoriæ proditum est, eum duas habuisse filias ex legitimo matrimonio susceptas, quasum alteri, vt in Monaste-

rio collocaretur, triginta libras Turonenses, alteri ut nuberet trecentas numerari iussisse, ea lege, ut æqualis conditionis viro nuberet. Quin etiam cum nepotem haberet cui ipse quidem nihil vnquam dederat, sed Galliæ Antistites in gratiam Pontificis tres contulerant in eum Canonicatus, multis deinde rogantibus, ut aliqua eum dignitate cohonestaret, non modo nunquam adduci potuit, ut id faceret, sed eum vltro compulit, ut ex tribus illis beneficijs, vnum quod mallet retineret, reliqua resignaret. Verum hoc quoque iucundum fore, & fructuosum spero, si ipsam eius Epistolam, siue, ut vocant, Breue, ad nepotem Petrum Grossum, ascribamus, quod aliquanto post eius obitum in coenobio Dominicanorum Barchinonensi repertum est. Id autem sic habet. Multis de nostra promotione gaudentibus, nos soli sumus, qui certius immensitatem oneris experimur. Et idcirco quod alijs gaudiū, nobis metum subministrat, & æctum. Sane ut scias qualiter his auditis, debeas te habere, scire te volumus, quod humilior solito debes esse, neque enim quod nos vehementer humiliat, debet nostros extollere, maximè cum honor huius sæculi momentaneus sit, & sicut ros transeat matutinus. Nec ad nos te, nec Fratrem tuum, vel ex alijs nostris aliquem venire volumus, sine nostro speciali mandato: quia ipse sua frustratus, si secus venire præsumeret, oporteret ut rediret confusus. Sed nec in sororis tuæ nuptijs gradum quæras propter nos altiore: nec enim nos haberes propitios, nec in aliquo adiutores. Si tamen eam filio militis simplicis desponsaueris, in trecentum libris Turonensibus tibi proponimus subuenire. Et si altiora quæsiueris, nec à nobis denarium speres vnum. Et hoc ipsum secretissimum esse volumus, & tibi, & matri solummodo notum esse. Illud etiam scias, quod nullum, nullamque de sanguine nostro, sub nostræ sublimationis obtentu insilari volumus, sed tam Mobiliam, quam Cæciliam

liam illos viros habere volumus, quos haberent si essemus in simplici clericali. Sibyllam visita, & dic ei quod locum non muret, sed remaneat apud Susam, & omnem maturitatem, & habitus honestatem obseruet, & preces apud nos pro aliquo non presumat assumere, nam & ei pro quo fierent, essent inutilles, & ipsi qui rogauerint, damnosæ. Et si forte per aliquos ex hac causa munera offerrentur, ea respuat, si vult nostram gratiam retinere. Saluta matrem & fratres. Hæc ille. cuius auctoritas ut Pontificis, in tantis opibus, & potestate, multo magis Cardinalem de suo officio commonere debet.

Mihi vero illud etiam hoc loco vel maxime notandum videtur, quod ex huius Pontificis quem modo dixi, & aliorum, qui idem fecerunt exemplo euidenter apparuit. Nam cum ij, qui cognatos, & propinquos ita prouehunt ob humanæ gloriæ illecebram id faciant, satis hinc discimus, multo hos gloriosiores factos esse ob hanc ipsam continentiam in suos, quam tot alios qui in hoc genere effusi fuere. Nam illi quidem tali facti, & tali virtutis indicio ita se etiam in hac vita nobilitarunt, ut non solum tacita hominum admiratione suspiciantur, sed etiam æterna cum laude, iucundaque commemoratione, in omnium ore verentur, quod certe tamdiu erit, quamdiu erit Ecclesia. Contra vero quicognitionis amore victi in suos efferendos incubuere, quoniam ea res non virtutis est, sed potestatis, nihilque per se præclarum habet, nec ab ullo propterea laudantur, & à multis, ijsque sane melioribus vituperantur. Immo verò ne illud quidem quod volebant assequuti sunt, ut familias suas inter homines quàm celeberrimas redderent. Etenim ex tot Cardinalibus opulentis, qui hoc ipsum summo studio curant, quàm pauca iam supersunt familiæ illorum opera locupletata, & adauctæ? sed contra potius eorum quoque domos, extinguitas, titulos oblitos, memoriam sepultam videmus; eaque

Eaque iusta & vera videtur poena, vt qui nomina sua in terris suis ponere voluerunt, etiam ex ipsa terra eradantur, eorumque domus breuissimo tempore alijs alijs casibus ad nihilum recidant. Quare hoc diligenter considerare debes frater charissime idemq; tibi cuenire posse existimare.

*Quid Cardinalis seruare debeat erga alios
Cardinales. Cap. XXVI.*



INTER alia Cardinalis officia, hoc quoque non mediocre, ac potius ex præcipuis est, quem se præstare debeat erga alios Cardinales. Hactenus enim de inferioribus dictum est, tum remotis, tum propinquioribus, vt sunt domestici, multoque magis cognati, & affines. Nunc de ijs, qui dignitate æquales, officio collegæ, coniunctione fratres ei sunt, sequitur vt dicamus. Ac de ijs quidem nihil est ferme aliud dicendum, nisi quod vno verbo monet Hieronymus Manfredus, debere omnes inter se esse quàm coniunctissimos vinculo insolubili beneuolentiæ, & pacis, in procurando communi bono. Quàmobrem dissensiones, animorum alienationes, amulationes, & reliqua eiusmodi quæ concordiam dirimunt, charitatem extinguunt, cum ab omnibus Christianis, tum vero ab hoc amplissimo ordine abesse debent quàm longissimè. Primum quia perfectionem profitentur, charitas autem est vinculum perfectionis. Deinde omnis inter eos rixa, & iurgium, aut etiam contentio eo deformior est, quo plures causæ necessitudinis, & concordie. Nam si similitudo amorem solet conciliare, quàm multæ hic similitudines, professionis, status, dignitatis, potestatis, suffragij, denique ipsius etiam habitus externi? Sed illud odiosum, quod

Tract. de
Card. c. 10.

Colof. 3.

multæ sæpe causæ incidunt discordiarum, ex negociorum varietate, ac magnitudine, quæ à Cardinalibus tractari solent: in quibus sæpe accidit, ut non idem omnes sentiant, vel non idem expediat omnibus, aut contra, ut idem pluribus commodum sit, quod tamen non possint plures adipisci: deinde ex honorum contentione, quæ nulla est maior pestis ad oppugnandam charitatem. Nam quid ego dicam de illo perenni fonte dissidiorum, de more, inquam illo, qui iam adeo increbuit, ut quicumque vnius Pontificis partus sunt, ij quasi factionem suam constituunt? ex quo sectæ quodammodo oriuntur, & partes, ut vnus ordo in tot membra diuisus, & dissectus esse videatur. Et quidem membra, quæ non ut in corpore animantis mutuo sibi seruiant, sed sæpe pugnent inter se, atque decertent? Atque hoc quidem illud esse videtur, quod Paulus in Corinthijs reprehendit, quod inter eos essent schismata, cum alius diceret. Ego sum Pauli, alius autem Apollos, alius Cephæ. Quamobrem in hoc etiam cadit illa eius obiurgatio. Diuisus est Christus? Nam si omnes Christo domino seruire, seque Christi esse velent, nimirum facile omnes essent charitatis vinculo colligati. Igitur tum hæc radix dissensionis, tum omnes aliæ tollendæ, euellendæque radicitus. illudque omnino tenendum, ut se inter se diligant ex animo, seque mutuis prosequantur officijs, non in speciem simulatis, sed veris, & solidis, & denique ut sit inter omnes quoad eius fieri potest, quàm maxima voluntatum, studiorum, sententiarumque consensus. Quod ut melius, & versus faciant, illud cogitent quàm graua damna, quàmque magna detrimenta sequi necesse sit, non dico si aperta fuerint, inter eos diffidia, sed etiam si æmulationes occultæ, ac denique si minus inter se se consentiant. Ut enim cum multi ingens aliquod pondus humeris deferunt, vel manibus trahunt, tantum videlicet promouebunt, quatenus vnum

inter

2. Corin 1.

Inter se omnes efficiunt, atque conspirant. quod si paululum aliquis diffideat, aut in diuersum declinet, potius alios impedit, quam adiuuabit: ita in hoc præclarissimo munere Ecclesiæ administrandæ, quod est proprium Cardinalium munus, si aliqua inter eos obrepat discordia, ut alius alio trahat, se se inuicem turbabunt atque Ecclesiæ, eiusque vtilitatibus oberunt, & maximas ei plagas imponent. Quare si ij sunt, qui esse debent fideles Dei, Ecclesiæq; ministri, etiam si aliquæ interdum occurrant causæ, pacis concordiaque soluendæ, meminerint tamen communem vtilitatem, suis vtilitatibus anteferre, seque vincant, & suas iniurias rei publicæ donent. Postremo illud etiam pro magno quodam præsidio ad tuendam charitatem accipiant, ut idem sit omnibus propositum, nempe publicum bonum, & vnius Dei honor, atque obsequium. Nam si quisque quod sibi vtile, aut commodum est spectabit, omnes quidem ad se se rem trahent, ex quo necesse est nasci magnas varietates, voluntatum, & opinionum dissimilitudines, quæ cum aliquandiu, fronte, & vultu occultatæ fuerint, tandem necesse est, ut prodeant, atque erumpant, & offensiones grauiores pariunt, quæ in dies nouis occasionibus recrudescant. Contra verò si omnes suis commodis ut debent, posthabitis, vnum Sanctæ Ecclesiæ commodum cogitabunt, nulla erit dissentienti causa, nulla materia, quoniam omnibus idem erit animus eadem voluntas, Quare huic etiam rei, tam salubri, tamque necessariae vtile est studium illud, de quo supra egimus, ut omnibus cupiditatum radicibus euulsis Cardinalium mens ad solum Dei obsequium dirigatur.

*Quomodo Cardinalis debeat se gerere erga
Summum Pontificem. Cap. XXVII.*



ESTAT ut videamus quales esse, & quid
facere oporteat Cardinales erga Sum-
mum Pontificem: quod melius intelli-
getur, si videamus quam cum illo ha-
beant coniunctionem. Tantam vero

habent, ut vix maior esse possit. Vide-
mus enim in sacris Canonibus eos filios vocari. Nam & si
fideles omnes Pontificis filij dicuntur, quoniam videlicet
eius locum tenet, qui communis est omnium pater, tamen
præcipuo quodam modo id Cardinalibus convenit, & me-
rito, cum præcipua sint pars Ecclesiæ. Quin etiam quod
maximum est, eiusdem Pontificis membra vocantur, vñ-
que cum ipso corpus efficiunt. Sic enim tum alij, tum An-
dreas Barbarius in eo libro, quem inscripsit de præstantia

Cardinalium. Quæ autem maior, arctiorque cogitari po-
test coniunctio? Sunt præterea adiutores Pontificis, quod
à nobis abundè supra est demonstratum, & in quodam Ca-

none ab Innocentio Tertio indicatur, ubi eos vocat suos
coadiutores in executione Sacerdotalis officij. His igitur
positis facile est videre, quid ij debeant vniuersæ Ec-
clesiæ præfidi: suoque ipsorum capiti, ac parenti. Primum

enim ait Hostiensis, obligari eos ut plus quam alij omnes
eum diligant, & obseruent, eique obedientiam præsent,
additq; nisi id faciant grauius peccare quam alios. Quod

autem hic ait de hac præcipua obedientia, idem confir-
mat Iacobarius Cardinalis qui ita eos docet subditos, at-
que ut ipse loquitur, inuisceratos esse Pontifici, ut sine
eius facultate non possint loco se mutare. Immo vero ad-
dit (quod in alijs etiam Scripturis legimus) id veteri

instituto

o felicit.
de penis
in 6.

a. par. q. 11

a. per vene-
rab. & ratio-
nibus qui
filij sunt
leg.

In cap. an-
tiq. de pri-
uileg.

Lib. 1. de
Concil.
num. 176.

instituto obseruari esse; ut Pontificis inuoluntate non discedat
 eis vigente morbo sanguinem, mittere, quod etiam con-
 firmat auctoritate eiusdem Hostiensis alio quodam loco.
 Ex quo vno argumento constare potest quanta esset olim
 & qua semper esse debeat Cardinalium obseruantia, &
 obedientia in Summum Pontificem. Atque hanc quoque
 ob causam, debent eius curiæ perpetuo assistere, neque
 ex ea exire eis licet, nisi facta à Pontifice potestate, idque
 tradit celeberrimus ille inter Doctores, canonistas Ioan-
 nes Andreas. Addit Gondissalvus non debere Pontificem
 concedere, ut abint à curia, nisi ex causa necessaria, &
 ad Ecclesiæ utilitatem pertinentem. Hæc autem ratio est
 auctore Martino Laudensi, cur Cardinales etiam si aliqui
 lus suantur beneficijs, quæ alioquin residere non requi-
 rent, ipsi tamen excusentur, qui, inquit, cum Papæ as-
 sistant, & utilitati us totius Ecclesiæ seruiant, censentur
 etiam seruire singulis Ecclesijs, quoniam Romana Eccle-
 sia omnium mater est, & magistra. Cæterum quàm de-
 inde fideles esse debeant Dei Vicario summoque omniū
 Pastor, & si res ipsa indicat, tamen illud etiam argumen-
 to est, quod vetus erat consuetudo, ut Episcopi cum crea-
 rentur Sacramento fidelitatis adigerentur Pontifici, Car-
 dinales non item, nisi ipsi etiam essent Episcopi, idque
 propter Episcopatum, reddique rationem Gondissalvus,
 quia sunt inquit, ipsius membra, atque ut nemo à se in-
 seipsum promissionem ullam exigit, sic neque Pontifex à
 suis membris. Postea tamen, idque non ita pridem, hoc
 etiam more receptum est, ut ipsi quoque Cardinales hanc
 fidelitatem interposito Sacramento profiteantur. Quod
 iam in usu esse videmus. Ex quo intelligi potest quantum
 etiam hæc adaucta sit obligatio, duplicatio iam vinculo ex
 promissione iurata. Quamobrem bene etiam de hoc ipso
 Hieronymus Manfredus. Debent, inquit, quàm coniun-
 ctissimi esse cum Summo Pontifice, eique in omnibus su-
 biecti

In e Eccl
 sia vñtia
 2. de elect.

In eodem
 c. de Card.
 q. 5.

Tract de
 Card. q. 5.

De Eccl
 De Card.
 q. 5. nu. 150.

De Card.
 c. 10.

biecti esse, & parere, ut membra capiti suo, nec proterdē ei contradicere, temeritate, aut superbia, aut studio contradicendi, maiori enim nexu cum illo coniuncti sunt, quàm quilibet alius cuiuscunque generis. Quare debent continuē ei assistere, consiliū dare, opem ferre, affectibus spoliari, veritatem solam prae oculis habere. Igitur si omnia breui colligere volumus duplex esse inueniemus Cardinalis officium aduersus Pontificem, alterum quod in animo consistit, nimirum in amore, in pietate, in reuerentia quadam germana, atque sincera. alterum quod etiā ad facta pertinet, quae in summa illuc omnia spectant, ut Pontificem in tanto onere subleuent. Nam si verum est quod paulo ante attigimus, & alibi vberius confirmauimus. Cardinales esse adiutores Pontificis: quid sequitur, nisi ut omnem eius curam, suam etiā curam esse existiment? Itaq; ut Pontificis, sic etiā ipsorum partes sunt vigilare pro grege Domini, excubare animo prouidere praesentia, ac futura Ecclesiae, vel singularum eius partium incommoda, & plagas, ijsque remedium salubre & aptum excogitare. Sed hoc interest quod haec diiudicare, & exequi ad Pontificem pertinet, cui gubernatio, & potestas commissa est, ipsorum autem est monere, suggerere, referre, quae opportuna videantur, denique ea facere quae S. Bernardus in Epistola quadā ad vniuersum Cardinalium Collegium, monet & vrget, ut faciant aduersus Eugenium. Vestra interest inquit, carissimi, vestris feruentibus studijs, fidelibusque obsequijs sollicitē consouere, quod manibus vestris constat elaboratum. Si qua ergo consolatio in vobis, si qua virtus charitatis in Domino si qua compassionis viscera, assistite, & collaborate illi in opere, ad quod per vos assumptus est à Domino. Quaecumque sunt vera, quaecumque pudica, quaecumque iusta, quaecumque sancta, quaecumque amabilia, quaecumque bona sana, haec ei suggerite, haec suadete, haec agite, &

Deus

Deus pacis erit vobiscum. Sapienter Bernardus duo hæc Cardinales monet, ut Pontifici proponant, tum quæ iusta, & sancta sunt, tum etiam quæ bonæ famæ. Hoc enim est boni Consiliarij officium, idque etiam docet S. Gregorius cum ita ait. Qui assistunt iudicibus, & sinceris erga eos dilectionibus obstringuntur, illa eis suadere debent, atque suggerere, quæ & animam saluent; & opinioni eorum non derogent. Quare utrumque sanè curandum, & studendum Cardinali, sed si aliquid aliquando contingat, in quo alterutrum teneri non possit, illud præferri debet, quod tanto interuallo maius est, ut potius saluti seruiat, quam hominum existimationi. Sed in hac re multi omnino lapsus occurrunt. Sunt enim interdum qui cum Pontificis animum in aliquam partem inclinatum vident, ob metum offensionis non audent loqui quæ sentiunt, potiusque prætextus aliquos inducunt ad eius iudicium approbandum, qua simulatione nihil potest esse deterius. Nam etiam in quouis homine vitiosa esset, multò verò turpior, & iniustior in ijs quos pro suo officio, ac munere veritatē profiteri oportet. Itaque Aluarus quidem tum in alijs ait peccare posse Cardinalem, tum hoc primo loco commemorat. Cum inquit, vel gratia Papæ, vel timore, aut spe alicuius rei consequendæ, non dant ei verā, & libera consilia, sed fraudulenta, & periculosa tum ipsis, tum alijs, & omnino contra conscientiam. Neque hæc tantum Theologorum est sententia, sed etiam Iurisperitorum. Sic enim Manfredus idem, de quo paulo ante. Cardinales, inquit, liberè Pontifici consilium dare debent, cumque admonere de cunctis utilibus, & necessarijs negocijs Sanctæ Ecclesiæ, quantum in ipsis est veritatem inquirendi, iustitiam, æquitatemque continuè præ oculis habentes, amota omni adulatione, tanquam verè cardines Ecclesiæ Deo accepti. Quare si Pontifici applaudunt, non est profecto dignitate, atque officio eorum, & periuri statim

Lib. 4.
epist. 29.

2. de plane-
tu eccles.
c. 16.

Tract. de
Card. c. 2.

De Card.
c. 7.

e. fundamē
ta e. decet
de elect. in
g.

Lib. 4. de
confid

haberi debent, imminoresque eorum, quæ polliciti sunt, cum ad tantam dignitatem eliguntur. Gondissalvus vero, tum hoc idem confirmat, tum etiam addit, ipsam quoque imprudentiam in Cardinali non esse sine culpa, nempe ut in Medico, aut in Iuriconsulto inscitiam eius artis quam proficientur. Eius verba hæc sunt. Debent, inquit cauere, ne malè consulendo Papam errate faciant, quia ita delinquit consulens, ut faciens: idque non solum si scienter, sed etiam si per inscitiam malè consuleret, quia admittendo hoc officium, quod principaliter versatur in consilio dando, videntur profiteri se esse peritos, & sufficientes ad illud. Vnde fit, ut merito eis imputetur, si aliquid postea per imperitiam faciant. Denique hoc etiam eorum officium rectè describitur in sacro quodam Canonē his ipsis verbis. Decet ipsi Romano Pontifici per fratres suos Sacrosanctæ Romanæ Ecclesiæ Cardinales, qui sibi in executione officij Sacerdotalis coadiutores assistunt libera prouenire consilia. Ut fratres ipsos nullus sæculæris potestatis metus exterreat, nullus temporalis fauor absorbeat, nihil eos à veri consilij soliditate remoueat, quia cum per ipsum Romanum Pontificem in quibuscunque negocijs contingeret eorum peti consilia, in consulendo per omnia liberi, in omnibus quæ pro tempore imminet, liberè consulant, & assistant. Hæ sunt igitur partes boni, & veri Cardinalis, his ille officijs inuigilare, his delectari, atque ea, & rei, & honori, & vitæ ipsi præponere debet. Hi etiam sunt optimi colores, quibus S. Bernardus Cardinales describit, cum Eugenium Pont. ita optantem, & ita loquentem inducit. O si viderem in vita mea Ecclesiam Dei talibus innixam columnis. O si Domini mei sponsam cernerem tantę commissam fidei, tantæ creditam puritati. Quid me beatius, quidue securius, cum eiusmodi circa me vitæ meæ, & custodes spectarem, & testes? Quibus omnia mea secreta securè committerem, communicarem

nicarém consilia, quibus me totum refunderem tanquam alteri mihi. Qui si vellem aliquatenus deuiare, non sinerent, frenarent præcipitem; dormitantem excitarent. Quorum me reuerentia, & libertas extollem reprimeret; excedentem corrigeret. Quorum me constantia, & fortitudo nutantem firmaret, erigeret disfidens. Quorum me fides, & sanctitas, ad quæque sancta, ad quæque honesta prouocaret. Hæc S. Bernardus, quæ breuissimè, sed prudentissimè dicta suum cuique Cardinali officium, erga Pontificem ante oculos ponunt, vt non solum ita, cum eo charitate, & familiaritate coniuncti sint, vt arcana quæuis credere eis audeat, sed eam quoque libertatē, ac sinceritatem exerceant, vt si quando velit à recto deflectere non sinant, si quando negligenter, ac remissè se gerat, excitent; si nimia præcipatione feratur, retineant; & in summa in omni re, & omni tempore opportuno bonos se, & ingenuos, ac fideles monitores præstent.

De sententia in Consistorio dicenda.

Cap. XXVIII.



T si ex his quæ dicta sunt de fide, & libertate à Cardinalibus præstanda in priuatis consilijs, satis intelligi potest, eandem etiam præstandam in consilijs publicis, tamen de hoc quoque aliquid separatim dicendum putauimus. Solet enim in hoc etiam esse multò maior difficultas, quoniam cum priuatim agitur cum Pontifice, solus eius respectus impedire potest. cum autem publicè sententia dicenda est, tū hic ipse respectus multo magis valet, tum deinde multorum etiam aliorum ratio haberi solet, vt Principum, vel cæterorum Cardinalium, ne offendantur. Quare

hac etiam ex parte muniendum est Cardinalis pedus. Munitur autem, & quodammodo armatur ijs virtutibus, quas supra descripsimus, & in primis fortitudine, despicientia rerum omnium humanarum, tum Dei amore, & illa recta mente, atque intentione, de cuius necessitate, & splendore multa differvimus. Atque ut hac ascendenda, sic illa fugienda sunt, quæ animum occupare, rectumque iudicium euertere solent, ut timor, odium, cupiditas habendi, & in primis ambitio, quæ planè omnem eripit libertatem. Qui verò nihil cupiat, nihilque aliud velit, nisi Deo placere, & vitam æternam, cuius causa omnes creati sumus, adipisci, ille nullo labore semper constantiâ quam debet in dicendo tuebitur. Sed tamen ut certius, & clarius constet, quid in hoc genere salva conscientia fieri possit, aut non possit, à Cardinali, libet hanc omnem materiam quibusdam quasi pronuntiatis explicare. Primum igitur hoc sit. Cum nullum impendet malum, nec est ratio timendi ullum ab ullo incommodum, tum quidem debet Cardinalis dicere quod sentit, nec aliter ei fas est. Atque hoc constat inter omnes, nec ab ullo in controversiam vocatur. Alterum deinde est paulò durius. Quicquid mali, quicquid incommodi instare videatur, nunquam licet falsum dicere, aut aliter quàm quisque sentiat, hoc est probando quod probandum non paret, aut contra improbando, quod rectum esse iudicet. Atque in hoc quidem ita intelligitur, ut nec aperte, nec tacite liceat, tacite approbatur aliquid assurgendo, aut aliquò reiufmodi signo exhibendo, quod communiter ita accipi solet. Hoc igitur nunquam licet. Tertiò si malum, quod sibi Cardinalis timeat graue sit, malum quod pro veritate facienda Ecclesiæ impendeat, leue, potest Cardinalis ita se gerere, ut neque assentiat, neque dissentiat, nimirum utendo verbis ambiguis, sic tamen ut non intelligatur probare. Hoc enim paulò ante diximus non permittivam.

quam, ut quispiam loquatur, secus ac sentit. Atque hoc, etiam tempore liceret sanè continere se domi, nec in Consistorium venire, aliquo quæsito pretextu. Quartum ac postremum, in quo re cardo consistit, illud est. Cum graue Ecclesiæ damnum immineret, tum verò quodcunque malum subeundum sit, sen per expromenda est sua cuique sententia. Itaque in huiusmodi rebus nullus est dissimulationi locus, non tacendo non dubiè loquendo, non fugiendo Consistorium. Sed clarè, & liberè, cum ea tamen qua decet modestia, ac reuerentia, repugnandum est. Atque huius rei ratio ea est, quoniam hoc differt officium charitatis ab officio iustitiæ, quod illud omitti potest cum proprium damnum timetur, aut nullus fructus speratur, ut in fraterna correctione. Qui verò insuper ex iustitiæ obligatur etiam cum proprio detrimento, etiam nulla spe fructus, tamen debet officio fungi, neque id potest omittere item ut Episcopus in monendis, aut corripiendis subditis. Tale est igitur officium consiliarij, & talis præsertim consiliarij, qualis est Cardinalis, cuius muneri tanta merces, tantum stipendium honoris, diuitiarum, & omnium commoditatum propositum est, cui Ecclesia vniuersa hanc quasi vigiliam imposuit. Verè igitur de hoc ipso Gondissalvus. Quando, inquit, vident aliquid tendere in perniciem Ecclesiæ, vel aliàs esse iniustum, tacere non debent, sed expressè contradicere alioquin peccant. Nam cum ad hoc assumpti sint, ut rectè consulant, tacentes hoc casu censentur approbare, id quod agitur, & error, cui non resistitur, approbatur. Tractat etiam accuratè hanc ipsam quæstionem Hieronymus Albanus, & quidem rationes primum affert in contrariam partem, præsertim cum maior pars contra sensisset, quia frustra iam dissentiat. Itaque valere hic illud dictum frustra niti, & odium quærere dementia magna est. Præterea posse fortasse etiam debere vnumquemque id rectum, ac bonum putare quod placuit.

De Card.

De Card.

9. 10.

In c. 1. de
his quæ fi-
unt à mai-
or. cap.

Exodi. 18.

placuit maiori parti. Superbum enim, & arrogans videri, ut audeat aliquis suum iudicium aliorum tam multorum iudicio præferre. Hæc pro ista parte: ipse tamen alteram confirmat sententiam, non licere Cardinalibus veritatem reticere, ob eandem rationem, quam supra nos quoque attulimus, quia cum sint consiliarij discedunt ab officio, nisi dent fidele consilium. Addit etiam simile quiddam videri in teste, qui quoniam pro officio veritatem indicare debet, haud secus proditor veritatis censeatur, si verum reticeat; ac si falsum enunciet. Affert etiam Abbatis, & Innocentij auctoritatem, qui apertè docent in quovis capitulo, & conuentu quicumque eius pars sit ita obligatum esse, ut cum aliquid proponitur, quod sit contra communem utilitatem liberè loquatur, torisque viribus quantum in eo sit resistat, aliter autem peccare. Ex quo argumentari possumus quantò id magis valeat in hoc Collegio Cardinalium, in quo & maior est dignitas, & maiora tractantur negocia, magisque cum publico bono, damnoue coniuncta. Quare illud hic conueniencie videtur quod in Exodo dicitur. Prouide de omni plebe viros sapientes, & timentes Deum, in quibus sit veritas. Quomodo autem in ijs sit veritas, qui eam opprimi, conculcarique patiuntur? Hæc omnia Albanus, qui contrarijs etiam argumentis ita respondet. Nam quòd obijcitur, frustra dissentiri, cum iam maior pars Cardinalium aliter sensit, potius sperandum esse alios etiam veritate audita suam mutatu- ros sententiam, quoniam ea veritatis vis est, ut denique omnia vincat. Quod autem additur de deponenda propria sententia cum plures aliter sentiunt, verum est, posteaquam quid tu sentias, & quare ita sentias exposueris. Nam si his auditis, nihilominus plures in contraria parte fuerint, tum vero decet ita existimare, potius decipi paucos, quam multos. Sed sunt alij, qui ad tegendum timorem vel cupiditatem suam, illam afferant rationem, sepe Pontifices

tifices de eo ipso quod in consultationem adducunt, iam
 constituisse, ac propterea etiam si contradicatur nullum
 omnino fructum sequuturum. Cui nos respondemus,
 quanquam ille effectus, de quo agitur non consequatur,
 alias tamen utilitates esse certas. Primum quia Pontifex
 ipse in similibus rebus consideratior fiet, cum videat non
 deesse, qui audeant pro bono communi, esseque id ma-
 gnum frænum summæ potestatis, cui facillimè obrepit li-
 centia. Deinde alij etiam Cardinales eiusmodi exemplis
 animosiores, fortioresq; fiunt, vt sæpe in pugna qui fugie-
 bant, vnus audacia, ac robore, reuocantur, viresque &
 animum sumunt. Denique si nihil aliud, Cardinalis qui-
 dem, qui hoc facit, officium suum facit: quod si deinde
 alij impediunt, ipse certe culpa vacat, qui sanè est fructus
 conscientia vel maximus. Huc etiam pertinet illa specu-
 latoris parabola, de qua est apud Ezechielem, qui si gla- Ezech. 33
 dium videns venientem non insonuerit buccina: quicquid
 damni sequutum fuerit, de eius manu requiritur. Sin au-
 tem ipse cecinerit buccina, sed quispiam negligentia sua,
 quia se non custodinit, perierit, sanguis eius super ipsius
 caput, Speculator autè innoxius manet. Sic .n. omnino di-
 cere possumus, Cardinales omnes quosdā esse speculatores
 domui Israel daros, idest Sanctæ Ecclesiæ, in cuius arce po-
 siti sunt, vt prouideant, atq; et denuncient quibus oportet.
 atq; in primis ipsi Pontifici, tū bona quæ prodesse, tū mala
 quæ obesse possint communi saluti. Quare si id impigrè ac
 strenuè, nulloq; cuiusquā respectu, fecerint, etiā si ab alijs
 non audiantur, saltem ipsi animam suam liberant. Sin
 vero tacuerint, aut dissimularint, non abibunt impunè,
 quia in eo ipso delinquant, quod maximè ab ipsis exigi-
 tur. Quamobrem recte hic quoque conuenit, quod est à
 Sancto Gregorio dictum, Sæpe rectores improvidi huma- 2. past. c. 4.
 nam amittere gratiam formidantes, loqui liberè recta
 pertimescunt, & iuxta veritatis vocem, nequaquam iam
 gregis

gregis custodiæ pastorum studio, sed mercenariorum vice, deseruiunt, quia veniente lupo fugiunt, dum se sub silentio abscondunt. Hinc namque eos per Prophetam Dominus increphat dicens. Canes muti non valentes latrare. Neque verò ubi de honore Dei agitur propria sunt timenda dispendia, cum ipsum dispendium pro Dei causa magnum sit lucrum, quoniam ut testatus est Saluator, Beati qui propter iustitiam persecutionem patiuntur. Quod etiam monent sacri Canones cum ira hortantur. Nolite timere eos qui occidunt corpus, ne forte timore mortis perterriti liberè non dicatis. Et melius est pro veritate supplicium pati, quàm pro adulatione beneficium adipisci. Ac postremo ad hanc culpam augendam, illud etiam afferendum, quod eodem loco, quem supra attulit tangit Albanus, quicumque Cardinalis recta consilia non dederit Pontifici, præter peccatum quod committit, insuper etiam damnandum esse ad restitutionem omnis damni quod ex eius consilio existat. Et pro hac sententia Innocentium quoque affert. Quare hoc positum, & confirmatum sit, nihil ita decere Cardinalem, aut nihil ita proprium esse eius officio, atque hanc sinceritatem, & fiduciam in sententia dicenda. Hoc probè intellexit, atque etiam exequutus est Cardinalis Contarenus, qui, ut accepimus, magna auctoritate, & libertate in dicendo utebatur: quod cum aliquando fecisset in magna quadam causa, quæ inter duas Principes familias agitabatur, atque ipsum quoque Pontificem valde attingebat, ac deinde gratiæ illi agerentur, respondit, nihil esse opus, quod enim fecisset officij, sui gratia fecisse. Quin etiam cum de quibusdam ad Cardinalatum à Pontifice designatis, ipsæ publicè restitisset, dictumque ei esset, morem hunc esse Cardinalium, ut molestè ferant eum honorem cum pluribus communicari, apertè negavit, id se facere ob hanc causam neque se Cardinalatum ducere maximam omnium quas haberet

Joan 10.

Esaie 56.

Matt. 5.

rr. q. 2. c.

Nolite.

rr. q. 3. c.

Nemo

11.

In c. sicut
dignum de
homicid.

haberet, dignitatum. Verum illud etiam minime præter-
eundum, libertatem hanc, quam à Cardinali exigi dici-
mus, tum multo magis exigi, cum id agitur in quo alteri
fiat iniuria. Tunc enim iustitiæ partes sunt innocentem
tueri, quantum vires sinant, nec deserere æquitatem, aut
pati ut à potentiore opprimatur. Quo in genere laudata
est Nicolai Flisci constantia, qui cum Alexander Sextus à
quo ipse factus erat Cardinalis, immerito Castellanum
Episcopum vellet deponere, ipse semper obstitit, neque
hominis illius iram formidauit, quæ erat omnibus terrori,
& quod mirabilius est id facere non dubitauit, in ipso
primo Consistorio, cui Cardinalis interfuit, scilicet bene-
ficio tam recenti. Quod si in causis singulorum hominū
faciendum est, quanto magis in ijs quæ ad vniuersam Ec-
clesiam pertinent? Iure igitur adhuc viget, vigebitque
memoria. Francisci Piccolominei, qui Pij II. fratris filius
fuit. Hic enim turbulentis illis temporibus eiusdem Ale-
xandri Sexti, incredibilem semper animi magnitudinem,
præ se tulit, cum in alijs multis, tum maxime cum Ponti-
fex Beneuentum Ecclesiæ ditionem Ioanni filio in feudum
dare vellet, cui ille constanter respondit, diuque & palam,
cum eo disputauit, multas afferens, & graues rationes, vi-
cissimque respondens omnibus rationibus, quas Alexan-
der, ut rei cupidus, afferebat. Quod eo laudabilius fuit,
quoniam solus ipse id ausus est, reliquis omnibus vel ti-
more perculsis, vel gratia deuinctis, vel spe obligatis.
Atque ut in hac re dicto, sic alias facto, constantiam ean-
dem tenuit, cum redeunte ex Gallia Iuliano Ruerio Sixtus
Quartus eius patruus iussisset, ut Cardinales omnes hono-
ris causa obuiam illi prodirent, hic enim vnus nihil eius
offensam veritus, domi se continuit, quoniam quantum
id dignitatis Iuliano adderet, tantum detraheret Cardi-
nalem Collegio.

Sed non puto esse quenquam, qui si rem ipsam per se

perpendat, non eam & iustam, & necessario etiam à Cardinali debitam fateatur. Illud impedit, & perturbat, frangitque animum, quod libertas hæc non solum odiosa, sed etiam perniciosa videatur, quia videlicet veritas odium parit, res autem est cum Pontifice, alijsque Principibus, qui multum vel prodesse possunt vel obesse. Hic nimirum est scopulus, hæc, ut dici solet, petra scardali, in quam nō impingere, & quam omnino euadere magnum est negotium. Quare hoc detractō, non est dubium, quin facillimum, atque etiam iucundissimum futurum sit Cardinali constantiam, & grauitatem suam semper conseruare. Quamobrem hoc etiam postremo loco asseramus ad confirmandum cuiusuis Cardinalis animum, quod verè obseruatum est, non modo nihil perdi, sed sæpe etiam magnum lucrum fieri. Perdent fortasse, & merito qui Pontifici, aut alijs Principibus resistunt ob aliorum Principum gratiam, aut studio partium, vel ob aliquam propriam commoditatem. Qui verò amore iustitiæ, aut religionis, bonique communis id facit, si præsertim reliquæ etiam vitæ testimonium consentiat, potius ut dixi, multum acquireret. Tantus est enim integritatis, & innocentiae splendor apud omnes homines, modo ratione præditos, ut in quocunque ea sit, eum amabilem reddat, atque etiam hostem conciliet hosti, non modo Cardinalem Pontifici. Atque hoc etiam eo magis valet cum non quasi repentino aliquo impetu quispiam in hanc veritatis, & libertatis professionem venit, sed potius eam possessionem longo iam usu tenuit, idque iamdudum cepit præ se ferre, eamque voluntatem perpetua constantia roborauit, & semper in proposito susceptoque consilio permansit. Id enim auctoritatem etiam nescio quam asserit, & licentiam dicendi quicquid oporteat, omnium permisso, atque etiam cum approbatione, & laude. De Iacobo Sadoleto hoc traditum est, cum à Paulo Tertio factus est Cardinalis, nihil propius fuisse,

fuisse, quam ut Cardinalatum recusaret, sed amicorum consilio, & hortationibus victum, admisisse tandem, verum hoc illi fixum, ac statutum fuisse, ut nihil aliud unquam propositum haberet, quam Reipublicæ Christianæ commodum, & Dei vnius honorem. Quare ita accepimus eius semper sententias liberrimas fuisse, plenasque dignitatis. Nec tamen id eum minus gratum Pontifici reddidit, sed potius gratiorem, qui cum nouis auxerit honoribus, & nominatim Gallica Legatione. Eadem quoque laus tribuitur Antonio Palaucino Genuensi, quem Innocentius Octauus ad Cardinalatum euexit. Hic enim de Iulio II. non dubitauit dicere, coram multis Cardinalibus arma data esse furioso. Quod Pontifex audiens, & si non nihil commotus est, semper tamen eum in honore habuit, quin etiam Legatum misit ad Ludouicum XI. Regem Galliarum, qui in Italiam peruenerat. Quam etiam libertatem tenuit aduersus Alexandrum Sextum, qui cum eius sententiam rogasset de re, quam apud se iam decreuerat, respondit apertè, non posse se dicere, quoniam non ad liberum consilium, sed ad decretum factum vocatus erat. Fliscus etiam Cardinalis, de quo ante mentionem fecimus, cum se Iulio II. tum in eius electione, tum deinde in ipso Pontificatu, sæpe ut res poscebat, opposuisset, & quidem acerrimè, tamen tantum abest, ut damnū vllum acceperit, ut insuper ab eo ipso ditatus sit redditu septē milliū aureorum, quin etiam tanto in pretio habitus, ut scriptū sit consequutam esse communem hominum opinionem, non posse bonum Cardinalem nō amari à Pontifice etiam non bono. Idem fertur de Ricardo Oliuero, natione Nortmanno, qui iuris ciuilibus scientia insignis fuit, sed multo magis, hac, de qua loquimur, libertate. Quo nomine Pio Secundo carissimus extitit qui eum, quamdiu vixit, plurimi semper fecit, cum etiam ut accepimus, dicere soleret, tales se optare omnes Cardinales. Paulus autem

& facultatum accessionem afferat. Quod si nihil eiusmodi afferat, semper tamen dignitatem, & existimationem, ac gloriam, & certe admirabilitatem quandam inter homines parit, quæ etiam in hoc ipso genere temporalium, præmiorum pluris est, quam illa omnia, quoniam ut ait Ecclesiæ, 94
Sapiens, melius est bonum nomen quam diuitiæ multæ.

*Quod necessarium sit Cardinali ut ex animo
extirpet desiderium Pontificatus.*

Cap. XXIX.



Si recte cogitemus duo sunt quasi scopuli Cardinalium, alter ex immoderato amore propinquorum, de quo supra diximus, alter ex cupiditate Pontificatus. Atque hic quidem fortasse etiam periculosior, quoniam cupiditatem hanc non solum ambitio inflammat, sed etiam ille ipse affectus in propinquos, quorum videlicet causa, ut augeantur, & locupletentur, & ad summos gradus euehantur, illud honoris, & potestatis culmen appeti solet. Cum autem humana natura ad omnem honorem, & excellentiam appetendam, adeo sit procliuvis, quid hic faciet tanta amplitudo, tantus splendor, tanta dignitas, immo ipsum fastigium omnium dignitatum, quæ sunt in hac vita? Magna igitur aduersaria Cardinalibus omnibus proposita, & omnino ad vincendum difficilis, sed quæ necessario vinci debeat. Sciendum enim est, & pro certo habendum in hac ambitione inesse peccatum. Docet hoc disertè S. Antoninus, qui ea p. 3. tit. 21.
culparum genera describens, quibus hic status expositus c. 2.
est, hanc quoque commemorat, querere, inquit, & diuersis vijs curare per se, vel per alios, ut eligatur in Pontificem. Nam si appetere Episcopatum ambitione non caret, quanta erit ambitio, omnium fidelium, totiusque
Eccle-

19. de Ci-
vile. c. 19.

4. in lib. Re-
gum c. 4.

9. Thim. 3.

Ecclesiæ curam affectare? Ita S. Antonius, cui etiam si-
mile est quod generaliter à S. Augustino, dictum est, locus,
inquit superior sine quo Regi populus non potest, etiam
si ita teneatur, atque administretur, ut decet, non tamen
decenter appetitur. Diserte etiam B. Gregorius de Sau-
le domi latente, Quia nunc, inquit, in Sancta Ecclesia qui
se subtrahant tantis honoribus pauci sunt, qui se ingerât,
multi; notare qui se ingerunt debent, quia is qui à Pro-
pheta domi absconditus dicitur, non ad spirituales Ec-
clesiæ dignitatem, sed ad sæcularem Regni gloriam,
quærebatur, non enim in Pontificem hunc quærebant,
sed Regem facere volebant. Videat ergo Sacerdos
qua mente fugiendum sit culmen Sanctæ Ecclesiæ, si
culmen sæculi conscendere tam cautè Reges, fugerunt.
Hæc D. Gregorius. Verum ut subtilius ista enucleemus,
quemadmodum rei gravitas requirit, ita distinguendum
est, ut intelligamus in Pontificatu tria inesse, primum, fi-
nem ipsum, cuius gratia institutus est à Deo, quod est bo-
num Ecclesiæ, salus animarum, fidelium gubernatio, ut
Christi oves pascerentur, ut errores prohiberentur, ut ir-
ruentibus lupis resisteretur. Alterum est altitudo, & emi-
nentia illius gradus, atque illius potestatis in cœlo clauden-
do, & aperiendo, & in Christi persona in terris sustinen-
da. Postremo sunt etiam temporalia commoda, tum ex
honore, & reuerentia hominum, tum ex diuitijs, & opi-
bus. Igitur si primum illud præcisè expectatur, bonum opus
desideratur, ut ait Apostolus. Est enim finis ille per se
quidem res bona, vel potius optima. Sed hoc ipsum mul-
tas habet cautiones, ut rectè desideretur. Requiritur .n.
ut qui id expectit dignus sit, idque ipse cognoscat, non er-
rore, aut ex cœco sui amore, sed vero, certoque iudicio.
Requiritur ut sit evidens Ecclesiæ utilitas, nec alij idonei
huic loco inueniantur. Denique requiritur etiam, ut is
nulla re alia moueatur, nisi magno, & incenso animarum
zelo,

zelo, & studio diuini honoris. Hæc autem omnia tam certa esse oportet, ac manifesta, vt fere sit instar reuelationis cuiusdam, qualis Mosi, vel Hieremiæ, contigit, cum ille ad populum regendum, hic ad docendum vocatus est, vterque recusans, ac renitens. Cum igitur tam multa, & tam grauiâ concurrere necesse sit, quando fieri poterit, vt adsint omnia? Nam hic zelus quem diximus, ex magna charitate prouenit magna charitas sine magna humilitate esse non potest. Atqui verè humilis sit, quomodo tantis se rebus aptum existimabit? quomodo se alijs præferet? potius omnibus subiciet, seque omnium infinitum & minimum, alios sanctiores, prudentiores, aptiores esse planè sibi persuadebit. Et quidem in alijs fortasse minoribus curis, vt vnius ciuitatis, aut populi, interdum continget, vt hoc desiderium esse possit, sine peccato, quoniam vel propter temporalium rerum incommo-
Exodi. 31
Ierem. 1.
ditatem, vel propter hæresum deprauationem, aut similem causam difficile sit idoneum Episcopum inuenire, præsertim cum tam multi in Romana Ecclesia desiderentur Episcopi. At verò in cura vniuersalis Ecclesiæ, cum vnicus tantum Pastor requiratur, cum etiam sit onus tam immensum, cuius superbix ac temeritatis erit, tantum sibi arrogare, vt se huic rei parem, & quidem solum parem inter omnes existimet? Quare nihil est dubitationis, quin ex hoc ipso capite Summum Pontificatum optari non liceat. Minus etiam licet ex duobus alijs capitibus, idque
2.2. q. 102.
2. 9. & q.
135. 2. 1.
docet S. Thomas, non modo de summo hoc gradu, sed de quouis Episcopatu. alterum enim ait, esse superbix & præsumptionis, quæ locum appetit meritis maiorem, alterum autem tum avaritiæ, tum ambitionis, quæ appetit testimonium excellentiæ. Quam in sententiam Sanctus quoque
Mem. 14.
in Euang.
Gregorius eum qui terrenis commodis inhiat, qui honore prælationis gaudet, qui temporalibus lucris pascitur, aut impensa sibi ab hominibus reuerentia latatur, non Pastorem esse ait, sed mercenarium. Quod vero ad desi-
derium

Lib. 7.
Epist. 199.

derium attinet, de hoc quoque idem S. Gregorius in quadam Epistola. Sicut, inquit, is qui inuitatus renuit, quaesitus refugit, sacris est altaribus admouendus, sic qui vltro ambit, vel importunè se ingerit, est procul dubio repellendus. Nam qui sic nititur ad altiora conscendere, quid agit, nisi vt crescendo decreseat, & ascendendo exterius, interius ad profunda decreseat? Quæ cum ita sint, hoc statuendum, & concludendum est omnino appetitum firmum, & deliberatum Pontificatus, ita vt animus assentiat, & adhæreat huic cupiditati, & in ea voluntariè immoretur, non posse vacare peccato. Quod ex eo etiam probari potest, quoniam exponere se periculo peccandi, iam hoc ipsum peccatum est. At hic multa pericula, tum auaritiæ, vbi tanta est opum, ac diuitiarum illecebra, tum superbiæ in tam eminenti dignitate, in tanta omnium veneratione. Nam si Apostolus neophytum, ac recentem in fide, Episcopum fieri prohibet, ne in superbiam, inquit, elatus in iudicium incidat diaboli. Si hoc, inquam timebat simplici Episcopo, & illo tempore timebat, cum Episcopatus nullis adhuc prouentibus instructi essent, & certè nihil haberent præter laborem, & mortis pericula, quid erit timendum Summo Pontifici, in tanta maiestate, in tanta rerum omnium copia? Quàntò huic magis metuendum, ne in iudiciū id est in manus ac potestatem diaboli incidat? Atq; hoc ex parte ipsius hominis. Idè vero, & multo magis ex parte gregis, quem tuendum, & pascendū suscipit Pontifex, & pro quo, vt ait S. Paulus redditurus est rationem. Quæ sane cum per se semper, & in omnibus, grauissima & periculosissima sunt, tum deinde multo grauiora in eo, qui se ingesserit, & obtruserit in hanc curam. Nam qui aliorum iudicio, Deique voluntate coactus, munus suscepisset, multa ei ignoscerentur, quæ alioquin non ignoscuntur, idque etiam testatur S. Chrysostomus, cum ait. Qui nolens, & inuitus compulsus est, habiturus est aliquam excusationem. Huc adde quòd, qui animo cu-

Rom. 3. in
est.

pido

pido ad hoc munus accedit, exponit se euidenti periculo, ne deinde Pontificatum administret, ad suum potius commodum, quam ad commodum ouium. Etenim qualis est ordo in appetitu, talis est etiam in opere. Immò verò si ante adeptum Pontificatum proprii commodi amor adeo rectum ordinem inuerterat, quanto deinde facilius id faciet præsentibus, & vrgentibus tam multis illecebris, quæ etiam sanam mentem corrumpere solent, non modo iam corruptam magis ac magis euertere? Sed sunt interdum aliqui, qui ita seiplos seducunt, & fallunt, vt in hoc appetitu Pontificatus, Dei zelo se moueri putent. Itaque speciosa quædam sibi fingunt, quæ facerent si eo loco essent. Quo enim modo Antistites, quomodo Clerum, Populumque omnem ad officium reuocarent? Quem delectum haberent in conferendis Ecclesiasticis beneficijs, vel honoribus? Quos Episcopos, & quanto consilio, quàm spectatos, quàmque idoneos eligerent? Quomodo Principibus Ecclesiæ iura inuadentibus resisterent? Denique quàm cito omnia quæ iam prostrata iacent, ipsi erigerent, ac restituerent. Hæc apud se speciosis, vt dixi cogitationibus pingunt, eaque inani pictura, & falso prætextu ambitionem alunt suam, Nam si hic verus est zelus, cur non etiam in alijs se rebus ostendit? cur non æque mouetur cum alijs in rebus diuinum honorem violari, animarum salutem impediri videt? Verius igitur superbia est, illo virtutis, & pietatis colore fucata, idque etiam monet S. Gregorius his verbis. Plerumque inquit, ij qui subire, magisterium Pastorale cupiunt, nonnulla quoque opera bona animo proponunt, & quamuis hoc elationis intentione appetunt operaturos se tamen magna pertractant, fitque vt aliud in imis intentio supprimat aliud tractantis animo superficies cogitationis ostendat. Nam sæpe de se mens ipsa mentitur, & fingit, se de bono opere amare quod non amat, de mundi autè gloria non amare quod amat, quæ principari

1 par. past.
c. 9.

551

A a appe-

appetens, fit ad hoc pauida, cum quærit, audax cum peruenierit.

2. p. tit. 3.
c. 5.

3. p. 6. 4.
tit. 19. c. 2.
Sum. c. 23.
n. 15.

In 5. Tho.
vbi supra
lib. 10. de
iust. q. 2.
a. 1.

Cum igitur nihil dubitari debeat quin cupiditas hæc adipiscendi Pontificatus, perversa sit, & peccatum contineat, restat etiam videre, quale peccatum D. Antoninus quidem mortale existimat, nec solum de Summo Pontificatu, sed de quouis honore Ecclesiastico. Mirius Nauarrus, qui in honoris appetitu ordinariè quidem venialem culpam inesse docet, fieri tamen mortalem in eo videlicet qui vel vltimum finem in eo collocet, aut ita appetat, ut etiam pro eo adipiscendo paratus sit mortale aliquod peccatum committere. Nec multum ob hoc discrepant Caietanus, & Sotus, qui ita tradunt. Si bona temporalia, quæ Ecclesiasticæ dignitati sunt adiuncta, ita moueant, ut tamen maneat adhuc finis, qui debet, etiam si ex temporalibus bonis extiterit prima ratio mouendi, peccatum esse veniale, Si vero finis ponatur in temporalibus illis, omnino esse mortale, tum quia peruertitur ordo à Deo institutus, tum etiam propter periculum. Nam & si hæc in scholis vtcunque distinguantur, & secernantur, in ipso tamen usu, & affectu, vix distingui posse, quoniam qui primo à temporali præmio mouetur, ægrè seipsum cognoscere possit, an eo referat etiam ipsam dignitatem, ex quo sequi ut vel in peccato mortali semper versetur, vel certe in proximo periculo. Hæc Doctores illi. Est autem in hac re illud maximè obseruandum, quod attinet ad vltimum finem in Pontificatu constituendum: facilius id sanè, & frequentius euenire, quam quispiam fortasse credat. Nam si aliquem, immo verò si omnes ex his interroges, sine dubio respondebunt, se verè non ponere finem in honore. Et quidem id seriò dicent, quoniam ira putant, atque ira filii animo constituti videntur. Est enim res latens, & obscura, multisque tenebris inuoluta, ut cætera quæ in animo, & quæ præsertim in affectu sita sunt, ut non solù alios, sed

sed etiam ipsos sui iudices, & cognitores decipiant. Rectè enim S. Augustinus sunt istæ, inquit, plangendæ tenebræ, in quibus me later facultas mea, quæ in me est, ut animus meus de viribus suis ipse se interrogans, non facile sibi credendum existimet, quia & quod inest plerumque occultum est, nisi experientiæ manifestetur. Quod cum ita sit, nihil melius, & salubrius, quàm recipere se se quàm longissimè à periculo. Cur enim extremæ fluminis spondæ te committas, cum possis remotiori loco tutus esse? Certè enim ita res habet, ut ipsa magnitudo desiderij, & ardor cum hominem inuasit, & cæperit, deinde captum etiam magis ac magis prouehat, paulatimque ita absorbeat, ut eò omnes curas, & cogitationes, & consilia dirigat, eique cæteri quoque affectus consentiant, ut quos suo desiderio fauere credit, eos amore prosequatur, quos autem resistere, & aliò inclinari, ab ijs non possit non alienus esse. Hęc igitur qui faciat, nimirum magna sunt indicia, quod quamquam ore perneget, re tamen vera ad hanc Pontificatus cupiditatem, & se, & sua omnia referat, & in eo, etiam si fortasse imprudens, & minus aduertens, vltimum finem statuerit. Quæ cum ita sint, tum ex hoc, quod modo diximus, de vltimo fine, tum ex reliquis omnibus, quæ supra diximus concludendum est, desiderium Pontificatus deliberatum non posse vacare peccato mortali, & quando quispiam in eo sit, tamdiu in peccato permanere: quoniam vel desiderium ipsum sua natura viciosum sit, vel certè ita periculosum, ut hoc ipsum obijcere se huic periculo sit peccatum. Si quis autem hoc etiam scire velit, quando eiusmodi cupiditas deliberata intelligatur, tum quidem intelligitur, cum animus non ei repugnat, aut resistit. Sed eam admittit, in ea conquiescit, & cogitando immoratur, sibi in ea placet: vel cum modos ac rationes excogitat consequendi quod cupit, aut cum alijs, qui eiusmodi modos afferant, libenter aures præbentur, atq; con-

sultationes libenter audiuntur . denique in primis cum talis cupiditas ad agendum etiam aliquid exterius impellit, quod iuuare credatur, vel retinet ne quid agatur, quod si fiat videatur posse impedire . Externa enim actio huius generis, non potest nisi ex deliberata voluntate proficisci. Quare cum in hac concupiscentia huius honoris tam cui-dens sit discrimen æternæ mortis restat, vt qui æternum hoc malum euadere cupit, quàm longissimè potest se se ab ea remoueat, nullumque omnino ei aditum apud animum suum relinquat, sed potius eam rationem teneat optimam, ac tutissimam, quam B. Cyprianus de Cornelio Pa-
 Lib 4. ep. 2 pa scribit. Qui, inquit, Episcopatum ipsum, nec postula-
 uit, nec voluit, nec vi, vt cæteri quos arrogantia, & su-
 berbia suæ tumor inflat, inuasit, sed quietus, & modestus,
 & quales esse consueuerunt, qui ad hunc locum diuinitus
 eliguntur, vim passus est, vt Episcopatum coactus exciperet : Hoc igitur omnes Cardinales sibi proponere, hoc
 imitari debent.

Quomodo Cardinales extirpare possint desiderium Pontificatus . Cap. XXX.



V non sufficit suum morbum ægrotis indicasse, quia postquam etiam cognouerint, morbum, adhuc necessaria sunt phar-maca, & medicamenta ad eum depellen-dum, ita in cupiditate Pontificatus ali-quid est sanè atque adeò multum cogno-uisse, quàm magnum sit malum, sed præterea opus est etiam remedijs ad eam extirpandam, & funditus eijciend-
 dam . Est enim humana natura tam imbecilla ad contem-nendum honorem, & contra tam propensa ad consecrand-
 dum, vt multo studio, & labore, multisque adiuuentis
 egeat

egeat ad eius cupiditatem reprimendam, nec ferè possint
 ita radicum eius fibræ euelli, quin aliquid relinquatur.
 adeò sunt altæ stirpes, adeòque fixæ in hominibus. His ve-
 rò remedijs, non id tantum molimur, vt tibi frater persua-
 deamus, quòd modo diximus, nè cupias, ne ambias, aut
 affectes, Pontificatum, sed etiam vt te fugias, atque vt in-
 super si quando forte deferatur, quantum in te est recuses
 atque detrectes. Sic enim contentior eris, atque etiam
 perfectius implebis virtutis officium, ac præsertim Chri-
 stianæ humilitatis; quam si Christiani omnes ex Christi
 præcepto colere debent, multò magis, qui inter Christia-
 nos omni virtute debent eminere. Vnde igitur melius
 exordiemur, quàm ab ea perfectione vitæ, & ab ea morum
 sanctitate, quæ in Pontifice Summo, Dei Vicario, Petri
 successore, omnium magistro & patre requiritur? Etenim
 de omnibus etiam communibus Episcopis ita videmus do-
 cere B. Dionysium, vt dicat esse eos in statu perfectionis
 iam acquisitæ, quoniam perfecti sic alios generare, & alios
 perfectos reddere. Itaq; ob eam causam vocantur à Do-
 mino lux mundi, sal terræ, & à B. Petro forma gregis. At-
 qui id quod est forma, & exemplar, perfectum quiddam
 & absolutum esse oportet. Igitur si in vnius ciuitatis Epi-
 scopo quouis tanta inesse debet religionis, ac pietatis ex-
 cellentia, quid erit in pastore pastorum, & præsulum præ-
 sule? Vt enim in capite insunt sensus omnes, qui inde
 in reliquum corpus redundant, sic Pontifex qui capitis lo-
 cum in Ecclesia tenet, omnem membris Ecclesiæ perfec-
 tionem impertire debet: non potest autem alijs imperti-
 re, si ipse non habeat. Quocirca B. Dionysius eodem lo-
 co, quem modo protulimus, ait, munus Episcopi esse, vt
 etiam Monachum adducat ad perfectionem sanctitatis,
 ex quo sequitur, vt eius item qui Episcopo est superior,
 munus sit, hoc ipsum tum in Episcopo, tum in alijs effice-
 re, ac proinde si rectus ordo seruetur, in ipso etiam tan-
 quam

Ecclesiæ
 Hier. c. 6.

Matth. 5.

1. Petri 5.

1. Petri 5.

q. 101. a. 1.
& 2.

Lib. 4.
confid.

Lib. 1. opi.
39.

quam fonte omnem virtutis abundantiā residere deceat. Itaque Augustinus, Triumphus, in eo libro quem scripsit de potestate Ecclesiæ, inter alia, hoc quoque disertissime disputat, Papam profiteri maiorem perfectionem, quàm ipsos religiosos. immò verò maiorem etiam, quàm Episcopos, quoniam ipse Episcopos perficit, & se obligat ad opus illud quod est summæ perfectionis, quod est, Christi oues pascere, vt Christus ipse Petro mandauit, & pro ijs etiam sanguinem ponere, si opus sit. Melius etiam, & luculentius S. Bernardus ad Eugenium. Te ipsum, inquit, considera, formam iustitiæ, sanctimoniæ speculum, pietatis exemplar, assertorem veritatis, fidei defensorem, Doctorem gentium, Christianorum ducem, amicum sponsi, Cleri ordinatorem, Pastorem plebium, Magistrum insipientium, refugium oppressorum, pauperum aduocatū, spem miserorum, tutorem pupillorum, iudicem vi duarū, oculum cæcorum, linguam mutorum, baculum senum, ultorem scelerum, malorum metum, bonorum gloriam, virgam potentum, malleum tyrannorum, regum patrem, legum moderatorem, canonum dispensatorem, sal terræ, orbis lumen, Sacerdotem Altissimi, Vicarium Christi. Quis non timeat, & tremat hæc audiens, quæ ab hac Sede omnia exiguntur? Quo quidem loco Bernardus, non vitæ tantummodo sanctitatem commemorat, quæ in Pontifice requiritur, sed etiam illa tam varia, & tam grauium munerum, quæ Pontifex huic Dei ouili omnino debet. Hæc autem adeo sunt necessaria, ex altera verò parte ita sunt ardua, & difficilia, vt mirandum sit quemquam esse, qui tantum animi habeat, vt hanc obligationem subire audeat. Non ita B. Gregorius qui cum Dominicus Carchaginensis Episcopus amicè illi gratulatus esset, de Pontificatu, respondet agnoscere se quidem eius integerrimæ charitatis affectum, sed sibi tamen alium longè sensum esse, quoniam ex consideratione eius ordinis, mentem trans-

transuerberaret vis doloris. Graue namque, inquit, est pondus Sacerdotij, prius quippe Sacerdoti necesse est, vtcæteris ad exemplum viuat, ac deinde seruandum, vt mentemper ostensa exempla non eleuet. De prædicationis, semper ministerio cogitet, intensissimo timore, considerans quod recessurus ad percipiendum Regnum Dominus & talenta seruis distribuens, dicat, *Negociamini dum venio.* Quod profecto negotium tunc verè nos agimus, si viuendo, & loquendo proximorum animas lucratur, si infirmos quosque cœlestis Regni gaudia prædicando in *superno amore roboramus, si proteruos, ac tumidos gehennæ supplicia terribiliter insonando flectimus, si nulli contra veritatem parcimus si supernis amicitijs dediti, humanas amicitias non timemus.* Sed ad hoc ego pondus meæ infirmitatis expauesco, & quod accepto Regno pater familias redeat rationem nobiscum positurus aspicio. Sed qua cum mente sustineo, cui de suscepto negotio animarum lucrum, aut nullum, aut penè nullum reporto? Hæc igitur erat quærela, atque hic dolor Gregorij, & metus, qui sanè te frater, Cardinalesque omnes deterrere deberet, ne id cuperent, quod tantum virum, tanta cognitione, & prudentia, addo etiam post ipsam rei experientiam tam egrè, & tam molestè tolerasse videant. Itaque non tam intruendus est externus splendor, & fastus huius dignitatis, quàm perspiciendum quid intrus lateat obligationis, officij, curæ. Quid enim maius, aut magis metuendum, quàm id quod ab Apostolo, de omnibus omnino *Prælati dictum est.* Ipsi peruigilant rationem reddituri pro animabus vestris? Nam cum adeo difficile sit hanc rationem reddere pro sua tantummodo anima, quæ cæcitas est vltro sibi hanc difficultatem augere velle, & quidè non earum tantum animarum quæ in vna ciuitate sint, rationem reddendam suscipere, sed omnium planè, quæ sint in vniuersa Ecclesia? Atq; hoc quidem quid sit, & quantum

Lucæ 19.

Heb. 13.

tum

Rom. 3 in
 22. tum sit indicat S. Chrysostomus, cum de Episcopo ita
 ait, Quanta hoc difficultatis? etiam quod alij peccant illi
 imputatur. Nihil amplius dico si vel vnus tantum dece-
 dat non baptizatus, nonne totam ipsius subuertit salutem?
 Vnius enim animæ perditio tantam habet iacturam, vt nul-
 la ratio possit æstimare. Etenim si vnus animæ salus ran-
 ti est, vt ob hanc filius Dei fieret homo, tantumque pate-
 retur. cogita quantam poenam eius merebitur perditio.
 Neque verò ad defendendum Pontificem valet illa excu-
 satio, hanc curam, & hanc obligationem propriam esse
 Episcoporum, aut Parochorum. Huic enim ipsi respon-
 det eodem loco S. Chrysostomus. Ne mihi, inquit, di-
 xeris, Peccauit Presbyter, aut Diaconus. nam omnium
 horum crimina redundant in caput eorum, qui hos elege-
 runt. Idem igitur licet dicere de Pontifice. Cum enim
 ipse Episcopos eligat, si hi negligentia, vel temeritate
 peccent, ad ipsum quoque pertinet, præsertim cum ipsius
 partes sint non solum eligere, sed etiam postquam elege-
 rit, videre vt omnes in officio sint. Itaque hoc illud est
 quod S. Bernardus denunciât Eugenio. Tu es, inquit,
 Lib. 2. de
 confid. cui clauis tradita, cui oues creditæ sunt. Sunt quidem
 & alij cæli saniores, & gregum pastores. Habent illi tibi
 assignatos greges singuli singulos, tibi vniuersi crediti, vni-
 vnus. Nec modo ouium, sed & pastorum, tu vnus omniū
 pastor. Quod si ita est, quanta erit sarcina, quantum onus,
 totum, vt ita dicam, orbem terrarum humeris sustinere?
 sed blandiuntur præsentia, & aspectus iste in speciem gra-
 tus, illa magnificentia, & illa pompa, ita oculos perstrin-
 git, vt nihil aliud, nisi quod foris apparet, cogitare sinat.
 Verum exercendum est lumen fidei, quod latet in animo,
 idque adhibendum, tum ad interiora penetranda, tum ad
 ea, quæ in altero sæculo futura sunt præuidenda. Hoc
 igitur lumen aperire ostendit, quantum sit animæ pericu-
 lum, & quanta dementia pro tam breui, tamque fallaci bo-
 no

nō æternam salutem periculo obijcere. S. Bernardus de
Eugenio, scribens ad Cardinales, qui eū Pontificem ele- Epist. 236.
gerant, vereri se, ait, ne opprimatur onere insueto, & ni-
mio, quod & gygantinis vel ipsis quoque angelicis hume- Epist. 237.
ris formidabile videretur. Idemque S. Bernardus ad Eu-
genium ipsum, Considero gradum, & casum vereor. Con-
sidero fastigium dignitatis, & intueor faciem abyssi, iacen-
tis deorsum. Attendo celsitudinem honoris, & è vicino
periculum reformido. Altiores locum sortitus es, sed
non tutiorem: sublimiorem, non securiorem. Terribilis
prorsus, terribilis est locus iste, locus, inquam, in quo stas,
Terra sancta est, locus Petri est, locus Principis Apostolo-
rum, ubi steterunt pedes eius. Si forte declinaueris à via
Domini, sepultus est in eodem loco, ut sit tibi contra te,
in testimonium. Atque hæc quidem pericula, quæ S. Ber-
nardus dicit, si ijs etiam imminet, qui legitimè à Deo vo-
cati tanquam Aaron nulla sua ambitione, nulla opera in-
terposita etiam inuiti in hanc Cathedram compulsi sunt;
quid deinde ijs timendum erit, qui arte aliqua blandien-
do, captanda gratia, deferendis obsequijs obrepserunt?
In hos vero cadit illa Domini vox apud Oseam Prophetā. Osea 2.
Ipsi regnauerunt & non ex me, Principes extiterunt, & ego 2. in lib.
ignoravi: Ex se namque (ait S. Gregorius) & non ex ele- Reg. 63.
ctione; summæ ordinationis regnant, qui ad gloriam Ec-
clesiastici culminis non vocantur diuinitus, sed per cupi-
ditatem perducuntur: Quos profecto Dominus, ignorat,
quia eos per internæ æquitatis iudicium reprobat. Tale est
ergo ac si dicat, Et si meus esse videtur honor, quem hæ-
bent, non illum meruerunt obsequio, sed cupiditate ra-
puerunt.

Hactenus quæ dicta sunt, vim ferè habent ex spiritua-
libus rationibus, & omnia ad animam, omnia ad æternam
salutem pertinent, Itaque & si hæc præcipua, & maxima
sunt, tamen dicamus nunc aliquid etiam de præsentibus;

in quibus ipsis si recte attendamus multa sunt, quæ hunc affectum, de quo loquimur, inferere Cardinalibus possint; Nam si quis est qui in hoc tam eminenti loco, omnia prospera, & iucunda, nihil aduersi aut acerbi accidere putat, is vehementer errat. Immo verò quàm multæ in eo molestiæ, quante difficultates, qui æstus animi, quæ perplexitates, qui concursus negotiorum cum Principibus, & Regibus, cum Populis, & Nationibus? Quæ turbæ petentium, & supplicantium, qui doli ingredientiū se, vel alios, quæ machinæ, qui tuniculi, quæ viæ ad voluntatem Pontificis expugnandam per domesticos, & familiares, per amicos potentes, denique per omnes? Nam cum omnis gubernatio per se difficilis, ac laboriosa est, etiam peccatum, non modo hominum, qui ratione & libertate præditi sunt, tum vero difficillima est in tanta hominum perversitate, in tanta proteruita, in tanta ambitione, quæ plena sunt omnia. Vbi enim iam illa fides, illa obedientia, & obseruantia erga Apostolicam Sedem, quæ esse deberet, & quæ olim erat, cum Reges ipsi vt in Anglia, & Hybernia ultro se subditos, & tributarios Romanæ Ecclesiæ faciebant? Nunc contra, quàm multi omnia ex suis politicis vtilitatibus metientes, eatenus Pontificis rationem habent, quatenus id sibi conducit, si non conducatur res suas agunt, nullo eius respectu, nulla obedientia. Et quidem hoc inter Catholicos. Quid deinde hæretici qui iugum abiecerunt, quid schismatici, alijque aperti Ecclesiæ hostes, quorum, iam est tanta multitudo, & verendum ne in dies crescat? D. Gregorius cum Ecclesiæ gubernationem suscepisset, dolebat, & quærebatur, quòd vetustam nauem, & vehementer contractam (sic enim scribit ad Ioannem Episcopum Constantinopolitanum) suscepisset, in quam undique fluctus intrarent, & cuius tabulæ propter quotidianam, & validam tempestatem quassatæ naufragium sonarent. Si igitur iam tum erat tanta in ea regen-

da difficultas, quantum eam creuisse necesse per hos mille iam annos, quibus hæc ipsa tempestas duravit, immò verò multò etiam magis adaucta est, corruptis scilicet hominum moribus, refrigescente charitate, abundante, & crescente in dies malitia? Quid deinde illud quantum est, quod Pontificis vita, & gubernatio, & mores, dicta, facta denique omnia ut sunt oculis hominum exposita, nec possunt occultari, ita sunt etiam exposita iudicijs, & sermonibus, nec potest vllius esse tanta sapientia, aut peritia, quæ omnibus satisfaciat, aut omnibus placeat. Ex quo fit, ut semper querimoniæ, aut etiam obtreptiones, & incommodi sermones audiantur? Quam miseriam rectè exprimit S. Chrysostomus in Episcopo. At in honore habetur, inquit, Quis honor? Pauperes triobolares conuicia in eum in foro iaculantur; Rursus nisi se præbeat omnibus, & ijs, qui viuunt in ocio, & ijs, qui in negotio, mille vndique criminationes. Si vehementius commouetur, crudelis vocatur, si non moueatur, frigidus. Hæc & alia multa, quæ in eandem sententiam commemorat S. Chrysostomus, de quouis Episcopo, multo magis summo huic Episcopo conveniunt, idque præsertim quod addit. Sacerdotis animus nihil differt à nauis, quæ fluctibus iactatur, Vndique præmitur ab amicis, & inimicis, à suis, & alienis. Quòd quidem quis non videat, quàm apertè & apertè congruat Summo Pontifici, qui in conspectu totius orbis terrarum, de quo non vna ciuitas, sed omnes ciuitates, & populi iudicant, à quo omnia petuntur, cui omnes instant: & tamen etiam reliqua omni totius Ecclesiæ curâ præcisa, illa vel sola sufficere possit ad magnam molestiam, quam ait S. Bernardus, instantia quotidiana ab Urbe Roma, à curia, à domestica Ecclesia, qui scilicet familiarius visitant, frequentius pulsant, importunius sollicitant. Vbi est igitur, & quæ est hæc tanta felicitas, quam nimirum stultis, & cæci homines sibi fingunt in Pontificatu? Contra

Hom. 1. in
10.

Lib. 4. de
confid.

verò, qui in eo labores, & dolores, curæ, solitudines, quæ
semper animum exedunt, vitamque insuauem, & acerbam
efficiunt, interdum etiam mortem ipsam afferunt, ut præ-
ter alios fertur de Nicolao Quarto optimo sanè Pontifice
qui cum strenuè pro Ecclesiæ commodis laboraret, ex ani-
mi tædio mortuus scribitur, cum videret res sibi minus ex
sententia succedere.

Sed faciamus nihil esse horum malorum in Pontificatu,
verum omnia quæta, omnia iucunda, magna etiam gau-
dia, ac denique vniuersa bona, quæ in hac vita experi-
optarique possint, Quanto demum tempore durabit hæc
felicitas? Quam multi enim Pontifices, ne annum qui-
dem in hac Sede clauserunt? Nam ut anteriores tacea-
mus, Alexander V. ut accepimus: decem tantum menses
in ea vidit. Lucius Secundus vnum amplius; nouem Be-
nedictus Nonus; pauciores etiam alij, ut Ioannes XX. &
Benedictus XI. vterque octo tantum, septem Stephanus
X. Coelestinus autem II. itemque Innocentius V. non plu-
res quam quinque; denique Gregorius VIII. & Hadria-
nus V. vnum mensem, & paucos præterea dies. Quid illi,
qui ne integrum quidem mensem exegere, ut Stephanus
II. anno DCC LII. qui tribus omnino diebus Pontifex vi-
xit, & Damasus II. qui tribus, & viginti, anno M XLVII.
Celestinus autem Quartus patria Mediolanensis decem
& septem, anno MCC XL I. recentior etiam Pius Tertius
anno MD III. qui viginti & septem. Marcellus vero me-
moriam nostram, vnum & viginti. Denique quid plura qua-
rimus. Ante oculos est Urbanus Septimus, qui hoc ipso
anno tantis hominum gaudijs, tantis gratulationibus ele-
ctus post ipsos duodecim dies rursus ereptus est, cum pa-
ri omnium luctu, & mœnore. Verum dicet aliquis hos
esse casus fortuitos, & extraordinarios. Cui primum re-
spondeo, Quis autem præstare potest, ne tibi hoc idem
extraordinarium eueniat? cum certè quod alteri accidit,

etiam

etiam

tibi

tibi quoq; accidere possit, præsertim cum eiusmodi exempla ita iam sint, ut vidimus, frequentia, ut non multum absint ab ordinarijs, sed tamen videamus spatium illud quod pro ordinario haberi solet, cuiusmodi sit, nimirum incertum dubium, & quod caput est, semper breuissimum, & angustissimum. idque apertum, atque euidens est, cum alios quarto, alios quinto anno mors inuadat, qui verò ad septimum annum prouecti fuerint, eorum verò Pontificatus nimis iam longus videri incipiat, mirumque sit, & rarum, si hic terminus excedatur, cum præsertim ea ætate, pletumque, vel semper potius, quasi de industria eligantur, ut certo sciatur non multum à vitæ calce abesse. Quamobrem videtur hic mihi optime cōuenire optimum dictum Thomæ illius Mori celeberrimi martyris in Anglia, qui cum amplissima Cancellarij dignitate exurus, & in carcerem ob fidei Catholicæ causam coniectus capitalem sententiam in horas expectaret, multi autem ex amicis virilem illum animum inflectere conarētur, in primisque Aloysia vxor multum orare, & precari cōpisset, ne ipsam, ne liberos, ne vitam suam perderet, qua diu adhuc frui posset, quæ fuit ex ea Morus, quamdiu tandem putaret. Cum illa respondisset, totos viginti annos: Vis ergo ait ille ut æternitatem ipsam viginti annis commutem? Nam si annorum viginti millia diceres, aliquid tu quidē diceres, sed tamen quid hoc esset ad totam æternitatem? Idem ergo ut dixi conuenit in hanc Pontificatus cupiditatem, in quo tam breue est gaudium quod percipitur, æternum autem supplicium quod timetur.

Verum hæc quidem mala adhuc absunt à Cardinali sunt enim in Pontificatu ipso. Valent tamen ne desideretur, vel potius ut etiam fugiatur is locus, qui tot spinis laceantibus, & fodicantibus refertus sit. Quare nunc etiā videamus ea mala, quæ iam nunc pariat Cardinalis, qui viuat in hac misera cupiditate. Atque hæc quidem facti-

lius

lius est videre oculis, quam verbis describere, Nam qui mentis cruciatus, qui angores? qui dies, quæ noctes sustinentur cogitando æstuando, pendendo animi expectatione dubia, spe fallaci. quæ autem supplicia, quæ cruces, quoties aliquid interuenit, quo ea spes inturbetur? Sed inter hoc nihil miserius seruitute. Primum enim si qui hac cupiditate tenerentur, ipsius cupiditatis essent serui, ut avarus auaritiæ, & omnino vitiosi omnes eius vitij cui sunt obstricti, quoniam ab eo aguntur, & impelluntur, nec sui compotes sinuntur esse. Itaque hanc primum seruitutem seruirent, certè miseram, & acerbam, sed præterea omnibus etiam qui eam cupiditatem, vel adiuuare vel impedire possunt. Quare quot sunt in primis Cardinales tot hi dominos haberent, omnibus enim se accommodare cogerentur, omnibus præsto esse, si quid peterent. immò etiam si quid innuerent, aut si quid eos cupere suspicarentur: nihil vnquam auderent, quod illis displicere posse, intelligerent, in negocijs suscipiendis, & tractandis, in loquendo, in agendo, in sententia dicenda, omnè cautionem adhiberent, omnemque industriam intenderent, ne vllum lædant, aut offendant. Quæ igitur est seruitus, si hæc non est? Nec solum Cardinales, ut dixi, timerentur, & obseruarentur, sed illi quoque, qui apud eos in gratia esse, & aliquid posse videntur, ne illos à se alienarent, sed conciliarent potius, & conseruarent. Quid deinde externi Principes, & Reges? Quod studium eos demerendi? quæ cura satisfaciendi, si quid intercederet. Quin etiam idem fere studium adhiberetur in eorum Principum ministros, ac famulos per quos videlicet negocia tractantur ut de se ad dominos suos amicè loquerentur. Sic verò fit, ut dominandi libido in seruitutem inducat, & quidem infinitam. Ut igitur in hac seruitute magna est miseria, & magna etiam turpitudine, eaque multa indigne facere cogit, sic contra excusso ambitionis iugo, nihil facilius

tilius erit Cardinali, quàm suam grauitatem, & constantiam, in omnibus suis actionibus, & sententijs retinere. Ita quæ si ipsam quoque dignitatem quærimus, multo maiore consequuntur, qui huius honoris contemptu præ se ferunt, quoniã hoc ipso ostendunt se rebus humanis omnibus esse superiores, in quo est maximus splendor, & maxima dignitas, etiam apud homines. Cardinalis Polus in eo Conclau quod Pauli Tertij obitum consequutum est, in ipso tertio scrutinio, tam prope accessit ad Pontificatum, vt vnum tantummodo suffragium defuerit, nec erat dubium, quin si temporis causa mollius esset, aut aliquibus blandiri voluisset, nullo res negotio confici posset; Sed ille tantum semper tenuit humilitatem, & modestiam, immò verò, vt ego quidem sentio, animi magnitudinem, vt non modo ad nihil eiusmodi se vnquam inclinaret, sed etiam libentissimè passus sit, ac pro sua etiam parte adiuuerit, vt onus illud in alterum transferretur. Sunt sane eiusmodi exempla satis rara, sed quæ sunt, magnopere conferunt, ad infirmiores roborandos, vt notissimum illud Magni Gregorij, qui neq; precibus, neque tam incredibili omnium consensu flecti vnquam potuit donec igneæ columnæ indicio in latebra deprehensus, ipse quoq; illo tam manifesto diuinæ voluntatis iudicio deterrius est, ne Dei volūtati amplius obfisteret; Simillima etiam fuit virtus Victoris Tertij, qui post Gregorij Septimi mortem, omnium voce, & approbatione ad Pontificatum expetitus, semper recusauit, atque hanc ob causam diu distulit ad Urbem accedere. Cum autem post menses aliquot hanc illorum voluntatem deferbuisset existimans accessisset, raptus est repente ab omnibus ordinibus, & in ædem S. Lucie perductus, & veste purpurea ornatus, cum renitenti alba vestis imponi non potuisset. Sed ille post dies quatuor. Tarracinam præfectus, Pontificio ornatu depositus, professus est nolle se Pontificem esse, neque amplius adduci potuit, vt Romam rediret, donec anno pro-

no proximo, qui fuit annus Domini M LXXXVII. in Capuano conuentu, cui ipse quoque vt vnus ex alijs intereat, vrgentibus, & obsecrantibus denuo Episcopis, & Cardinalibus, multisque principibus, & quidem ad eius genua suppliciter prouolutis, vix denique se vinci passus est. Hic est sensus veræ humilitatis dignus omnibus Christianis, eoque magis quò sunt in statu perfectiori, cuiusmodi sunt Cardinales, vt non solum vniuerso terrarum orbi administrando, sed vel vni ciuitati impares se esse cognoscant: quod multi fecerunt, qui etiam mediocres Episcopatus ita constanter recusarunt, vt quiduis perpeti mallerent: quemadmodum Ammonius ille, de quo est in vitis Sanctorum Patrum, ad quem cum totus populus concurrisset, vt cum Episcopum faceret, ita restitit, vt etiam forficibus aurem sibi ipse præciderit, existimans se iam ineptum factum esse Sacerdotio. Sed cum populus nihilominus instaret, iurauit ille se linguam etiam ob cuius facundiam expeteretur, excisurum. Quo illi audito molestiam Sancto viro exhibere destiterunt. De Goare item magno Dei famulo ita scriptum est, cum a Sigiberto rege ad Treuerensem Episcopatum vocaretur, postquam recusando nihil se proficere vidit, triginta dierum inducias postulasse, quos in perpetuis precibus consumens, hoc a Domino impetrauit, vt in sanabili morbo corripere, quo factum est, vt reliquum vite lætulo affixus, peregerit; idque ille pro magno videlicet beneficio accepit. Maius verò est, quod Lamoni contigit, qui Hieropoli electus Episcopus, cum nullius vel precibus vel consilijs cederet, & ad extremum Theophilus etiam Episcopus hortator accessisset, ille ne tanto viro apertè repugnare videretur, diem vnum quasi ad deliberandum sumpsit, quem quidem non deliberando, sed ea molestia apud Deum deprecanda transegit; itaque inuentus est in eodem loco, quo orabat expirasse: Quid de totius Ecclesiæ cura sentiendum est, si tales homines, tam Deo cari, etiam
vnius

huius mediocris ciuitatis curam, tantopere defugerunt?

Sed nihil agimus commemorandis tot malis, quæ huius summæ dignitatis cupiditas Cardinalibus parere potest, nisi etiam alteram huius ambitionis radicem excindamus, sitam in amore propinquorum, quo ad eos locupletandos, nobilitandos, & ad summa quæque euehendos vehentissime homines excitari solent nisi diligentissime caueant.

Quare sic existimo posse Cardinalem ad Pontificatum, expetendum facilius ac vehementius impelli, ut commoderet suis, quàm ut commoderet sibi ipsi. Itaque nihil dubij est, quin ad ambitionem hanc stirpitus euellendam, hoc vel præcipue conferat, si hic affectus extirperetur. Quomodo autem hoc fiat, satis puto à nobis dictum esse alio loco: aut si illa non sufficiunt, ne satis quidem futura arbitror, quæcunque à nobis hoc loco dici possint. Summa tamen hæc sit, magnam esse eius dementiam, ac cœcitatem, qui tanto suo damno alijs vtilitatem comparare velit, & quidem suo spiritali damno, eoquæ æterno vtilitatem alijs emat temporalem, & breuem. Sic enim Andreas Barbatius, sic etiam Archidiaconus, quem ille affert, vterque ijsdem verbis, peccare aiunt mortaliter Pontificem si res Ecclesiasticas donet consanguineis, ut eos diuites faciat plus equo. Quod autem ad dignitates attinet, ne in his quidem ita liber est Pontifex, ut eas suo arbitratu conferat etiam indignis. Nam cum in his duo spectari possint, primum honor ipse, & veneratio, quod quidem est genus quoddam humani boni, quod homines plurimo existimant, deinde Ecclesiæ ministerium, & vtilitas: vtrumque eius modi est, ut nisi dignis committatur, peccatum sit. idque duplex, alterum aduersus proximos aptiores, quibus bonum illud præripitur, alterum aduersus Ecclesiam, cui minus idonei ministri imponuntur, qui nec eam iuuare, aut subleuare possint, & locum occupent, eorum qui possent. Itaque egregiè de hoc ipso B. Hieronymus illud ex sacris litteris profert, quod Moses cum posset utique successores

De Card.
p. 1. q. 3. in
c. nō liceat
2. q. 2.

In c. 1. ad
Tit.

Principatus filios suos facere, & posteris suam velut hæreditariam relinquere dignitatem, non hos tamen elegit, sed Iosuem ex aliena familia, atque etiam ex aliena tribu, ut disceremus has dignitates non sanguini deferendas esse, sed vitæ. At nunc, inquit, cernimus plures hanc rem beneficium facere, ut non quærant eos in Ecclesia erigere columnas, quos plus cognoscant Ecclesiæ prodesse, sed quos vel ipsi amant, vel quorum sunt obsequijs deliniti, vel pro quibus maiorum quispiam rogauerit, & ut deteriora taceam, qui ut Clerici fierent, muneribus impetrarunt. Atque hoc, quod de Iosue electione B. Hieronymus notat, idem etiam ponderauit Origenes. Nulla inquit, hic populi acclamatio, nulla propinquitatis habita. contemplatio est. Et certe quid est aliud Pontificatum dirigere ad familiam ditandam, quàm rem tam sacram, tamque diuinam omnino prophanare, & ad sæcularem usum adhibere, ut fecit Balthassar ille in conuiuio; quod quidem sacrilegium magno luit, statim & Regno exutus, & vita? Quamobrem nihil potest dici melius in hoc genere, quam quod à B. Chrysostomo breuiter dictum est, sed ita luculentè, ut totum hoc argumentum breui compendio complectatur, sic enim ait, sæcularem quidem primatum desiderare, & si ratio non est, vel causa est, quia & si iustum non est, saltem vtile est. Primatum autem Ecclesiasticum concupiscere neque ratio est, neque causa, quia neque iustum est, neque vtile. Quis enim sapiens vltro se subiicere festinat seruituti, labori, dolori, & quod maius est periculo tali, ut det rationem pro omni Ecclesia apud iustū Iudicem, nisi forte, qui nec credit iudicium Dei, nec timet vti, abutens primatu suo Ecclesiastico, ut sæculari, & conuertat eum in sæcularem?

Libet ad extremum hæc omnia claudere memorabili certe exemplo vnius Cardinalis, quod ante oculos fermè constituere possit, ruinas & damna, quæ ex hac foeda, & per-

Rom. 22.
in num.

Daniel. 5.

Imperf. in
Mat. hom.
35.

peruerſa ambitione proueniant, etiam in eos ipſos qui ea tenentur, & interdum in totam Eccleſiam. Sed antequam hoc exemplum quod in Anglia geſtum eſt propono, reuocandus eſt in memoriam ſtrentiſſimus Anglicani Regni ſtatus, qui fuit ante annos ſerè ſexaginta cum pietas, & religio, & omnis virtus adeò ſtarent, in Anglia, vt intelligatur, quas ſtrages, & quantum incendium vna hæc Pontificatus libido excirarit. Fuit igitur vt Sanderus narrat, in illa prouincia Thomas Voſſeus, qui humili, ac potius plebeio loco natus, cum ad Henrici Octauī Sacellum obrepiſſet, deinde etiam regijs eleemoſynis præſectus eſſet, ita Regiſ beneuoſentiam ſibi conciliauit, vt Lincolnienſis primum Episcopuſ, deinde Dunelmienſis, tum etiam Vintonienſis, ſimulque Archiepiscopuſ Eboracenſis, mox totius Regni Cancellariuſ, quæ poſt Regem Princeps dignitas eſt, poſtremò Cardinalis, & in vniuerſo illo Regno Pontificiuſ à latere Legatuſ crearetur. Accedebant deinde complures Abbatie locupletiſſimæ, annuæ penſiones permagnæ, quotidiana munera ingenia. Accedebat gratia duorum ſummorum Principum Caroli V. Imperatoris, & Franciſci Galliarum Regis, qui penè certatim in hoc homine ſibi deuinciendo laborabant, ita vt Caroluſ ſepiſſimè ad eum, & amantiſſimè ſua manu ſcribere, & in extremis literis eiſ ſe filium, & cognatum appellare non grauaretur, Verum, cum inſuper etiam Summi Pontificatus cupiditas eum inuaſiſſet, vt ſe per Caroluſ id minus conſequi poſſe cognouit, totuſ in Franciſcū conuerſuſ, primuſ omnium impium illud, funeſtuſque Angliæ conſiliuſ cepit, vt Henricuſ Regem ad diuortiū cum Catharina Caroli matertera facienduſ impelleret, hoc quidè animo, vt eo ad Gallicas nuptias conuerſo, Regem illuſ ſibi arctiuſ adiungeret. Itaque cum in eo efficiendo ſummam vim, ac contentionem adhibuiſſet, cœlumq; & terram, vt dicitur miſcuiſſet, hoc quidem quod

Lib. 1. de
ſchif. Angl.
glic.

volebat non obtinuit, illud consequutum est, quod volebat, vt Henricus Catharina relicta, alteram sibi foeminam per summum scelus ascisceret, simulque & se, & totum Regnum à fide Catholica, à Romanæ Sedis obseruantia, feiungeret. Nec verò Volsæus tantorum malorum origo, tantum flagitium tulit impunè. Nam paulo post Regis gratia, Cancellariæ munere, altero etiam Episcopatu, & palatio, quod magnificentissimè extruxerat, spoliatus, postremò in magna nobilium Corona comprehendi à satellitum manu iussus, dum in Londinensem arcem trahitur, in ipso itinere, tot miseriarum, totque calamitatum concursu oppressus animam exhalauit. Cuius etiam hoc dictum fertur, cum in eo capiendo clamarent satellites, teneri illum ob læsam Regiam Maiestatem, respondisse ipsum, vtinam non magis Diuinæ Maiestatis læse reus essem. Nunc autem dum Regi nimium seruiro, & Deum offendi, & Regis gratiam perdiidi. Ex hoc igitur tam funesto exemplo, multa ad rem nostram elici possunt documenta, primum quot malorum causa esse soleat cupiditas Pontificatus, cum huic vni illius tantæ Insulæ perditio accepta referri debeat: deinde quibus supplicijs etiam in hac vita plecti à Deo soleat, hæc summæ sedis ambitio. Postremò vt ista cupiditas à leuibus initijs in maiores errores, deinde quibusdam quasi gradibus in maxima scelera præcipitet. Vt enim, qui in mari nauigant, inrer dum ventis, & fluctibus paulatim in altum etiam nolētes abripiuntur, sic qui huic desiderio velificari cœperint, à modico affectu ad ardentiorē affectum, à minoribus culpis ad culpas grauiores prouehuntur, inrer dum imprudentes, interdum etiam scientes, Sed nimirum non possunt obsistere, neque seipsos cum in cursu fuerint cohibere. Quare faciendā est initio medicina, omnisque aditus his cupiditatibus obstruendus, quas ita extirpare oportet, vt quatenus fieri possit, cum Dei ope radicitus extrahantur.

Quid

*Quid spectare debeat Cardinalis in eligendo
Summo Pontifice. Cap. XXXI.*



RELIOVVM est ex omnibus Cardina-
lium officijs id, quod vt splendore maxi-
mum, sic rei momento difficillimum, &
verò etiam periculo grauissimum est, ni-
mirum suffragium ferre in summo totius
Ecclesiæ Pontifice creando. Cùm igitur
tantum, tamque arduum sit negotium, merito non
oscitanter, aut remissè peragendum est, sed si quid est in
hac vita, quòd attentionem, curam, meditationem, om-
nemque animi prouisionem requirat, hoc profectò requi-
rit. Ita enim S. Gregorius illud interpretatur quod scri-
ptum est in libro Regum de Samuele, qui & si ià antea Sau-
lem à Deo electum norat, eumque ipse inunxerat, tamen,
cùm ad eum Regem renuntiandum ventum est, tanta usus
est inquisitione, vt populum omnem per tribus, & familias
stare iusserit. deinde sortes miserit, postremò latentem do-
mi repererit; Quid ergo, inquit, hoc facto signatur, nisi
quia Sanctæ Ecclesiæ Principes multa consideratione eli-
gendi sunt? Egregiè etiam Origenes; quod Dominus in
Leuitico iussit, vt in Pontifice constituendo congregare-
tur omnis populi cœtus, ita interpretatur, vt sciant om-
nes, inquit, & certi sint, quia qui præstantior est ex omni
populo, qui doctior, qui sanctior, qui in omni virtute emi-
nentior ille eligitur ad Pontificatum. Hoc est autè, quod
& Apostolus præcipit, in ordinatione Episcopi, dicens,
Oportet autem illum, & testimonium habere bonum ab ijs
qui foris sunt. Addit etiam alteram interpretationem
non minus aptam huic loco, quòd nimirum conuocare po-
pulum, hoc sit colligere omnes animi virtutes, easque in-

vnũ

4. in lib.
Reg c. 4.

Hom 6. in
c. 8. Leuit.

1. Thim. 3.

vnum congregare, vt cum de Pontifice instituendo agitur, vigilant omnes animi virtutes; & intentæ sint, vt nihil in eis sapientiæ, nihil scientiæ, nihil defit industriæ, sed adsit omnis multitudo sensuum, adsit omnis congregatio sanctorum cogitationum, vt quid sit Pontifex, quid vñctio, quid indumenta eius, conferens intra sacrarium cordis sui possit aduertere. Quæ cum ita sint, hoc primum apud se decernere debent Cardinales omnes, vt in tanta re, quanta est cum eligere, qui omnium fidelium caput in terris futurus sit, qui totam Ecclesiam sit administraturus, omnem diligentiam, omnes ingenij prudentiæ, iudicijque nervos intendant, vt eum eligunt, qui tanto oneri, tantæque prouinciæ par sit: Quid enim monstruosius, quàm id, quod

Epist. 148. ait S. Augustinus, vt præcipuus locus gubernaculorum ei tradatur, qui remum tenere non nouit? Sed hoc quidem monstrum in nulla alia re accidere videmus. Nam vt in eodem simili maneamus. Si nauigandum sit, gubernandæ nauis munus, non ex gratia, aut ex beneuolentia committitur, sed queritur idoneus aliquis, nec quisquam est, qui non cupiat habere quàm peritissimum, & quàm possit optimum. Ecclesia verò ipsa quoque quasi nauis quardã est, & quidem onusta mercibus. Quæ vero in ea merces? Animæ innumerabiles per se tam præciosæ, sed preciosiores, ob infinitum pretium, quo emptæ, & ob Dei sanguinem, quo ablutæ sunt. Et quidem hac nauis, ij etiam ipsi vehuntur, qui suffragium ferunt. Quæ ergo maior cœcitas, quàm ei clauum tenendum mandare, qui ineptus, & imperitus sit, tanto periculo tamque certo, tum aliorum omnium, tum etiam suo? Et si enim nauis hæc quantacunque insistent pericula, vel turbinum, vel fluctuum, nunquam obrui, aut mergi potest, quoniam portæ Inferi non præualebunt aduersus eam, potest tamen affligi, & vexari, potest magna, & grauius incommoda pati. Nam vt ouium pastor, siue propter imperitiam, siue propter malitiam,

gregem

gregem non curet, si non ducat ad pascua, si non à feris arceat, totum perdet: sic animarum pastor si non vigilet, ac provideat quacunq; causa id eueniat, aut quia nesciat, aut quia nolit, idem necesse est sequi, vt Ecclesia multas accipiat plagas, quas deinde cum inueteratae fuerint, nullius melioris pastoris industria sanare queat. Hæc autem detrimenta, non ab ipso tantum Pontifice qui peccat lueda sunt, sed ab ijs etiam, qui eum elegerunt, vt à causa remotiore damnorum: præsertim vero si non eam, quam oportebat curam adhibuere, aut si quod grauius est, suum potius in eo eligendo commodum sunt sequuti. Itaque Gondisalvus bonus auctor, & doctus, hoc etiam disertè affirmat, debere Cardinales totis viribus adniti (sic enim ait) ne in eius electione qui supra omnes constituitur, errent; alioquin ipsis imputari quicquid electus male administrando committit, quoniam ipsi sunt in culpa. Verum quod tenebras in hac re offundit, & plerumq; transfuersos agit hominum animos, quædam est species fidei vtilitatis, dum quisque quod sibi aptius esse existimat, vel ad amplitudinem, & honorem, vel ad diuitias augendas, id sectatur; eòque inclinatur. Quæ autem maior peruersitas, quæ rursus deformitas cogitari potest, quàm eiusmodi rem adeò sanctam, temporali sine prophanare, vel etiam rem tam communem, non ex communibus commodis, sed priuatis, & suis metiri? Fingamus enim animo, id quod sæpe euenire solet, vt ciuitas Legationem aliquam decernat ad regem suum de negotio maximo, & in quo ciuitatis eius maxima vtilitas, aut salus ipsa versetur, seligat oratores, eosque ad hoc ipsum ornet honoribus, augeat comitatu, prosequatur amplissimo viatico. Si igitur isti, his omnibus acceptis, cum ad regem venerint, publicæ utilitatis obliti propriam quisque causam tractare cœperit, quis non eos clamet infideles, & communis boni proditores

De Card.
n 30.

res

res esse? Eodem modo Cardinales, qui ex omni hac nostra Christiana republica delecti, tanta dignitate, tantis facultatibus quasi splendido viatico instructi sunt, ut essent Ecclesie instrumenta, tum ad alia negocia, tum ad hoc omnium maximum, si deinde ad priuata emolumenta, & commoda conuertantur, fidem deserunt, produntque publicam causam, & depositum quodammodo fallunt. Quod etiam eo magis apparebit, si huius actionis, quæ est, Pontificem eligere natura consideretur. Nihil enim aliud est, nisi, ut antea attigimus, eligere Christi Vicarium in terris, quem Christus ipse confirmet in coelis, & cui clauis regni cælorum tradat, suam potestatem committat. Ut .n. ad quemuis Principem pertinet, suis urbibus præficere quos velit, & quos maxime idoneos iudicet, ita in hoc Christi regno designatione Pontificis, qui eius partes quasi ipso absente teneat, Christi propria est, eamque exercuit omnium primus in Petro eligendo, cum ei dixit. Tibi dabo clauis regni cælorum, & iterum deinde. Pasce agnos meos. Nunc autem tantam hanc, tamque diuinam potestatem communicat et cum hominibus, id est, cum Cardinalibus, immo totam eis committit, & ratum habet, quicquid ipsi gesserint. Quanta igitur cum fide, quanta etiam cum reuerentia, & timore quodam, quæ pietate, ac religione hoc suffragium tam sanctum, & de re tam sancta ferri oporteret? Qui verò id non faciat, sed rei sanctitatem terrenis respectibus admixtis adulteret, quam is grauitur Deum offendet? Denique conuincamus eos (si qui istiusmodi sunt) ex suo ipsorum sensu. Et enim si domui sui Oeconomum cupiant, eiusque querendi curam alteri committant, qualem eum eligi velint? quam fidelem, quam peritum, & scientem, quam accuratum, denique omnibus artibus ad id negocii idoneum? Quod si is cui hoc mandassent, non ex ipsorum, sed ex suamet utilitate aliquem minus aptum deligeret, quantopere indignarentur?

Matt 16.
Joan. 21.

tur? Et merito. Sed si hæc iusta est causa indignandi in re parua, ac leui, quanto iustius ipsis Deus irascetur, in re tanto maiore, & grauiori? Est enim Ecclesia Dei domus, & Dei familia: quare nihil iniquius, quam huic familiæ aliquem præponere ipsi eius domino ingratum, & odiosum.

His igitur ita positis illud manifestè, & euidenter, sequitur, hanc omnibus Cardinalibus quasi regulam, ac formulam huius electionis, semper ante oculos tenendam, eum eligi oportere Pontificem, qui omnium optimus, & aptissimus ad hoc munus existimetur. Itaque non solum graui se scelere obstringunt, si inepto suffragium suum tribuant, sed etiam si tribuant apto, prætermisso tamen aptiori, oportet enim ut dixi, ut eum eligant, qui præter ceteros maximè aptus videatur. Docet hoc S. Antoninus, p. 3. tit. 27. c. 2. qui hac ipsa quæstione his ipsis verbis posita, an teneantur Cardinales eligere meliorem, in Pontificem, disertè, ac liquidò respondet, teneri, alioquin peccare mortaliter & esse personarum acceptionem. Quod autem à quibusdam dicitur, satis esse si idoneus eligatur, meliori posthabito, ait falsum esse, nec valere in foro conscientiæ. Paulo etiam post grauißimum esse dicit peccatum, si minus idoneus eligatur, vel propter pecuniam, vel etiam aliorum precibus, vel gratia, aut commendatione, vel denique, quia speretur commodus fore, & beneuolus. Hæc omnia S. Antoninus. Hieronymus quoque Manfredus in illo libello de Cardinalibus hoc optimè. Cap. 7. In eligendo nouo Pontifice, quocitius, & sanctius possunt, abhorrentes ab omni munerum corruptela, amore, spe, cupiditate, metu, & omni sollicitudine animi prorsus exuti, magna humilitate ad id munus accedant. Quod si secus fecerint, peccatum æterna dignum pœna admittunt, eiusque pœnam luent corpore, & anima, Atque idem etiam alio loco. Cap. 16. Ad eligendum Petri successorem, Christi Vicarium Cardinales

D d

De Card.
q. 11.

2. 2. q. 181.
2. 5.

Epist. 19.

dinales omnes integritate animi, & optima mente accedere debent, nō autem precibus, aut pretio corrupti, amore, aut odio aliquo: sed tota cogitatione respiciant vtilitatem Ecclesiæ vniuersæ, honorem Dei omnipotentis ante oculos habentes. Si verò secus faciant, quoniam tanta potestate sibi concessa abutuntur, æternos sibi cruciatus in alia vita acquirunt, in hac verò summum dedecus, atque infamiam contrahunt. Idem confirmat Albanus, cum ait Cardinales, vulnerare suas conscientias eligendo idoneum, quando magis idoneum eligere potuissent, & in eam sententiam, duos magnos affert testes Abbatem, & Decium. Idem etiam tradit S. Thomas docens, quicumque potestatem habeat, vel eligendi, vel præsentandi peccare, nisi cum, qui maximè aptus sit, eligat. & quidem addit Caietanus obligari etiam ad contentionem, comparationemque faciendam, vt ex ijs, qui ad manum sint, non modo bonum, sed etiam optimum sumat, alioquin enim esse acceptionem personarum; redditq; S. Thomas rationem, quoniam hæc Ecclesiæ ministeria, non ad hominum remunerationem, sed ad ipsius Ecclesiæ vtilitatem instituta sunt; quare eo omnia esse referenda. Hæc ille de quouis Episcopatu. Quod si in cæteris valet, quantò magis in summo omnium Episcopatu? Quò etiam pertinet illud S. Augustini in S. Iacobi sententiam, qua Apostolus ille personarum acceptionem in stando, vel sedendo condemnat. Si, inquit, hanc distantiam sedendi vel standi ad honores Ecclesiasticos referamus, non est putandum leue esse peccatum in personarum acceptione habere fidem Domini gloriæ. Quis enim ferat eligi diuitem ad Sedem honoris Ecclesiæ, contempto paupere instructiore, & sanctiore? Quod ergo S. Augustinus dicit de diuitijs idem intelligendum est de alijs, cum vel amor ad aliquem indignum inclinat, vel ira, aut odium, ab aliquo digno reuocat, & in summa cum aliquis humanus affectus, qui se inter-

terlerat

terserat mentem à recto detorquet. Atque hoc etiam ipsius rationis lumen, & naturæ iudicium demonstrat. Nam qui alijs ideo præponuntur, ut eos regant, & gubernent, quantum eos gradu antecellunt, tantum etiam antecellere oportet sapientia, & virtute. Itaque in omnibus populis bene constitutis, cum de Rege legendum agitur (nisi per vim, & per seditionem agatur, quod quidem non Regnum est, sed tyrannis) semper is quaeritur, qui excellat: multo autem magis id fieri deberet in populis Christianis. Sic legimus Hierosolyma per sacrum illud insigne bellum recepta, quod fuit anno M I C. cum inter Principes, qui eò multi conuenerant de creando Rege consultaretur, coepisse inquisitionem fieri de singulorum vita, & moribus: quin etiam ut cuiusque merita magis constarent, ferunt iureiurando adactos familiares, & intimos quosque, ut candidè, & simpliciter omnia expromerent. Quia investigatione adhibita, cum omnium vita patuisset, electus est Godefridus ille, cuius vnum hoc crimen compertum est, quod nimis prolixas moras in templis traheret, quæ familiam tedio afficerent, & cibos iam paratos insuauiores redderent. Quid igitur facere oporteret Ecclesiasticos electores Principis Ecclesiastici, si etiam laici homines in laico Principe instituendo hanc regulam tam accuratè tenuerunt? Qua de re superfluum est latius discere, cum habeamus Concil. Trid. apertissimam auctoritatem meliorem eligi iubentis. Igitur cum hoc ita habeat, ut semper optimo cuique & dignissimo suffragium tribuendum sit, duo tamen auctore S. Antonino, obseruanda sunt, quæ rem hanc haud paulò faciliorem reddunt. Primum enim hoc ita intelligendum, si spes sit cum qui melior, aut optimus iudicetur ad Pontificatum peruenire posse. Nam si desperetur, quia maior pars aliò inclinet, in hunc pauci, vel nullus, tum verò licebit alteri, etiam si minus bono, sed tamen bono, suffragari: vel quia aliter

Tyrius de
bello sacro
lib 9.

Scilicet 24. c. 1

etiam res conficietur, vel quia rectum est existimare illos, qui plures sunt melius sentire, ac plus videre; denique ad tollendam dissensionem, & offensionem, quod omninò curandum est, ut quàm maximè concordia teneatur. Si verò spes aliqua affulgar Cardinali, posse se eum, quem aptiorem iudicat suo suffragio iuvare, & promouere, quoniam non desint alij, qui idem sentiant, omnino (ait S. Antoninus) suffragari deteriori, & minus digno non licet.

Alterum deinde est, cum de meliori, siue aptiori loquimur, non eum intelligi, qui sanctior sit, magisque pietati, ac religioni deditus, sed qui melior huic negotio, idest magis idoneus gubernandæ Ecclesiæ. Quare & si non adeo virtutibus perfectus sit, si tamen ijs præsidij ornatus, quæ ad regendum conferunt, hic esset præferendus. Hæc vero præsidia nota sunt, prudentia in primis & solertia, tum deinde peritia, & rerum usus, præterea doctrina, & eruditio, sine qua sine dubio fluctuaret gubernatio in tanta præsertim rerum mole. Quare ex his omnibus ferendum est iudicium, sic tamen, ut non desit ea virtus, probitas, atque integritas, quæ in gregis dominici pastore desideratur. nam sine hac nulla sufficeret sagacitas, vel experientia.

Postremo quoniam in his omnibus estimandis, & dijudicandis errari potest, & sæpe erratur, operæ pretium erit quasi praxim quandam tradere seruandam in eligendo; si prius id dixerimus, quod præter reliquos stimulos ad tuam Frater carissime diligentiam in hoc genere excirandam magnopere conferre posse existimo. Sic enim obseruatum est, qui in hoc tanto negotio suarum potius utilitatum, quàm diuini obsequij rationem habere voluerunt, plerumque ira à Deo, punitos esse, ut à quibus potissimè omnia sperabant, & quibus hac spe immerito suffragari erant, ab ijs non modò nihil præmij referrent, sed malè etiam tractarentur. Iusto vtrique Dei iudicio, ut & ipsi
per

per quę peccarant plecterentur, & alij discerent eorum exemplo, ac tam euidenti, tamque præsenti poenę detererentur. Nam vt nihil de nostra ætate dicam, quod est odiosum, aperte hoc declaratum est Alexandro VI. Pontifice, qui cum quorundam Cardinalium suffragatione, suam magis quàm Ecclesię vtilitatem spectantiũ ad Pontificatum prouectus esset, pro magnis commodis, quę sibi sponponderant, magnas cuncti ab eo calamitates acceperunt. Ita enim memorię proditum est, omnes, qui illi in dignitate adipiscenda fauerant, non multò post alios alią poenā luisse, partim exilio, partim terribissimo carcere, partim etiam capite damnatos: quin etiam multos Romanos proceres, quorum propinqui Cardinales illum extulerant varijs ex causis, vel sublato, vel bonis exutos. Similia autem multa commemorari possent. Verum vt ad praxim illam redeamus, hoc in primis tibi faciendum omnino est vt cum primum Pontificis obitu vacuam Sedem videris, nouumque quærendum Successorem, intelligas magnum tibi instare, negotium graue, ac periculosum, & in quo facile sit labi grauissimè. Itaque iam tum tecum statuas, ac decernas, nihil te agere velle, quod Deum offendat, malleque omnia perdere, ac perpeti. Quare vt salua conscientia, ex hoc quasi euripo euadere possis, tum ipse te Deo precibus commendare, eiusque opem, ac lumen implorare incipias, tum etiam cures vt alij, & preces, & missas pro te, & pro alijs collegis offerant, tribuas largiores elemosynas, denique nihil omittas quod ad diuinam maiestatem conciliandam pertineat. Deinde semper quidem, sed maximè in ipso Conclauis, cum electioni opera datur, hoc studeas, tuisque omnibus viribus coneris, vt te omni tua voluntate, & inclinatione exuas, ne ob alicuius amorem, aut ob priuatum commodum in aliquem propèdeas, aut contra ab aliquo abhorreas. Immo verò si quid eiusmodi in animo tuo inhaesisse senseris, eijcias statim acriter,

ter, & fortiter, quoniam sine dubio rectum iudicium peruerteret. Vt enim cum Solis radius per vitrum permeat, & si per se purissimus, ramen eodem colore affici videtur, quo vitrum ipsum tinctum fuerit, sic cum Dei lux in voluntatem inciderit, aliqua infecta cupiditate, facile fit, vt illa ipsa inclinatio ex Dei luce manare videatur, itaq; homo suum placitum, vt Dei placitum amplectatur, nempe idolum pro vero numine. Cum igitur tuam omnem voluntatem funditus eieceris, tertium est, vt quàm maximum concipias desiderium cognoscendę diuinę voluntatis, vt eam sequaris, & exequaris. Quid enim iustius, quàm in negotio Dei, eum cui suas Deus vices commisit, nihil facere, nisi quod Deus velit? Nam & hoc suffragium Cardinalibus à Deo datum est, & Pontifex, his suffragijs discernendus, Dei domum gubernaturus, Dei causam tractaturus est. Quare ex omni parte nihil peruersius, vt antea diximus, quàm non omnino satisfacere eius voluntati. Itaque huc te semper respicere, & ad hoc omne tuum ingenium, animique vires conuertere oportebit, idque, & mente, & ore, assidue precari, quod Apostolos olim in simili re precatos legimus. Tu Domine qui corda nosti omnium, ostende quem elegeris ex his omnibus, vnum accipere locum ministerij huius, & apostolatus. Recte, **Quem elegeris.** Hęc enim esse debet hominum cura, & labor; vt eum ipsum eligant, quem iam ante mundi constitutionem elegit Deus. Quarto loco hoc etiam scias, ad cognoscendum quisnam ex omnibus maximè Deo placeat, duplicem esse viam, vnam per internum Dei auxilium, qui vel rationem suo lumine illustret, vel voluntatem impellat in eam partem, quam ipse velit, Ad hunc autem interiorem Dei illapsus magnopere confert, tum puritas conscientię, tum feruens desiderium exequendę voluntatis diuinę, tum etiam oratio, & meditatio cœlestium rerum, quę vim hanc habet, vt animam expurger; habi-

A. 1.

habilemque reddat ad recipiendos, & percipiendos diuinos motus. Altera est via conatu, & studio ipsius hominis cogitando, & ratiocinando, & proponendo sibi tres illos, aut quatuor, in quos hæc deliberatio cadere possit (vix enim plures erunt) deinde perpendendis, atque conferendis inter se eorum dotibus, quæ huic muneri aptæ sint. Neque verò excludenda, ac potius exquirenda, sunt aliorum consilia, modo proborum, ac prudentum, rectisque sensibus euntium, & Dei gloriam spectantium. Sæpe enim consultando, & audiendo veritas retegitur. Ex his autem satis intelligi potest, quis locus reliquus esse possit obligatis, & deditiis illis suffragiis, quis gratiæ, aut amicitia, aut precibus, cum nihil aliud eo tempore debeat animo obuersari, quàm Dei honor, & obsequium, tum Ecclesiæ Sanctæ utilitas, & Fidelium salus.

Quid à Cardinali seruandum sit in Legationibus, vel in Gubernationibus sibi commissis.

Cap. XXXII.



VLTIMO loco est etiam aliquid dicendum de alijs quibusdam Cardinalium functionibus, quas ideo in hunc locum reseruauimus, quia nec omnibus communes sunt, & à quibus geruntur, non semper, & tota vita geruntur, sed raro, & ad tempus. Vna igitur ex his functionibus est Legatio, cum à Pontifice ad certum aliquod negociū mittuntur, vel etiam cum alicui Prouinciæ gubernandæ præficiuntur. Nam etsi proprium est Cardinalium Pontifici assistere, cumque præsentis consilio, & opera iuuare, tamen cum ita res, vsusque exigit, alio etiam allegari possunt, idque sæpenumero magnam attulit Ecclesiæ utilitatem. Vt enim inter Angelos alij

Heb. 1.

Esai. 6.

alij sunt administratorij spiritus in salutem hominum missi, ut ait Apostolus, & hi quidem ex minoribus ordinibus, alij vero Deo semper astant, qui sunt summi illi ordines, et præsertim Seraphinorum, tamen ex his etiam summis aliqui nonnūquam ad terras destinantur, ut olim ad Esaiam, quod ipse testatur, ita in hac Ecclesia militante habet Pontifex Maximus inferiores administratos, quos huc illuc, pro Ecclesiæ procuracione dimittat, ut Episcopos aliosque prælatos. Cæterum si negocij ratio id postulat, mittit etiam interdum ex Cardinalibus ipsis, quos supra diximus, Seraphicæ classi respondere. Tunc autem id res postulat, cum eiusmodi causa est, ad quam expediendam, non solum necessaria sit prudentia, & dexteritas, rerumque usus, quæ scilicet in alijs quoque inueniri possunt, sed etiam maior quædam auctoritas, qualis est in Cardinali. Quare oportet semper haud mediocre esse negocium, sed magnum, & arduum, nec priuatum, sed publicum, ac vel ad totam Ecclesiam pertinens, vel certe ad præcipuam eius partem. Atque hoc quidem institutum adhibendi Cardinales ad hæc munera minimè nouum, aut recens est, sed ab eo tempore statim introductum, quo etiam Cardinalibus accedere cœpit maior auctoritas, et maiestas. Itaque Callisto Secundo Pontifice, idest anno circiter M C X X. ingens illa, et fœda contentio inter Imperatores, et Pontifices, quæ quinquaginta propemodum annis totam Ecclesiam continenter turbarat, tandem trium Cardinalium legatorum egregia opera planè sublata est, & quidem cum magna Ecclesiæ dignitate, restituto ei iure conferendi beneficia, quod Imperatores inuaseraut. Hi autem Cardinales lætissimi sane fuere Saxo è Comitibus Presbyter, Lambertus Ostiensis Episcopus, Gregorius Paparescus Diaconus; quorum quidem hi duo posteriores, deinde etiam Pontifices fuerunt, alter Honorius II. alter Innocentius II. eius nominis. Multò verò etiam magis eiusmodi Legationes non multò post

ab

ab Alexandro Tertio frequentari coëptæ, quem legimus iplo Pontificatus initio, Ioannem Anagninum Cardinalem misisse Mediolanum, ut suas partes aduersus Victorem antipapam, & Federicum Imperatorem tueretur: quod ille quidem strenuè præstitit, cum vtrunque publicè è suggestu, & complures Episcopos eorum sectatores à piorum communione semouit. Quin idem etiam anno M C LXXI. cum in Anglia Thomas Cantuariensis impie mactatus esset, duos Cardinales eo legasse scribitur ad Regis causam cognoscendam, an eius cædis conscius fuisset; Eodemque fere tempore ad Conuentum quendam Italicum magni momenti, alterum par Cardinalium destinauit Hildebrandum Crassum, & Alberganum. Itaque ab illo tempore his omnibus sæculis ita Legationes hæc vsitate, & frequentate sunt in Ecclesia, ut nullum ferè maius negocium à Pontificibus aliter sit confectum. Quamobrem Iordanem Nrsinum legimus primum à Ioanne XXII. missum in Hispaniam contra Benedictum Lunam Antipapam. iterum à Martino Tertio, quem vulgo Quintum appellant in Galliam, Vngariam, Bohemiam, postremo ab Eugenio Quarto ad Concilium Basiliense semper cum magno fructu. Dominicum etiam Capranicum, qui ab eodem Martino Cardinalis nominatus, ipso interim mortuo, nihilominus ab Eugenio promotus est, duodecim honestissimas Legationes obijisse accepimus: at Ioannem Caruaiallum, de quo supra mentionem fecimus, duas & vigintri. In quo genere plurimum etiam commendari video Aeneam Syluium Picolomineum, qui postea Pontifex Pius II. dictus est. is enim Pontificum iussu ad plures Germaniæ ciuitates profectus, talem vbique se præstitit, ut ita creditum sit, cum in studio erga Sedem Apostolicam à nemine esse superatum. Quod fere idem de Laurentio Campegio dici potest, qui ex Auditore Rotæ à Leone X. Cardinalis factus, multas ipse quoque Legationes præclare obiit, pri-

E c mum

num in Angliam ad Henricum VIII. adhuc Catholicum
 ut eum in foedus aduersus Turcas adduceret, iterumque
 ad eundem propter diuortij causam, quod ille cum Catha-
 rina optima coniuge agitabat. Deinde in Germaniam
 ad Concilium quoddam indictum, postremo rursus in
 Germaniam cum Lutherana pestis serpere cœpisset. In
 quibus tamen eius Legationibus nulla difficilior, aut im-
 plicatior fuit, quàm illa de regio diuortio quod diximus,
 cum res illi esset cum Rege, cui magnis antea beneficijs
 obstrictus erat, à quo videlicet, & Ecclesiasticos redditus
 haud mediocres, & insigne palatium Romæ acceperat.
 Itaque cum ille deinde, & his meritis, & auctoritate, &
 multò magis importunitate nonnunquam etiam minis, ac
 metu, tam iniustum, impiumq; negocium vrgeret, quan-
 tus ille fuit campus exercendæ eius integritatis, ac forti-
 tudinis, quæ esse debet in Cardinali Legato? Et si ille
 quidem hoc ipsum acrius fortasse potuit. Ita enim visum
 est quibusdam nonnihil cessisse, & aliquid Regis gratiæ de-
 disse. Sed tamen & illud ipsum, quod fecit, & si quid non
 fecit quod facere debuit, satis ostendit quanta res sit Le-
 gatio Cardinalis. Atque idcirco etiam hæc exempla à
 me commemorata sunt, vt intelligeretur, quam ingens
 Ecclesiæ emolumentum, Legatis decus, Legationes rectè
 obitæ afferre soleant: contraque quantum Ecclesiæ dam-
 num, quantum Cardinalibus dedecus, si minus rectè
 obeantur.

Cum igitur hoc ita sit, videndum iam est in eo munere
 gerendo, quæ à Cardinali seruanda sint, quæue fugienda.
 Hæc vero omnia, nec melius, nec apertius, nec grauius tra-
 di possunt, quam à S. Bernardo exposita sunt in libris ad
 Eugenium suum, quem dum edocet, quos Cardinales ad
 hoc munus eligere debeat, ipsos etiam qui eliguntur, do-
 cet quid debeant præstare. Sic igitur ait. Qui Legatio-
 ne pro Christo fungi quoties opus erit, nec iussi renuant,
 nec

nec non iussi affectent. Qui quod verecundè excusant, obstinatius non recusent, Qui missi post aurum non eant, sed Christum sequantur. Qui quæstum Legationem non æstiment, nec requirant datum, sed fructum. Qui Regibus Ioannem exhibeant, Aegiprijs Mosen; Fornicantibus Phinees. Heliam idololatriis, Hælisæum auaris, Petrum mentientibus, Paulum blasphemantibus, negociantibus Christum. Qui vulgus non spernant, sed doceant, diuites non palpent, sed teneant, pauperes non grauent, sed foueant, minas Principum non paucant, sed contemnunt. Qui non cum turba intrent, nec cum ira exeant, qui Ecclesias non spolient, sed emendent. Qui marsupia non exhauriant, sed corda reficiant, & crimina corrigant, famæ prouideant suæ, nec inuideant alienæ. Quorum sermo ædificatio, quorum vita iustitia, quorum præsentia grata, quorum memoria in benedictione. Qui se amabiles præbeant non verbo, sed opere: reuerendos exhibeant, sed actus, non fastus. Qui ad te redeant fatigati quidem, sed non suffarcinati, simul & gloriantes quòd non curiosa, seu pretiosa quæque terrarum attulerint, sed quòd reliquerint, pacem Regnis, legem barbaris, quietem Monasterijs, Ecclesijs ordinem, Clericis disciplinam, Deo populum, acceptabilem, sectatorem bonorum operum. Hæc S. Bernardus præclare, cuius omnia dicta, adhuc duo capita referri possunt, vel suscipiendæ Legationis, vel gerendæ. Nam in suscipienda hoc seruare debent Cardinales, vt nec eam ambiant, aut affectent, propter honorem, nec iniunctam recusent, propter difficultatem aut periculum. Itaque nec se auidos in petendo, nec timidos in detrectando, nec obstinatos in reuultendo, præbere debent, quoniã qui ob suam cupiditatem, vel ambitionem in eiusmodi negotia magna, & ardua, audacter se se ingerunt, quoniam non à Deo vocantur, nihil egregium efficere poterunt, qui verò à Deo vocati, & electi abnuunt, nimirum serui sunt

contumaces, & quod in ipsis est Dei consilium, & ordinem illum diuinę providentię perturbant. Cæterum in administranda deinde Legatione, illę sunt asciscendę virtutes, quas S. Bernardus commemorat; consilium in providendo, constantia in exequendo; humanitas in tenues; fortitudo in Principes, zelus pro domo Dei, sed ante omnia integritas; & continentia, quę confert, non solum ad virę sanctimoniam, sed etiam ad exemplum aliorum, & ad auctoritatem ipsis comparandam, quę omnino necessaria est in talibus negocijs. Itaque optima est illa B. Bernardi vox, ne Legationem existiment quæstum, id est, non eam conuertant in mercaturam, ut ex ea dirari velint; quod periculum ijs potissimum imminet, qui rem habent cum Principibus, qui possunt & solent multa, ac magna offerre, ad quę repudianda insigni opus est virtute, qualis est in paucis. Verum quid ab eo expectari possit, qui mercede, ac præmijs emptus sit? Itaque imitandum est omnibus Cardinalibus exemplum illud, quod in hoc ipso genere narrat idem S. Bernardus, Pontificij Legati in Aquitania, cui cum à quodam Presbytero allatus esset piscis, ille nunquam admittere voluit, nisi pretio reddito. Item inquit, cum essemus in quodam oppido, domina illius oppidi obtulit ei pro devotione cum manutergio duas, vel tres paropsides pulchras, ligneas tamen. Quas aliquandiu intuens homo scrupulosę conscientię, laudauit eas, sed non acquieuit accipere. Quando argentreas accepisset, qui ligneas refutauit? Verum propter hanc integritatē, illud quoque magnę curę esse debet apud Cardinalem, ut eorum inter quos Legationem obit, animos sibi conciliet, quàmque maximē adiungat non modo Principum (hoc enim ita apertum est ut monitione non egeat) sed ipsorum etiam populorum, ut se omnibus gratum, reddat, & carum. Id enim magnum est adiumentum ad res gerendas. Hanc autem in hominum beneuolentiam, multa efficere solent, &

in primis virtutes, omnes quidem, sed præsertim popularis illæ, comitas, mansuetudo, liberalitas: sed sunt præterea etiam artificia quædam colligendæ gratiæ, cuiusmodi est, præ se ferre peculiarem amorem, & charitatem in gentem illam, in qua quisque versatur. Quanquam hanc sanè opinionem, non existimandum est subito acquiri posse, præsertim si quod ante præcesserit alicuius alienationis iudicium. Itaque nunquam satis præcipi potest Cardinalibus id quod supra quodam loco monuimus, ut nulli unquam se Principi, aut parti, quæ in Republica Christiana versetur, nimis addicant, sed Communitatem quandam retineant: seque æquales, & eosdem omnibus seruent, atque id tum verbis, tum verò factis ipsis profiteantur, omnibusque norum, & testatum esse velint. Hoc enim tum ad alia multa, & penè infinita officia quotidiana confert, in quibus alioquin perpetuò necesse erit claudicari, tum deinde ad hoc ipsum, ut omnes apti sint ad omnem Legationem in omnem locum, & ad omnem nationem, nec vllus recusari, vel suspectus haberi possit, sed vnumquemque omnes, ut suum excipiant, & tanquam suo libenter cuncta committant. Atque ad hunc etiam finem popularis benevolentię conciliandæ magnòpere confert, curare, ac deinde etiam opportune ostendere noticiam quandam, eius gentis, cui quisque Legatus est: ut exempli gratia, si in Gallia, quantum proderit cognoscere, & cum vsus incidit posse commemorare eius Regni initia, & progressus, qui Reges extiterint, quo iure successerint, quales etiam viri fuerint qui motus, quæ perturbationes excitatæ sint, & quas ob causam. Quod idem valet apud ceteras nationes, atque in eo, aliqua Legato Cardinali adhibenda est diligentia.

Dicamus nunc etiam breuiter quid seruare debeat Cardinalis, cum ei alicuius prouinciæ, aut loci, administratio committitur, quod ipsum, cum à Pontifice committitur,

genus

genus est cuiusdam Legationis. Interdum enim in hoc quoque genere magno usus est Cardinalium opera, ut cum Eugenius III. Ludovicum Scarampum Marchie Anconitanæ Legatum instituit, quam ille quidem magna ex parte à varijs occupatam armis, & vi recepit. Idemque à Calisto Tertio classi præfectus multa in mari Aegeo adversus Turcas fortiter gessit, multasque ijs clades intulit. Aegidius quoque Carillus ab Innocentio Sexto Auenionæ ad Ecclesiasticam ditionem recuperandam cum Exercitu missus, adeo feliciter id perfecit, ut deinde Pontifici plastrum clauibus onustum ostenderit, quæ erant claves urbium, & oppidorum ab ipso receptorum. Quæ in genere eodem magnam etiam Ecclesiæ operam, ante annos, scilicet CCCXX. nauauit Ioannes Columna optimus, & fortissimus Cardinalis, qui ab Honorio Pontifice, cum ingenti classe in Aegyptum Legatus, Aeliopolim, quam Damiatam vocant, feliciter expugnauit, & post multa strenuè gesta, ad quendam gloriæ cumulum captus etiam est ab hostibus, ex quorum tamen manibus incolumis euasit. Cuius etiam pietatis monumentum extat adhuc ea columella, quæ in S. Prædix visitur, ad quam Dei filius creditur flagellatus, quam ille secum in Urbem, tantquam opima Orientis spolia reuexit. Quare non potest dubitari, quin hoc etiam armatæ, ut sic loquar, Legationis genus si religionis causa postulet, cum laude, & fructu obiri possit. Illud tamen frequentius cum Legatis Provinciæ tempore pacis gubernandæ committuntur. In qua administratione quam diligentiam, quam æqualitatem in omnes, quantam integritatem, iustitiam, continentiam tum pecuniæ, tum aliarum cupiditatum præstare debeant, nihil attinet dicere. Nam cum etiam prophani Magistratus hoc debeant, quanto magis Ecclesiastici? Et, si vel solum Cardinalis officium id exigeret, quid erit adiuncta insuper persona publica, quæ ipsius Pontificis faciem refert?

fert? Tantum hoc dicam non sine causa Legatis solenne esse ut crucem præferant, non solum ad honorem, sed etiam ad documentum; ut meminerint suam potestatem licet temporalis quoque sit, tamen & ex Ecclesiastico principio fluere, & in homine Ecclesiastico consistere, ut proinde Ecclesiastica etiam pietate, & lenitate temperanda, sit. Quare etiam si eiusmodi administratio, haud quam remissa, & segnis esse debeat in tuenda iustitia, in puniendis sceleribus, in comprimendis maleficijs, decet tamen omnem ab ea acerbicatem, atque etiam severitatem remoueri, ac potius ut dixi, inclinari ad pietatem, ut in hoc quoque Cardinales Christum Dominum imitentur, cuius potestate utuntur. Quam etiam ob causam multa sunt in eiusmodi negotio, quæ melius per alios, quam per se ipsos tractabunt, & gerent, cuiusmodi sunt, quæ ad mortem, & sanguinem pertinent. Nihil enim minus conuenit Cardinali, quam esse sanguinarium. Quod idem uideo sentire S. Bernardum, ex illa Saluatoris voce, quam Petro mandauit, ut gladium suum in vagina reponeret. Nam ex eo quod suum gladium ait, ostendit Petrum quoque gladium habere: quod autem recondi iubet, id indicari, gladium hunc non ipsius manu, licet ipsius nutu euaginandum. Vterque ergo, inquit, Ecclesiæ, & spiritualis scilicet gladius, & materialis: sed is quidem pro Ecclesia, ille uero, & ab Ecclesia exercendus est. ille Sacerdotis, is militis manu, sed sanè ad nutum Sacerdotis. Hæc igitur de gubernatione Ecclesiastica quidem, sed à Pontifice imposita. Nam quod aliquando fit, ut Cardinales pro laicis Regibus eorum ditionibus præsent, ut nos etate nostra uidimus Gramuelium Neapoli, Madrucium Mediolani, id adeo ratum est, adeoque non proprium Cardinali, ut de eo nihil propriè præcipiendum putem.

Lib. 4. con
fid.

*De protectionibus, quæ Cardinalibus interdum
committuntur. Cap. XXXIII.*

Hoc eodem genere, quod modo tracta-
uimus, sunt etiam tutelæ, protectiones,
quæ sæpe Cardinalibus mandantur, tum
religiosorum, ordinum, tum piorum quo-
rundam locorum, tum etiam provincia-
rum, atque Regnorum. Nam hæ quoque
si quemadmodum debent, exerceantur, magnam afferunt
fructum; contra verò magnam perturbationem, & detri-
mentum, si perperam administrantur. Etenim ut de reli-
giosis primò familijs loquamur, videmus ipsum B. Fran-
ciscum inter alia capita suæ regulæ, hoc etiam suis man-
dasse, ut semper apud Pontificem curarent aliquem ha-
bere Cardinalem protectorem, & correctorem (sic enim
loquitur) additque causam, ut, inquit, semper subiecti, &
subditi sint Sanctæ Ecclesiæ, firmique & stabiles in Catho-
lica fide. Quod autem hoc loco suis præcepit, ipse antea
fecerat, nam post prima fere ordinis initia, Ugolinum Car-
dinalem Ostiensem postularat, qui postea Gregorius No-
nus Pontifex fuit, eumque ferunt primum existisse huius
familix protectorem, anno circiter MCCXVI. Et tamen
non multis post annis Alexander Quartus nullum eis aliū
protectorem dare voluit, quàm semetipsum. Se enim
eos in suam tutelam, ac patrocinium recipere dixit, nullò
medio, vel interprete: idque non solum dixit, sed etiam
factis ipsis præstitit, cum magna illius ordinis utilitate,
ac solatio. Quare cum deinde anno M c c l xxix. in gene-
rali Cōuentu Assisienti creatus esset Minister generalis no-
mine Bonagratia, eoque tempore Pontificiam Sedem tene-
ret Nicolaus Tertius, vir magnus, & Franciscanæ familix
iam

iam pridem addiſtiſſimus, ad eum adierunt ex hac familia præcipui quique vna cum ipſo Generali, petentes, vt vel ipſe quemadmodum Alexander, eorum protector eſſe vellet, quod quidem ipſis longè gratiſſimum eſſet, vel certe vnum ex Cardinalibus daret. Reſpondit Pontifex velle ſe quidem præcipue eorum protectionem retinere, ſed tamen vt regulæ ita iubenti ſatiſfieret, melius eſſe, vt ſimul etiam Cardinali alicui ea cura committeretur. Itaque explorata eorum Patrum qui aduenerant voluntate, aſſignauit eis Matthæum Rubeum Cardinalem Sanctæ Mariæ in Porticu, conſobrinum ſuum; ad quem conuerſus ita eum alloquutus fertur. Ex omnibus, inquit, beneficijs, ſiue quæ ad honorem, ſiue quæ ad vtilitatem pertineant, atque ex omnibus adiumentis ad promerendam cœleſtem beatitudinem, nihil carius, aut vtilius, vel aptius tibi dare poſſumus, quàm vt te protectorem, & adiutorem inſtituamus huius ſacri ordinis. Quare hoc tibi commendamus vt ſuper alia omnia cordi habeas, eumque paternam, cura quam ſtudioſiſſime tuearis. Hæc his ipſis verbis effatus eſt; idque tanto affectu ſpiritus, comitantibus etiã vbertim lachrymis, vt omnes qui aderant, in eundem ſletum adduceret. Quamobrem cum ſatis bono ſpatio ſilentium tenuiſſet, vt primum affectum cohibere, vocemque laxare potuit, reſumpto ſermone, multa iterum addidit in eandem ſententiam cum diceret, ſe ei ordinem illum in fidem, & quaſi in manum tradere, ſed ita vt ſciret, non indigere eius gubernatione, cùm refertus eſſet viris prudentibus, qui per ſe ſatis eum gubernare poſſent, neque vero indigere eius correptione, cùm adeò vigeret in eo diſciplina, & tanta eſſet Prælatorum vigilantia, vt vix culpæ vlli grauiori locus relinqueretur, aut ſi quando contingeret, ab ijsdem Prælatis ſtrenuè corrigeretur. Quare vnum eſſe reliquum, in quo ea familia ipſius opera indigeret, quia cum pauper, & imbecilla eſſet, & à multis immerito laceſ-

feretur, atque offenderetur, opus eis esse alicuius potentioris præsidio, qui omnem ab eis iniuriam propulsaret, suæque auctoritate, ac patrocinio in omnibus incidentibus casibus eos protegeret. Hæc fuere verba Pontificis illius tum sapientis (sic enim accepimus) tum etiam virtute, & sanctitate excellentis, quæ ideo visum est integra commemorare, quoniam aptissimè totum Protectoris officium, ac munus indicant, quid ad illum pertineat, quid non pertineat. Igitur hoc in primis intelligere debet Cardinalis Protector, qui sui sint limites, ac termini, ne extra eos egrediatur. Sunt autem ij limites, quos modo diximus, ex sententia huius tanti Pontificis, ne se ingerat gubernationi, neue auctoritatem sibi vsurpet, vel instituendi præpositos, & rectores, vel designandi, vel mutandi loco, vel denique aliquid constituendi, siue de singulis, siue de vniuersis. Hæc enim non ad eum pertinent, & si ea inuadat, necesse est magnam sequi perturbationem, & magna detrimenta. Primum enim intelligendum est, Dominum Deum, qui vt ait Apostolus, omnia ordinatè facit, quemadmodum in religiosis, de quibus loquimur, præcipuum quendam ordinem superiorum, qui regant, inferiorum qui regantur, instituit, ita quamdiu hic legitimus ordo teneatur, suam illam suauem prouidentiam in ipsis exequi; sin autem hic ordo interrumpatur, interrumpi etiam coelestem illam communicationem, & influxum, atque ex eo, vt necesse est, multos sequi errores. Hoc autem fit cum ij, qui legitimam non habent potestatem, nec sunt legitimi superiores, & conuenienter electi, aliquam sibi gubernandi partem vendicare aggrediuntur. Quare etiam si nihil aliud esset, hoc vnum, non potest esse non magno perè damnosum. Accedit etiam, quòd Cardinales, vt concedamus probos, & frugi esse, tamen cum religiosam vitam (nisi forte paucissimi) nunquam experti sint, non possunt vilo modo nosse eam artem, quã nunquam tractant,

Rom. 12.

sunt interdum etiam ne rudimenta quidem, aut si fortasse propter iudicij bonitatē aliquid amplius intelligant, certē nemo vnquam erit, qui tam benè intelligat, quā religiosi ipsi Prælati, qui tum sua, tum aliorū diuturna experientia magnum eius vsum, ac peritiam consequuti sunt. Quod si ne generatim quidem tam benè nosse possunt instituta, quantò minus deinde homines ipsos, qua natura, quibus moribus, quibus etiam animi dotibus, quo ingenio, vel qua doctrina præditi sint, quid denique eis, vel profuturum, vel obfuturum sit? Et tamen quis non videt quā necessarium sit hæc omnia haberi quā perspectissima, vt si Cardinalis ad singulorum gubernationem manum ad-mouere voluerit, non possit non impingere ruens videlicet in tenebris? Postremo quanta ea plaga est, si quod necessario sequitur, hæc quasi ianua aperiatur, aut hæc licentia inducatur in religiosos, vt proprio superiore contempto eiusque iussis pro nihilo habitis, putent separatū, habere perfigium ad Protectorem, & ab eo quod volunt, obtinere posse? Audeo dicere hanc verè inter maximas religionis calamitates esse numerandam, quoniam illa in primis ipsa contumacia aduersus suum patrem, quem Dei loco habeat, magnā culpa est, deinde quoniam violatur ille, quem supra dixi, ordo diuinæ prouidentiae, tum etiam aperitur aditus ambitioni, & omni corruptelæ, dum malis artibus per amicos, per aulicos, gratiosos, studet quisque quod cupit impetrare: quæ omnia pestes sunt religionum. quoniam euertunt illam simplicitatem, & obedientiam, quam quisque professus est, cum se totos Deo, per sui superioris, non per Cardinalis vllius manus traderunt. Quare non potest dici, nec credi, quā multa mala ex hac vna re in religiones inuehantur, si Cardinales protectores, protectionis suæ metas transgressi, gubernationem etiam tractare incipiant: tantumque abest, vt protectores futuri sint, idest adiutores, vt nulla re peius

mereri possint de eo ordine, quem tuendum, ac seruandum susceperunt, Ex quo hoc etiam fit, vt non modo ipsi se vltro ingerere non debeant, sed etiam si alij eorum operam postularint, in ijs, quæ non oportet, reijcere omnino debeant, nec admittere quod eorum munus, & officium non admittit. Dicit aliquis. Quid igitur si superiores ipsi in religione malè se gerant, & ab instituto desistant? Respondemus primum non facilè subditis fidem habendam aduersus Prælatos suos. sæpe enim immerito quærantur, atque hoc ipsum quod queruntur, & eos accusant, quos amare, & reuereri debuerant, indicio est, non esse probos religiosos, quod eis iure fidem omnem abrogat, præsertim in propria causa. Nam si communis esset causa, vt de instituto, vel de regulis conseruandis, in quibus nihil loci proprius respectus habere videatur, tum quidem aliquanto plus credi posset. Sed tamen quoquo modo hoc habeat, seruandus est ordo. Sunt enim in religious familijs sui gradus eorum ipsorum, qui regunt, vt qui singulis domibus præsint, subsint ijs, qui prouincias regunt, & rursus ij Præpositis generalibus; atque etiam hi ipsi toti religioni legitimo more congregatæ. Quare si aliquis ex ijs accusetur, eaque accusatio aliquid momenti habere videatur, cur negocium non eius superiori in ipsa religione committatur, qui id melius videre, & decentius diiudicare potest? Quod si alicubi ita religio, & disciplina, langueat, aut prostrata iaceat, vt quod mali est, non satis intus sanari queat, tum sanè quærenda est foris medicina, idque sine dubio ad Protectorem pertinet, sed ita vt tunc quoque nihil ad suum arbitrium, sed ex ipsius ordinis institutis, ac præscriptis omnia moderetur. Immo verò quoniam nullus erit vnquam ordo, tam perditus, & corruptus in quo, vt ait scriptura, in re simili, non sibi Dominus aliquos reliquat, qui genua non curuent ante Baal, hoc faciendum est Protectori, vt ex illis ipsis, optimos quosque,

&

& optime lentientes feligar, quorum opera, & consilio ad reliquos corrigendos, & restituendos vtatur. Sic enim, & remedium adhibet quod debet, idque multo melius, & aptius, quam si per se ipsum: nec quod iura religioni tribuunt ipse conuellit. Ceterum hoc remoto si religio eiusum suum, vel mediocrem in virtute teneat, si superiores, & præpositi à recta via non deflectant, tum vero nulla ratione impedire eos debet, sed potius suam eis seruare auctoritatem, suamque potestatem saluam, atque integram præstare, atque etiam omnem opem, & præsidium ferre. Verum id malum hic esse potest, quod dulcedo quædam imperandi, ita plerosque delectet, vt non contenti Protectorum officio, rectorum etiam partes sibi assumant: velintque statuere, & iubere, ac decernere quæ nihil ad ipsos pertinent: quod vt dixi, ex ea radice venit, quoniam omnibus placet iurisdictionem in alios exercere, placet habere multos, qui ex sua potestate pendeant, & qui ab ipsis beneficia petant, eamque ob causam non satis sibi temperare possunt. Sed hoc si recte cogitemus, ipsis quidem Cardinalibus minimum honoris, vel amplitudinis addit: at vero religiosis maximum affert detrimentum. Quare id omnino vitare debent. Quid verò dicemus de muneribus accipiendis, quod iam adeo inualuit, vt hoc tempore protectionis hæc propemodum inter Ecclesiastica beneficia numerentur, atque ob hæc etiam emolumenta, libentius à multis suscipiantur? At verò quid minus conuenit, quam vt qui ad paupertatem etiam voto suscepto se se adegerunt, eis qui in diuitijs versentur, diuitias addant? Potius contra hi, qui diuites sunt, pauperibus religiosis largiri deberent. Quare hoc omnino conuenit Protectori, vt nihil tum accipiat ipse, tum ne à suis quidem aulicis accipi permittat, (nam huc etiã deuenit hæc corruptela, vt his quoque detur ad aliquid per eos imperandum) nec communiter datum à toto ordine, & multo minus

minus à singulis. Vnde enim his suppeditet quod donentur nisi improbis modis, & præsertim ex proprietate, quæ perniciēs est religiosorum.

Quare hæc summa sit huius officij, quod in protegendis religiosis ordinibus versatur, quod idem etiam valet in protegendis locis pijs, aut alijs hominum coetibus, vel sodalitijs ad pia opera institutis. Etenim qui omnē huiusmodi protectionem susceperunt, ita sibi persuadere debent, se tutelam quandam orphanorum, ac pupillorum gerere, ac pròinde nefas esse, ut eam gerant ad proprium commodum, sed eorum tantum utilitates sibi proponant, quorum se protectores appellant, hoc enim nomen ipsum mōnet. Sibi verò nullam aliam mercedem expetant, præter eam quæ à Deo post mortem, interdum etiam in hac vita recte factis redditur. Quare hoc suum munus esse intelligant, quorum patrocinium susceperunt, eorum salutis, & comodis inuigilare, tueri ab externis inimicis, prohibere ne ijs fiat iniuria, si negotium contingat apud Pontificem, id libenter complecti, & strenuè, ac fideliter exequi, si quid petatur, ab alijs etiam Principibus, quod ijs damnosum sit, nulla ratione cedere, licet aliqua sibi subeunda sit offensio: non autem illorum iactura suis utilitatibus consulere: deinde si quid intus perturbationis nascatur, ei occurrere, si qui insolentius se gerant ad eos comprimendos auctoritatem suam superioribus accommodare, denique nihil omittere, quod eorum rationibus conferre posse videatur, quos semel in suam fidem, & clientelam receperunt.

De protectione vero regnorum, aut prouinciarum, hoc breuissime dicendum, posse, in hoc quoque genere multam operam nauari Deo, & eius Ecclesiæ. Ut enim celestes angeli etiam si omnes ad omnium animarum, & locorum opem parati, tamen sic à Deo distributi sunt, ut ex ijs aliqui peculiarem curam aliquarum regionum, vel

urbium gerant, ex quo illud est in sacra Scriptura, quod ^{Daniel. 10} & Persarum angelus, & angelus Smirnae, vel Laodiceae ap- ^{Apo. 2.} pellatur, sic Cardinales licet totius Ecclesiae bono stu- ^{& 3.} deant, quibusdam tamen eius partes quaedam committun-
tur. Quare ij quidem ita reputare debent, se quasi ange-
los esse earum partium, itaque sese applicare ad ferendam
opem, ut egerint. Aliter enim eget Catholicum regnum,
ut Hispania, aliter totum haeresi infectum, ut Scotia, aut
Anglia, aliter etiam si periculum sit ne inficiatur, ut Gal-
lia. Illud autem commune omnibus, ut praeter vniuersa-
lem hanc curam prouinciarum ipsarum, singulis deinde
etiam hominibus cum in Urbem veniunt negotiorum cau-
sa, libenter & promptè operam impertiant, interdum etiā
eos pecunia cum opus est, subleuent pulchrum enim est,
& gloriosum etiam Protectori, ut quatenus facultas finit
ijs, quos in tutela habet, suas etiam opes, & suam domum,
quasi portum quendam aduenientibus patere velit. Po-
tremo ad hanc quoque protectionem, vel maximè perti-
net, Pontificem adiuvare in deligendis Episcopis, cum in
sua cuiusque prouincia dioecesis aliqua vacat. Ita enim
usu receptum est, ut hae Protectoribus fere cura mande-
tur instituendi processus, id est inquirendi de qualitatibus
eius qui ordinandus est, & ad Pontificem referendi. Quod
quidem si oscitanter, ac negligenter, morisque seruandi,
gratia duntaxat agatur, perinde est, ac si nihil agatur, &
peccatur in re maxima, nimirum ex qua populorum salus
pendeat. Itaque agendum est omnino serio, & verè, in-
daganda vita, scrutandi mores, perpendenda etiam do-
ctrina, & prudentia, & reliquae dotes huic muneri neces-
sariae, & quicquid in vtramque partem comperiat, sin-
cerè Pontifici patefaciendum: atque in hoc quoque gene-
re nullus locus dandus gratiae, nullus amicitiae, aut com-
mendationi. Oportet enim Deo magis placere, quam
hominibus. Extat etiam recentissimum, & certè sapien-
tissimum

tissimum in hoc genere Gregorij XIV. decretum, quo tota ratio huius negocij explicatur. Itaque ea ratio fideliter omnino tenenda est, ac si teneatur, nihil est dubij, quin breui Ecclesia Catholica optimis, aptissimisque Episcopis abundatura sit.

De premio, quod debetur bonis Cardinalibus, & de pena, quamalis. Cap. XXXIV.

SVM iam multa de Cardinalium tum amplitudine, & dignitate, tum etiam officio, & obligatione dicta sunt, extremo loco addendum etiam videtur brevis Epilogus, quod magis quisque ad hoc officium prestandum incitetur. Nam cum in omni viuendi genere virtus, & praesertim perfecta virtus est difficillima, cum praesertim in statu Cardinalis in quem, si verè cogitare volumus, tam multa concurrunt pericula, alia aperta, & manifesta, alia occultiora, & pene lateritia, vnde nulla nauigatio plura habere possit scopulorum, scyrrum, aut turbinum discrimina. Ex quo certè apparet, quanto studio, & quàm praecipua contentione opus sit Cardinali, si saluus esse velit, & felicitatem adipisci æternam, cum in eo statu sit, qui ex vna parte tantam exigit summam cuiusdã virtutis perfectione, ex altera vero tam multa habeat impedimenta non modo huius perfectionis, sed salutis ipsius, contraq; tã magna incitamenta ad superbiam, ad luxuriam, ad ambitionem, & ad alia. nec parua, nec pauca peccata. Quare si quid est, quod inuare possit Cardinalem, vt euadat ex tot laqueis illud est, vt hoc ipsum intelligat, se in medio laqueorum versari. Non sibi fingat vitam quietam, & labore vacuã, quasi a depro Cardinalatu, iam quod volebat assequutus sit, iamque in portu nauiget, sed contra potius persuadeat sibi, quod verum est, nunc sibi multo magis, quam

vnuquam

vnquam antea vigilandum, laborandum, desudandum esse tum propter excellentem virtutem, atque eximia opera, quæ status ille exigit, tum propter hæc quæ dixi pericula. Vt enim qui in terra hostili, aut latronibus infesta, iter facit, si hoc ignorat, facile in eorum manus incidet: si verò id norit, & timeat, cautionem quam oportet, adhibebit, armis se instruet, attendet strenuè, omnia circumspiciet, ex quo fit sæpe vt incolumis euadat; sic Cardinalis cum vndique his periculis cinctus sit, vna ei salus, vna spes, vnum remedium est ex hoc timore, atque ex hac sollicitudine, quam dixi. Sed nescio quomodo dum homo inter alios excellit, ac dominatur, dum colitur, dum timeatur, omnibusque obsequijs honoratur, ita assuescit, vt penè obliuiscatur, se hominem esse, aliumque habere superiorem ac dominum, cui subiectus esse, & cui in omnibus obedire debeat. Quare hoc Cardinali curandum, semperque præsentis Dei timor ante oculos habendus, vt non solum se Deo rationem redditurum sciat, quemadmodum alios homines, sed etiam seueriorem. Habet igitur Cardinalis magnum campum virtutis exercendæ, Dei promerendi, inseruiendi Ecclesiæ, cuius est tam præcipuum instrumentum, propagandi hominum salutem. Habet vberem materiam comparandi sibi in cœlo æternum gloriæ pondus, & breui huius vitæ labore, si eam sobriè, iustè, & castè duxerit, adipiscendi immortalem coronam, præmiū sempiternum. Sed contra habet etiam magnam peccandi illecebram, magnam occasionem labendi, & ruendi in æternum exitium: atque hoc quidem facilius, & proclivius, quò nimirum, & dæmon impellit, & naturæ corruptio incitat, mosque & exemplum hominum instigat, & denique ipsa etiam propria infirmitas prona est. Oportet igitur vt Cardinalis suæ salutis studiosus, & cœlestium, non immemor ita secum decernat, eò magis industria sua conniti; ac diligentius, acrius, feruentius Dei opem qua-

Serm. 46.
antic.

2. Corint.
12.

Matt. 24.

rere, quod plura sibi obstarè, & quasi hostes in se irruere intelligit. Meminerit quod ait S. Bernardus, qui verba illa sponse cum domum hanc Ecclesiæ describens tigna eius cedrina, & laquearia cypressina commemorat, tigna illa Principes Ecclesiasticos interpretatur, quia nimirum parietes, idest populos iustis impositis legibus stringunt, ne omnis structura ædificij corruens dissipetur. Magna dignitas, magnus locus in hac tanta domo: sed hæc tigna ex cedro esse debent, quod vt addit S. Bernardus, lignum est impitribile, & odoriferum, & altæ proceritatis; ex quo intelligitur eiusmodi Principes validos, & constantes esse oportere, præterea longanimes in spe, atque ad superna mentis verticem attollentes, qui etiam bonum fidei suæ, & conuersationis odorem ubiq; spargentes dicere possint cum Apostolo. Christi bonus odor sumus in omni loco. Hoc ergo si fecerint, nihil dubitare debent quin vberimā à Deo mercedem, amplissimamque remunerationem sint relaturi. Sic enim Dominus huiusmodi seruo prudenti, & fideli pollicetur, nimirum fore vt super omnia bona sua constituat eum. Quid est autem super omnia bona constitui, nisi in beatam illam requiem recipi, in qua sunt bona omnia, summaque, & maxima felicitas, & hanc ita possidere, vt super eam constituatur, idest, eius quasi dominus sit, nullo metu eam aliquo tempore perdendi. At contra, qui isto honore, & abundantia, rerumq; copia ad luxum, fastumque abusi fuerint, funestum illius exitum perhorrescere debent, qui cum ipse quoque indueretur purpura, & bysso, & epularetur quotidie splendide, nimirum recepit bona in vita sua, & ab his breuius bonis proiectus est in sempiterna mala, vt qui in tanta, & tam perpetua mensarum, & dapum magnificentia vixerat, ita deinde flammis cruciaretur, vt nec aquæ stilla refrigerari posset. O miseram purpuram, & byssum infelicem. O epulas, & delicias detestabiles, quæ acerbissima, eaque sempiterna suppli-

cia

cia adduxerunt. Væ vobis, inquit Propheta, qui opulenti estis in Sion, optimates capita populorum ingredienti-
 pompatice domum Israel. Qui dormitis in lectis eburneis,
 & laiciuitis in stratis vestris, qui comeditis agnum de gre-
 ge, & vitulos de medio armenti. Bibentes vinum in phia-
 lis, & optimo vnguento delibuti, & nihil patiebantur su-
 per contritione Ioseph. Quibus hæc magis conueniunt
 quàm Ecclesiæ proceribus, qui in Sion opulenti sunt; nec
 sanè omnibus, sed ijs, qui opes, ac redditus, quibus dis-
 fluunt, ad suam pompam, & voluptates conuertunt, nec
 commouentur super contritione, ac detrimentis Ecclesiæ,
 quasi ad ipsos nihil omnino pertineant? Audiant hi quod
 grauissimè, & verissimè scribit B. Cyprianus. Pœnore
 quodam, inquit, nocendi, quanto fuerit amplior summa
 dignitatis, & honorum, tanto maior exigitur, & vlura pœ-
 narum. Audiant etiam quod est apud S. Ambrosium de
 Sacerdotibus. Ut leuius est de plano corruere, sic gra-
 uius est, quod de sublimi ceciderit dignitate, quia ruina
 quæ de alto est, grauiori casu colliditur. Honor quidem
 Episcopalis hominibus præclarus est, sed si ruinam susti-
 nent, dolor magnus est. Magna sublimitas magnam de-
 bet habere cautelam. Honor grandis, grandiori debet
 sollicitudine vallari. Cui plus creditur, plus ab eo exigi-
 tur. In quam sententiam S. Hieronymus quoque de illo
 Hieremiæ Prophetæ dicto. Cleri eorum non proderunt
 eis. Dicitur hoc inquit, & Ecclesiasticis. Quid enim eos
 iuuare poterit Episcopi nomen, & Presbyteri, vel reli-
 quus ordo Ecclesiasticus cum magis grauentur dignitati-
 bus suis, & potentes potenter tormenta patiantur? Atqui
 idem etiam in Ezechielem. Grandis dignitas Sacerdo-
 tum, sed grandis ruina eorum qui peccant. Latemur ad
 ascensum, sed timeamus ad lapsum. Non est tanti gaudij
 excelsa tenuisse, quanti mœroris de sublimioribus corruis-
 se. Merito autem ijs, qui in Ecclesia eminent, & quidem

Amos. 6

Lib. 1. ep. 2

De dignit.
Sacer. c. 3.

In c. 12.
Hier.

In c. 44.
Ezzec.

A. Rom. 8

5. q. 2.

8. mor. 10.

Gca. 24.

adeo eminent, vt Cardinales, si non congruenter viuante huic eminentiæ maiora merentur supplicia. Quid enim sunt aliud quam operarij conducti ad eam vineam colendam, quam Dominus ipse plantauit; & plantatam rigauit sanguine suo: addo etiam conducti non mercede vnius denarij, sed tantâ mercede eius status, in quo sit summus honor, summa dignitas, summa reuerentia, magnæ diuitiæ, & ad extremum optima quæque? Quis igitur ferat eos, quibus tantâ etiam in hac vitâ tribuuntur præmia, nihil deinde agere ad huius sanctæ vineæ vtilitatem, sed otiosos, ac desides, locum inutiliter occupare? Atque hoc quidem satis graue, & lugendum malum. Sed quid erit si non modo nullam vtilitatem, sed etiam damnum afferant, malo exemplo, liberiorisque vitæ licentia? Verissimum enim est, quod ait S. Gregorius non sine causa hoc à scriptura commemorari filios Iob dum in primogeniti fratris domo conuiuantur, perijisse: quia vt minorum licentia per maiorum disciplinam cohibetur, sic cû ipsi quoq; qui pro custodia disciplinæ Prælati sunt, se voluptatibus relaxant, tunc hostis noster tantò vehemētius vires accipit, & tantò magis ad subditos feriendos inuale- scit. Venit etiam in mentem serui eius, quem Abrahamus senex ad vxorem filio suo Isaac deducendam misit, quod ille impigrè, & fideliter exequutus est. Hic igitur si herilis sponsæ nullam in itinere curam habuisset, aut si etiam indignius eam tractasset, si geminis, aut ornamentis sponsaliasset, quam crucem, aut quod supplicium meritis esset, aut quem in eum animum habuisset tum sponsus Isaac, tum Abrahamus sponsi pater? Sic igitur, sic Ecclesia Christi Dei filij sponsa est, & quidem admodum cara, & dilecta, omnes autem Cardinales, qui ad eius obsequium destinantur, serui. Quare cum huic diuinæ sponsæ, non eam præstant fidem, & diligentiam, quam debent, cum nihil aut parum de illius commodis cogitant, toti in sua com-
moda

modò intènti, aut quod longè grauiſſimum eſt, cum ex
eius quaſi ſpolijs ipſi ornare ſe, ac ditare ſtudent, ſine du-
bio cum hæc faciunt, æternum illum, & immortalem, atq;
omnipotentem ſponſum grauiſſimè offendunt. Itaque
aderit breui dies, cum ad eius ſeueriſſimum tribunal ra-
pientur, vbi tanquam ſerui villicationis ſuæ rationem vſ-
que ad nouiſſimum quadrantem reddere cogentur. Hic
vita tota in examen veniet, hic functiones Eccleſiaſticæ,
hic adminiſtratio opum, ac facultatum, & ipſius etiam ho-
noris, ac muneris quod geſſerunt: hic expendetur, an eam
virtutis perfectionem tenuerint, quam intus profitebani-
tur, an ita Dei charitate accenſi fuerint, an ea humilitate,
eaque corporis, & animi puritate, enituerint, quæ conue-
nit Cardinali, quod in eis fuerit orationis, & meditatio-
nis ſtudium, itemque aliarum omnium virtutum, quas in
tali homine non ſolum eſſe, ſed & perfectiſſimas eſſe opor-
tet. Neceſſe enim eſt impleri quod ſcriptum eſt à B. Pe-
tro, vt iudiciũ incipiat, à dñmo Dei. itemque quod à
Domino prædictum eſt per Prophetam ſcrutabor Hieru-
ſalem in lucernis, quo ſignificat ſe minutiffima quæque
exquiſiturum, præſertim in Hieruſalem, idem in ijs homi-
nibus, qui peculiari modo ſunt Deo dicati. Quamobrem
idem quoque præceptum conuenit cuiq; Cardinali, quod
B. Gregorius Principi cuidam virò ſcribit, excellentia in-
quit veſtra à ſuperſuis tumultibus animum auertat, pluſ-
que ea quæ animæ, quam quæ corporis ſunt cogitet; Tran-
ſitoria eſſe omnia perpendat. Venturi Iudicis examen
perendum, cū metu, & lacrymis, quotidie ſine ceſſatione
conſideret, illumque diem, in quo perturbanda ſunt om-
nia, cum timore ad animum reducat, vt iram Iudicis in
ipſo iam die non timeat. Hoc igitur idem, vt dixi, facien-
dum eſt Cardinalibus vt non ad eò animum ſuum occupari
ſinant, fluxa, fugacique huius vitæ felicitate, vt in ſempi-
ternam deinde miſeriam, incidant. Nam vt idem S. Gre-

1. Petri 4.

Sophon. 1.

Lib. 17.
epiſt. 37.

7. in lib Re
Sum c. 3.

gorius alio loco dicit, ijs, qui huius mundi rebus dedit
sunt, modo quidem velut lucidum placet blandimentum
huius sæculi, sed cum de sæculo exeunt perpetuas subibunt
tenebras, quas lucem esse crediderunt. Tunc videbunt
quia lux non fuit quando in aduersitatem prosperitas, lux
in tenebras, risus in mœrorem, dulcedo in vermem, decor
in deformitatem, honor in dedecus, blandimenta in po-
nas, & æterna tormenta conuertentur. Quare optimum
sane, & saluberrimum antidotum esse potest omnibus Car-
dinalibus aduersus venenum illud blandientis sæculi, vt
semper illius horæ meminerint, in qua finem habebit hæc
felicitas, quæ certe felicitatis nomine digna non est; cum
videlicet omnibus opibus, ac palatijs relictis, omni que
illa penè regia gaza, quam per tot annos cumularint, rela-
cto illo longo famulorum comitatu, soli, & nudi, nihil se-
rum deferentes, præter id quod in corpore gesserint, siue
bonum, siue malum, ex hac vita migrabunt, cum miseran-
tes dolore eorum quæ deferunt, tum anxij, & trepidi eo-
rum metu, quæ superuenient. Cogitandum valde est aut
S. Gregorius, quam terribilis erit hora nostræ resolutio-
nis, qui pauor mentis, quanta tunc malorum omnium me-
moria, quæ obliuio transactæ felicitatis, quæ formido, &
consideratio Iudicis. Quid ergo esse nobis de præsentibus
ad delectationem debet, quando cunctis simul transi-
euntibus, non valet transire quod imminet? quando &
hoc funditus finitur quod diligitur, & illud incipit ubi
dolor nunquam finitur? Tunc maligni spiritus egredien-
te anima sua opera requirunt. Tunc mala quæ sualerunt,
replicant, vt sociam ad tormenta trahant. Cum igitur hi
timores, atque hæc exanimationes quas S. Gregorius de-
scribit in morte immineant, eoque certiores, & maiores
quò status eminentior fuerit, quoniam eiusmodi status ma-
iora affert, magisq; implicata negotia, quid cogitandum
est, tunc animi, & mentis habiturum Cardinalem, cum &

Hom 19
in Euang.

præ-

præterita omnia bona effluxisse, & tot malis, totque angustiis virgeri se videat. ^{manere}
 nit hoc Hugo ille, cuius extant commentaria in scripturam
 vniuersam doctissima; qui ex Dominicanorum Ordine
 ad hanc dignitatem euectus, anno circiter M C C X X X.
 cum ad exitum vitæ propinquaret; ita dixisse fertur. Quan-
 to, inquit malle[m] vel elephantino morbo oppressus in
 meo paupere instituto vixisse; quam Cardinalis fuisse?
 Et tamen hic ex optimis fuit: sic enim acceperimus, non
 minorem in eo extitisse sanctitatem, quam eruditionem.
 Cuius etiam illud indiciu[m] est, quod ipse professus est;
 aliquando, cum mille Turonenses libræ (erat autem eo
 tempore grandis pecunia) offerrentur; non vt aliquid di-
 ceret contra æquitatem, sed vt aliquid reciperet, quod
 erat pro æquitate, omnino se reiecisse; & auersatum esse.
 Igitur nihil vtilius esse potest Cardinali, cum ad seipsum
 reuocandum à malo, tum etiam incitandum ad omne bo-
 num, quam, vt huius supremi temporis recordetur, eam
 quæ recordatione quam maximè ante oculos ferat. Quod
 nominatim traditur de Alexandro Oliua, qui anno M C C
 C C L X. ob. eminentem doctrinam, & religionem à Pio
 Secundo Cardinalis lectus; in domestico Sacello, Scriptorij
 cuiusdam specie, sepulcrum occulte extruxerat, in quo
 pingi iusserat, imaginem iacentis, & mortui Cardinalis,
 iidem quibus ipse erat lineamentis, cum hac inscrip-
 tione. In omnibus operibus memorare nouissima tua, & non
 peccabis in æternum. Hoc autem sepulchrum aperiebat
 quotidie clam omnibus, atque ibi oculis suis seipsum mor-
 tuum representabat. Idem igitur facere debeat omnes
 Cardinales, vt semper meminerint, quam semper sibi
 mors impendat, tum ob communem fragilitatem, vitæq;
 breuitatem, tum deinde ob casuum varietatem, à quibus
 ne ipsi quidem Cardinales immunes sunt, cum eandem
 naturam, & naturæ infirmitatem gestent, quam ceteri.

D, multa in multis documenta exitere, ut in
 Georgio Helffer, quem Eugenius IV. omnibus penè Cardi-
 nalibus contradicentibus Cardinalem crearat, hominem
 militaribus potius, quam Ecclesiasticis moribus, qui naui-
 cula Danubium transiens submersus est aquis. Itemque
 in Frederico Clugnio circiter eadem tempora, qui repen-
 tino cordis dolore, statim extinctus est. Theodorus quo-
 que Paleologus, quem Paulus II. Cardinalem fecerat, ex
 nobili sanguine Marchionum Montisferrati, periisse scri-
 bitur ex fortuito vulnere, quod acceperat impacta in ero-
 cium cultum palma dum esset in mensa. At Adrianus
 Castellesius cum Leonem X. fugeret honoribus, & facul-
 tatibus exutus, nullquam apparuit, obscuro & ignobili mor-
 tis genere alicubi sublatus. Quid multa? Ipsi quoque
 homines sunt, id est, mortales, infirmi, fragiles, neque
 eam fragilitatem immutat, vel minuit Cardinalatus, quæ
 re ipsos quoque oportet timere Dominum Deum suum, &
 subditos esse terribili, & ei, qui aufert spiritum Principum
 terribili apud Reges terræ. Quare cum hoc ita sit, ut Car-
 dinalium quoque vita, atque ea tota felicitas, quæ vitam
 hanc comitatur, tam tenui filo pendeat, & cum deinde
 post hanc vitam tot supplicia tot præmia proculsque mo-
 ritis, eos maneat, quid restat, nisi, ut dum licet omnia
 sua studia, omnem operam, curam, industriam, cogitatio-
 nem, mentem denique omnem in eo figant, & locent, ut
 vitæ sanctitate huius quem tenent, loci sanctitati respon-
 deant, suamque dignitatem, non ad sua commoda, sed ad
 Dei honorem, & obsequium dirigant, denique eos sem-
 pnestros Ecclesiæ præsent, quos esse voluit Deus, qui eos
 instituit. Quam in sententiam multa ad exhortandum
 dici possunt, sed omnium instar erit illa S. Bernardi exhor-
 tatio ad quendam Sanctæ Romanæ Ecclesiæ Cardinalem,
 quæ item convenit in omnes Cardinales, omnesque ut si-
 bi factam, & sibi scriptam accipere debent. Dico, inquit,
 non

Phil. 2.

Epist. 33.

non de presumptione, sed de charitate, quoniam iudicium graue ijs, qui præsunt, si non etiam prodesse laborant: & è contra, qui benè ministrauerit bonum gradum acquireret. Tu ergo dilectissime, & desideratissime Domine, declina obsecro magis, ac magis à malo, & fac bonum, ne inueniaris in Christi hæreditate quærens quæ tua sunt, sed memor esto semper Apostolici illius. Nihil intulimus in hunc mundum, haud dubium quia nec quicquam auferemus. Quamobrem eam, quæ immortalis est, animam serua carissime, ne qua occasione auelli, aut eradicari queat ab affectu cordis tui, quod Dominus loquitur in Euangelio. Quid prodest, inquit, homini, si uersum mundum lucretur, se autem ipsum perdat, & detrimentum sui faciat? Miseri prorsus, miseri, qui in bonis ducunt dies suos, vt in puncto in inferna descendant. Cum enim interierint non sument omnia, nec descendet cum eis gloria eorum, quoniam vapor est ad modicum parens. Hæc cogita dilectissime, & hæc meditare iugiter, & in corde tuo describe ea, nec à memoria tua vllatenus recedant.

Sap. 6.

1. Thim. 5.

1. Thim. 6.

Matt. 16.

Iob. 21.

Psal. 48.

Iacob. 4.

F I N I S.



*Claudius Aquavina, Societatis Jesu
Præpositus Generalis.*

CVM opus hoc de Cardinalatu, à q. P. Hieronymo Plato nostrę Societatis compositum, nonnulli eiusdem Societatis Theologi, quibus id commissimus, recognouerint, ac in lucem edi posse probauerint; facultatem concedimus, vt typis mandetur, si ita Reuerendis. D. Vicesgerenti, & Reuerendis. P. Magistro Sacri Palatii placuerit. In quorum fidem has literas manu nostra subscriptas, & sigillo nostro munitas dedimus. Romæ 21. Martij. 1602.

Claudius qui sup.

Locus ✕ Sigilli.

*Imprimatur. Fr. Angelus Ranucius Venetus
Magister, & socius Reuerendis. P. Magistri
Sacri Palatii Ord. Præd.*



R O M A E
Apud Gulielmum Facciottum
Anno CIO. IDC. II.

Errata præcipua sic corrige.

Cæt. 6. lin. 24. illa. illa eod. 26. prætet. præter. 13. 9. singulis. singuli. 14. 30. eis. ei.
15. 6. eundum. eundem. 16. 16. Damafum. Damafum. eod. 5. adiuncta. adaucta. 18.
14. potiti. positi. 29. 4. prium. primum. 31. 11. immortalus. immortalus. 36. 32. Leo octa-
uus. Leo nonus. 42. 2. hac. hæc. 43. 27. prohibeat. prohibet. 46. 19. tenuisse. tenuisse.
eod. lin. pen. ob. ab. 52. 13. confirmamus. confirmauimus. 60. 6. Pontifici. Pontificis.
65. 1. expetat. expetas. 63. 3. prouehendam. prouehendam. 67. 10. aque. æque. 78. 21.
ætatis. ætatis. 77. 4. turpido. turpitude. 79. 18. infecti. infecti. 80. 7. quinq;. quoq;.
eod. 33. corruptam. corruptam. 82. antep. auocent. aucupent. 87. 5. manca. manens.
99. 20. quadringenta. quadringentis. 107. 21. dextraxerit. detraxerit. 108. in tit. Car-
dinalibus. Cardinalis. 113. 17. sen. sensum. 114. 26. probtum. probum. 127. 22. Ba-
siliense. Conflantiense. eod. 4. greues. graues. 147. 18. Salmatio. plasmatio. 149. 30.
facilina. facilius. 155. vlt. qua. quam. 163. 4. diuities. diuites. 178. cir. med. conuenica.
conuenire. 190. 12. ob hoc. ab hoc. 203. 23. iudicio. indicio. 203. deterius. deterritus.
eod. antep. presfectus. profectus. 204. 2. intereat. intererat. eod. 26. affluxus. affixus.
205. 27. existimant. æstimant. 210. 12. eligunt. elegant. 212. 30. sui. suæ. 215. 16. quia.
que. eod. 24. discerere. disferere. eod. 5. affulgat. affulgeat. 225. 30. causam. causas. 232.
penul. reliquat. relinquat. 241. 21. idem. idem.





